



19469


Maq. St. Dr.


P



~~Ms. 1081.~~

VI. h. 12.





JOACHIMI AB HIR-
TENBERG PASTORII

HISTORIÆ
POLONAE

PARS PRIOR,

DE

VLADISLAI IV.

Regis extremis, secutoq; inde
interregno,

ET

JOANNIS CASIMIRI

Electione ac Corona-
tione.

Interferta Cosacorum

&

Tartaricæ

Simul gentis descriptio,
ac multa alia.

GEDANI,

Typis SIMONIS REINIGERI, Anno 1680.

Supremæ Voluntatis
ILLUSTRISSIMI ET REVERENDIS-
SIMI OLIM

DN. ANDREÆ TRSEBICII,
Episcopi Cracoviensi: Ducis Severiæ
Executoribus.

ILLUSTRISSIMIS ET REVEREN-
DISSIMIS,

DN. JOANNI SBĄSKI,
Episcopo Przemisliensi, Abbatix Sulecoviensis Ad-
ministratori, Protectori Testamenti.

DNO. NICOLAO OBORSKI,
Episcopo Laodic. Suffraganeo, Scholastico &
Officiali Cracoviensi.

DN. CASPARI CIENSKI,
Decano Cathedr. Cracov.

DN. ANDREÆ GRABIANOWSKI,
Canonic. & Archid. Cracoviensi.

DN. STANISLAO ROZRAZEWSKI,
Custod. Cathedral. Cracoviensi.


DN. STANISLAO CIENSKI,
Cantori Cathed. Gnesn.

DN. CHRISTOPHORO CHRONOWSKI,
Can. Cracov. & olim Illustrissimi Thesaurario.

DN. ALBERTO ZLOWOCKI,
Canonico Cracoviensi.

DN. JOANNI LUCKOWICZ,
Canonico Kielcensi.

19469. T Florus



Lorus meus, ILLUSTRISSIMI ET PERILLUSTRES DOMINI, succinctum, nec ingratum Orbi erudito rerum Polonicarum compendium, multis desiderium movit plenioris operis, quo, quæ brevibus ibi lineis adumbrantur, latius exponerentur, & quæ brevitatis causâ omissa essent, adderentur. Cui æquis-
simo voto pro virili parte jam obsequor. Quia tamen antiquioris Poloniae res togatae ac bellicae, prolixo satis nobilium ingeniorum labore celebratae, nostro minus indigent, recentiora duntaxat, & quæ nostrum fatigavêre seculum, longiore filo contexta, & sollicitâ multorum annorum curâ li-

mata, in lucem edere audeo. Ac primò quidem cum Cosacorum & Tartarorum infanda conjuratio, præcipuam novissimis Reipubl: bellis & calamitatibus, ansam ac materiam dederit, utrumq; hunc populum curatiùs, quàm ante à quoquam factum, depingere libuit, ut sciat melior Orbis, quàm barbaro flagello plectere nostra peccata irato Numini placuerit. Infelices deinde cum minori perfidorū illorum manu, postea cum innumero conjuratæ multitudinis numero conflictò, & his tempore supparem, sed immane, quàm intempestivum, verèq; infortunatum, fortunatissimi alioquin Regis *VLADISLAI* obitum, ac funus luctuosissimū, novi postea *Principis* electionem, inaugurationis solennia, Comitia, gravissimasq; de nutante tūm Reip: statu deliberationes, sententiasque Senatorum, & Ordinis nobilium: improspe-

rum

rum denique cum Duce Cosacorum,
 Chmielnicio, fortunâ suâ jam ebrio,
 pacis tentamen, multas simul ubique
 intertextas variorum literas & Oratio-
 nes, primâ hâc parte complexus sum,
 quæ secuta deinceps sunt, additurus,
 si mihi, annis & laboribus fesso, vitam
 Deus prorogare voluerit. Cæterum
 has ipsas plenioris Historiæ primitias
 cum magno Senatori, magno & Pa-
 trono meo *ANDRÆ TRZE-*
BICIO, piissimæ memoriæ Episcopo
 Cracoviensi, Duci Severiæ, dicare con-
 stituisssem, accidit præter opinionem,
 ut ingens ille & Nestoris ævo dignissi-
 mus Præsul, lucem hanc, quam noster
 iste fætus subire moliebatur, desere-
 ret. Post fata Atlantis illius, quem
 semper deflebit, nunquam satis lauda-
 bit hæc Respubl; ubi conceptus ex tan-
 tâ jacturâ dolor primos impetus fre-
 gerat, anceps me cura torisit, ad quem
 partus

partus iste, Patrino & susceptore suo
 orbus, dirigendus esset. Variè circum-
 ferenti oculos, *Vos Illustris. & Perillu-*
stres Domini, occurristis, quos constat
 defuncto illi Ambrosio nostro, insi-
 gnes ob virtutes, aliquos etiam ob san-
 guinis rexum, maximè æstimatos, ma-
 ximè dilectos fuisse, mihi verò multis
 nominibus suspiciendos, & vel ideò
 venerandos, quòd præclaram erga me
 & meos benevolentiam semper estis
 testati, ac porrò testaturos esse, cer-
 tum habeo. Neque enim veterem
 gratiam minuent, quin potius, ut spero,
 augebunt historici labores, quibus æ-
 ternitati Patriæ, & gloriæ Virorum il-
 lustrium, quorum non paucis vinculo
 generis innexi estis, ipsi quoq; variorum
 decorum plenissimi, contra oblivionis
 & temporum injurias, consultum imus.
 Suscipite igitur, *Magni Tutores*, hunc
 pupillum, quantumlibet typographi,
 ceu

ceu malæ obstetricis manib9, quodam-
modo deformatum, paterno gratiæ
Vestriæ sinu fovete, & contra invidiæ
insultus, patrociniis vestris protegite.
Valete, & in decus Ecclesiæ quàm diu-
tissimè florete. Dab. Ged. 2. Maij
Ao. 1680.

Illmar. & Perillustr.

Dn. D. V. Vrum

Officiosissimus

S.

JOACHIMVS PASTORIVS, Proton. Apost. Chel-
mensis, & nominatus Varmiensis Canonic, De-
can. Parochus & Offic. Gedan. ac Pomeran. ge-
neralis, Præpos. ad S. Albertum .S.R. Majestatis
Polon, Historic. Secret. & Commiss.

Pastori

PAstori illustris, decus immortale Tha-
lia.

Fallor & aut sacri proxima cura Pedi,
Proditā dum pridem Superis, tua scripta
revolvīs,

Et patrii relegis Sceptra Deosq; Lechi;
Jamque Ladislai & Casimiri nomina
adorius,

Tempora dum nobis tradere tanta pa-
ras:

Dī refovete Senem, precor, & Tu, Ma-
xime Regum;

Nec nisi, Te scriptō, desinat ista ma-
nus.

JOAN. ERN. SCHMIEDEN,
COS. GEDAN.

HISTO-



HISTORIÆ POLONÆ

De

Bellis novissimis

PARS PRIOR.

PRÆLOQVIUM AD LECTOREM.



*X*omni genere monumentorum, quæ luci publicæ destinantur, ardui maximè operis HISTORIA est. Rebus enim factisq; mortalium perennitatem, qualem dare aut ferre humana possunt, conciliare debet. Eam verò aliis conciliare non potest, nisi ipsa sese supra corruptionis periculum, temporumq; injuriam evexerit. Quod quàm difficile obtentu sit, expendunt ii, qui librorum fata, quorundamq; intra ipsa incunabula interitum non ignorant. Nimirum ad tantæ molis negotium, exquisitâ actionum eventuumq; humanorum notitiâ, judicio benè subactò, diligentia indefessâ, otio liberali, animo deniq; gratia odiq; experte opus est. Quares cum rarò ingeniis universæ contingant

A

sic

fit inde, ut pauci ad scribendam historiam accedant, aut, si accesserint, sub onere fatiscant. Jam ii, qui in ejusmodi opere defectus occurrunt, minimè omnium latere possunt, quia in id, quod ab Historico scribitur, multorum plerumq; animi intenti sunt. Quibus omnibus vel absolutissima scripta rarò satisfaciunt, ne dum ea, quæ vitio aliquo laborant. Nam & nationum plerumq; discordiæ ac certamina memoranda sunt Historico. Tum verò vix fieri potest, ut adversis æmulisve inter se Regnorum Provinciarumq; incolis idem placeat rerum narrator. Sicq; sæpe in quiete etiam armorum, partis alterius judicia bellum in Historiam gerunt. Aggravantur porrò scribendi difficultates, cum res, prout à manu administrantium adhuc calent, excipiendæ sunt calamo. Nam uti in talibus novitas ipsa plerumq; rapit legentium animos, ita eosdem privata ut plurimum stimulatio narranti conciliat, sæpiùs alienat. Pleriq; enim famæ suæ vel cum dispendio veritatis ab Historico consultum vellent. Uti equidem maxima pars mortalium, etiam bonorum & sapientum, post æterna cæli bona, nihil ferè magis expetit, quàm prosperam & diuturnam sui memoriam. Sed quemadmodùm homines actionum meritis, fortunæq; simul successibus.

sibus differunt, ita iidem haud pari modo ha-
 beri in Historiâ possunt. Hac enim speculum
 esse debet, faciem meritorum cujusq; bonâ fide
 referens. Unde fit, ut imagine sui, quam istis
 expressam & ad posteros abituram esse sciunt,
 alii delectentur, alii multum offendantur.
 Sunt, qui ipsi laudem non merentur, & eò in-
 iquiùs ferunt alienam. Itaq; in sui diminu-
 tionem accipiunt, quæ de alio traduntur glo-
 riosa, porroq; offensam, quam in æmulum,
 aut inimicum concepere, in Historicum evo-
 munt. Aliqui factionis suæ, aut morum et-
 iam gentilitiorum nimis delicati amatores,
 libertatem sequiora perstringentia pati non
 possunt. Aliorum verò austerus, & seculo
 rerumq; regimini obivascens genius immodi-
 cam libertatem desiderat. Quibus adeò non
 placebit, nisi multum subinde miscueris acer-
 bi, prorsusq; ad obtrectationem accedas, quam
 pronis auribus accipi, jamdudum acutissimus
 Historicorum dixit. Quosdam etiam senten-
 tiarum in sacris diversitas à vero, virtutisq;
 in adversis partibus repertæ æstimatione ab-
 strahit. Multi deniq; secretissima quæq; Prin-
 cipum consilia in Historiâ vestigant, quæ nisi
 reveles, perfunctorius videberis Historicus.
 At ea sæpè nec scire statim, nec tradere profe-
 rre licet, præsertim antequam ipsa sese effectus
 rerum explicuere.

Me, cordate Lector, ad hac, qua vides, scribenda, nulla virium, quas nimis tenues esse scio, fiducia; nulla quoq; otii, quod inter tot alia occupato exiguum sanè superest, copia invitavit. Sed & cum scripisssem, diu me à publicandi proposito, difficultatum, quas exposui, meditatio, tum præterea illud inprimis retinuit, quod quò diutius presisssem opus, eò & penitiora & certiora omnia me traditurum sperarem. Nam etsi ab initio acta & consilia publica ex tabulario Regio, literis Principum, Senatorum, Ducum belli, Legatorum, hominum deniq; aliorum ad introspicienda rerum arcana missorum, relationibus hauserim, quidusdam & ipse interfuerim: spatium tamen mora, nec exiguum, interponendum putavi, ut diligentius omnia conferrem, excuterem, ac temporis ipsi, quod verum à falso plerumq; non malè tandem discernit, limanda præberem. Et tantò minùs cruda, aut malè explorata promere audebam, quod in sinistra admodum Reipubl. hujus fata inciderit labor meus. In tali enim rerum vertigine, quò veriora scripseris, hoc major imminet offensa & invidia. Reticere quippe misera, vel colorare deformia, non decet historiam, & frustra aguntur, quæ in oculis omnium sunt, ac fama publicâ longè lateq; sparguntur, alicubi
etiam

AD LECTOREM.

5

etiam in majus augentur. Plerumq₃ enim
adverse hominum ac nationum res multis in-
super falsis onerari solent. At studiosa veri
Historia gentium quidem decora cum curâ &
fine livore, sed & dedecora citra insultatio-
nem memorat. Undè adeò in Romanæ Reip.
Scriptoribus, non Carthagines tantum, Anti-
ochos aut Perseos debellatos, sed & Furcas
Caudinas, & Cannas & Thrasimenos legi-
mus. Mibi equidem, ut homine ingenio
indignum videtur, cuiquam blandiri in Hi-
storiâ, ita obtreâre pro magno crimine ha-
betur. Quid enim hoc aliud est, atq₃ in pub-
lico orbis theatro bonâ existimatione alterum
exuere velle? quam ut dixi, bene nati, beneq₃
instituti homines inter carissima plerumq₃
habent. Optimum igitur tutissimumq₃ omni-
um esse arbitror Historico, animo stylog₃ mo-
desto, semotog₃ inprimis omni partium Stu-
dio, quàm maximè ubiq₃ studere veritati. Eâ
enim uti fortune vices mortalitati, nimis
quandog₃ sui secure, ob oculos ponuntur: ita
factis hominum merces sua rependitur, quam
ubi quisq₃, prout dignum se prestitit, recipi
offendi, si bonus, si iniquusq₃ debet, si
malus. Nam iniquis adversationibus latius
plerumq₃ fame ulcera diducuntur, magis
utiq₃ dispalescant. Illatam verò scriptoribus

injuriā virtus ipsa, & omnis laudabilium ingeniorum posteritas, ut suum vindicat. Caterū minimè dubius sum, in hoc opere benignum etiam Lectorem reperturum aliqua esse, quæ desideret. Certè in aliquibus hic justò brevior, in aliis contra prolixior videbor. Sed id utrumq; diverso argumenti merito, illud verò insuper relationum fide dignarum defectui, hoc copię earundem tribui velim. In tam vasto enim Regno haud pari facilitate ad unum omnia & singula deferri, quā spectari quæq; à singulis aut geri potuere. Mibi suffecit, nihil memorabile, quod scirem, incuriā transmississe. Neq; sanè in rebus, quarum exactam notitiam habere licuit, laudem brevitatis (inposterum tamen DEO volente diligentius servandæ) quaesivi. Tam enim graves Reipubl. paroxysmi sunt, qui hic describuntur, ut omnia eorum vel minima momenta pertinere videantur ad posteritatis curam. Et in tot illustribus togæ sagiq; negotiis, tot summis discriminibus describendis nulla utiq; diligentia potuit esse nimia. Ejus generis sunt Rebellionis Russicæ primi motus, & mox progressus ejusdem oppidò stupendi: universæ Tartavorum gentis robur, Rebellibus innexum, & unà cum iis toties grassatum in ipsis Polonia visceribus:

bus: Vladislai Regis decessus, Regno prorsus fatalis; exercitus aliquot miserè cæsi, aut fædè dissipati: publica multa super periculosis Reipubl. morbis, eorundemq; remediis, deliberationes: Regis novi post Vladislaum IV Electio, magnis difficultatibus constans, Coronatio ejusdem; Pereaslaviensis de pace negotiatio, Obsidio Zbarasiana sanè memorabilis, Sboroviana, & deniq; Beresteciana expeditio, & alia istiusmodi, posteritatis causâ & propter exteros talium curiosos, operosius exposita. Nec tenuioris ponderis erunt, quæ sequuntur, continuò adhuc cum seculo procedentibus ut negotiorum calamitatumq; nostrarum, sic remediorum prodigiis. Orationes varias, ut & literas haud paucas hîc inserui, quia quemadmodùm bella, ita togatas quoq; res à me vides expositas, illas inprimis, quæ in Comitibus contingere. Hæc enim in Poloniâ, ut constat, disertâ ut plurimum facit acris Civium indoles & delicata libertatis custodia. Sed & ipsa plerumq; adversa qualia hîc describo, ingenium facundiamq; acuunt. Neq; verò cuiquam affectum hîc à me sermonem vel epistolam autumes. Nam etsi scio, præcipuos Historicos permisisse hoc sibi, ego tamen in istis quoq; religiosior esse volui. Cumq; adeò literas & sermones ejusmodi, prout sonuissent, bonâ fide exceptos
nactus

naetus essem, in Latinum meis verbis traductos apposui, malens scilicet alienorum operum interpres esse, quàm fictorum autor. Plura excusare hîc possem & deberem; sed cætera Tuae, Lector, benignitati relinquenda censeo, quæ majorem meretur laudem & gratiam, cum ultro ignoscit.

HISTORIÆ POLONÆ

De

Bellis novissimis,

LIBER I.

EXordium mihi Historiæ,
Vladislai Regis extrema,
turbidæq; illo decedete, res
Poloniæ, & inprimis motus
Cosacici erunt. Qui ex pri-
vatis unius hominis offensis, paucorumq;
de eodem grege armatorum coitionibus
orti, assumptis dein auxiliis Tauricanis, con-
currenteq; ad novam fortunam universâ
Ruslicâ plebe, in immanem belli molem
Regniq; totius diuturnam calamitatem e-
valuere. Adjutum tempore malum est, quia
in Rempubl. non securam duntaxat, sed suâ
quodammodò felicitate laborantem, post &
Capite orbam, viribusq; adeò suis, defectu
vitiove regiminis, uti impotem inciderat.
Hinc magnis succesibus roborata rebellio,
cùm diu nec armis, toto Regno commotis,
nec interpositis etiam transactionibus satis
unquam solidè cesisset, aliis postremò va-
lidissimis gentibus in Poloniam munivit

A s

viam.

10 HISTORIÆ POLONIÆ PLENIORIS

viam. Quæ omnia dùm ordine narrare aggredior, de Cosacorum, qui primum operis argumentum & omnium apud nos bellorum ansa sunt, sede, genio, & moribus præmittendum aliquid videtur.

*Russiarum
divisio.*

R U S S I Æ, seu, quod apud veteres usitatius ferè est, Roxolaniæ nomen multas, easq; vastissimas Europæ Provincias complectitur. Quarum quæ à Livoniæ Lithvaniæq; finibus in extremum Septentrionem, & ipsum usq; glaciale Oceanum porrigitur, cæteris spatio terrarum longè amplior, sed eadem frigore, tum sylvarum paludumq; aviis, moribus deniq; habitatorum multò asperior est. Eam quidam Rusiam nigram appellârunt, vel quia in ultimi Septentrionis, longarumq; noctium caliginem recessit: vel à veteri incolarum habitu, qui & Melanchlænis istarum regionum populis olim nomen fecit. Nunc vastissimus ille terrarum tractus nomine ab Urbe Principe assumpto, M O S C O V I A dicitur: totaq; hæc regio ultra Europæ etiam fines patens, uni & infinitæ potestatis Dominatori subiecta est, quem Magnum Ducem, vulgò Czarum nominant. Cæteram verò Rusiam antiquum jus, tum vis armorum, aut spontanea accessio Poloniæ Regno innexuit. Illa enim pars, quæ RUSSIÆ ALBÆ appellationem

tionem habet, ad Lithvaniam pertinet. Pars alia sub montes Carpathios, & Moldaviæ Daciæq; confinia procurrit, & quia meridiano magis soli exponit incolas, RUSSIA RUBRA nuncupatur. Sed ultra has, alia longè potentissima regio est, quæ pariter generali Rusiæ nomine gaudet, discrimini tamen loquentibus Ukraina vocatur, eò quod finibus Regni Polonici, quæ id exercitatisimum jam dudum bellis fuit, prætexitur. Etenim inter Borysthenem, Tyram, Hypanimq; fluvios (ut alios minùs celebres jam non nominem) latè protensa, uno latere Moscorum Imperio, alibi Tauricæ, Moldaviæ, Daciæ, ipsiq; adeò Turciæ potentiæ objicitur. Sed quia illa antiquis etiam seculis, gentibus variis ferocissimisq; finitima fuit, jam tum collectâ hinc inde colluvie hominum, diversi, nec optimi semper generis, repleta est.

UKRAI-
NA La-
tinis
confini-
um no-
tat, à
Kray,
quod o-
ram seu
finem si-
gnificat.

Certè Dithmarus Episcopus Mersburgensis, qui millesimo decimo septimo anno Servatoris Chronicon sui temporis scribere cepit: *Omnem hanc Provinciam, uti & KIOVIAM ipsam, fugitivorum robore servorum, huc undiq; confluentium, & maxime ex velocibus Danaïs (accolas Danubiî vel Tanais, qui etiam hodie Donenses vocantur, notat) multumq; nocentibus Petine-*
gis (Pcu-

gis (Peucinatorum veterum reliquiis) *confistere* ait. Postquam verò Rusſorum vetus dominatio prolabi, atq; hinc quidem Polonorum potentiâ prævalente, illinc autem populationibus Tartarorum, qui occupatâ Tauricâ Chersoneso, vicina omnia longè lateq; pervagabantur, succumbere cœpit, magna paulatim terræ istius pars, præſertim, quæ Tartaris propior aut patentior fuit, in ſolitudinem abiit. Deſuncta deinceps bellis Pruſſicis, quæ cum Cruciferis diutiſſimè geſſerat Polonia, refrænare nonnihil Tartaros, avorumq; noſtrorum memoriâ, novas in hæc deſerta colonias inducere cœpit. Quibus defendendis, ſub Sigismundo Auguſto & Stephano Batoreo Regibus, excubitor impoſitus eſt exercitus, iisdeſq; conſervandis Magnatum quorundam latiſſimas ibi ditiones poſſidentium, fortitudo perpetim invigilavit. Ita ut iſtæ aſſidua quædam Martis arena eſſet: Polonis, campos uberrimos, & omnis generis fructuum, ſi colantur, feraces, uſui ſuo magis magiſq; aptare atq; ab invaſoribus aſſerere laborantibus. Contrâ Tartari eoſdem incultos atq; inhabitatos eſſe nralunt, in latioreſ populandi utilitatem; tum ut interjectâ hac ſpatioſiſſimi deſerti vaſtitate ſedes ipſorum à vi Polonicâ remotiores tutiores

*Campi
deſerti.*

tioresque essent. Ex istarum porro solitudinum latibulis facilior illis semper in terras, Regno Polonorum innexas, excursus patet. Hinc irruendi tempora speculari, hinc actis prædis occulere se consueverunt: accolis sequi raro audentibus, quia celeritatem illorum nōrunt, & longiùs persequentibus ab eodē hoste magnā hominum vi, & subinde furtim redeunte, nec minùs alibi à fontium penuriā periculum est, cū interim Tartari solito pabulo lacte & carne equinā nusquam destituantur. Horum autem populationibus priorum temporum Rusi non habuēre penē quod opponerent, quā colluviem hominum, rapien- *Cosaco-* di agilitate hosti illi quā simillimam, qua- *rum ori-* lem in aviis istis, certorum incolarum ex- *go & no-* pertibus, opportunitas & licentia prædandi *men.* numerosam subindē concivit. Quæ Cosacorum nomen vel ipsa sponte assumpsit, vel ab aliis accepit. Origo enim vocis, æquē ut ipsis his hominibus obscura & dubia est. Alii inter quos est illustris scriptor Piaſeci9, à pervagā & cuncta persultante caprarum (quæ Sarmaticā linguā Kozi dicuntur) agilitate dictos putant: qui & Cosacis ipsis initium fuisse tradunt ex caprarum pastoribus, quales hodieq; in finitimis Moldaviæ ac Hungariæ montibus degunt, homines

miræ

14 HISTORIA POLONIAE PLENIORIS

miræ velocitatis, sed eâ ad latrocinia abutentes. Varta his nomina, verùm à Cosacico planè diversa. Quod non tam iis datum video, qui montes, quàm qui flumina quædam atq; etiam maria reddidère infesta. Ita Cosacos Volgam, Tanaim, Borysthenem fluvios celeberrimos, Cosacos etiam Pontum Euxinum & mare Caspium audimus percurrere. Nam quod Josephus Bengorion maris Caspii decursores Chosaros appellat, errore factum puto: cùm Cosakos dicere debuisset. Mihi, ut fatear, quod res est, eò inclinât animus, ut nomen Cosacis à palmario ipsorum opere, famoso nempe illo per fluvios & maria decursu existimem sedisse. Perinde enim ut alibi simile genus hominum, Cursari à currendo, ita à Slavonica voce Chodzie primùm Chodziaci, postea Cosaci facile dici potuère. Audivi aliquando de voce hâc disserentem magnum, & ingenio prudentiâq; inter primos conspicuum Senatorem. Ille nomen hoc à navigiis, quæ in Poloniâ kozî vocantur, ortum arbitratur. Cæterùm qui nostris terris plus aliis innotuerunt Cosaci, duùm generum sunt, locis distincti, institutis moribusq; similes. Remotiores sub Mosci ditio-
ne Tanaim, antiquorum sensu terminum Asiæ, accolunt, & Donenses vocantur. Qui
Poloniæ

*Cosaci
duplices.*

Poloniæ subjecti sunt, sedem suam præcipuâ habent in insulis, quas Borysthenes, vulgò Dniepr, cataractas suas, quas mox describâ, præterlapsus, plurimas facit, & inde ii tum zaporoviani tum Nisovienses, quod inferioris fluminis partes, solumq; declivius habitant, appellantur. Alii Nisoviensium vocabulum ex Græcâ voce *νησος* ortum existimant, ut quasi insulani fuerint dicti. Borysthenes *Bori-* enim amplissimus & rapidissimus Sarmatiæ *sthenes.* fluvius, ubi quinquaginta circiter milliari- bus Germanicis infra Kioviâ procescit, angusto inter scopulosas utrinq; ripas alveo veluti strangulatur, cursumq; ejus plures rupium series, transversim porrectæ interse- cant. Sic, ut aqua istuc per tredecim veluti gradus saxeos, alios intra flumen latentes, alios suprâ, inæquali tamen altitudine emi- nentes, præceps ruat, non sine horribili strepitu: quia objectis molibus, magno im- *Catara-* petu illisus nec sine luctâ decidens fluvius, *ctæ, vul-* alio subinde atq; alio scopulorum ordine *gò Poro-* excipitur. Hæ cataractæ Russis *Porohi*, hoc *hi, unde* est limina: qui verò ultra eas habitant, *Zaporo-* Cosaci inde Zaporobiani vulgò (ut dixi *vianis* ante) Zaporovienses vocantur. Quibus *Cosacis* Borysthenes nutricius, protector & præci- *nomen.* pium delictum est. Hunc illi, tametsi ra- pidissimum, & tot rupibus impeditum, ul- tro ci-

tro citroq; summa facilitate decurrunt, ipsos quoq; cataractarum scopulos securè trajicere soliti. Et id pro specimine ac experimento veri Cosaci habetur. Cæterùm cataractarum illi ordines, cùm tredecim numero sint, singuli sua nomina habent. Nos, quia omnia hæc scire parùm fortassis Lectoris interest, præcipuos recensēbimus.

Codak.

Primus, *Codak*, ab ejusdem nominis flumine hîc Borysthenem subeunte appellatur. Et idem vocabulum Arci ibidem, sub auspiciis Vladislai IV Regis, à Stanislao Conjeppolscio Castellano Cracoviensi, & Duce exercituum, in Cosacicæ paritèr ac Tartaricæ licentiæ frænum, superioribus annis stru-ctæ, contigit. Medio inter decimam & undecimam cataractam spatio locus est, ubi Tartari in Poloniæ ditiones ituri, natatu Borysthenem trajicere solent, ripis utrinq;, subituros flumen, proniore, quàm usquam alibi, positu, recipientibus. Intra ipsa porò hæc cataractarum intervalla duæ insulæ sunt. Altera Strzelci vulgò dicta, passus septuaginta latitudine, ambitu quingentos circiter complectitur, cæterùm asperitate & præcipitiis cultum omnem humanum excludit, alitibus eò frequentatius quietiusq; habitaculum. Altera grandior ex rupe pariter totâ, sed minùs tamen præruptâ constat,

*Strzelci
Insula.*

stat, adeò ut habitationi non incommoda, ad vim etiam externam arcendam faciliè sufficiat. Hic ubertim genus quoddam ar-
 busti nascitur quod *Tavola* vulgo *Sarmati-*
co dictum ad expugnandas in equis urinæ
 difficultates solet adhiberi. Ex arbore in-
 sula ipsa nomen accepisse videtur. *Tavol-*
zani enim appellatur. Et quia undecimo
 cataractæ vicina est, hic ipse idem vocabu-
 lum obtinuit. Ultimus cataractarum, quia
 leniùs aquis fluvii obstitit, *Wolny* vulgò
 dicitur, & cum opportuno ad arcem vel
 oppidum recipiendum situ sit, nunc tamen
 omni ædificio cultuq; caret. Superatis o-
 mnibus Cataractarum obicibus ad *Kaspa-*
warite devenitur, locum à milio cocto nun-
 cupatum, quo nempe reficere se soleant,
 qui periculosas has fluvii quasi syrtes sal-
 vi evaserint. Inde modico spatio distat
kuczksow locus ab amne in *Borysthe-*
nem hic influente cognominatus, angu-
 stoq; dicti fluvii, in sinum se hic flecten-
 tis, alveo, tum Tartarorum trajectu insignis.
 Quia enim non supra quinquaginta passus
 hinc patet *Borysthenes*, & ripæ accessu faci-
 les, nullis etiam sylvis, unde periculum
 transeuntes metuere possint, inumbrantur,
 hac amant prædones illi flumen transnata-
 re, Hinc nò longè abest *Chorticza*, quam in

Tavola
arbusculum.

Tavol-
zani In-
sula in
Bory-
sthenes.

Tarta-
rorum
trajectus.

Chorti- duos se alveos partiens Borysthenes utroq;
oza In- brachio amplectitur, insulamq; facit, duas
sula. leucas Ruthenicas longā. Latitudo non ultra dimidiū milliare porrigitur. Quercetis hæc insula supra alias abundat, nec inundationib9 facile obnoxia est. Nobilitavit eandem Demetrii Ducis Visnovecii, fortissimi olim Herois, virtus. Is enim ut Scythas longius à Patriæ suæ finib9, illoq; inprimis, quē modò nominabamus, trajectu arceret, in hac insulā militiæ suæ sedem & robur fixerat: hostibus istum excursionum suarum obicem impatientissimè ferentibus. Unde & Chanus ipse Tartaricus, eò nervos omnes intendit, ut loco isto præsidia Polonica excuteret, dictumq; Ducem, muro insulam sepire molientem, obsedit. Is ubi vires Tartaricas diu invictā fortitudine sustinuerat, tandem, deficiente alimento, ipsiq; jam equis in cibum absumptis, naviculas Cosacorum cum suis conscendit, sicq; fluminis & scopulorum adversa feliciter eluctatus, Czerkasos incolumis pervenit. Ultra Chorticzam latius excurrit Borysthenes, ipso ei devexioris soli situ spatium pandente. Et
Wielki in eundem non longā hinc ad insulam,
Ostrow. *Wielki Ostrow* dictam, torrens rapidissimus (Konska Woda) præcipitat. Qui tamen majori flumini sociatus magis, quàm immixtus, aquas suas seorsim & alveo proprio

ad duas penè leucas vehit. Alicubi etiam
 abiens prorsùs separatur, insulamq; facit,
 quâ multo fabulo oppletâ, post modicum
 intervallum in Borysthenem redit. In eun-
 dem hunc ex adverso, sed inferiùs paulò,
 alius amnis Tomahowka illabitur, datq; *Toma-*
 nomen Insulæ non magnæ quidem, sed vim *howfska*
 atq; arma parantibus arcentibusve Cosacis *Insula.*
 apprimè opportunæ. Nam hæc & sylvarum
 densitate quosvis ausus occulit, & quia ex-
 trema ejus prærupta ac valde edita sunt, pa-
 tet inde prospectus in loca circumjecta, a-
 deoq; si cui aggredi lubido sit, is nullo ne-
 gotio prohiberi potest. Eâ asperitate cum
 hæc sit insula, Cosacis gratisima semper se-
 des fuit, ut credas cum naturâ id hominum
 genus luctari velle. Hîc radix, seminarium, *Præci-*
 velutq; Gymnasium præcipuum istius tur- *puû lati-*
 bæ. Hîc duritiem corporum adversus cœli *bulum*
 injurias, hîc ferociam animi induere soliti: *Cosaco-*
 vetustissimis quibusq; Cosacis alios istîc *rum.*
 haud molli manu ad labores & frugalita-
 tem, quibus ipsi insuevere, ducentibus. A
 Tomahowka non procùl distat locus, ubi *Czerto-*
 Czertomelicus amnis Borysthenem ingre- *melicus*
 ditur. Qui hîc latius quàm usquam alibi *amnis.*
 exspatiatus, & ut alveo, sic viribus multifa-
 riam divisus latior, plurimas insulas effi-
 cit. Illæ quia admodum numerosæ, pleræq;

autem spatiis angustæ, nec nisi tumulorum instar extra flumen eminent, subinde aquis obbruuntur, nec habent certa nomina: Piscatui commodæ, quia exiguum laborem largissimâ plerumq; capturâ pensant, cæterum accessu aspectuq; difficiles, accedentibus inhospitæ, nisi his, quibus genius & assuetudo tristia omnia grata fecit, Cosacis. Una in medio omnium sita, cæteras magnitudine antecedit, & rudera ostentat veteris alicujus arcis reliquias, quas eminentior loci situs, undis etiam cum tumidissimæ sunt aliaq; omnia operiunt, inaccessas facit. In istis insulis intimus & securissimus

Insule Cosacorum recessus est. Nemo enim, præter illos, hos fluvii in tot æstuaria dispersi anfractus, ac quasi mæandros, ingredi un-

**Quâ de* quam ausus est: & Turcæ aliquandò, cum *re qui* Cosacos ex Ponto Euxino cum prædâ replura vertentes, longiùs persequerentur, has circumvolat, ca angustias pessimè accepti sunt. Hîc itaq; consulat spolia, opes, & quicquid latere vellent Cosacorum, faci, recondere consuevêre. Hîc *alicubi mû Be-etiam sub aquis machinas bellicas, ne, quibus non

um, Nobilem Gallum, Virum de Poloniâ, in quâ sub Magn. Conjeppolscio, ductor cohortis & simul Architectus bellicus diu cum laude militavit, ipsâ etiam Ukraina & receptaculorum istorum Cosacciorum descriptione in publicum datâ præclarè meritum.

bus non oporteat, exponerentur, jam olim abstrusas, nonnulli memorant. Quicquid sit, his utiq; locis præcipua semper conciliabula sua habuerunt Cosaci. Et hinc plerumq; prima eorū Effulsere arma, quoties in Turcas, Tartarosve, vel etiam Polonos mota sunt. Qui inter eos veterani erant, his in locis vel degebant perpetui, piscibus venatue vitam tolerantes, vel huc subindè ventitabant. Ad quos alii similis notæ ex terris vicinioribus, Kioviensi inprimis, æstate, & quoties aliquid struebatur, magno numero confluebant. Nec agrestes tantum, sed sub- *Cosacix* inde etiam ex Nobilibus aliqui, quibus cum *agrestibus* fortunâ vel otio suo malè conveniret. Col- *bus con-* lecti in unum, Tartaris plerumq; insidia- *flati.* bantur: quos seu per neglecta camporum *Tartar-* cum familiâ armentisq; securiùs errantes, *ris inst-* seu prædæ intentos implicitosve, ad ali- *diantur.* quem Borysthenis trajectum invadere repentè, raptare & cedere gestiebant. Non *Et Tur-* rarò secundo Borysthenis flumine in pon- *cis infe-* tum Euxinum invehuntur, præsidio Turci- *sti.* co, quod ad Oczakoviam, fauces maris illius ad duo milliaria patentes custodit, inobservati, sæpe etiam insultantes. Non navibus freti, qualibus maria alibi trajici solent, trajectusq; olim est Pontus Euxinus, cum Rusi veteres plusquâ ducentarum navium

classe Constantinopolin, imperante ibi Ro-
 mano, circa annum Christi nonagesimum
Cosaco- sexagesimum, invasêre. Sed Cosaci lembis
rum na- utuntur, quos sexaginta circiter pedum lon-
vicula. gitudine, ex truncis tiliarum fabricant.
 Hos enim cavant, & in formam Scaphæ
 quinquaginta amplius armatos cipientis,
 ad lentum ignem arte singulari diducunt.
 Intûs verò coriis, & ad latera manipulis
 junceis, apte inter se nexis, munitos succin-
 ctosq; in mare impellunt, procellarum flu-
 ctuumq; securi. Dubium an origine, vitæ
 utiq; & morum similitudine referunt vete-
 res Zygos & Heniochos, gentes pariter Sar-
 matici generis, quorum in decurrendo hoc
Prope eodem mari velocitatem & lembos præda-
etiam si- eodum mari velocitatem & lembos præda-
miles lē- torios Strabo lib. XI. describit. Fuit, cū plus-
bos Ta- quam centum scaphæ tales, multa armatorū
cit. hist. cosacorum millia, in Natoliam exposuêre,
lib. 3. de- & magno isthîc terrore, fugâ ac deniq; pau-
perie factâ, multis spoliis dites, ad sua re-
versæ sunt. Multi adhuc seniorum memi-
Irrupti- nêre tempus, cū non Varnam modò, O-
ones Co- czakoviam, Techiniam, Belgradum, sed
facorum Trapezuntium quoq; locupletissimam Asiæ
in Tur- urbem, & mox Synopen, Mithridatis olim
ciam. Regiam sedem, expugnârunt: & ex ipsis
 deniq; Constantinopolitanis suburbiis in-
 gentem prædam, nemine prohibente, ab-
 stulere

sulère. Ea istis hominibus navigandi bel-
 landiq; audacia, ea pernicitas est. Accedit,
 cùm quid moliuntur, ingens sobrietatis
 custodia, magnum ad res gerendas adju-
 mentum. Neq; enim in lembos ullum po-
 tum generosiorem inferre licet, ne fortè
 ebrietas vigilantia cuiusquam agilitatem-
 ve hebetet. Cibo etiam ut semper, ita in *Viciis*
 expeditionibus simplicissimo laborem to-*Cosaco-*
 lerant, milio inprimis victitantes, quod in *rum.*
 vicinis Borystheni oris felicissimè provenit.
 Habitu iidem utuntur facilè parabili. Quip-
 pe ex ovium tergoribus rhenones hyeme
 gestant, æstate panno laneo teguntur, albi-
 cante plerumq;, quippe qui apud Rusos
 penè omnes domesticâ texti manu solet, nul-
 loq; colore inficitur. Arma iis, non ut *Arma.*
 olim, harum terrarum incolis sagittæ, sed
 sclopi, leviores tamen, & ita comparati,
 ut quemadmodùm feras, ita quidvis aliud
 ictu certissimo feriant. Neq; hos aliundè
 quærunt, cùm plurimi inter ipsos sint, qui
 conficiunt, uti & pulverem pyrium: terris
 istis omnia hic necessaria abundè semper
 suppeditantibus. In bello his præcipuè sem-
 per eminuère. Inediam, labores, aëris in-
 jurias, supra omnes etiam asperrimos po-
 pulos, ferre, ut ante innui, nòrunt. Hosti-
 bus non modò sclopiis suis, sed inprimis

24 HISTORIÆ POLONIÆ PLENIORIS

etiam arte fallendi formidabiles. Quibus inexpectati, & vel per gramina arrepentes, caliginosâ aut imbribus fœdâ nocte superveniunt. Suas ipsi stationes, jactis subito aggeribus, vel carris, quibus cuntes impedimenta vehunt, circumdant & pertinacissimè defendunt. Istis moribus & mores secutis successibus crescebat olim & animus & numerus Cosacorum. Sed diu sine lege egere, eodem duntaxat licentiæ & prædærum amore invicem vincti, furtorum tamen inter se semper abstinentissimi. Unde adhuc si quid vel minimum cuiquam incuriâ vel casu periit, id ab inventore, si possesorem noverit, sine dolo redditur, aut in loco publico, præcipuè inter machinas bellicas, depositum manet, donec repetat possessor. Postea eodem tempus & necessitas sub certa etiam signa colligi & imperia pœnasq; militares ferre docuit. Jam dudum itaq; Duces suos habent, quibus & Legatos, & Tribunos, & Consiliarios, Assavulos ipsis (corrupto fortasse ex Græco *Βελη* vocabulo) dictos, adjungunt. Paucis tamen nominibus magnum plerumq; exercitum complectuntur. Nam legiones eorum, quibus Tribuni singuli præficiuntur, multa hominum millia, sæpè plusquam septem continent, diverso à cæteris gentibus

bus more, ubi nunc pauca centuriæ legionum nomen circumferunt, non alio ferè fructu, quàm quod militare dignitatum nomina multiplicantur, ambitiosis & sæpè haud alia præmia militiæ accipientibus, non ingrata laborum autoramenta. Consultantium verò maxima semper vis est in favore & consensu totius multitudinis, quam vulgò *Czern* vocant. Ea turbida & facile mutabilis, incertam plerumq; & sæpè admodum brevem Ducis vel Præfecti inter ipsos potestatem facit. Græci omnes, paucissimis exceptis, ritus sunt, eòq; præcipuè respicere illos cæperant, quotquot in Rusiâ eorundem sacrorum, post haberi aut premi sequerebantur ab aliis. Inprimis verò Nobiles isthic & Magnates quidam obliquiores in illos esse videbantur: quippe quorum subditos vicinia illius turbæ impatientiores laborum & servitutis reddebat, ferocissimo quoq; isthic solutis moribus, victu facili, perq; sanguinem & decus quæsito ævum agere malente, quàm domi ingemiscere glebæ, & annum, flagraq; expectare herilia, aut onera exactionum ferre. Subinde & Turca sollicitatæ per ipsos pacis accusabat Poloniam; arma contra minans, nisi istos Rex excinderet aut cohiberet. Et ad Chotimense bellum eâ maximè causâ

*Cosacorum re-
ligio.*

*Si nobilibus ex-
xosi.*

*Cosacos
Turca
incusat.*

succensum se ferebat Osmanes; cùmq; postea indomitos armis Polonos, & impigram ad pericula Cosacorum ipsorum virtutem expertus, ad pacis conditiones flexisset, in his potissimo loco caveri sibi voluit, Cosacos à navigatione Borysthenis, & inprimis

Cosaci Ponti Euxini prohibitum iri. Ex eo tem-
refrena- pore accidi istorum vires, Polonis multum
ti. annitentibus, capere. Et jugum quidem illi diu & multo sanguine fuso, propulsare primò, mox & susceptum excutere, aliis subinde atq; aliis Ducibus, ut alibi narrabitur, tentârunt. Sed tandem ubi à Stanislao Conjecpolscio, & Nicolao Potocio, fortissimis viris, ad Caucovum, Pereşslaviam, Starcum, & Cumeicum, memorabiles passi essent clades, inde ad humilioris obsequii patientiam redacti sunt. Porroq; eos Borysthene, firmatâ ad primos hujus scopulos arce Codacanâ, dein ab Euxini etiam maris navigatione exclusit Respublica, contractoq; eorum in sex millia numero, novis, sed quæ ipsis iniquæ videbantur, legibus, reliquæ suæ militiæ innexuit, distributis ad vitam tolerandam agris, & custodibus ex Nobilitate Polonâ additis, quorum sub nutu agerent, imperio Ducum Poloniæ audientes, & ad subita necessitatum publicarum parati. Post transactionem Anno

M DC XXXVIII. factam, satis quidem illi quieti & in officio mansêre: aliquando tamen non eo loco, quem viri militares mererentur, se haberi querentes, intra animum verò haud dubiè ad libertatem amisam suspirantes, & occasionibus intenti. Transactioni illi inter alios Bohdan⁹ (quod nomen Sarmaticum Theodatum interpretari possis) Chmelnicius interfuit: Nunci-
 cius tùm etiam, cum binis aliis, ad Comit-
 tia ejus anni à Cosacis missus, cætera non
 ultra Centurionis adhuc dignitatem, cui
 postea Scribæ Castrensis munus accessit, in
 legione Czeherinensi progressus. Sed ultra
 sapiens, & ut ex eventu didicimus, flagel-
 landæ Poloniæ, factorum dispositu, & ab
 ingenio nimis quàm idoneus. Animi equi-
 dem callidi & versatilis insitam vim, usus
 postea rerum, tùm Turcicæ Tartaricæq; ,
 ac rarior deniq; inter Cosacos Latinæ lin-
 gvi, nec non Reipubl. Polonæ peritia,
 jamdudùm ad nova ausa acuerat. Unde &
 multis antè annis suspectatus fuit Duci e-
 exercituum Conjecpolscio. Et Rex ipse
 Vladislaus, cùm de bello in Orientem susci-
 piendo deliberatio incidisset, non alium
 exercituî Cosacorum, quem ad 12000. pro-
 tendere decreverat, regundo, judicavit a-
 ptiozem. Sed quibus ille stimulis actus,

*Chmel-
 nicii ini-
 tia.*

*Chmel-
 nicium
 suspectat
 Conjec-
 polcius
 senior.*

præter

præter spem & judicia omnium, ungves aliò destinatos, maternis Reipubl. Polonæ visceribus impresferit, jam memorandum est; quolibet legentium haud dubiè cum admiratione expensuro, quàm parvâ ex scintillâ ingens incendium oriri possit, ubi ea in materiam capeffendo igni maturam

Causa atq; idoneam inciderit. Non lubet verò
remotio- nunc ingentem flagitiorum licentiam per-
res sedi- sequi, quæ discinctis longiori pace mo-
tionis ribus, effrenatiùs per Poloniam grassata est.
novissi- Princeps haud dubiè causa, ob quam ira-
ma. tum Numen, inflicto tam gravi flagello, antiquæ virtutis & gloriæ luxuriantem, & sui penè oblitam terram admonere voluit. Neque occultas, causarum, quibus quidam in tam ardua cæpta impulsum ferunt primû seditionis authorem, operosè nunc referam, quippe incertas & nonnisi suspicionibus, quibus non lubens adsperferim Historiam, innixas. Sufficit meminisse, quod ante jam innuimus, licentiæ asævetum, & non jugi tantum, sed & regiminis malè patientem populum asæduò vestigasse, quâ ista imperii severioris velut custodiâ elaberetur. Nec defuisse, qui occultè illis persvaderent, suæ, id est, Græcæ religionis, sub alieno dominio gemiscentis vindicias haud aliunde quàm à virtute Cosacorum expectandas.

Religio-
nis sti-
mulus.

standas. Ista clam agitantibus pergratum accidit, Regem Vladislaum bellum meditari, cujus præcipuum instrumentum Cosacorum exercitus futurus esset, augeri ideò jussus aliquot millium capitum accessione. Bella hæc occasio fore videbatur, armandi in Rusiâ plurimos, qui nunc segnitie vel ingloriis laboribus ævum tererent.. Simul exercitus Cosacorum hac occasione & numero validior, & operibus bellicis spectatior redditus, datâ opportunitate, asserendæ & suæ & omnis Rusicæ gentis libertatis, eximiè aliquando arma sua impendere posse credebatur. Sed malum hoc semel exorsum multæ deinde res longè lateq; provexere, in ipso Historiæ hujus contextu, cuivis facilè & ultrò animadvertendæ. Interquas non immeritò Coloniarum in extrema camporum deserta recens deductarum frequentiam numeraverim. In has, per datæ in annos aliquot libertatis invitationes, ingens hominum turba, ac propè dixerim, sentina confluit. Ferè enim illò, ex aliis Rusiæ Poloniæve partibus ferocissimus quisq; multi etiam, qui bonis suis adefis, aut scelere commisso, famemfuremve alibi timerent, se receperant; omnesq; aut armati veniebant, aut istic armabantur, quò scilicet adversus Tartarorū vim &

Cosacorum exercitus augeri à Rege jubetur.

Coloniarum novarum numerus seditiosus est adjumento.

vim & insidias se & oppida sua levi opere munita, tueri possent. Illi enim Scythici prædones subitis asfultationibus adeò omnia istic infesta reddiderant, ut vix nisi gregatim armatiq; oppidani ad curanda necessaria progredi auderent. Hos verò alioquin soli, ingenio suo uberrimi, facunditas, victu facili, laborum securos vitâq; solutiores, reddebat: adeò ut computationibus plerumq; tempus tererent, de se familiâve parùm solliciti, onerum herilium immunes, tantoq; adeò impotentiùs felicitatem suam ferentes, quod in servitute nati libertate corrumpebantur. Adhæc, Nobilitatis proceres ex plebe illâ rusticâ robustissimos & agillimos quosq; in custodiam corporis sui, & ad casuum periculorumq; fortuita, sæpè etiam ad pompam magis selegerant. Qui more militari pedem referre, servare ordinem, arma arte tractare, à Germano aliquo Ductore eruditi, habitu insuper externo, veros Germanorum Dimachas, vulgò Dragones, cùm gente Rusfi, religione Græci essent, mentiebantur. Genus hoc militis placebat plurimis, ob compendium sumptuum, & quod domi videbatur jam haberi, qui hætenùs alibi fuisset quærendus. Nec minùs Colonia (de quibus paulò ante) privatim publiceq; utiles censeben-

*Rusfi a-
gresses
in satel-
litium
Nobiliù
adsciti
arma
tractare
discunt.*

censebantur erantq; reverà. Sed ut optimè cogitata, facile in perniciem hominibus, irâ fatorum urgente, vertunt; ita utrumq; hoc destinatum Reipubl. universæ, pessimè, ut in progressu Historiæ patebit, cecidit; futurum sanè memorabile in omnem posteritatem documentum, non esse facilè armandam multitudinem, illam præsertim, quæ causam vel habet, vel habere sibi videtur, cur fortunam suam mutatam velit. Nam profectò, ubi illa vires suas circumspicere atq; intelligere cæperit, spe impunitatis mordebit frena, & Duce oblato quæsitive Dominis suis rebellare, quàm parere malet. Cæterum, quicquid hætenus causarum refero, ignis fuit sub cineribus latens, quem in apertum demum oblatae occasiones prolicuère. Has verò ipse ille Chmelnicius in literis, ad Nicolaum Potocium, Castellatum Cracoviensem & Ducem exercituum scriptis, promit, haud dubiè aliqua in majus augens, ut solet quisq;, quantum potest, calamitates suas facundè queri. Interim vera multa sub esse, omnes, quorum non interest in diversa niti, fatentur. Præcipuè verò in iis Czaplinscium Czeherinensis territorii subpræfectum incusat, primumq; stimulum ad nova molienda sibi fuisse refert. Cum quo tali ratione

*Offense
Chmel-
nicii.*

*Czaplin-
ski sub
præfect^o
infestus
Chme-
lincio.*

tione ortum ei jurgium, & postea inimicitia fuit. Possidebat Chmelnicius in eodem Czeherinenfi territorio agrum à Patre suo acceptum. Qui gente Lithvanus, ortu, ut ferunt, Nobilis, cum nomen militiae Cosacorum dedisset, unde unice, ducta etiam uxore Ruthenâ, vitam sustentaverat more istius generis militum, quibus aliud stipendium non dabatur. Sed post Patrem ad Czechoram captum, & in Turciam abductum, filius ex Tartarorum vinculis à Matre redemptus ruris paterni limites latius extendere cæperat, licitum id videns usitatumq; in terrâ, non adeo tum referta incolis, & Scythicis populationibus plurimum infesta. Postea verò, cum Duces exercituum, cohibitis Tartaris, habitandi securitatem longius promovissent, plures affluere cultores, atq; inde agrorum limites curiosius arctiusq; haberi cæpère, Polonis, Magnatumq; inprimis ministris sedes hinc sibi, quâ commoditas placuisset, firmantibus. Inter alios Czaplinskius ille, quem nominavi, fundum ibidem à Stanislao Conjeppolscio, Castellano olim Cracoviensi & magno exercituum Duce, impetratum, conquestis haud segni curâ operis, excolebat: eo faciliore successu, quia cum territorii Sub-Praefectus esset, omnia sibi habebat promiora.

niora. Inde cupiditas crevit ampliandi possessionem: & quod Chmelnicius plus aliis tenere istic videretur, eum parte agri, quam nullo liquido jure, sed ut vacuum ille occupâsset, impetrato à Præfecto territorii consensu, exiit, ex aliâ etiam quâdam interioris, ut ferunt, admisionis familiaritate homini infensus. Cosacus aliquamdiu contrâ nitebatur, preces, minas, atq; etiam literas, non à summo tantum exercituum Duce Potocio, Conjecpolscii defuncti successore, sed à Rege ipso Vladislao IV. opponens. Sed frustra fuit: quippe *Chmelnicius* *exiit* *fundo.* agro & incompensationem damni quinquaginta florenos accipere jussus est; Multa hinc inter illos lis, & ut apud infensos solet, dicta & facta omnia adversa. Sed acceptis damnis acerbior contemptus Chmelnicio fuit, cum & publicè in foro filium suum, jussu Czaplinscii verberatum, & per speciem tributî equum sibi ademptum intellexerat. Accidit in super, ut strepente de Tartaris Czeherino imminentibus rumore, vitæ periculum Chmelnicius incurreret. Nam cum copiarum militarium proximæ obviâ procurrissent, intermixtus iis Chmelnicius à socii militis frameâ ictum accepit, quem nisi galea non penitus dirupta represlisset, lethalem sibi futurum fuisse,

*Incusa-
tur ma-
larum
molitio-
num.*

*Chmel-
nicus
captivus
libera-
tur à
Krzyce-
vio.*

ait ipse in literis suis. Miles ille Tartarum sibi creditum, inquem incurreret, obtendit. Chmielnicius aliis incentoribus structum facinus credebat, jamdudum ante infida sibi omnia & undiq; tendi infidias, carceremq; aut necem imminere ratus. Ac sanè unus ex ipsis etiam Cosacorum Tribunis, Romanus Pestá, incertum an contrariæ factionis studio, an ut magnis ausibus parem destinatumve suspectans, multa ei sinistra ante hanc & objecerat, & minatus erat: cui etiam Proceres quidam aures præbere, & in Chmielnicium indies obliquiores esse cœpère. Unde in carcerem compingi illum Dux exercituum jussérat, quod inprimis sinistra consilia in Vexilliferum Regni Conjecpolscium è Tartarorum tùm suibus multâ cum prædâ revertentem, injerat cum aliis Zaporovianis. Præcluso enim reditu incipere illum meditatus fuisse dicebatur. Sed è carcere hominem, Stanislai Krzycevíi Nobilis Lithvani, legionis Czeherinensis, ad quam Chmielnicius etiam pertinebat, Præfecti interposita fides liberavit, magno & Reipubl. & Krzycevíi ipsius, ut postea patebit, malo. Chmielnicius istæ, ut ipse interpretabatur, injuriæ ac contumeliæ eò penitiùs urebant, quòd, ut ante innui, non ita dudum benignû Aulæ in se vultum animumq;

mumq; Vassaviæ cognoverat, ubi ad bel- *Chmiel-*
 li in non nominandum hostem movendi *nicius*
 secretum erat admisus. Quinimò postea *favore*
 Rege mortuo, jactasse is fertur, sibi cum in- *Regis*
 jurias suas & neglecta, de satisfactione, jus- *abuti-*
 sa Regia quereretur, ostensum à Principe, *tur.*
 quem gestabat, gladium. Quod deinde in-
 ter Nobiles sparsum, prout quisq; Aulae
 consiliis æquus vel adversus esset, ita fidem
 & judicia reperit. Quicquid sit, favori
 Aulico malè fusus ille, non erga adversarios
 tantum suos pertinacior fuit, sed & priva-
 ta, quæ accepisse videbatur, damna & con-
 tumelias vel summo terrarum malo ulcisci
 statuit: audacius consiliis suis ipsa blandi-
 ens specie necessitatis, cujus durissimo sci-
 licet telo ad extrema omnia urgeretur. Sed
 haud dubiè præter necessitatem occultis
 ambitionis stimulis ad novam in turbido
 quarendam fortunam excitabatur. Itaq;
 infandam ordiri telam moliens, in locum
 florentibus æquè & laborantibus Cosacis *Chmiel-*
 usitatum, insulas nempe Zaporovianas, *nicius in*
 quarum situm antè memoravimus, ingru- *insulas*
 ente jam hyeme, profugit paucis Comita- *Zaporo-*
 tus. Sed multos post exemplo & spe simili *vianas*
 eodem traxit, à nonnullis etiam, rerum *fugit.*
 præsentium fastidio, jam dudum Chmielni-
 cium ad pessima quæq; stimulantibus, &

*Repellit
missas à
Potocio
copias.*

*Excusant pri-
mam ho-
stilita-
tem Co-
saci.*

*Cosaco-
rum
querela.*

mox consilia ac fortunam sociosantibus, præ-
ventus est. Brevi certè tempore ad eò excre-
vit profugorum numerus, ut motæ in illos,
jussum summi Ducis, velut in excubias ordi-
narias, aliquot Cosacorum, tum adhuc fi-
delium, cohortes, nullâ re effectâ, & majore
re accepto, quàm dato damno recesserint.
Primus hic actus hostilitatis fuit, sed post
hunc quoq; tam causæ, quàm viribus malè
fidens, ac calliditate moram rebus suis sta-
biliendis quærens Chmielnicius, & qui cum
eo erant, armorum necessitatem deprecabantur.
Certè literæ eorum ad militiæ Ducem Potocium,
post hunc primum congressum scriptæ, multam
modestiam præferunt. Non se, ajunt, ullâ
licentiæ aut novarum rerum cupidine, sed
gravissimis injuriis, deperculationibus
contumeliis actos, relictis rebus suis, in
asperas istas, & inhospitas insulas seces-
sisse. Nimum scilicet & intolerabile fuisse,
quod in ipsos sibi non Præfecti tantum, sed
& Judæi, spretissima alibi per Poloniam
natio, permiserint. Frustrâ avaritiæ & crude-
litati istorum non tantum Ducis exercituum,
sed & Regis auctoritatem oppositam. Nec
in Tribunis suis sibi quidquam præsidii reli-
ctum, qui potentium libidini assentando suas
augeant res, miserari ceteri gregis sortem
nesciant. Et jam in eadem vel supplicium
misero-

miserorum nimium properos accursisse, sed à Numine seva molientibus haud propitio necessariâq; honestè se tuentium virtute repul-
 sos. Equum esse ut ab iniquitate malè do-
 minantium in posterum immunes, Regiis pri-
 vilegiis fruantur, qui Regiæ voluntati & usui
 Reipubl. se & sua omnia consecrârint. Ex-
 cusant eadem literæ Chmielniciûm, concite
 seditionis malè accusatum ferentes, quem-
 pariter nihil aliud, quàm infesta machina-
 tiones, calumniæq; inimicorum, inprimis
 Romani Pestæ, qui olim seditionis autor, eâ-
 dem maculâ nunc innocentes polluere velit,
 lare suo expulerint. Majore specie quàm
 fide composita videbatur epistola Potocio,
 non jam verba profugorum, sed ausa repu-
 tanti: nihilominus Duce amoto, reliquis
 consilium animumq; defore existimans,
 Chmielnicio plenam omnium hætenus fa-
 ctorum impunitatem pollicitus, persuadere
 conatur, ut relictis Zaporavianis suffugiis,
 ad se veniret. Sed is tergiversans primum,
 mox ceteris acerrimè dissuadentibus, ven-
 turum se penitus negat. Hinc iratior Poto-
 cius, & nihil jam boni sibi de istis pollicens,
 memor deniq; quibus difficultatibus & pe-
 riculis, ante annos aliquot, ferocem illam
 hydram perdomuisset, jam novis capitibus
 repullulantem, properè & modis omnibus

*Chmel-
 nicium
 vocat ad
 se Poto-
 cius.*

*Potocius
 in
 Chmel-
 nicium
 decernit
 bellum.*

*Disva-
det ar-
maKisse-
lus & Lu-
bomir-
scius.*

*Chmiel-
nicius
proscri-
bitur.*

comprimendam arbitrabatur. Sed erant alii, qui mollibus adhuc consiliis, & potius prudentiâ, quàm vi cum isto hoste agendum censerent. Inter quos accipio non Adam tantum Kisielum fuisse, Palatinum tum Braclaviensem, postea Kioviensem, gente & religione Ruthenum, ingenio, facundiâ, & multiplici virtute ad summa inter Polonos enisum: sed & Stanislaum Lubomierscium, Palatinum Cracoviensem, virum sago togâq; prælustrem, & rebus gestis authoritatem in Poloniâ maximam adeptum, eandemq; tum adhuc, etsi fessâ annis morbisq; ætate servantem. At exercituum Duci utriq; inprimis Majori, spreta sua à Cosacis imperia, & Chmielnicii ad eos venire recusantis obstinatio, simul contagionis ab indulgentiâ vires acquisiturae metus, aspera remedia lenibus ante habenda esse persuasere. Ac per hyemem quidem, cum aggredi illos intra septa sua atq; avia illa locorum latentes, nequirent, observandis præpediendisq; eminens eorum molitionibus intenti egerunt. Dimissæ etiam tandem à Potocio Duce literæ, quibus edicebatur; *Chmielnicii ut societatem omnes fugiant deserantve; si contra fecerint, in uxoribus, liberis, & fortunis relictis pœnam luituros.* Nec Chmielnicius interim ferieba-

feriabatur, & tametsi plurimis ad societatem facinoris indies spontè affluentibus, vel illectis, crescerent vires ejus: his tamen adhuc parùm fidens, Tartaros in camporum *Chmiel-* desertorum solitudinibus hybernantes, ad *nicius ad* opem sibi ferendam invitat, & ostentatâ *Tarta-* multâ spe prædæ, escâ scilicet barbaræ gen-ros *con-* ti gratissimâ, pertrahit. Quos Tohaibegus *fugit.* ducebat Perecopienſis Præfectus, homo animo manuq; acer, turbidus prætereà, & Chano Tartarorum Regulo subindè refractarius. Unde hic vim illius aliò effundi facile postea patiebatur, in Polonos præcipuè, quibus ob negatum solenne stipendium dudum jam erat infensus. Ferunt & perenne fædus, in utriusq; fortunæ consortium, inter illos & Chmielnicium, tùm statim pactum, filiumq; Chmielnicii isthîc pro obſidere relictum. Sed quia in his libris crebra admodum Tartarorum mentio incidit, non alienum videtur, gentem, aliquando nobis sociam, sæpius hostem paulò curatiùs memorare. Ipsum vocabulum *Tartar-* biæ quodammodò & originis & antiquita-*rorum* tis est. Neq; liquet satis, Tartarosne an Tat-*gens de-* taros dicere conveniat: Priorem tamen *scribi-* nomenclationem Scriptorum consensus u-*tur.* sitatiorem fecit. Sic enim omnes ferè recentiorum seculorum Geographi & Histo-

*Crisis
circa no-
men.*

rici appellant. Alteram præfert lingua Slavonica, ut & Sinica, quæ R nunquam usurpat: eandemq; mavult Leonclavius, diligens Turcicarum hisq; affinium rerum conditor. Et is amnem Scythicum, à quo nomen gentis derivandum pleriq; censent, Tattarum appellatum existimat. Alii vocem ex Syriaco Tottarim deducunt: quod multorum interpretatione *relictos* significat. Hiq; Tartaros Israëlitarum in Mediam deportatorum reliquias esse volunt. At alii his contrarii, voce Syriacâ *redundantiam*, potius signari asserunt: sicq; nomine ipso amplitudinem, & quasi superfluitatem gentis Tartariæ innui arbitrantur. In prisca Autoribus nullius populi appellationem Tartariæ propiorem reperio, quàm Tractarorum, quos inter Tauricæ incolae ponit Plinius. Quam Provinciam, cum hodie Tartari incolant, non difficulter forsitan quispiam ipsâ affinitate vocabuli induci se patiatur, ut credat, jam olim cum his Tractaris Tartaros per Asiæ extrema tum diffusos, commune aliquid habuisse. Sed rem adeò obscuram anxie hîc scrutari, intemptivum, definire, temerarium, opinor, fuerit. Sufficit scire, de quo utiq; liquidò constat, gentem hanc si minùs appellatione propriâ antiquitus fuit cognita, certè intra Scythici

Scythici complexum nominis latuisse. Ea vetustas, præsertim Græca, signare solebat, quicquid populorum in semotiore recessu Septentrionis ad Solem tamen Orientem vergentis recondiderat Natura. Interim, quos ignorantia aut incuria confudit, genere & moribus longè dispares fuisse patuit postea, cum singulos, procedente tempore, seu bella, seu commercia, & necessitudines Orbi cultiori apperuerent. Cæterum Scytharum nomen cæteri omnes tandem populi, unà cum priscâ barbarie exuerunt. Solis hodie Tartaris id relictum videtur. Ita ut quoties Scytham nominamus, Tartarum velimus intelligi. Non quod alii ejusdem originis populi desint, cum Turcæ, Parthi, Persæ, & alii multi eadem stirpe censeantur: sed, ut opinor, ob veterem Scytharum vitam erraticam, atq; equis præcipuè pascendis ac prædæ intentam, quam à cæteris Scythis jamdudum ferè repudiatam, Tartari visi sunt retinere: Diversis simul pascantium gregibus, vulgò Hordis, longè lateq; dispersi. Postquam verò & ipsi ita in immensum crevère, nonnulli eorum grandi illo numero, tum aspera belli virtute alios subegère populos: Potentia, acceptumq; in cultiores gentes imperium, vagæ & pastoritiæ vitæ neglectum

his quoq; afferre cæpit. Vastissimi in Asiâ extremâ dominatûs sunt, quos Mogul & Chanus tenent, uterq; ob potentiam Magnus appellatus. Quorum ille à Tamerlane sanguinis sui Regniq; primordia habet: & opulentiâ Reges omnes hodie dicitur superare. Alterius imperio maximum olim nomen peperit Cangius, seu Cingis Chan, rebus gestis & legibus in illo Oriente celebratissimus. Alter ab illo Okotai (& aliis Hocot dictus) patrium dominatum magis firmavit: cûmq; plures filios haberet, unus

Sub Bai- eorum Baito accepto à Patre exercitu, multo-
ne in- tis Asiæ Europæq; populis se formidabilem
vasiones fecit. Nam & Turcorum, obscurioris tum
Tarta- populi vires surgentes attrivit, & Ponti,
rorum paludisq; Mæotidos accolâs, atq; inter eos

Vide de potissimum Poloveos adortus est. Quibus
his inter domitis, Rusiam pròpè totam, torrentis
alios instar, corripuit inundavitq;. Mox & co-
Pence- piis divisâ partem in Bulgariam & Panno-
rum lib. nias, alteram in Poloniam misit; cujus ter-

IV. ras eò licentiùs pervagatus est, quòd tûm
Chroni- illæ in multos Principatus, eosq; malè con-
corum cordes, divulsæ, non consultabant in com-
mune. Dûm enim se singulæ seorsim op-
ponerent, in prædam omnes cessêre. Qui
præcipuâ autoritate tûm rebus Poloniæ
præerat, Boleslaus Pudicus, tempestati, cui

impar

impar erat, se subduxit; vix demùm post longi temporis exilium à suis requisitus, & in avitum solium, quòd Conradus Dux Mafovix interim occupaverat, repositus. Eo tempore in Silesiam quoq; barbara hæc natio trajecit, & patrato istic apud Lignicium cum Ducibus Provinciæ ferali prælio, ingentem victoriam, atq; in victoriæ monumentum, novem saccos auricularum, quas cadaveribus absciderat, reportavit. Tandem verò omnis hæc multitudo, immanibus spoliis onusta, in Asiæ atq; Europæ confinia rediit. Varieq; dispersa, diversis quasi tribubus, vulgò Hordis, vel veriùs, si magnitudinem spectes, gentibus originem & nomina dedit. Pars ultra Volgam in Asiâ, alia circa Pontum & Mæotidem paludem, Europæ claustra, firmare sedes cœpit. Tartaræ præcipuæ autem, & quodammodò Principes omnium Zavolhenfes Hordæ diu manserunt, à Volgâ fluvio, seu, ut Rusi vocant, Volhâ, cujus ripas longè lateq; accolunt, nomen adeptæ. Eæ postea cum Turcis, postquam horum se vires sub Ottomannidis erigere cœpissent, diu ambiguâ fortunâ certârunt. Sed & Saracenicis bellis implicitæ sunt, patrocinium Asiæ, contra eam gentem, ipsiusq; religionis Christianæ vindicias aliquandiu professæ. Tandem Duce earum

*Tamer-
lanes.*

*Tartari
unde in
Lithva-
niâ.*

earum Tangadoro, in Mahometisimum de-
lapso, cum curâ rei Christianæ, gloria quoq;
potentiæ extingui cæpit. Quam multò post
anno 1384, Tamerlanes, vel ut alii vocant
Temur Lenk aut Lechus resuscitavit, cùm à
Samarcandâ Sagathæorum Tartarorum me-
tropolî, obscuris generis & potentiæ ini-
itiis coortus, Asiam universam, & in eâ Tur-
cicum imperium gravissimè afflixit, qua-
quà pedem poneret, victor, vereq; orbis &
terror & flagellum. Ab eo cæteri Tartari,
etsi remotiores, animum & ipsi iterùm ce-
perunt, vicinis populis tantò superbius in-
sultandi. Unde cum terræ etiam Kioviensi
ab iis periculum immineret, Vitoldum, Ja-
gellonis Poloniæ Regis Patruelem, Ducem
magni animi cupido incescit, populum no-
vâ jam famiâ ferocem, omnibusq; ferè ter-
ribilem, aggrediendi. Primusq; ei conatus
sat prosperè cessit. Aliquot enim millia
Tartarorû cum faminis & sobole in Lithva-
niâ abegit. Alii sponte secutos ferunt,
claritudine & promissis egregii Ducis ille-
ctos. Quicquid sit, libertas utiq; illis, &
agri prope Vilnam, Lithvaniæ metropolin,
dati sunt, quos hodieq; eorum posteritas
tenet, Mahometanæ superstitionis, prisci-
q; in aliis quibusdam ritûs retinens, attamen
mansuetior longè, & honesto labore, hor-
tens

tensi inprimis, victitans, sobrietate verò,
 fideq; , & in curandis negotiis celeritate,
 Magnatibus Lithvanis, suprà aliud vulgus
 probata & cara. Verùm altera Vitoldi in
 Tartaros expeditio, ut operosior mole, ita
 exitu infelicior fuit. Eduxerat non parvum
 exercitum, comitantibus multis Lithvaniæ
 Rusiæq; Ducibus, atq; inter alios etiam *Clades*
 Andrea & Demetrio Coributho, Jagello-*Vitoldi*
 nis Regis fratribus germanis. Complures à Tartar-*is*
 insupèr ex Proceribus Polonis ardor gloriæ
 militaris exciverat, ut simul irent: inter
 quos Raphael Tarnovius, Ostrorogus, Sa-
 motulius, Glovacius, Dambrovius, Varsius,
 Michovius, Socha Plocensis, Spitco Mel-
 stinius Cracoviensis Palatinus eminuère.
 Cùm ad prælium res devenisset, multitudo
 Tartarorum prævaluit. Cæsiq; istic Jagel-
 lonis fratres, & alii novè Lithvanici Rus-
 siq; Sanguinis Duces. Periiit quoq; Melsti-
 nius. Cæteri cum Vitoldo & Svidrigello-
 ne, tertio Jagellonis fratre, reliquiisq; exer-
 citûs agrè evasère. Tartari Rusiam &
 Lithvaniam longè lateq; pervagati sunt.
 Sed ante ista Moschis grave admodùm ju-*Moschis*
 gum à Zavolhensium Tartarorum Hordis *Tartari*
 impositum fuit. Adeò ut his illi non infi-*graves*
 ma tantùm venerantium officia, & tribu-
 tum annum deferre, sed & Duces sibi ex
 arbitrio

*Casan &
Astra-
can.*

arbitrio eorum sumere cogerentur. Verùm
diviso postea imminutoq; paulatim Tartarorum
istorum dominatu, præcipua adhuc
duorum duntaxat regnorum celebritas aliquamdiu
mansit. Quorum utrumq; ab Urbe Principe nomen
obtinuit. Alterum Casan, alterum Astracan
appellatur. Casan Civitas ad Volgam, Astracan
ad ostium ejusdem fluvii, quâ in mare Caspium seu
Hyrcanum evolvitur, sita est. Unde hîc frequens
ex Moscoviâ, Perside, Armeniâ, aliisque
ditionibus Turcicis mercatorum est concursus.
Hodie regnorum istorum incolæ, extincto Chanorum
Zavolhensium pristino dominatu & nomine, Moschis,
quibus antè impotenter imperaverant, humili
obsequio (præter quosdam identidem adhuc
refractarios) subsunt, notabili fortunæ
vice & exinde flexu animorum. Primus omnium
ex Moscoviæ Ducibus coercere eos cepit Johannes,
vulgò Ivvan, ex rerum gestarum gloriâ, Magnus
appellatus. Inchoatum opus continuavit ejus
filius Basilus, ex Sophiâ Palæologâ natus, qui
primus Czar nomen assumpsit, cum Decesores
ejus Duces, vulgò Kniasî appellati essent. Ultimam
quasi manum Johannes Basilides, Basilii ex
Helenâ Glinsciâ filius, vir armis quidem
strenuus, sed idem tyrannide infamis, im-
posuit.

posuit. Ab hoc utiq; non isti tantum, sed
& alii vicini Tartari, in servitutem redacti
sunt. Inter eos Tumenfcii, Scibanfcii, Re-
schorenscs numerantur, Calmutii item, ita
dicti, quod soli capillitium alant. Pars
quoq; Nahaisciorum iisdem Moscis subje- *Tartari*
cta est. Qui à flumine Hayk nomen sortiti, *qui Mo-*
paritèr olim propriis Ducibus paruerunt, *scis sub-*
& avorum adhuc nostrorum memorià in- *jecti.*
ter tres fratres, Schidakum, Cossum, &
Schichmamaum, dispertitum eorum robur
fuit. Sed ipsâ postea divisione imbecillio-
res collisq; æmulationibus, ac bellis inter-
nis externisq;, partim Moschorum, partim
Crimensis Chani imperio accessère. Sunt
deniq; aliæ Hordæ, nobis & propiores, &
per bellorum aut populationum injurias
magis cognitæ. Nam qui Moscho parent *Asiatici*
Tartari, fermè innoxii Poloniæ hætenus, *Tartari.*
multò magis alii, qui in Asiâ extremâ, vetus
Regnum, à Cangio captum, continuant.
Hi enim post primorum Chanorum ausa
diu, quantum scire possum, quieti vix nisi
sub Cobilâ, qui quintus à Cangio Chano
fuit, lacertos iterum movère. Ejus sanè
Principis egregias virtutes & res gestas lau-
dat Marcus Paulus Venetus, diu in aulâ
ipsius versatus & benignè habitus. Jam
quanta circa annum Christi 400. Sagathai-
enses

enses Tartari Duce Tamerlane gesserint, paulò ante innui veriùs, quàm explicui. Eorum, qui Tamerlanis imperio crevère, præstantissimus ille superest, qui Magni Mogulis nomen possidens, triginta septem amplissimis ditissimisq; Provinciis imperat, quarum frequentatissimæ Europæis sunt Cambaja & Bengala. Nostro verò ævo iterùm Tartari Asiatici subactò Sinenſium Regno univerſo, obſoletam aliquandiu, & nostris quidem terris minùs celebratam nominis ſui famam oppidò quàm reſuſcitârunt: nacti & populo Chriſtiano diſcretos admodùm ſcriptores, qui noviffimas ipſorum in Regnis Chinæ victorias in literas magnâ curâ facundiaq; miſère. Inter propiores & Ukrainæ ſcilicet finibus perpetuò imminentes Hordas prîma Oczakoviensis eſt. Nomen habet ab arce & oppido Oczakoviâ, quam ab antiquis Axiacen nuncupatam exiſtimat Mercator, alii Olbiam veterum hoc loco poſitam fuiſſe arbitrantur. Si tum id munimentum eſt ad Boryſthenem, quâ is per tot ſcopulorum, inſularumq; ſuperiùs memoratarum remoras delapſus, in Pontum deniq; Euxinum erumpit. Tenetur verò Turcarum præſidio, quod validum hîc ſatis excubare ſolet, cohibendis Coſacorum, per Pontum ſubinde

excurs.

excurrentium, conatibus. Ostium illud Turcis hodie Dziarcrimenda vocatur, indeq; apud Scytas ad sito terræ tractui, quem Milesii olim multis coloniis implevêre, nomen. Qui variis & lacubus & fluviis interluitur, inter alios Kipczako, à quo paritèr Hordæ Tartarorum, quantumvis exili, appellatio nata. Nec procùl hinc campi glebæ bonitate uberrimi à quibus Dobrucenses Tartari nomen habent, inter ~~alias~~ Chani Crimensis titulos, quos ipse sibi tribuit, poni solitum. Atrocissima autem Hordarum *Kilia* omnium est, quæ mediis inter Kiliam (A-Bialochilleam antiquorum, ut videtur) & Bialogradus logrodum spatiis inerrat. Urbes hæ sunt *Monca-Turcicæ* ditionis, alteraq; earum Danubii *stro Vain* Pontum se exonerantis ostio præcipuo, *lachis*, altera verò Tyræ apposita est. Succedanea *Turcis* aut certè vicina Ophiusæ & Hermonacti *Acgri-veterum*. Aliqui & Leucen Insulam *Lycomen*. phroni memoratam, & Leuconem Regem Sarmaticum à Strabone ^{nominatam} ~~memoratu~~ ad hæc loca referunt: tantò fidentiùs fortassis sententiam suam tuituri, si nomina ista hodierno, quod lingvâ Sarmaticâ Album Castrum notat, significatione affinia esse scivissent. Cæterùm interjecta his ostiis planities duodecim circiter milliarium, Arpiis olim & Tirigetis habitata, hodie Budziak

*Budzia-*ziak vocatur, incolæ Budziacii : non mul-
*cii Tar-*torum adeò millium, sed rapacissima homi-
tari. num colluvies, quippe nulli penè imperiò,
 nullis legibus audiens, sed præ cæteris fera
 vagaq; , & in equis aut curribus ferè ævum
 transigens. Hunc tractum quoq; anno 1637.
 Cantimirus Murza Chano Crimenfi refra-
 ctarius cum aliis similis fœrociæ Murzis ha-
 bitare cæperat, à Chano tandem apud Kili-
 am profligatus, jusfuq; Imperatoris Turci-
 ci, quod & huic minùs obsequens fuerat,
 strangulatus.

Enim verò nostris in terris nulli famo-
 siores sunt Tartari Crimenfibus, parte haud
 postremâ eorum, qui olim Battâ Duce, ma-
 gna Europæ Regna inundaverunt. Nam
 cum illi hinc tandem reduces, variè deindè
 per Asiam sparsissent vires, numerus eorum
 haud exilis Europæ nostræ, ut dixi, lateri-
 bus inhæsit. Præcipuè autem multitudine
 & pugnacitate illa invaluit Horda, quæ pri-
 mùm circa Tauricam Chersonesum, pòst &
 in ipsâ, oppressis veteribus incolis , Duce
Taurica Vlano, consedit. Peninsula ea est sita inter
Cherso- Pontum Euxinum, Bosphorum Cimmeri-
nesi de- um, Mæotidem paludem, & restagnantem
scriptio, ex cælacum, Straboni, veteri Geographo,
 Putrem appellatum. Quem à Ponto, versus
 Septentrionem nostrum, exiguus terræ in-
 terjectus

terjectus dirimit. Is nisi intercederet, circumflua undiq; aqua in unum mare commissa insulam fecissent. Et tali situ Provincia hæc Chersonesi nomen obtinuit, quia ab angusto aditu, ceu à tenui carpo manùs, inde in spatium longitudine quàm latitudine majus extenditur. Subvenit porro industria, quæ propè oppidum, quod fauces istas exiguo vallo, & arcè murata custodit, fossam à Meotidis sinu ad Pontum usq; duxit. Oppidum an idem cum Taphris antiquorum sit, haud satis liquet. Equidem Taphras in ipsis Peninsulæ hujus angustiis ponit Plinius & Ptolomæus, alii & Eupatoriam; & Heracleam, & Pompejopolim dictam volunt. Nunc incolis suis Or, Russis verò à fossâ antè nominatâ Perecop dicitur: ductumq; inde nomen toti Provinciæ sedit. Tartaria enim Precopienfis audit; quæ alioquin Tartaris Gazara, vulgò Taurica, à Tauris, seu ut aliàs etiam vocari solent Tauro-Scythis, antiquis cultoribus suis appellata est. Priscis autem temporibus hæc terra ob Ponti & Mæotidos commoditatem, commerciis opportuna, & inde Urbibus frequens fuit. Quarum aliqua nonnisi ex ruderibus agnoscuntur. Quæ restant, nomina mutârunt, nec cultum opesve veteres habent. Hodie post Perecopiam,

*Unde
nomen
Perecop.*

piam, primum terræ munimentum, Coslo-
 via, sed præcipuè Baluclava & Caffa navigi-
 is ad euntur. Apud Baluclavam (ubi forsan
 veterum Calus) Classi Turcarum statio est,
 commoda admodum & tuta, quia circum-
 jecti longâ serie montes sinum faciunt
Caffa ve- tranquillum. Caffa metropolis Provinciæ,
tus urbs. & Præfecti Turcici, quem Seniacum vo-
 cant, sedes. Theodosia olim dicta, & diu
 Genuensium commerciis culta. Postea ea-
 dem, commissa inter Turcas & Tartaros
 bello, cum hi succubuisent, in Mahometis
 Imperatoris Turcici potestatem cecidit anno
 Christi 1475. ut in annalibus Turcarum an-
 notat Leonclavius. Nunc Turcicis, sed &
 multis simul Christianis, Græcis, Armenis
 Mercatoribus infidetur, qui captivos à Tar-
 taris emptos Constantinopolin, Trapezun-
 tium, Synopen, & in alias Ponto adscitas
 Urbes mittunt distrahuntq; . Verè forum
 servitutis dicere possis. Cum ibi infinita
 Christianorum multitudo ad triremes, ali-
 aq; Turcarum vilissima ministeria addica-
 tur; magno religionis nostræ dedecore,
 quam internæ discordiæ, & bella, barbaro-
 rum libidinè ludibrioq; exponunt Non
 procùl à Caffâ, Crimenda est, oppidum e-
 xiguum, Crimum aliàs (et si Geographi hîc
 non consentiunt) vel Cremum dictum,

nunc

nunc ob monetam, quæ hîc cupræa cuditur, maximè memorabile. At majorem ejus celebritatem olim fuisse apparet, quippè quod universæ huic terræ & genti nomen dare potuerit. Quamquam si antiquum id nomen, & ex ^{Crim}Chionetopo, quod Tauricæ ^{quale}promontorium à *fronte arietis* dixere veteres, vel à Cremnîs, emporio Mæotidis, de quo Herodotus, deductum quis statuatur, haud quaquam repugnaverim. Chani Regia hodie Bacisarai vocatur, sumptâ ex Berai Chani origine, ut sit quasi arx Præfectorum. Non procùl inde Kala est, ubi præcipui ex Christianis captivi detineri solent: *Alma* itidem oppidum, in quo templum Christianorum habetur, S. Joanni dicatum. Sunt & aliæ in propinquo arces, quibus Chani *fratres agnatiq;* Sultani istîc dicti, habitant. Undiq; accolunt, quos Chanus consiliis aut negotiis familiaribus adhibet, Attalicos appellatos. Tum alii eminentiores Tartari, Murzæ & Ulani ibi nuncupati, alioquin exiguis opibus aut cultu à cæteris distincti. Interspersa pasim plebs Tartarica stabulatur, vilibus plerumq; mapalibus, aut tentoriis, alicubi & subterraneis specubus, solis æstus aërisq; asperitates, arcens. Rariùs tamen omne hoc Tartarorum vulgus intra Tauricam manet. Plerumq; oberrat

in campis, qui Tauricæ, quæ ea continenti
adhæret, prætenduntur, uberiores nimi-
rum pabuli copiam quærens. Hæc quippè
in Peninsulâ plebi, Septentrionale inpri-
mis latus habitanti, malignius suppetit.
Omnem enim hanc terram horridi montes
mediam quodammodò interfecant. Qui
partem unam & meliorem, ubi Caffa est,
Austro, alteram steriliorem Aquiloni obji-
ciunt. Propè Bosphorum Cimmerium, olim
Panticapeum fuit, emporium omnis hujus
Provinciae frequentissimum, eoq; Geogra-
phis veteribus apprimè laudatum. Nunc
istam Tauricæ oram, quam Mæotis & Pon-
tus, exili freto transeant, Arabath, &
Cherfi, Urbes Turcicæ tuentur. Hic enim
Janizari excubant, arcendæ seditioni, nec
non Piratis, qui Mæotidem percurstant, ut
& Tanaim fluvium, qui eandem paludem,
non adeò procùl hinc, ad Asovum Urbem
(Osoph vulgò) ingreditur. Quo fine &
ultra Bosphorum Cimmerium, qui hic Tau-
ricam à Circassis determinat, Taman &
Temruch, Urbes non ignobiles, perpetuâ
Turcarum custodiâ tenentur. Circassii ve-
rò (quos modò nominabam) vulgò etiam
Petithorieneses, voce Slavonicâ, quasi quin-
que montani, dicti, fluvii Copæ & Coracis
montis accolæ sunt, Colchorum veterum,

*Montes
Tauri-
cam di-
vidunt.*

*Circassii
Tanta-
ri.*

Cerce-

Cercetarum item, necnon Lazorum, de quibus Arriçanus in periplo Euxini, Procopius, Agatias, aliiq; memorant, succedentes, & ex parte soboles generosa utiq; & libertatis pertinax. Quanquam Cirsasios mari Caspio, Colchos Mengreliosq; Mæotidi & Ponto viciniore in tabulâ suâ lustrator harum terrarum Adamus Olearius V. Chl. facit. Quidam istorum Crimenfi Chano parent, sed laxiore obsequio. Multi in iis Christiani sunt, & sacra sua, lingvâ Slavonicâ, ritu Græco peragunt. Sed barbariæ & bellis vicinorum, tum commerciis Mahumetanorum & matrimoniis, tum literæ tum religio fermè ibi exolvere. Ad Arabathum, cujus paulò ante facta mentio, ex ipsis quasi Mæotidis aquis prominet exiguus terræ tractus *Kosa* vulgò dictus, in quâ equarum Tartaricarum, Chani inprimis, proletarii greges pascunt. Cogitare licebit curiosis, an Cazeca sit veterum, cujus & Arrianus in periplo facit mentionem. Nomen quidem non multùm abhorret. Cæterùm Tartari isti, post Baidonis, vel Batti, celeberrimi eorum Ducis tempora, variè quidem agitati, diu tamen omnis externi dominii impatientes, Ducibus suis ex regnatrice Zavolhensium Chanorum, aut aliâ domo primariâ, nonnunquam & prout

Tartarorum regimē. libitum, aut per tumultum sumptis paruerunt, quos & ipsos deniq; extincto Zavolhensium dominatu, Chanos, voce Scythis usitatâ, quibus Principem seu qualiscunq; ditionis Dominum significant, appellare capere. Illis Turca annum stipendium, subditi equos, ditiores annonam omnis generis, nonnunquam etiam tributum, sed exile pendunt. Multo autem jam tempore Gierejorum familia rerum hîc regimen habet, viris militiâ præstantibus dudum conspicuî. In iis Mahmet-Gierei fuit, qui Moschorum Ducem Basilium, ut Baro Herbersteinus narrat metropoli suâ, & penè toto Principatu expulit, fratremq; suum Saph-Gierejum Regem fecit Cazanensium. Illius Mahmet-Giereji successor Mengli-Giereus, præcipuam Tartarorum, qui Europæ viciniore egere, gloriam ad Tauricanos transtulit: victo Schachmate æmulo, qui tùm Zavolhensium Tartarorum partem à Moschorum imperio liberam regebat, Alexandri Poloniæ Regis contra Tauricanos amicitiam parùm feliciter amplexus. Eadem Gierejorum familia Turcicis Imperatoribus affinitate jam solim innexa est: quippe de quâ (ut alia vincula taceam) Selymus uxorem habuit, Solymanni magni olim Europæ terroris matrem. Verùm Turcis

Turcis jam omnis hæc Tartaria, unâ cum Chanis suis, amissâ veteri libertate, tributaria est. Nam Australem Tauricæ partem atq; in eâ Caffam jam altero abhinc Seculo Mahumetes, ut dixi, occupavit. Borealem Osmanus Basfa ex bello Persico per Circassios & Pontum Euxinum redux corripuit; eò faciliùs, quod ortâ inter Principes Tartaricos discordiâ, præcipuus eorum Turcici Imperatoris auxilium imploravit. Nam, ut solet plerumq; populis potentiorum societas in servitutem vertere, Turca ad hunc modum ex socio Dominus factus, terram hanc omnem in Provinciam seculo superiore redegit. Exindè tributum à totâ gente, captivos præcipuè, in signum subjectionis: filios verò vel fratres Chanorum obsequii & fidei, pignora accipit: sed & ipse vicissim certa velut salaria tùm Chano, tùm Præfecto militiæ, qui Galga illis vocatur, aliisq; nobilium persolvit, hoc quasi automento fideiiores sibi credens, quos habeat stipendiarios. Corpore Tartari (de *Corporis* propioribus maximè loquor) mediocris *habitus.* staturæ; sed torosi & robusti sunt. Oculis nigris plerumq; & protuberantibus, vividis simul & acutum cernentibus. Facies lata, fusci coloris, capillitium nigerrimum, barba ut plurimum rariuscula. Occipitium

Sarmatico more tondent, parte anteriore comati. Literarum ferè rudes, cæteri etiam cultus, qualis inter opulentos populos obtinet, & in luxum subinde abit, expertes ante hac fuere. Artes regnandi nonnisi à naturali judicio & usu magistro habent: simplicitate legum & fide pactorum multis aliis populis superiores. Inter se porrò mites ac compositi, in peregrinos etiam mercatores non inhospitales sunt. Plerumq; enim, cum quis talis obvenit, conquirere ex omni viciniâ solent, quicquid haberi potest gratiorum epularum, cum usitatas ipsis delicias ab aliis fastidiri non ignorent.

Judicia. Injuriam & lites seu ex simplici populi genio, seu ob paupertatem rariores ibi, quàm usquâ alibi, si ortæ, sine longis ambagibus, & comperendinationibus, à Præfectis, quos Begos appellant, graviores à Chanis ipsis dirimuntur.

Religio. Deum ex Mahometi impostoris præscripto colunt, simulacra omnia in templis abhorrentes, & suillâ aliisq; nonnullis cibis, Judæorum more, abstinentes, quos & circumcidendi præputii ritu imitantur. Neq; circa alia levicula iis cedunt superstitione: uti nec odio in Christianos, quod in segni Judæorum turbâ inerme, hîc bellicositate gentis in damna nostra atrocissimè
identi-

identidem defævit. Accedit noxia perſuaſio, quod paganos & idololatrias nos putant. Et ideò Gauros vocant, ſuâq; in *Educa-*
mos crudelitate placent ſibi, tanquam in *rio.*
gentiles vel atheos exercitâ. Educatio adoleſcentiæ rigidiffima hîc eſt, non inſitâ tantum feritate, ſed ex propoſito etiam, ut corpora ad laborum & belli aſpera durentur. Infantes ſuos matres olim frigidâ lavare ſolitæ, eâq; ſalſâ, quò cutis denſetur, eoq; minùs poſteâ flumina abhorreat, quæ prædator populus hyeme etiam, cum glacies abeſt, tranſnatare ſolet. Pueri in curru ſub pellibus, & ut plurimum ſub dio agitant, nec cibi iis antiquis moribus præbiti, niſi quos ſagittâ prius tetigiſſent: ut ſic brachia ad certos jaculorum icſus à primâ ætate aſſueſcerent. Veſtitus omnibus uſq; ad *Veſtig.*
poſtrema hæc bella fuit ſimpliciſſimus. Panno vix niſi nobiliores, ſerico velabantur Reguli, & qui eos ſanguine contingunt. Quibus ideò veſtes ejusmodi inter potiſſima dona ab aliis Principibus, præſertim Polonis, mittebantur. Vulgus rhenone plerumq; tegitur, quo ex pelle ovinâ conſuto, quovis aëre utuntur. Sed hyeme lanuginem villoſam corpori obvertunt; eadem, æſtate, ſoli & pluviæ objicitur. Et hîrſutie iſtâ tantò magis terrent obvios, cum prædatum,

Arma. datum, aut ad pugnam processere. Arma hæc-
 tenus non alia ferè habent, quàm gla-
 dium incurvum, arcum & pharetram. Fa-
 miliaria præterea instrumenta, cultrum &
 subulam, quibus scuticas & vincula ex co-
 riis parant, ligandis, quos venantur, homi-
 nibus. Sclopos, aliaq; tela ignita non ad-
 hibent, & ab aliis adhibita non parùm for-
 midant. Ipsi, cùm cominùs pugnandi oc-
 casio aut placuit, aut effugi non potest, aci-
 naces magnâ agilitate rotant, eminùs fa-
 gittas jaculantur, etiam in fugâ. In quam
 proni illi, eoq; magis invicti sunt, quia fu-
 gientes nemo facile assequitur, & qui sequi
 audent, facilè seu jaculis, seu subito fugien-
 tium reditu obruuntur. Maxima eorum
 fiducia & potissimum robur in equis est.
Equi
Tartari. Quos velocitate potius, & laborum tole-
 rantia, quàm formâ conspicuos habent.
 Et his illi nares, incisâ utrinq; cartilagine,
 laxant, ut tantò ampliore meatu aërem
 hauriant, tardiusq; adeò fatiscant in cursu.
 Eosdem exercitatione obsequentissimos si-
 bi reddunt, ita ut levi freno quamvis in par-
 tem facillimè circumagantur. Cùmq; in
 expeditione plures tales secum singuli du-
 cant, ubi is, cui insident, fatigatus est, alte-
 rum ponè comitantem, medio in cursu,
 etiam citatissimo, insiliunt. Interim nihil
 ominùs

ominus lasus ille, quantumvis ilia ducens,
 hæret lateri, & quoties opus, sesforem reci-
 pit. Ex equis porro præcipuum gentis ali- *Alimen-*
 mentum est. Pane non cibantur, nisi ditio- *ta Tar-*
 res, & qui in oppidis paulò cultiori vitæ *taronũ.*
 asvevère; ubi & ovillæ aliarumq; carni-
 um usus est; creberrimus milii, hordei, ere-
 symi, quod alioquin frumentum Saraceni-
 cum, Russis Grika & Pohanka, Polonis Ta-
 tarka vocatur; ducto ab hac ipsâ gente
 nomine, quia id legumen hîc magnâ copiâ,
 penè & ultrò, labente in terram semine,
 maturo provenit. Neq; enim agrum Tar-
 tari, nisi rari, & ferè tantum per captivos
 colunt; tenuiores victum merentur nobi-
 lioribus ministrando: omnes prædâ &
 sanguine, quàm sudore victum parare ma-
 lunt: suprâ modum laboriosi, ubi in hosti-
 cum excurrunt, domi & arma & ferociam
 deponunt, ad torporem usq; desides. Ac-
 ceptissimus iis cibis veteri consuetudine,
 (quanquam nunc nostris etiam lauticiis lo- *Caro*
 cus hîc esse incipit) caro equina est. Hanc *equina.*
 maluere hætenus, quàm bubulam aut ovil-
 lam. Nam vervecina hîc penitus inusitata
 est, quia castrandi modus ignoratur. Vivos
 autem equos, qui antiquis moribus vivunt,
 & inprimis pauperiores non mactant, nisi
 cum morbo aliquis aut labore elanguit.

Huic

62 HISTORIÆ POLONIÆ PLENIORIS

Huic cùm juguli venas inciderunt, sangvinem exceptum farinâ miscent, botulosq; parant, qui ipsis deindè pro cupediis sunt. Truncum in quatuor partes dissecant, quarum unam equi dominus sibi servat, reliquas vicinis aut sodalibus distribuit, vicem liberalitatis ab iisdem recepturus, ubi paritèr necessitas illis venerit jumentum suum jugulandi. Singuli quod in quadrante suo carnosum est, in offellas dividunt. (a) Quas ubi mandere volunt, equi dorso imponunt, atq; ephippium carni superinjectum cingulo quàm fortissimè adducunt. (b) Ipsi deniq; conscendunt, atq; ita dapi suæ horas tres vel quatuor inequitant. Postea dempto

*Modus
equinâ
ad ci-
bum pa-
randi.*

ephippio, palato ipsorum, quâ parte equo incubuit, satis coctam vertunt, ut pars altera calore equi paritèr maturetur. Cui porrò, ne siccescat nimium, demptam equi spumam digito allinunt. Iterum mox ephippium, & sese injiciunt equo, horisq; aliquot insidentes provehuntur. Postea carnem, ut ab equi dorso fumat, magnâ cum aviditate vorant. Quod præter hæc carnis

pulpa-

(a) *Præter alios ita rem refert Beauplanus Gallus libello novissimè edito.*

(b) *Sed nunc istum morem exolescere accipio, transeunte paulatim barbarie præscâ in alium vitæ modum.*

pulpamenta osseum de trunco superest, si
otium datur, in aquâ elixant, pauco sale
addito. Cujus nonnisi permodicum usum
probant, eò quod parciolem ejus copiam
habent, forte & quia persuasi sunt oculo-
rum aciem integriorem sic servari. Mini-
mè autem bullienti huic cibo spumam de-
munt, quia, quod in carnibus succi & sa-
poris optimi sit, nostrâ despumandi dili-
gentiâ ejici putant. Sitim vulgus aquâ ut
plurimum levat. Sed nec ista ubiq; in prom-
ptu, præsertim inter mediis Provinciæ ju-
gis, quæ ariditate squalent. Neq; puteos
fodit pigra gentis barbaries. Hyeme nives
liquefactas bibunt. Honestiores potum sibi
ex milio cocto parant, qui spissitudine &
colore lac refert, largiùs tamen sumptus
caput forti vapore replet inebriatq;. Gra-
tissimùm verò stomachi solatium ex lacte,
potissimùm equino, petitur. Eo se quoq;
reficiunt, cùm campos desertos pervoli-
tant, in quibus nulla aut rara aquæ copia.
Vino, ex lege Mahometis abstinent, aut
furtim utuntur, non item liquore, qui de-
stillatione ex filigine, omni vino potentior,
elicitur. Sed is, quia aliundè & difficulter
habetur, carò venit. Isto, qualem descrip-
si, vivendi ritu duravit gens illa insitam bar-
bariem, efferauitq; semper adversum cul-
tiores

Potus.

*Eorum
excur-
rendi
modus.*

tiores populos. Quorum crebrâ depopulatione unicas sibi delicias & opes parat. Ipsa vix impetitur, quia & aquis undiq; ambientibus, & Turcarum patrocinio protegitur. Solitudinum porrò interjectu ab aliis gentibus semota est, pauper deniq; & fugax, justiq; belli ignara. Hæ res oppugnare volentibus ingratam dubiamq; faciunt certandi aleam. Alioquin in belli pretium, quod exspoliis nudissimæ gentis aliud penè nullum est, vel spes ipsa securitatis suffecerit, quâ Russicæ nunc terræ in altissimâ etiam pace frui nequeunt. Has quippe prædones isti, quoties aula Turcica vel jusfit, vel permisit (nam inconsultâ illâ nullum nisi in solos Moschos bellum gerere licet Tartaris) uno sæpè anno, bis terve incurfare solent. Cùm verò id moliantur, primùm equos in camporum solitudinibus pascunt curatiùs. Chanus, habito cum Galgâ, aliisq; Sultanis, & primoribus Murzis consilio, imperat ordinatq; agenda. Rariùs ipse, nec nisi cùm operosius bellum instat, progreditur. Quod si verò adesce parat, viritim omnes, quotquot in Tauricâ, & circum eam habitant, accingere se jubentur. Paucis ob ætatem, atq; in tutelam patriæ copia datur manendi. Cùm autem universi ita cojerant, centum viginti circiter

circiter millium capitum exercitus efficitur. Equorū triplo ferè major numerus est, quia singuli equites, ut ante dixi, unum atq; alterum ad subita casuum, & in levamen fessis, ducunt secum à latere. Cæterum eum alii Ductori, ex agnatis aut nobilioribus terræ, rem delegat Chanus, quadraginta plus minus hominum millia mitti solent, prædandiq; magis quam dimicandi, nisi necessitate adigantur, animo. Pauciores etiam æstate plerumq; emittuntur, ut minore strepitu copias Polonicas ex hybernis reduces, vitent. Mira verò tum eorum *Flumina* in transmittendis fluminibus, Borysthene *trajici-* inprimis, ratio est: aliquantum dispar illi, *endi mo-* quā in trajiciendo Dānubio olim usos Ni- *duſ Tar-* cetas Choniates sub finem libri secundi me- *taricus.* morat. Fascibus junceis vel arundineis singuli perticas illigant, imponuntq; ephippium, vestes, arma. Ipsi nudi jubam equi apprehendunt, alterā manu flagellum regunt. Sic juxta equum nantes trajiciunt. Fasces cum impedimentis sequuntur, quipæ caudæ ejusdem equi recte alligati. Sed jam porrò fasces istos eā firmitudine compingere didicerunt, ut non modò impedimentis, sed & uni alterive homini vehendis sufficiant. Vector huic quasi ponticulo vel lintri junceō insistens natantem ac falces

E trahen-

trahentem equum dirigit, quâ opus. Cum deinceps è terris Russicis redeunt, si quid inter prædas vel pretiosum vel imbecillum ducunt, tali modo ut plurimum transvehunt. Quaterna jumenta justæ magnitudinis detruncant, carnemq; omnem & ossa eâ solertiâ eximunt, ut cutis undiquaq; integra maneat, nisi quâ jugulus absectus est. Cuti deinde aerem sufflant, ubi ea satis intumuit, quod in cervice patet, arctè constringunt vinculis, ne aer possit erumpere. Hos truncos, utrium instar, inflatos, in quadrum ligamentis perticisq;, relictâ in medio, qualis necessaria visa est, intercapedine connectunt, & moxasleres, si adsunt, vel currus, rotis suis exutos cumq; his simul quicquid in captivo agmine delicatius est, resq; alias aquæ impatientes imponunt. Alii robustiores ad latera natant, rati tamen isti, quâ possunt, hærentes, ne flumine abripiantur. Prænant bini equi, ratemq; eo, quo antè dixi, modo, laqueis caudæ innexis trahunt, ducente singulos Tartaro, equi jubam amplexo, aliisq; etiam ex rate adgubernantibus. Ac in hunc modum Duces nostros in conflictu mox describendo captos transvexere Tartari, ut ex iis, qui simul tum, & eodè modo transiêre, accepi.

Sed majore plerumq; & numero & alacritate Tartari hieme excurrunt. Quia tùm intra villas casasq; Rusforum reperiunt ea, quæ petunt, æstatè aliàs per campos latè vestiganda. Hybernò prætereà cœlo, rivi, flumina & paludes frigore constrictæ nullam transituris faciunt moram, nives insuper viam molliunt equis. Horum enim alioquin ungulas Tartari nullo ferro adversus glaciem aliamvè humi duritiem muniunt. Ratò cornu bubulum, aut corium aliquod suppingitur. Porro cùm in campos desertos venêre, declivia & avia ut plurimum consecrari consueverunt, fallendæ Cosacorum vigilantia. Quibus ubi de hostis istius adventu suboluit, factò passim tumultu, conclamare ad armâ, agrestibus verò in oppida & arces concurrere usitatum est. Sed Provinciæ, quas Tartari petunt, latè admodum patent, lætis ferè ubiq; segetibus, pascuis, apiariis, quæ hîc frequentissima, numero deniq; colentium opimæ: cæterum nullis penè saltum paludumvè objicibus morantes transitum. Raroq; ita sedulò incolarum vel præsidiorum excubat industria, quin identidem eam latronum istorum celeritas præveniat aut declinet. Et habent illi varios tramites, per quos scilicet in aperta camporum atq; in ipsa etiam terra pæ-

E 2 ta pæ

Prædan-
di mod9. ræ penetralia infundunt. Ubi autem, quo
 ire destinaverunt, perventum, nec progredi
 ulterius visum est, retrò jam flexo agmi-
 ne, prædari demùm incipiunt. Itaq; tertia
 pars exercitûs in diversa dimittitur. Reli-
 qui cum prætoriâ cohorte, (quam vulgò
 Kosz appellant) paulatim, & ex composito
 dimensis itineribus recedunt; quò alteri,
 qui prædationis causâ undiquaq; per vici-
 niam vagantur, scire semper possint, quò
 confugere, si opus sit, prædasq; referre de-
 beant. Hi cùm redierunt onusti, mox alii
 mittuntur, qui prioribus intacta perscru-
 tentur, multifariam iterùm, tamen sat or-
 dinatis compositisq; in illâ etiam confusio-
 ne turmis, dispersiti. Ita vis ingens conve-
 ctatur prædæ. Neq; greges tantùm atq; ar-
 menta, sed viri, fæminæ, pueri, puellæ im-
 menso numero aguntur, ita ut ad multa
 millia, sæpe & ultra quinquaginta proce-
 dat captivorum agmen. Casis agrestium
 expilatis ignis plerumq; injicitur. Ita ex-
 tremam ubiq; solitudinem vastitatemq;
 harpyiæ istæ faciunt. Nec ante populari
 desinunt, quàm materies prædandi, oppida
Præde & pagi deficiant. Cùm in deserta atq; avia
divisio. camporum reventum est, respirant pri-
 mùm, & lustratis compositisq; copiarum
 suarum ordinibus, dividunt spolia & capti-

vos. Quorum decima pars Chano, aut si is absit, procuratoribus ipsius datur à singulis. Cæterum hîc, qui nexu sanguinis aut contubernio notitiæve inter se devincti, fortè & simul capti, hætenùsq; juncti iverant, in diversa jam trahuntur, magno calamitatis augmento, cujus quaecunq; solatium erat, inter truces istos notam amicamve faciem videre. Jam maritus ab uxore, à liberis Parentes divelluntur, singuli seorsim ad fædisimæ servitutis ministeria, pleriq; etiam ad infanda Turcarum ergastula ac triremes, nisi redimantur, ducendi. Non lubet referre, quàm indigna sæpe hîc patiantur captivi, fæminæ inprimis, inter homines solutæ admodum libidinis, quiq; partem felicitatis in hæc Veneris licentiâ ex lege Mahometis & insitâ salacitate locant. Uxores domi habent, quot omninò alere possunt: neq; ullis sanguinis, limitibus circumscribuntur eorum matrimonia. Ex captivis porrò fæminis, quot & quales libet, adsciscunt. Attamen nec masculorum amore abstinēt. Cæterum captivis omnibus, quos penes se habent, potestatem se redimendi facere solent. At pretium immane initidò exigunt, præsertim si quem loco aut opibus præstare intelligunt vel suspicantur. Et confessionem fortunæ, tum pretii auctiōem, la-

*Libidines
Tararorū.*

borum intensione, sæpè & flagris extorquent. Unde multi, quò humanius haberentur, supra sortem suam se æstimant. Eò major postea in redimendo difficultas. Interveniunt plerumq; Armeni, in lytro ex Polonia accelerando, operam, non miseratione, sed lucrandi cupidine, adnavantes.

Cosaco- Revertentibus autem ita cum prædâ Tartarum cum ris insidiari subinde, ut superius dixi, con-
Tartaris sivevère Cosaci, quippe & ipsi celeres & lo-
lucta. corum gnari, tum scloporum usu plerumq;

iis formidabiles, ipsi intra carragines, quas subito, quoties opus, struunt, adversus sagittas Tartarorum tuti. Et hi prædæ suæ timentes implicitive ægrè revocantur ad pugnam. Cedunt potius, & relictâ quandoq; spoliiorum parte aviditatem sequentium morantur aut placant. Quicquid sit, olim non exile his terris munimentum adversus prædatorem populum Cosaci fuerunt, postea eorundem socii, calamitates Poloniae, quas avertere aut minuere consueverant, intendere atq; augere capere. His

Cosaci verò demùm temporibus à Chmielnicio &
cū Tar- Tohaibego confederationis, ante hac in-
taris se solitæ, facta sunt initia: improvisa nostris,
jungunt. quia antiqua, & velut in naturam versa eorum inter se hostilitas omnem necessitudinem videbatur excludere. Verùm insita

tali hominum generi levitas, si non extin-
 guit penitus, refrigerat tamen facile odia,
 ubi ea utrinq; evidentiore lucro, in vici-
 num effundi possunt. Quoq; hic potentior
 esse videtur, eò altiùs illi gratiam inter se,
 & velut adversus communem hostem soli-
 dant nexum. Facile porrò hæc, ut ex lon-
 giore digressu ad rem superius captam re-
 deam, in illis camporum solitudinibus *Id nesci-*
 transigi ita potuere, ut nostris Ducibus *unt no-*
 nonnisi serò innotescerent. Ignari itaq; *stri Du-*
 nefariæ societatis, primo vere copias, quas *ces.*
 à quartâ redituum ex præfecturis Regiis
 parte, in stipendium earum sepositâ, *Quar-*
 tizianas vocant, contrahunt, advocatis *Quarci-*
 mûl sex Cosacorum legionibus, quæ mili- *ani mili-*
 tiæ Polonorum post ultimam transactio- *tes unde,*
 nem, dicto sacramento innexæ, ordinarium
 stipendium, sub Tribunis suis, Ducibus Po-
 lonis, merebantur. Accesferant insuper *Illi mo-*
 (quanquam solito pauciores) extraordi- *vent co-*
 nariæ turmæ ac cohortes Procerum illo- *pias in*
 rum, qui solito in Patriam & gloriam mi- *Chmiel-*
 litarem studio, necessariis Reipubl. tempo- *nicium.*
 ribus, auxilia ejusmodi solent submittere.
 Atq; ita cojerat in unum septem circiter
 millium exercitus expertus militiæ, & nu-
 mero quidem modicus, animo tamen suo,
 sed & aliorum judicio Cosacis facile suffe-

cturus, si rectè & ordine rem procedere factum voluisset. Sed id castigandæ Poloniæ jam imminens, omnia secùs vertit. Proce-
debat in campum exercitus, parùm notis,
ut dixi, adhuc hostis viribus, & cum de no-
vo tantoq; Tartarorû subsidio nihil quic-

Duces quam nostrorum ulli suboluisset. Partiri
partim porro eum exercitum visum est, quò faci-
tur co- lius per illas solitudines, pabulum equis vi-
pias. risq; sufficeret. Ac properantibus in occur-
Potocius sum hostis, præeundi honor filio summi
Junior Ducis, Stephano Potocio, contigit, futuro
partem hîc suis, si pugnandum esset, non vulgari
ducit co- virtutis stimulo, necnon fidei, si transigere
piarum rebelles mallet, autramento. Cui Hya-
comite cynthus Schembergius, Arbiter tunc seu
& Recto- Commissarius Cosacorû, Stephanus Czar-
re Schē- necius, qui postea summis in Patriam meri-
bergio tis toto orbe inclaruit, Joannes Sapieha,
aliiq; ad omnia magna natus, aliiq; multi manu
animoq; impigri, adjungebantur. Erat
mille quingentorum circiter hominum
manus, cui quater mille Cosaci ex ordina-
riis Cosacorum legionibus additi, & partim
itinere terrestri, partim flumine, separatim
ire in rebelles jussi sunt. Horum tamen o-
mnium, antequam loco moverent, fidem,
repetito jurejurando, firmare visum est.
Quanquam qui iis præerant, Tribuni, com-
pertæ

pertæ alioquin & ut mox apparebit, ad extremum usq; immotæ in Rempubl. fidei, nihil de animis suorum dubitandum asseverarent: omnisq; illa turba Chmielniciū viſum brevi adducere fidenter pollicerentur. Ac qui flumini se commiserant, Cosaci ordinarii, feliciter in Insulas Zaporovianas delati, has, à Chmielnicio desertas, & vix quinquaginta hominibus infestas, reperere. Quorum aliquos interemptos, cæteros unà cum Insulis facile expugnarunt. Feroces mox illos successus, & fortè ipsæ hæ, quas intraverant, jam olim nempè licentiæ dicatæ sedes reddiderunt. Cumq; adeò insuper de viribus Chmielnicii, quem tantâ Tartarorum ope subnixum, antè ignorâssent, rectiùs edocti, cæteris, qui cum Schembergio sequerentur, & proin omni huic exercitui malè timerent, ire, quâ fortuna invitabat, quàm quâ fides duceret, maluere. Et mox festinato, ut inter tales solet, consilio, eos omnes quos in perfidiam non consensuros sciebant, imprimis Tribunos, interficiunt. Indè properè Chmielniciū assecuti, & ab eo in societatem facile adsciti, reliquos, qui sub Schembergio, aliquot diebus, fide integrâ, in Chmielniciū & Tartaros pugnauerant, ad desertionem partis, tanquam nu-

mero longè imparis, & haud dubiè succu-
 bituræ, sollicitant. Qui sociorum tùm sti-
 mulationibus, tùm exemplo, fortè & peri-
 culo, quod imminere sibi sentiebant, evi-
 cti, ubi defectionem orsa esset Draganorum
 manus, quæ Polonicis copiis intermixta,
 ibat, Germana habitu, natione Ruthena,
 & ejusdem cum Cosacis fidei, clamore in
 fædisimi ausûs signum sublato, uno omnes
Potocius impetu ad hostem transiére. Imminutus
junior tantâ sui parte præcursor iste exercitus, &
cum suis mox ab hoste, accessionibus istis tantò jam
laborat, animosiore, circumfusus, nihil quidem per
 dies sex adhuc pugnando, virtutis omisit;
 tandem tamen pactione insidiosâ, circu-
 muentus est; cùm hostis liberum omnibus
 ad castra Ducum regressum polliceretur, si
 machinas bellicas ipsi tradidissent. Quod
 ubi, quanquam multùm reclamante Schem-
 bergio, factum, patuit illicò dolus, cùm
 nullâ habitâ juris gentium ratione, nuncii
 seu legati pactionis, Stephanus Czarnecius
 & Brzuchanius, ab hoste retenti sunt. Cæ-
 teri jam ad quadringentos circiter redacti,
 & elusos se conspicati, durante tamen in
 extrema omnia animo, reditum ad Duces
 moliebantur. Jamq; instructâ carragine
 strenuè pugnantes, tria milliaria eundo
 confecerant. Cùm tandem Ducibus desti-
 tuti

tuti (quippè Schembergius ductor istarum copiarum, & Potocius, vulneribus invalidi erant, Sapieha calore pugnandi à suis longius provectus, in manus hostium devenerat) deniq; etiam pugnando fatigati, potestatem sui amisere. Ita quotquot pugnae superstites essent, capti & à Tartaris, permixtu Chmielnicii in Tauricam abducti; ipse Potocius filius summi Ducis, quod æger admodum esset, relictus est in campis desertis, & ejus habendæ curæ additus Czarnecius. Ille triduo post, ex vulnere, cui gangræna tandem accesserat, exspiravit. Hic apud Cosaços detentus, tandem post transactionem Zborovianam, ad suos magno Patriæ suæ bono rediit. Ingens, in primo hoc impetu infeliciter effuso, vulnus accepit Polonia; amisso, in præcursoe hoc exercitu, flore militum; tùm dato atrocissimo perfidiæ Russis aliis exemplo, & ulterioris metu Polonis. Insecutus interim erat, sed lentioribus itineribus, Potocius senior cum Campiductore Calinovio Palatino Czerlichovix, quinq; plus minus milia militum ducens, & jam quindecim circiter milliaribus à funesto illo loco aberat, successu nuncios à Commissario & filio, quos præmiserat, opperiens. Quos cum diu nullos acciperet, sinistra inde animo præcipiens,

*Prima
Polono-
rum cla-
des ad
flavas
Aguas.*

*Potocius
Dux se-
quitur
cum al-
terâ par-
te exer-
citûs,*

eipiens, Cercasium rediit, ubi biduo consumpto, cum tandem XI. Maji à Christo-phoro Grodzicio Codacani præsidii præfecto literas tantæ cladis indices accipit. Ad arcem quippè illam, duo ex infelice pugna gregarii profugerant, qui quæ viderant, retulêre. Grodzicius sine morâ de clade, & juxtâ periculo, quod sibi, & Codaco ipsi, milite rebusq; necessariis adversus vim tantam non satis instructo immineret, monendum arbitratus Ducem, suum simul de arce illâ nonnisi cum ultimo sanguine dimittendâ propositum denunciat. Potocius confestim ut literas legerat, easdem ad magnum Regni Cancellarium Olsolinium celerimè transmittit, orans simul, ut Rex appropere subsidii, commotôq; omni Ordine Equestri, exercitui suo ad tantam hostium multitudinem diu sustinendam impari opituletur. Mox de fato suorum aliunde etiam confirmatus, properantiùs retrocedendum duxit. Motis itaq; castris Corfunum oppidum à Stephano Rege ad Rosam amnem conditum transit: sic porro, quantum fieri posset, celeriter perrecturus. Sed paulò post à Gedeszynio, quem exploratum miserat, monetur, Tartaros ad sextum inde milliare Tasminum flumen trajicere. Itaq; figere ac munire castra jubet.

Eodem

*Potocius
retroce-
dit.*

Eodem die oppidum, ne hosti relictum vires ejus augeret, prædæ militum datum, postridie verò idem, cùm Cosaci Tartariq; appropinquarent, quidam & intra jam essent, succensâ jussu Ducis unâ domo, & inde mox in cæteras grassante flammâ, in cineres totum confedit, solâ arce, & fano uno, quod longiùs paulò abessent, relictis. Stabat noster quinq; circiter millium exercitus, intra castra, supra solenne carraginis sepimentum, festinatis quinq; terreis munitionibus utcunq; firmata. Frontem eorum Henricus Dönhofius vetus militiæ tribunus, quinq; Draganorum vexillis & quatuor machinis tutabatur. Totidem machinis alteram munitionem Vice-Tribuni Corydonis; Stephani Czarnecii & Andreæ Coniecpolscii vexilla tria numero; Tertiam defultorii equites Bieganovii, sed sine machinis (nec enim Dux summus nisi octo machinâ adduxerat) quartam pedites & Dragoni Sceniavii: quintam pedites & defultorii equites Dominici Zaslaviæ & Ostrogia Ducis, Palatini tùm Sendomiriensis, postea Cracoviensis, defendebant. Primi oppidanum pontem Tartari trajecerant, & turmatim circumfundebantur castris. In *Poloni se* quos Dönhofius explosâ machinâ detonuit, *defen-* cadentibus ex hoste nonnullis atq; inter eos *dunt,* primi-

primipilarii, quem suorum proximi, equo
 impositum abstulêre. Cosaci cautiùs suc-
 cedebant, atq; eminùs, aut sub collium pro-
 tectu, Castrorum positum accessusq; specu-
 labantur. A Tartaris interim & vicissim
 Polonis magis magisq; præludebatur præ-
 lio, connitentibus utrinq; qui castris exul-
 taverant, captivo aliquo potiri, qui suorum
 numerum animosq; enunciaret. Frustrati
 spe suâ tum Tartari: Poloni Tartaros de-
 cem, & Cosacorum plures, eo die ad Poto-
 cium adduxêre, qui torminibus subacti, re-
 tulêre, *Tartarorum quadraginta, septem-
 millia Cosacorum primùm adfuisse; sed qui-
 bus eo ipso die plusquam decem millia agre-
 stium, variè armatorum, accesserint; Cha-
 num deniq; Tartarorum, in campis desertis
 jam stare, bello paritèr accinctum.* Homi-
 nes isti, cùm sibi, seu vera, seu falsa nunciâs-
 sent, extrema instare scirent, ut Cosacis suis
 morituri etiam prodescent, vires hostium
 ultra verum extulerant, ut postea deprehen-
 sum est. Sed fidem tamen tum invenêre.
 Nam Tartarorum celeritatem & ingentem
 Polonam animos non nescientibus, porro
 autem de plebis, undiq; ad arma concla-
 mantis concursu, aliundè admonitis, nihil
 dicere visi sunt, quod verum excederet. Ver-
 sis tum in periculi aleam, animis omnium,
 Campi-

Campidiductor svadere cæpit, prælio uti *Duces*
res committeretur, *augescere morâ pericu-* delibe-
lum, inquit, & pugnantibus spem superesse rant an
victoriæ, paulò post nonnisi compedum mor- prælio-
tisve, nec forsan satis gloriosæ, copiam fu- res *com-*
turam. Non placuit supremo Duci consili- *mitten-*
um, quo uni ictui universæ Reipubl. securi- *da.*

tas videbatur subjici. Et Lunæ diem obten-
debat, quem tot experimentis sibi infelicem
cognovisset. Interim ex singulis vexillis,
binos seligi permisit, qui rectore Balabano
in præcursores Cosacorum & Tartarorum
ducerentur. Sed hos explosâ una Dönhofii
machina ita disjecerat, ut nihil opus es-
set quenquam in eos ducere. Cæterum uti
prælii aleam tentare haud consultum vide-
batur Duci, ita nec decorum credebat, lo-
co cedere; aliis contrâ acriter instantibus,
ne teneretur ibi exercitus, ubi, hoste indies
incrementa sumpturo, sibi nec auxilii spes
ulla, & defecturis mox jumento militiq;
alimentis, certum exitium expectandum sit.
Concescit tandem in horum sententiam.
Potocius, adeoq; stetit consilium, curruum
gravioribus relictis, cæteris in carraginem
connexis, agmine lento, & ad pugnam pa-
rato, cedere retrò: datumq; mox negotium
Bieganovio metatori castrorum, viro in re-
bus agendis notæ dexteritatis, carraginem
ut in-

Duces
retrò
movenſe

ut instrueret. Quod ubi factum, iussi singuli militum equis descendere, & his intra carraginem conclusis, pedites locum quisque suum, in carraginis ambitu, propugnare.

Sed infelixiter. Occupaverat hostis iter, nihilominus in-
eum, masculè obversâ fronte curulis hæc acies ibat, & sclopetorum ictibus obistere ausos, submovebat. Facto sic sesquimilliarî, ad betuletum, quod sensim, mixtis aliis arboribus, in sylvæ altitudinem asurgebat, deventum est, locum nefandum, & veras Polonorum Cannas. Impeditum, & curuli aciei propè ineluctabile iter, dumetorum angustia faciebat, inque solo uliginoso & ad gradum instabili, hærebant currus, multiq; evertébantur. Quibus inhiantes Tartari &

*Clades
Corsu-
nensis.*

Cosaci, cum nostrorum tormentis & sclopetis subindè propulsarentur, nihilominus luctantem Polonorum aciem, in penitiora sylvæ comitati, infestabant undique. Alii prægressi, viam fossis transversim ductis & concædibus intercludebant. Cum ita quatuor ferè horis conflictati Poloni (nam qui ex Ruthenis aciei Polonæ intermixti, plus minus mille octingenti, ad hæc devia ductores fuerant Polonis, in primo luci betulacei ingressu ad hostem profugerant) strenuè se sustentassent, tandem circa meridiem, stratis cadavere multo viis, tum inter-

ceptâ

ceptâ vepretis, viq; etiam hostili perruptâ
 carragine multitudini violentiæq; urgen-
 tium jam impares, in potestatem hostis de-
 venêre. Multos etiam tûm, quanquàm re- *Ducet*
 sistere jam impotes, crudelitas gladii hosti- *capiunt*
 lis hausit, plures, & in his ipsum belli Du- *tur &*
 cem Potocium, & Campiductorem Calino- *multi*
 vium, duplici vulnere saucium, Odrzyvol- *alii.*
 fcium Castellanû Czernichoviensem, eun-
 demq; Præfectum Vinnicensẽ, insignem
 militiâ virum; Sieniaviû, juvenem opibus
 & avitâ belli gloriâ præsignem, Gazanoviû,
 Balabanû, Henricum Dönhofium, Biegano-
 noviû, multis decorib9 claros Ductores, Co-
 moroviû, Corydonem Gallum, qui tamẽ ex
 tribus vulneribus triduo post exspiravit,
 Flikum, Lacrostadium, Centuriones, aliosq;
 strenuos bello viros strinxêre vinculis, & in
 Tauricam deniq; abduxêre. Paucissimos,
 atq; inter hos Koricium, Gdesynium, etfi
 jam vulnere tardum, Coslakovium item,
 notissimos rebus gestis Ductores, hoste in-
 tercurrus & spolia occupato, cladi huic, &
 mox agrestium, passim in victos desævien-
 tium insidiis, felicior fortuna & virtus sub-
 duxit. Koricius inprimis nonaginta cir-
 citer militibus comitatus, per multas ad
 Chmielnicium tendentium Rusorum cæ-
 des, Kiovia primû, & inde rursûs per

Summa discrimina, ad suos evasit. Sed & Sieniavius à Tohaibego, clam Chano, qui jam prædæ recipiendæ causâ appropinquabat, spondentibus pro lytro, viginti millium aureorum, Potocio & Calinovio, à vinculis citò atq; intra ipsum locum penè cladis, liberatus, cum suis aliquot domum incolumis rediit. Ad eum modum duplici intra dies decem clade, protector finium exercitus, & primum velut robur Poloniæ, à barbaro hoste proculcatum est. A Tartaris verò pasim impunè omnia pervagantibus, super antè memoratos, ingens hominum vis abducta mox fuit, adeò ut sint, qui captivorum numerum supra septuaginta millia processe narrent. Cæterum, cum ingens esset vulnus, quod ista clades Regno inflixit: eodem tempore alterum ex intempestivâ Vladislai Regis morte accesit. Qui sub prima tumultuum istorum initia in Lithvaniam disceserat, recens tùm filio unico Sigismundo Casimiro septenni, sed magnæ indolis Principe, orbatus. Unde tristes curas loci & negotiorum mutatione, simul & fessum ex ægritudine, quam non multò ante è Prusfiâ redux, Varsoviæ sat gravem expertus erat, reficere corpus quærebat. Quò eum Regina Maria Ludovica Niverno-Mantuana princeps, nec non frater Joannes Casimirus deduxerant. Sed hic

*Tartari
pluri-
mos ho-
mines
abdu-
cunt.*

*Vladis-
lai Regis
extre-
ma.*

inde iter per Poloniam remensus, in Austriam paulò post contendit. Dùm Vilnæ esset Rex, inter prima negotiorum, prælustrium duorum Lithvaniæ Procerum, Janusii Radzivillii Ducis & Leonis Casimiri Sapiehæ Vice-Cancellarii, reconciliationem habuit. Quos tamen odium inveteratum, frontibus magis, quàm animis deposuisse, eventus postea ostendit, cùm iidem, mortuo mox conciliatore, in diversa omnia & adversa mutuò ivêre. Paulò post ex Poloniâ nuncii, de primis Chmielnicii captis rebellibus, & serpente indies latius seditione, metu deniq; advocatæ in scelestum societatem patrociniumq; potentia Tartaricæ, Regi afferuntur. Visum itaq; est, in Poloniam regredi, ubi facilius iniri consilium, propiusq; ostentatâ Majestate Regiâ retundi nefaria molimina possent. Sed ubi Merecium, Lithvaniæ oppidum, Reginâ comite, pervenisset Rex, subito doloribus calculi & febris deprehensus, dies aliquot inter morbi incrementa consumpsit, magis medicamentis, quàm Medicis, ægrum destituentibus. Cùm langvescere se videret, testes ultimæ voluntatis suæ tabulas, Sapiehæ Vice-Cancellario, quem fidsimum sibi & Domui Regiæ expertus semper erat, signandas dedit, curamq; exe-

F 2 quendi

*Vladis-
lai vita
& virtu-
tes.*

quendi commendavit. Inde magis magisque
vocantium factorum vim sentiens, à Grego-
rio Schönhofio S. l. ad extrema præpara-
tus, nec multo post, vigesimo die Maji, an-
no ætatis suæ LV placidè, & integris animi
viribus, exspiravit. Princeps sanè inter for-
tissimos & felicissimos seculi numerandus.
Quem mater Polonia in sinu minimè deli-
cato, quippè inter bella ferè perpetua edu-
xerat. Prima rudimenta quindecennis ado-
lescens sub ductu Zolkievii, fortissimi im-
peratoris, deposuit in Moscoviâ. Et hæc
post Demetriani belli tempestatem mirè
fluctuans, cum jam sibi in Principem Anno
1610. delegerat, postea cunctatione Patris
Sigismundi, internisq; discordiis, aliò a-
versa. Chotimensi dein expeditioni, vo-
lente Patre, auspicia sua præsens commo-
davit, tam felicia, ut Turcarum Imperator
Osmanes, collectis totius Orientis viribus
Poloniæ imminens, satis tum habuerit se-
curam à Polonis pacem retulisse. Quieto
posthac Regno, ad externos versus, peragra-
tâ utrâq; Germaniâ, Romam & in eâ sum-
mum Pontificem salutavit. Post Patrem
deniq; Sigismundum mortuum Anno 1632.
concordibus suffragiis omnium, Rex cre-
atus, cum sceptro simul mox arma capessit.
Smolenscum enim tum Moschus ingente
exercitu

exercitu circumfederat. Quod brevi tempore ita Vladislaus liberavit, ut ipsum deniq; obsesorem exercitum obsideret, & ad deditionem summâ suâ & Reipubl. gloriâ cogeret. Inde in Podoliam cum victore *Turcica* exercitu transgressus, Abasibassam, quem *expeditio* ingente Turcarû & Tartarorum vi incumbentem Polonis, Coniecpolscius magnus militiæ dux fortiter hætenùs sustinuerat, ipso adventu suo territum, & pacta promptè amplexum, ad sua repulit. Hinc eundem in Prusiam exspirantes induciæ, quas cum Svecis in sex annos pepigerat pater, revocârunt. Cujus terræ cum magnam partem celeritate & vi armorum præreptam aliquot annis tenuisset hostis, eam tùm bellis Germanicis distentus, sed inprimis Vladislai felicitatem veneratus, productis in annos 26. induciis restituit. Ex eo tempore *Vladis-* hostis magis, quàm belli amor Vladislao *lao ho-* defuit, Tartaris, quos paupertas sua & per- *les de-* nicitatis fiducia, in Rusiæ viscera identi- *sunt.* dem antehac impulerat, ita auspiciis Regis, Coniecpolscii verò, Potocii, Chmelecii, aliorumq; Magnatum Virtute refrænatis; ut nec crebrò, nec nisi extrema Regni, & trepidè admodum, plerumq; etiam non impunè attentarent. Nec Cosacorum, quam aliquandò fræna mordentium cona-


*Cosaci
sub Vla-
dislao
quieti
aut do-
miti.*

*Pax re-
ligiosa.*

tus aut progressus tanti fuere, quin iis comprimendis Regis etiam absentis fortuna, Coniecpolscii dirigentis autoritas, & deniq; executrix Potocii manus abundè suffecerit; posito tum quoq; ex consilio inprimis Coniecpolscii ad ripam Borysthenis castro Codacensi, tam Cosacorum quàm Tartarorum molitionibus observandis compescendisq; peropportuno. Sub hoc itaq; Rege, si unquam, pace beatissimâ & ad luxuriam propè floruit Polonia, nonnisi sacris dissidiis sibi interdum molesta. Quibus & ipsis tamen ille ponere obicem laboravit. Atq; eo fine amicabile Colloquium Thorunii instituit, cui Regiâ autoritate primùm Dux Georgius Osołinius Regni Cancellarius, post eum verò Joannes Comes de Leszno Castellanus tùm Gnesnensis postea Palatinus Posnaniæ & tandem ad majus Regni Sigillum evectus, præfuit. Partium dissensionum moderatores constituti: Georgius Tiskievicius Episcopus Samogitiæ, Sbigneus Goraiscius, Castellanus tùm Chelmenensis, postea Kioviensis: Sigismundus Guldensternius L. Baro Præfectus Stumensis & Aulæ Regiæ intimus familiaris, postea Castellanus Gedanensis. Foris bella Vladislaus adeò nunquam recusavit, ut postremò etiam ferè quæsierit:

domi

domi semper pacificus, benignus, fronte animoq; in amœnitates omnimodas, beneficiis in prodigentiam propè effusus. Sed hæc obiter libereq; de vitâ & moribus Vladislai inferere, morte ejus admoniti sumus.



LIBER II.

Cosaci victoriâ tam memorabili, Ductore Chmielnicio, adjutantibus Tartaris, potiti; divisus inter se spoliis ad Album Fanum (vulgò Bialocerkujam appellant) confederunt; affluente indies illuc undiq; plebe, & militiam Chmielnicii aut saltē patrocinium quærente. Ut adeò intra paucos dies ad septuaginta millia hominum excreverit iste exercitus, trepidante interim, ac quâ quisq; poterat, diffugiente tum Nobilitate; tum Oppidanorum iis; qui ob diversa seu sacra seu studia Cosacis fidere non possent. Ac justissimo quidem metu Polonia omnis persvaserat sibi, progresurum tùm statim hostem, & augeſcente in immensum multitudine universas Regni Provincias, nemine resistere auſo, inundaturum. Sed non fuit ea Chmielnicio mens, aut si fuit, fatis

*Chmielnicii
victoris
exercitus
crescit.*

*Ille sistit ad gubernantibus, mutata est. Quamdiu
 cursum.* quidem mortem Regiam ignoravit, vene-
victoriæ. ratione Principis, cujus virtutem, autori-
 tatem, felicitatemq; non nesciebat, substi-
Et scri- tit. Quin imò missis ad eum deprecatori-
bit ad bus ac literis *turbarum istarum calamita-*
Regem. tumq; occasiones, gravissimas nempe Præse-
 ktorum injurias, Judeorumq; depeculationes
 latè exsequitur, simul veniam orat eorum,
 quæ in necessariâ sui defensione, commissa
 sint. Tartaros remisurum se, & porro in
 obsequio Regis mansurum pollicens, dum
 datæ jam olim à Regibus libertatis usus sibi &
 Cosacis permittatur firmeturq; Postea si-
Chmiel- mul cum obitûs Regii nuncio accepit lite-
nicium. ras Adami Kisiel, Palatini tum Braclavien-
Kisielus sis viri autoritate validi, ob sacra etiam
mitiga- communia apud Cosacos gratiosi. In iis
re studet Palatinus ad Chmielniciûm scribens. Nihil
efficace se, ait, de bono ipsius erga Rempubl, affectu
epistolâ. dubium, ut paritèr is prosperam apud alios
 Senatores ac Cives existimationem ac fa-
 mam experiatur, efficere conari. Militem
 Zaporobianum semper quidem libertatis &
 gloriæ avidum, obsequium tamen Regum
 suorum nunquam exuisse. Et gentem ipsam
 Ruthenam fidei suæ adeò tenacem esse, ut
 mortem potius decoram, quàm vitam per-
 fidâ deformem probet. Patriam deniq;,
 quam-

quamvis nunc discordibus & sanguine mutuo pollutis eandem esse, in quâ sua cuiq; jura, sua libertas, aut asserenda saltem libertatis ratio non desit; patente inter ceteros Cosacis & præter ceteros viris militaribus in liberâ Republ. pro se loquendi tantâ potestate, quanta in nullo Regnorum alio. Hæc reputantem Chmielnicius non posse Reipubl. manere Polonica inimicum esse; indeq; adeo sibi, utile, ad ipsum, ut amicum, per Monachum hominem sacris & ætate venerabilem, scribendi natum impetum, quo sic simul suam erga exercitum Zaporobianum benevolentiam, velit testatam. Non ignarum Chmielnicius, & quotquot cum ipso militant. se solum Senatorem religionis Ruthenica, templorumq; & jurium ejus Patronum, in eâ curâ consequi se & porro mori velle. Post Cumeicense bellum intactas sibi sanguine Rusfico manus; & si quid durius in ipsos consultum sit, se invito & repugnante factum. Merito itaq; suo postulare se, ut fidem sibi habeant, cujus negandæ nullam obtendere possint causam. Quæ facta sint, infecta fieri non posse. Bella, atq; hinc ortam famem, pestilitatem mala esse, divinitus immitti solita. Ea singula perdendis Provinciis idonea, Reipubl. jam incumbere aut instare u. iversa. Eadem porro amplius lacescere, provocare, aut in exi-

tium patriæ asperare velle, indignum & nefas. Satiùs enimverò esse ultricem Numinis manum precibus, suam penitentiâ inhibere, mitigandisq; potiùs, quàm diducendis vulneribus applicare. Certum sibi, quæcunq; acciderint tristitia, præter voluntatem defuncti Regis accidisse. Potociò etiam ipsi, quem infelix expeditio in captivitatem jam deduxerit, diu componendi magis tumultûs, quàm armis persequendi placuisse consilia. Scire se deniq; ex Zdanievio affine Chmielnicii, nec ipsum quidem cùm in insulas Zaporobianas secederet, quicquam adversi in Regem aut Rempubl. molitum, in hostilitates nonnisi post suum ex illis abitum deventum; quibus stimulis, quâ culpâ, nec notum sa-
Bella do- tis, nec promptum sibi dicere. Caterùm seu
mestica. victor ab hoste seu victus abieris, non uno certamine vel victoriam pertegendam, vel sarcierendam cladem. Inter domesticos ubi certatur, etiam victori gloriosius gladium cohibuisse, quàm strinxisse aut ostentâsse ultrâ. Id circò & Chmielnicio se autorem esse, ne Dei Majestatem, nec Reipubl. quietem lacesat ampliùs. Quin relegatis ad sua Tartaris, & retracto ad suetas Cosacis sedes exercitu, inde per Delegatos vera tumultûs istius primordia injuriasq; , quâ exercitûs, quâ suas, sed simul mox fidem, inposterum Rei-
 publ.

publ. haud defuturam, exponeret. Seipsum addit (idq³ sanctitatem Ecclesiæ suæ, cujus uterq; ipsorum filius sit, & antiqua gentis sanguinisq; Rutheni sacra & decora obtestans) Causæ ipsorum quicquid operâ & auctoritate possit, semper promptissimè commodaturum. Talem sibi in Republ. locum esse, ut se inscio, nec belli nec pacis consilia haberi aut rata esse queant; eum porro animum, qui non bello ejusmodi interno fomenta, sed malorum, quibus ingemiscat, remedia, terræ & Religioni patriæ apta, æquamq; inprimis pacem asferre optet. An enim non melius vires, in mutua mala jam conversas, in communem potiùs Christianæ gentis & religionis hostem impendi? annon vel ab illo saltem modum internis calamitatibus mendendi discendum? Non semel scilicet istas gentes, Tartaricas inprimis, mutuis discordiis inter se commissas ad arma provolare: faciliè tamen, ubi primæ detumuerint iræ, & sine arbitris externis, in concordiam redire. Ipsos igitur Barbaros facescere jubeant, ceterùm eorum in ponendis dissensionibus exemplum servent & sequantur. Qui literas portabat Monachus, ægrè manûs Tartaricas eluctatus, in exercitu etiam Chmielnici turbida omnia reperit. Tandem tamen convocatâ ad consilium bellicum turbâ,

numerosâ

Chmiel-
nicius
paret
Kisielo.

numerosâ admodum, eòq; ad audiendum
agrè compositâ, literæ lectæ sunt, & primus
Chmielnicius Palatini consilium approba-
vit. Cui assensus, sine morâ, cæteris, con-
stitutum, positâ omni hostilitate responsum
ab aulâ præstolari; Tartaros in campestria
dimissos extra noxam Provinciæ, in casum
tamen promptos habere, ipsum verò Pala-
tinum ad se invitare. Et in eam sententiam
missum Palatino responsum, additâ dete-
statione *malorum, quæ ipsis nolentibus &
deprecantibus orsa, in nocentes juxta & inno-
cios reciderint.* Eodem tempore, quo Mo-
nachum ad Cosacos, alium tabellarium,
Vaisaviâ expèdierat Palatinus, quæ Chmiel-
nicio scripsisset, nuncios; simul consi-
lia addens, de quærendis honestæ compo-
sitionis modis, & antequam ad eam acce-
datur, mittendis properè subsidiis; milite
inprimis Prætoriano, quem præsentis ani-
mi consilij; viro committere svadebat.

Kiseli
consilia
de Duci-
bus eli-
gendis.

Summam verò belli auctoritatem Palati-
nus Cracoviensis dandam censebat Duci
Zaslaviæ & Ostrogiaë Dominico, qui pri-
mario inter Senatores loco (erat enim tùm
Palatinus Sendomiriæ) & ordinariâ suâ
aliquot millium hominum potentiâ, opi-
busq; suis præ aliis eam dignitatem sustine-
re posse videretur. Cæterum grato animo
omnia

omnia hæc accepta sunt à Collegio Sena- *Senatus*
torum, qui primo Senatore & quasi inter- *Regni*
rege Matthiâ Lubiensio Archiepiscopo *negotia*
Gnesnensi, Regni Primate, viro ætate, pru- *admini-*
dentiâ, & probitate venerabili, negotia *strat*
Reipubl. curabant. Sed magis etiam po- *præsede*
steâ animos omnium erexere aliæ literæ, *Archie-*
quibus Monachi ad Cosacos adventus, & *piscopo.*
flexa horum ad arma sistenda inclinatio
memorabatur. Et actæ Palatino pro isto
in Rempubl. studio ingentes gratiæ, simul
& miles prætorianus, ducente Osinscio Tri-
buno, deinceps verò Caroli Principis Polo-
niæ, Episcopi Uratislaviensis & Plocensis
desultorii equites quingenti in Rusiam ire
jussi sunt. Scriptæ item ad varios literæ,
de consensu quidem Senatûs cæteri, sed
impulsu maximè nutuq; Ducis Georgii Os-
solinscii Cancellarii : qui vir oris inge- *Consilio*
niiq; dotibus ingens, & incomparabilis ex- *inprimis*
perientiæ, inmotâ, quantumvis inter mul- *Ossolin-*
ta inimicitiarum & suspicionum adversa, *scii Can-*
autofitate, præcipua rerum tum etiam re- *cellarii.*
gebat. Datum inprimis responsum ad Cha-
ni Tartarici epistolam, quâ ille à Rege Vla-
dislao, morte ejus nondum intellectâ, qua-
tuor annorum tributum & Cosacorum in ve-
terem fortunam restitutionem, superbè satis
& calamitatibus Regni non modicè insul-
tans,

*Respon-*tans, postulabat. Cui repositum à Senatu
*detur ad*tributi nomen insolens & intolerandum Po-
*Chani li-*lonis semper visum, nec unquam Tartaris
teras. quicquam datum, nisi eâ lege, ut vicissim re-
 quirentibus operam Polonis præstò essent:
 ab iis verò sæpius contra factum. Et nupèr
 absq; scitu domûs Ottomannicæ, cui obse-
 quium debeant, violato apertissimè fœdere,
 rebelles Polonorum subditos ab iis adjutos,
 magnamq; hominum multitudinem misere
 abductam. Quid itaq; & quantum stipendii
 ipsis debeat, non paucorum Procerum, qui
 in honorem Regii corporis & subita neces-
 sitatum, congregati essent, sed majoris Con-
 ventûs esse, definire. Qui ad 16. Julii diem
 indictus, propediem instet. Cosacis, ubi sup-
 plices veniam commissorum petierint, iusta
 & equa à futuro Rege, interponente se Se-
 natu, non denegatum iri. Cæterum minas
 Chani, ut terrori non sint quamvis afflictæ
 Reipubl., ita stimulo fore, ne imparatos ille
 inveniatur, si ultra minas sævire voluerit. Eo-
 dem svasore Cancellario ad Vezirum quoq;
 Turcicum misit à Senatu per Gazubam
 nobilem Lithvanum literæ: Chanum Tar-
 taricum incusantes, qui & libertatis à Rege
 defuncto olim receptæ immemor & Polonici
 cum Turcarum Imperatore fœderis irreve-
 rens, cum Cosacis Polonia rebellibus & in
 Turcas

Literæ
ad Vezirū
Turcicū.

Turcas ipsos hostilia subindè agitantibus, societatem pactus sit, immisisq; magno numero Tartaris, custodem finium exercitum, tam insperatæ multitudini imparem circumven- rit, Ducesq; ipsos & plurimos bellatorum, alios, post infelix Poloniæ prælium, in capti- vitatem Tartaricam abduxerit. Oratur Ve- firus, autoritate suâ apud Imperatorem ef- ficiat, ut homini, imperium majoris Domini adeò non moranti, fautori juxtà rebellium, fæderum deniq; violatori scelera sua non si- nat impunè esse. Et ut idem Duces, nullâ in Tartaros aut Turcas destinatâ acie, captos, restituere jubeat. Rogatur insupèr ab iis- dem Senatoribus Galliæ Legatus qui ade- rat, uti res Polonicas Christianissimi Regis apud portam Ottomannicam Oratori, quàm diligentissimè commendet. De belli deniq; *Duces* Ducibus in eo Senatu deliberatum, quos *militiæ* ternos bello isti præficere visum. *Primus consti-* *tuti.* Primus ordine & autoritate, Dominicus Dux Zas- lavix & Ostrogix, de quo antè, nominatus est. Alter Nicolaus Comes de Ostrorog, Pocillator Regni, vir majorum gloriâ & suis meritis illustris. Tertius Alexander Coniecpolscius, Vexillifer Regni, unicus magni illius Stanislai Coniecpolscii, quem verè remoram fatorum Poloniæ dicere possis, filius. Si Jeremias Dux Visnovecius Palatinus,

Visno- Palatinus Rusfiæ, paulò citius ex remotio-
uecius ribus extremæ Rusfiæ oris eluctari potuis-
non est set, multùm fanè ambiguam eligentium,
inter curam fecisset. Sed is, ultra Borysthenem,
Duces cum ruente in eandem rebellionem plebe
nomina- agrestium, diu conflictatus, postea malo
tus. immensis auctibus crescenti illic imparem

se sentiens, quæsitis per Lithvaniæ fines
 ambagibus, trajectoq; istic Borysthene, fi-
 delioribus suorum comitatus, in loca tutio-
 ra, seriùs aliis, evaserat. Postea quantum-
 vis publicæ voces, militarium inprimis
 virorum, quorum ille favorem popula-
 ri humanitate & virtute toties spectatâ
 collegerat, summæ eum rei destinarent,
 adversa tamen illi pars evicit, ut in placito
 Proceribus Aulicis regimine militari nihil
 mutaretur. Et deinceps in ipsâ Convoca-
 tione (sic in Poloniâ primus à fato Regum
 Conventus vocatur) hæc ordinatio confir-
 mata est, etsi non deessent, qui aliò judiciis
 inclinarent, imò aliqui etiam sinistra om-
 nia sub tali militiæ regimine portende-

Convo- rent Reipubl. Illi autem habendo Conven-
catio in- tui diem 16. Julii Archiepiscopus literis pu-
dicatur blicis tum præfinit, mortem simul Regi-
Varfa- am, ex more, Civibus Regni omnibus si-
viam. gnificans, & quæ ad tuendam Regni secu-
 ritatem & Rusfiæ tumultuantis seu pacatio-

nem,

nem, seu levamentum facerent, de sententiâ Senatorum præsentium, sollicitè monens. Nec mora, concurrunt ubiq; Cives, agunt Conventus, quæ posceret necessitas, deliberant. Illicò & post Conventus istos provinciales, ubiq; per Palatinatus colliguntur milites, & in militis stipendium pecunia; aliis suo ære, aliis publico militiam & patriæ curam susceperantibus. Nec facilè meminimus tempus, quo majore conatu vires suas Polonia omnis concusserit. Ut videatur specimen, Posnaniensem primò Palatinatum nominabo, qui omnium Poloniæ terrarum à Russiâ, adeoq; à periculi aleâ remotissimus erat. Et is tamen breve intra tempus bis mille ducentos milites contraxit, lectis ex primæ notæ Proceribus, qui ducerent, Tribunis quatuor, Andreâ Carolo Grudzinio, Rogozinensi Præfecto, postea Palatino Posnaniensi; Jacobo Rozrazevio Coninensi Præfecto postea Palatino Inovlodaviensi, Francisco Czarnkovio Medzericensi & Pizdrensi Præfecto, postea Castellano Posnaniensi; Hyacyntho deniq; Rozrazevio, viro præsigni, & cujus egregia decora, mortemq; posterior Historia memorabit. Cæterum singuli horum, supra assignata è publico ærario stipendia, proprii æris non parùm in eam expedi-

*Miles
colligitur in
Polonia.*

expeditionem, patriæ laudisq; amore, erogârunt: suâ scilicet manu nonnulli ducentorum militum publicas cohortes turmasq; augentes. At ultrâ has cōpias, in Rusiæ laborantis subsidium destinatas, tria millia militum ad tutelam ejusdem Palatinatûs, quòd is Silesiæ affinis & aliarum gentium conatibus opportunus esset, Boguslao Lescinio Generali Majoris Poloniæ Præfecto commissa sunt. Non dispare in Rempubl. animo alii Palatinat⁹ expediêre copias suas. Prussi quoq; quamquam alium & propiorem tûm hostem formidantes, mille pedites, equites ducentos ad extinguendum commune incendium misêre; commisso eorum regimine Ludovico Veihero, Castellano tunc Elbingensi, postea Pomeraniæ Palatino. Sed his mille ducentis, cæterorum Prusiæ Procerum alacritas totidem alios addidit. Dantiscani quoq; laudabili in Rempubl. fide, & acri Archiepiscopi sollicitatione impulsî, trecentos pedites suo stipendio auctoratos Varsaviam misêre. Cæterùm eadem Prussia, ne his delectibus exhausta & quodammodò nuda, eò magis hostium finitimorum incursibus pateret, aliis qui militem in idem bellum legere vellent, jus & privilegia sua opposuit; ne literas quidem Archiepiscopi, qui inhibitionem

tionem illam juxtà cum aliis agrè acceperat, morata. Etiam portorium, quod Elbingæ Gedaniq; Regi pendi solitum, in copias contrahendas tum postulabatur, denegatum est eo nomine, quòd more dudum recepto, Regi futuro id reservaretur.

Isti autem armantis se Poloniae apparatus Chmielnicius equidem non latebant. Nihilominus is amica sibi omnia, sponse Kisielo Palatino Kioviensi, à Republ. promittens, haud dubiè & viribus suis fretus, ad Album Fanum, injecto successibus suis sufflamine, stabulabatur. Et tantum ab-
*Chmiel-
nicius ad
Biala-
cerkvam
mora-
tur.*

erat, ut de augendo militum numero laboraret, ut potius nimiam exercitus molem metuens, ultrò accurrentem multitudinem à castris suis, quanquam frustra ferè, prohiberet. Nam immensa rusticis armis accinctæ plebis agmina, cum non admitterentur, castris accubabant. Sed nonnullos Cosacorum Ductores tedium quietis, tum haud dubiè desiderium prædæ, in excursus faciendos, prolicuit. Ac cum intellexissent non exiguam Nobilium manum Tulcinum
*Tulcinus
invadit
tur.*

(vulgò Nestervar dictum) se recepisse, illuc primum, connivente vel potius jubente Chmielnicio, vertère. Vetus id Calinoviorum, & adversus Tartarorum insultus firmum satis municipium erat. Nunc insuper

cohortibus aliquot militum, raptim à Baibusâ nobili viro collectis defendebatur. Quibus & Mrozovius cum turmâ Coniecpolscii Vexilliferi Regni speculatum missus, postremò Czetvertinii Ducis, & Zamoscianorum militum aliqua manus accessit. Ac istorum quidem virtute repulsus aliquandiu hostis, sed majore mox impetu reversus, cum obviam prodire ausos, numero & viribus prævalens, disiecisset, oppidum primò, deinde arcem cepit; tandem pretium vitæ & libertatis offerentibus ignoscere visus est: at hæc conditione, ut Judæos dederent. Quos manibus egresos, inter atrocissima lamenta, nullo ætatis vel sexûs discrimine, gladius hausit. Gerebantur hæc Ganzæ Tribuni ductu. Cujus cum avaritia pecuniis, crudelitas tot cædibus satiata videretur, supervenit alius Cosacorum Ductor Ostapa (Eusthatius nobis) qui pactum cum Ganzâ initum nil moratus, oppidum & ipse arcemq; vi invadit. Atq; ut facilius loco potiretur, ignem turri lignæ, in quâ pulvis pyrius aservabatur, injicit, unde magno accensi pulveris fragore attoniti, qui in civitate erant, eò facilius hostem, magno impetu in valla nitentem, admisere. Tum miserabili cæde multa millia hominum, nobilium inprimis utri-

Idem oppidum miserè excipitur.

mis, utriusq; sexûs, perierè. Ibidem inter alios Zetvvertinius ex priscis Ruthenorum Ducibus orlundus securi rusticâ peremptus est. Tum quoq; Niemirowia, sed ferè sine *Niemirowia.* negotio, occupata est: quòd nemo aderat, qui oppidanos, in nova jam nimium pronos, in officio retineret. Si qui obsistere, aut minùs favere turbidis viderentur, immaniter trucidati: præcipueq; in Judæos utriusq; sexûs sævitum. Sed sæminis ple- risq; non ante stuprum mors illata. Quan- dam ex primoribus, & liberalioris formæ, servavit Cosacus incolumem, conjugium ab eâ stipulatus. Annuere ipsa, & in sacra in- super Græca transire velle visa est: hâc ta- men lege, ut sibi, antequam mutaret, se- mel adhuc Hebræo ritu Deum adorare li- ceret. Consentit ille, sed abeunti tamen custodem addit. Contendit ad flumen He- bræa, ibiq; præceptis Decalogi, quæ secum gestabat, capiti impositis, in aquam sese præcipitat, memorabili contemptu vitæ, quam, nisi incolumi religione & castitate, mulier servare noluit. Dùm ista hîc gerun- *Crzyvo-* tur, non procul inde incertum an conni- *nosius* vente, an coercendæ effræni turbæ impare *Dux Co-* Chmielnicio, licentiæ majoris signum su- *sacorû,* stulerat, Krzyvonosius, homo olim ferris *præcipue* bombardisq; faciendis exercitus: nunc bel- *agrestiu.*

*Pohere-
bisci ca-
piuntur
à Visnio-
vecio.*

li aliquo usu, sed imprimis astu senili & audaciâ, modicæ primùm manûs, mox vasti exercitûs ductor factus. Etenim turbidissimus quisq;, cui nec Chmelnicius satis barbarus videbatur, prædæ cupidine & publico quodam quasi furore ad eum ruebat. Cui ante alios omnes Jeremias Visnovecius, Dux magni animi & bello felix, ex ultimis Rusiæ trans-Borysthenianæ oris nuper eluctatus, se opposuit; primo impetu Poherebiscos & Niemiroviam, oppida perduellia, aggressus. Poherebiscis aliquot Rutheni, qui cæteris ad perduellionem præiverant, in furcam acti. Niemiroviani venienti à Principe Baranovio portas præcluserant. Postea vim experti & maiorem metuentes, misso obviam Magistratu, Duci se purgârunt, & ut tutiores adversus hostem essent, militem in præsidium poposcerunt. Misit ducentos equites desultorios Visnovecius, Scanscio & Juskievicio Ductoribus. Sed hi vix manibus successerant, cum Cosaci Braclaviani advocantur, qui magno numero oppidum ingressi, omnes istos præsidarios, adjutante oppidanorum perfidiâ, trucidârunt. Insignitum Niemirovianorum scelus abominatus Visnovecius, & similem aliarum istic Civitatum perfidiam metuens, cum neminem sibi in auxilium

auxilium venire sentiret, retrò ducit militem suum. Iter ingresso obuius fit cum aliquâ manu suorum Janusius Tiskievicius Palatinus Kioviensis adferendam Machnovvæ, oppido suo hæreditario, quod hostis occupâset, opem flagitans. Nec deferendum sibi tantum amicum, & tam solitè orantem putavit Visnioveciûs. Cùm Machnovvkam venissent, harpyjas hostiles direptioni oppidi intentas reperiunt. Ir- ruunt in palantes, & per intima ædium venantes prædam, nullo negotio fugant trucidantq;. Quod ubi nobilis turba, quæ undiquaq; ab hoste circumfusa, in arcis quodam conclavi, ad extrema omnia se obstinaverat, intellexit, summâ alacritate accurrit, & in cædendo hoste non segnem, navat opem. Mox ad castra quoq; Crivonosii itur, quæ non procùl ab oppido remota erant. Hæc verò ipsa quoq; prævi- us jam terror ita perculerat, ut undiq; in fugam ruere hostiles catervæ cernerentur. Et parùm aberat, quin duo hi magnates ad extrema ibi hostem redigerent, facturi sanè utilissimum patriæ, sibi gloriosissimû belli compendium. Sed publico bono pri- vata se utilitas interposuit. Fuit enim, qui patrimonio & subditis suis, quorum plurimi inter hostilia agmina erant, me-

*Visnioveci-**cio se ad-**jungit**Tiskie-**vicius**Palatinus**Kiovien-**sis.**Ma-**chnovia**hostis de-**prehen-**ditur,**Victoria**corrum-**pitur.*

tuens, effecit autoritate & precibus, ut cædium victoriæq; cursus sisteretur. Nox prætendebatur, æquè victoribus, quàm victis periculosa. Interim tenebrarum opportunitate usus hostis, desertis castris & impedimentis, exitio se, in summam terrarum illarum perniciem, subduxit. Nam paulò post idem accursu plebis innumeræ eò viri-um spirituumq; procescit, ut victorum copias, nullâ aliunde ope sublevatas auderet lacescere. Deniq; etiam recedente nonnihil ob impares vires Duce, Polonnam Sta-

Polonna] nislai Lubomirscii Palatini Cracoviensis
capitur oppidum, ingenio loci & opere validissi-
& mise- mum, septuaginta dudum machinis belli-
rè habe- cis, arcendæ vi externæ, instructum, ag-
tur. gressus est. Non alius sustinendo atq; etiam

retundendo hosti sufficientior locus videbatur, ejusq; ad tutelam Visniovecium Ducem animus ferebat, sed à comite Palatino attinebatur, qui fraude oppidanorum omnes Polonorum conatus irritos fore suspicabatur. Cæterum præsidii Visnioveciani fiduciâ, vicina Nobilitas & quisquis hostem timeret, inter alios etiam Castellanus Kioviensis Brzozovius, & Czernius sub-Praefectus Bialocerkviensis, aliiq; viri insignes se & carissima quæq; in Urbem hanc intulerant. Sed nullo post apparente, mox
 & despe-

& desperato omni auxilio, animadversâq;
 civium in Cosacos inclinatione, multo-
 rumq;, ex præfidiariis etiam, ambiguâ fi-
 de, cautissimus & promptissimus quisq; in-
 de se proripuit. Qui fugere nequirent, vel
 ob hostis propinquitatem timerent, gli-
 scentî proditorum civium perfidiæ ali-
 quantùm reluctati, eidem deniq; cedere co-
 gebantur, Adeoq; nemine prohibente in-
 gressa barbara colluvies, quicquid crude-
 litas & libido juberet, perpetravit, cædibus
 in Polonos juxtâ ac Judæos, stupris in se-
 xum imbellem, nobiles præcipuè fæminas,
 direptionibus deniq; in omnes atrocissi-
 mè grasata. Putes fædisissimum hostem da-
 rè voluisse specimen sævitix, quod sparso
 longe lateq; terrore, omnium animos ita
 dejiceret, ut nemini non consilium fugien-
 di quàm resistendi videretur melius. Et sa-
 nè post Polonnam ita facilè occupatam,
 nihil impervium hosti, nihil tutum esse
 Polonis visum est. Latè mox, atq; in omnes
 circum partes diffusa colluvies, & augeba-
 tur eundo, & quicquid usquam ad obsequia
 minùs obvium reperiret, malè mulctabat.
 Ubi sic in sanguine fundendo plebem agre-
 stium aliquandiu exercuerat Crivonosius,
 efferatiorem & tot perpetratis scilicet egre-
 giis facinoribus nihil non ausuram, duxit

Constantinorum tendit Crzywonosius. versus Constantinovum, Dominici Ducis Zaslaviae Ostrogiaeq; haeredium, urbem, commerciiis celebrem, & vallo pæalto cinctam. Ei defendendæ Dux possessor mille quingentos equites, pedites ter mille circiter, regente illos ductore insigni Coricio, hos Suchodolscio non spernendæ experientiae viro immiserat. Quibus commodum

Idem defendunt Poloni.

Oslinscius castrorum Lithvaniae metator pervenit, prætorianam Regis defuncti legionem ducens. Ubi copias junxerant, parte peditatus intra urbem relictâ, aciem ritè instruunt hostemq;, ut ex speculatoribus intellexerant, propediem adfuturum opperiuntur. Interim Dux quoq; Visniovecius, eum frustra ante Oslincium Coriciumq; ad se invitâset, nunc majore ingruente periculo, ab iisdem ad capessendam Constantinoviae defensionem sollicitè invitato, comitante Palatino, advolat, quinq; circiter milium exercitum ducens. Vix de nocte in unum cojerant copiae, cum ecce sequenti mox die hostis, missis primùm prælusoribus, qui specie paucitatis in acie stantes Polonos in camporum aperta prolicerent; paulò post, cum nemo prodiret, totâ eâq; immensâ multitudine vicinos urbi campos opplevit. Stagno & paludum uliginibus duo adversi exercitus interjungebantur.

Sed

Sed per stagnum quia arte factus agger *Feliciter*
dabat trajectum, eo occupato, ire in Polo-rem a-
nos decreverat Crivonosius. Hi verò tran-*gunt Po-*
situm prohibitori; pariter cis trajectum *loni.*

constiterant. Ipsum aditum trajectus cu-
stodiebant circumpositi Ducis equites de-
sultorii, quibus intermixti stabant Oslin-
sciani pedites, ab equite ita contexti, ut
conspici ab hoste non possent. Alterum
latus, quod in campos respiciebat, Coricio
dabatur tuendum. In subsidiis collocatæ
erant turmæ Palatini Kioviensis & Visnio-
vecii, iisq; præfectus Zamoscus. Hostis
istos omnes exitium sibi ipsis ultrò parare
arbitrabatur, quippe qui adeò modico suo
numero tam ingentem exercitum opperiri
non dubitarent. Itaq; aggerem & quæ ag-
geri subjecta erat, uliginosam planitiem
trajicere properat multitudo, secuta sui, &
victoriæ certa. Cum ultra medium aggeris
venisset, dato à Ducibus signo, equites in *Krzyvo-*
latera discedentes, pediti spatium faciunt *nosius*
in hostem sclopis detonandi. Hosti impro-*profliga-*
visus iste pilarum nimbus fuit. Unde ubi
stragem ille in primis Ordinibus haud exi-
lem vidisset, subito prior audacia in formi-
dinem vertit, ita ut sine morâ omnes fugam
retrò maturarent, pars viam per stagnum
vel paludes quærerent, vel trajectu, ab aliis
præire

præire nitentibus, depulsi; vel quia per angustias aggeris non satis celer fuga consternatis videretur. Alii, quibus præcox alacritas in via paludum ante peruia fecerat, nunc quicquid tardum iter redderet, evitantes, facto per campos circuitu ad suos evadere laborabant. Sequebantur quâ poterant Poloni refugos. Et equitum plurimi, præviis Sokolo & Curossio, trajectum & uligines alicubi superaverant, ut hostem undiq; exciperent urgerentq; Krzyvonossius cum Præfectis aliis & cæterâ multitudine, pugnae magis quàm pavoris adhuc experte, recepit se ad castra: quæ quia structâ caragine adversus vim firmata, jam & machinis fulminare cæperant, persequentium ardorem stitêre. Redditâ luce, instandum hosti, & impulsam ejus fortunam fortiter

Fortunâ urgendam censebat Visniovecius. Sed alii, *non ur-* quod tam parvo exercitu insuperabilem-
gent vi- hostium multitudinem crederent, & fama
tores. esset, Chmielnicius à Pavluco oppido non longè remoto ire suppetias Krzyvonossio, jamq; aliquot inde turmas accurrens: non tutum putabant denuò fortunæ aleam istic experiri. Quare stetit sententia, reducendum exercitum; donec receptis à Republ. subsidiis, tantò majore fiduciâ, minoreq; periculo iri posset in colluviem istam, fatis
interim

interim suis & discordiis internis relin- *Crzyvo-*
quendam. Krzyvonosium prioris diei cla- *nosius*
des haud facilè dixerim, turbaveritne magis *retentat*
an irritaverit. Equidem postero die rur- *fortunã.*
sum suos versus locum, pridiano adhuc
sanguine cruentum, duxit. Sed inter traji-
ciendi tamen aggeris tentamenta minasq;
tum suam tum adversam aciem diu tenuit
suspensam. Postea firmatis ad expiandum
dedecus hesternum animis, haud dubiè &
de discesu pedestrium copiarum aliqua
edoctus, commotis castris universis & simul
machinis in hoc, quod residuum erat exer-
citus, invehebatur. Duplici autem agmine
procedebat. Dextro latere carrago duce-
batur, cui tuendæ circumfusa ingens turba,
aggere trajecto in camporum subjecta pro-
dibat. Qui trajectu superato, latus sini-
strum obtinuerant, primi ad pugnam se-
parare jussi sunt. Polonorum acies ita or-
dinata est, ut dextra ala Tiskievicio, sini-
stra Visniovecio ducenda contingeret.
Convenerat autem inter hos, minimè im-
pedire transitum hostis. Imò & gradum *Iterum*
paulatim, integris ordinibus, referre jus- *vincitur*
sus est miles: quò securius solutiusq; hostis *Crzyvo-*
insequeretur nostros, quos fugere existima- *nosius.*
ret. Ac pulchrè utiq; processit dolus. Fu-
gere enim Polonos rata multitudo hostilis,
undi-

110 HISTORIÆ POLONIÆ PLENIORIS

undiquaq; per udum & ad gradum instabile solum proruebat. Ubi tempestivum visum est, vertère vestigia Poloni, atq; in hostem non cogitantem ire capere. Inter primos ipse Dux cum equitatu in frontem adversam erupit. Explosis semel sclopis illicò ad gladios res devenit. Quos maximo ardore impetuq; dùm rotant Visnioveciani, quæ obvia erant hostium agmina, ubi nequicquam sclopos exonerassent, turbata primùm, mox non tam pugnae quàm cædis fuere materies. Et eodem terrore mox petculsi proximi terga pariter dabant victoribus. Palantes plerosq; & trepidos hausit gladius: ita ut ad sesquimilliare usq; cadaveribus omnia opplerentur, Ruthenorumq; lacernis albescerent campi. Plurimos in aquas & invia paludum pavor egit. Tormenta sex majora tum adempta sunt hosti, Signa militaria quadraginta, atq; inter ea aliquot in clade Corsunenfi amissa, inprimis illud, quod aulica Calinovii Campiductoris turma duxerat. Captus etiam Pulianus, non postremæ notæ Centurio, & omniū ferè, quæ inter Cosacos agitabantur, conscius particepsq; ; Qui à Baranovio Dapifero Braclaviensi adductus, seu verè, seu, ut tormenta effugeret, enun-
ciavit, *monitū à Chmelnicio Krzywonosium,*

ut mora-

ut moraretur Lachos, dum ipse Pauluco, ubi
 hucusq; bareat, promoveret castra. Ita eo
 tempore sinistra aciei hostilis ala insigniter
 profligata atq; accisa est, victoriâ eo me-
 morabiliore; quod paucò hinc sanguine
 constiterit. In primò tamè incurſu Viſno-
 vecius, dum acerrimè pugnâ ciet, duos pri-
 mariæ notæ ductores amiſerat, Mokriſcium
 Tribunum, & Caſparum Curoſſium præto-
 riæ turmæ ſubpræfectum. Dextram hoſtium
 alam pariter ingens terror pervaſerat, ut
 qui iſtic erant, æquè fugam capesituri fue-
 rint, niſi carragine deſertâ in manus Polo-
 norum circumſultantium incidere metuiſ-
 ſent. Verùm & in illo carraginis anguſto Carrago
 concluſos haud levis tenebat metus: pa- Cosaco-
 rumq; aberat, quin plebs infelicia ſeditio- rum
 nis cæpta jam abominans, in præfectos in- tantum
 ſurgeret, vinctosq; in pretium ſuæ incolu- non ca-
 mitatis traderet Polonis. Seriùs poſteà id pta.
 Ducibus innotuit, alioquin hæc ipſa caſtra
 tùm, extremâ haud dubiè hoſtium perniciè,
 fuiſſent aggreſſi. Sed hi carraginem non
 perfunctoriè inſtructam conſpicati, pedite
 inprimis & machinis oppugnandam credi-
 dère. At peditatus unâ cum impedimentis
 retrò ad pagum Roſſolovvee miſſus, ad duo
 milliaria à loco pugnæ jam aberat. Hic ſi
 Polonis ita feliciter pugnantibus adſuiſſet,
 non

Hostis e- non dubitatum, modico illo septem circi-
luctatur ter millium exercitu debellari Krzywonos-
malo Po- sum, & in hoc universam rebellium fortu-
loniæ fa- nam impelli ac comprimi potuisse. Ea rei
to. agenda occasio postquam effugerat, nihil
visum conducibilius, quàm ista duplicis
palmæ decora portantem, sed & fessum jam
laboribus exercitum reducere, antequam
ab infinitâ illâ multitudine circumvento,
commeatus & subsidii è Poloniâ spes inter-
ciperetur. Cùm abiissent illi, flumen im-
punè trajecit hostis, & mox Constantino-
vum urbem defensoribus vacuum occupa-
vit, & deniq; illâ Urbis parte, quæ Poloni-
am respicit, fixis, valloq; & fossâ circum-
ductis castris, consedit.

Chmel-
nicii
nuncii
cum lite-
ris Var-
saviam
perven-
unt,

Ad eum modum dum Russicæ quateren-
tur provinciæ, Varsoviam interim nuncii
illi, quos supra à Chmelnicio ejusq; exer-
citu ad Regem, cujus mortem tum non-
dum intellexerant, cum literis missos dixi-
mus, pervenerant. Qui simul ad Regem,
tum Regni Mareschalcum, postea Palati-
num Ravensem Lucam Opalinscium ætate
& meritis gravissimum senem, nec non ad
Regni & M. Duc Lithvaniæ Cancellarios;
epistolas ferebant, ejusdem ferè cum alteris
ad Regem scriptis argumenti: *excusatri-*
ces nempe facinorum, in quæ atrocibus Præ-
fectorum,

fectorum Judaeorumq; præcipuè injuriis compulsi essent. Quorum ut modum ipsi, à Kislelo Palatino moniti, sibi posuerint, ita veniam se jam postere, rogaréq; simul, ut remissis intoleranda servitutis oneribus, antiquæ libertati restituantur.

Sed quoniam in his libris Judæi, ut non Digress-
 minima belli hujus causa, & simul pars casio de Ju-
 lamitatum, subinde memorantur, fortasse dæis.
 non abs re fuerit, de eo hominum genere, quædam
 altiùs repetere. Judæi, gens olim Deo dilecta,
 postquam missum cœlitùs Servatorem occidere,
 quam amplectimaluêrunt, gratiâ omni Divinâ,
 & hinc non tantum libertate, sed terrâ etiam patriâ excide-
 re. Neq; , post destructam à Tîto urbem sanctam,
 ullum amplius illis ad restaurandam solii antiqui,
 sacrorumq; suorum sedem patuit postliminium;
 adeo usq; flagrante in perfidos irâ DEI, ut nec contumaciam
 in illis, nec pœnas contumaciæ cessare hætenus voluerit.
 Dispersi per omnes pænè Orbis partes agunt,
 nusquam honoris ullius, aut muneris publici participes,
 ubiq; supra exulum sortem contempti, exosi & injuriis
 plerumq; expositi. Nec cultu agrorum aut artibus
 laboribusve decoris, sed sordido ut plurimum quæstu
 vitam tolerant, magnam partem laniones,

H

aut

114 HISTORIÆ POLONIÆ PLENIOR

aut institores. Spectatiōres inter ipsos immani fœnore, aut vectigalibus rem faciunt. Aliqui ad opima etiam commercia exsurgunt, cæteris mercatoribus plerumq; graves, quibus victu tenui viliq;, tum & vigilantia ac sagacitate, plerumq; etiam pravis artibus lucrum præripiunt. Poloniam gens ista multis retrò seculis habitat, non alibi usquam liberalius exilium experta. Primum ejus seminarium Boleslaus Dux Calisiensis in majoris Poloniæ oppida aliquot, præsertim Calisium, recepit ex Germaniâ: Unde linguam hanc, etsi corruptam, usq; etiam retinent, quotquot usquam per Poloniam fixere sedem: peregrino sermone secreta sua inter se facilius celantes. Sed nunquam benignius habiti sunt quàm sub Casimiro magno, qui mulierosus cum esset, inter alias pellices Estherem habuit; quæ gente Judæa, favore, quo apud Regem valebat, ad erigendam popularium suorum fortunam scitè usa est. Unde multas immunitates adepti, per omnes Regni provincias sese diffudere. Eâ inprimis supra omnes & indigenas & peregrinos prærogativâ superbi, quòd nullis Urbanis magistratibus, neq; etiam Satrapiarum Regiarum Præfectis parere tenentur, sed jura sua à solis Palatinis accipiunt. Quos muneri-

bus ap-

bus apprimè delenire sciunt; ab omni onere civili ac militari immunes: nec ad tributa alia, nisi quæ publicis Regni Comitibus decreta fuerint, trahuntur. Porro parsimoniâ victus & præproperis impuberis etiam ætatis nuptiis, quantum robur gentis libidine infringitur, tantum fertilitas & multitudo augetur. Inde magnam partem Urbium Regiarum implevere, liberrimè quovis modo quæstum, tum & sacra sua publicis Synagogis exercentes. Eâdem libertate minora oppida incolunt, invitantibus eos aut certe non respicientibus plerisque; nobilium & Magnatum, dum frequentiam coloniis suis conciliare quærunt. Et quoniam cætera ferè plebs solitâ ignaviâ socordiâq; in diem plerumq; vivit, eò magis illorum sobrietas & solertia Dominis fundorum probatur. Nec obstat, quòd artibus suis cæteros incolas & corrumpant & exhauriant. Nam & potulentis, quæ præcipuè ac pâne soli vendunt, in bibacitatem per se pronos stimulant, & usuris enormibus pecuniæ egenos emulgent. Idem plerumq; cauponas heriles, molendinæ item, uti & prædia, integrasq; subinde præfecturas conducunt, supra pretium, quod Locatoribus pendunt, ingentia sibi compendia ac lucra, non sine multo plebis ru-

sticæ onere, trahentes: conniventibus ad ista Dominis, illis præsertim qui ad subita necessitatum non aliunde ferè, quam à Judæo pecunias quærunt. In Russia utiq; ubi magna rerum, non item nummorum affluentia est, plusculum istis hirudinibus facilitas Magnatum, his præsertim temporibus, indulgere visa est. Eâq; fiduciâ Judæi, conductis subinde potulentorû aliarumq; rerum proventibus monopolia ante inusitata moliri capere: Edicta plerumq; à Præfectis eblandientes; quibus subditi alii eos, quos possent, domi potius conficere vetabantur, ut ita eosdem pretio, quale Judæus poneret, quisq; cogeretur mercari. Atq; ea servitus paulatim ad Cosacos quoq; extendi ceperat, quantumvis vetera Regum privilegia obtendentes, quibus homines militares ab istiusmodi oneribus eximantur. Verum alii, non toties rebellibus, sed in obsequio manentibus gratiam Principum servire regerebant, publicæq; rei interesse arbitrabantur, libertatem istorum sensim magis magisq; attonderi: Parte utrâq; sat speciosis coloribus causam suam agente, donec fati dispensantibus, tempus subiit, quo controversia incassum rationibus agitata, iudice gladio decidi cepit, neq; sic tamen forsitan, nisi plurium

plurium annorum vicissitudinumq; inter-
 cursu terminabitur. Sed ego à Judæis ad
 Cosacorum nuncios, quos Varsaviam ve-
 nisse memoravimus, revertor. Hos verò
 ad instantem ordinum conventum retinen-
 dos censuit Cancellarius. Ad literas per
 eos allatas Archiepiscopus sine morâ re-
 spondit in hanc sententiam. *Ex iis, quæ*
Cosaci partim scripsissent ad Serenissimum
Regem, nunc cœlitem, partim etiam nun-
ciis suis coràm agenda dedissent, intellecta
sibi, quæ molesta ipsis contigissent hætenus.
Et se quidem iniqua illa asperâq; toleratu
haud diffiteri: sed aliis profectò modis amo-
lienda fuisse, non tali sanguinis profusi im-
pensâ, non junctis cum infideli hoste armis,
Et objectâ ejus libidini tantâ Christi sanguine
redemptorum hominum multitudine. Gra-
tam tamen sibi ipsorum de malè actis pœni-
tentiam, sed eam, prout apud Regem defun-
ctum testatam illi voluerint, ita coram Re-
publ. à Regibus suis nunquam dividuâ, testan-
dam fuisse. Non dubium, illam ut beni-
gnam matrem in redeuntes ad obsequium, &
societatem Tartaricam exuentes, oculum re-
flexuram. Sibi sine consensu totius Reipubl.
tâm ardua negotia, quale sit ipsorum, nefas
esse transigere. Sed instare conventum, or-
bato, optimi Rectoris morte, Regno, rebusq;

Chmel-
nicii li-
teris re-
spondet
Archie-
piscopus.

turbatis consulturum. Ad hunc allegandos hos feciales; aliosq; insuper, resipiscentiam ipsorum plenius exposituros. Firmiora futura, quæ universæ Reipubl. comprobatione sancita, tum retulerint. Caterum mirari se, quî tam malè literis ipsorum respondeant facta, quæ famâ constantissimâ afferantur. Nimirum hîc veniam & pacem arari, alibi ferum stringi, & in Regni incolas atq; oppida modis infandis sæviri, jubente, certè non inconsultò ipsorum ductore. Cohiberent, si fidem sinceri ad obsequium reditûs facere velint, licentiosè grassantium globos, & autores novissimorum facinorum castigarent. Captivos præterea, quos vel ipsi vel Tartari in vinculis haberent, libertati redderent. Id hominibus Christianis dignum facinus, id recti in communem patriam affectûs indicium & pignus fore.

Cofacis His literis Magnus Regni Cancellarius
Cancel- alias suas, sensûs prope ejusdem, addidit.
larius Percepta ex literis ipsorum & cum curâ ex-
respon- pensa sibi ea, quæ excusando inconsiderato &
det. præcipitis audaciæ facinori suo afferrent. Exercitui Zaporobiano favisse se semper, virtutemq; ejus & quæsitâ multorum annorum laboribus, perpetuâq; in Reges & Rempubl. fide decora, etiam Regi defuncto commendasse. Eò acerbius jam sibi, illos fidei &
 parta

parte in Republ. existimationis immemores, in repetendo, quod habuerint aut prætendant, jure, viam ingresses, orbi Christiano tristem, & abominandam omnibus; inito videlicet fœdere cum internecinis Religionis & Reipubl. hostibus: Pronius sine dubio & laudabilius ipsis ad Regem suum tot beneficiis cognitum, quàm ad Christiani nominis adversarios & pestes, patuisse perfugium. Jus legitimè petentibus non defuturam fuisse sui & animi benevolentiam, & muneris auctoritatem. Nec impunè abituros, quos injuriarum violatâq; ipsorum libertatis reos inquisitio deprehendisset. Jam data à se præludia, cum sub ipsa anni hujus auspicia, viva & jubente Rege, judicium recuperatorium designâsset, cognoscendis ipsorum injuriis. Cæterum, quia facinorum, quæ non sponte, malè tamen facta ipsimet confiteantur, veniam à Republ. postulent, etiam nunc se apud Ordines (brevis consiliorum causâ coituros,) efficere conaturum, ut facilius & expiare crimen à se commissum, & laudabilibus inposterum ausis labefactâ fidem famamq; resarcire possint. His literis præmissis, reliqua à conventu expectare jussi sunt nuncii. Quem quovis Interregno ante Electionem haberi solitum, necessaria tum Reipubl. tempora festinari postulabant. Tempore itaq; du-

*Convo-
catio
Varša-
via ha-
bita.*

dum definito, hoc est, XVI. Julii, conveni-
nere Senatores Regni, magno numero, &
cum iis delecti à Nobilitate viri, quibus
suorum Palatinatum postulata deferre, &
agere causam incumberebat. Ac primò dies
aliquot extracti sunt piis erga defuncti Re-
gis manes officiis, tum luctus communis,
coram Regina vidua & Serenissimis fratri-
bus Defuncti, contestationibus. Quæ per
Andream Gembicium Episcopum Luceori-
ensem, & Sbigneum Goraiscium tum Ca-
stellanum Chelmensem, factæ. Postea lite-
ræ cum aliorum, tum inprimis Chani &
Cosacorum publicè prælectæ: à Kisielo de-
niq; Palatino exordia tumultuum facundè
exposita, tum simul legationis ad Moschos
feliciter obitæ ratio ab eodem reddita est.
Hinc sententias super Reipubl. negotiis &
periculis dixere Senatores, præeunte omni-
bus Archiepiscopo. Inde tandem ad tri-
bunitia ordinis Equestris suffragia cum de-
scensum esset, ab aliis alia illata, ut maximè

*Cosaci-
corum
nuncio-
rum ex-
peditio
urgetur.*

necessaria & præ aliis curanda. Sed potio-
res & periculi publici intelligentiores, inter
primas curas expeditionem nunciorum
Cosacorum esse voluere. Quorum sen-
tentiam Senatus juxta crexitq;: missis in
illorum conclave binis egregiæ autoritatis
Castellanis Zavviechoviensi, Kochavonio,
& Chel-

& Chelmenſi Sbigneo Goraiſcio. Introdu-
ctos itaq; tandem nuncios interrogavit, ur-
gente ordinis Equeſtris confefſu, Bogus-
laus Comes de Leſzno, confefſûs iſtius mo-
derator, de nonnullis in inſtructione, ipſis
à Chmelnicio datâ, repertis: inprimis ve-
rò ubi ſint *literæ, quarum Chmelnicius in*
inſtructione faciat mentionem, à quo ſcriptæ,
quo Regni annulo ſignatæ? Deinde cujus
autoritate permiſſum ſibi ferant Coſaci, *Nuncii*
exercitum ſuum ſex millium acceſſione au- *exami-*
gere? *Quis poteſtatem iis fecerit retentandi* *natur.*
intermiſſam tot annis Ponti Euxini naviga-
tionem? *Quis pecuniam ſuppeditaverit ad*
parandos lembos neceſſariam? Nuncii nul-
las ſibi literas commiſſas, reſpondere, præter
quas Archiepiſcopo, Magiſtro Aula ſeu Ma-
reſchallo Regni, Magno deniq; Cancellario
reddidiſſent. Nec ad cætera quaſita, quod
reſpondeant, habere ſe, illos, à quibus miſſi es-
ſent, percunſtandos. Multis tali ignora-
tione ſeu reticentiâ ſecretorum non pla-
cuere hi nuncii, tamen comiter, quia tem-
pora ſvadebant, ex confefſu, & poſtero die,
Varſaviâ dimiſſi ſunt: reſponſum ferentes *Ordines*
ab ordinibus Reipubl. univerſis, haud diſ- *Polonia*
ſonum ab iis, quæ antea Archiepiſcopus & ſcribunt
Magnus Cancellarius ſcripſerant. *Nimi-* *ad Caſa-*
rum literas ipſorum, quas ad defunctum Re- *cos.*

gem exarâssent, ad se, quibus post obitum Regium universæ Reipubl. negotia incumbant competantq₃, delatas, inq₃ iis supplices preces, quibus magnorum & Deum juxta ac Rempubl. gravissimè lædentium, facinorum veniam rogent. Non opus esse verbis dilatâre quæ ab ipsis admisa sint. Ipsos confiteri, violatum à se omne fidei divinæ ac humanæ sacramentum, quando factâ cum infestâ Christiana rei gente conspiratione, in exiguam Reipubl. manum, eamq₃ divisam, vim & sevitiâ exercuerint. Ac adessee equidem Dei beneficio Reipubl. vires, sumendæ de tali hoste ultioni pares; & cæli profectò favorem divinæ æquæ ac suæ injuria vindicibus Polonis haudquaquam defuturum, contra eos, qui Rempublicam, cui debuerint obsequium, perfidiâ lacesant. Ceterùm sanguinis humani reverentiâ, tum humili ipsorum post patrata facinora submissione, ad meliora se flexos, destinâsse jam Recuperatores, viros insignes, qui voluntatem Reipubl. super eo negotio luculentius explicaturi sint. Interim jam nunc quoq₃, de suâ in ipsos tanquam subditos clementiâ aut commissorum condonatione non dubitandum, dummodò ipsimet firmam satis sinceræ de commissis pœnitentiæ fidem faciant. Facturos autem, si captivos quos habeant, quàm primùm dimittant.

Duces

Duces verò rebellium globorum Rusſiam, nunc paſſim pervolitantium, & in nobilitatem præcipuè ſevientium, Recuperatoribus ſiſtant: quicquid denig, ſit ſocietatis aut fœderis, quod cum Tartariſ ſuſceperint, abjiciant. Quæ alia tranſigenda cum ipſis reſtent, Recuperatoribus ſe commiſiſſe, quos modeſtis animis exſpectent, ab omnibus interim injuriis abſtinentes, & nullâ inſeſtâ amplius manu, Regno vel Mag. Lithvanie Ducatui graves. Poſtremò cùm in formulâ commiſſorum (vulgò inſtructione) nunciis ſuis datâ, mentio facta ſit literarum, tum privilegiorum, iſtorum nihil Ordinibus redditum eſſe. Et ſic quidem ad ſuos remiſſi, quos Chmelnicus poſt victoriam Corſunenſem Varſaviam miſerat, pacis Oratores. Quos

proprid. Cal. Auguſti durante adhuc con-
ventu, Kiſielus Palatinus turbarum Coſa-
cicarum pacator deſtinatus, cum collegis
ſupra nominatis, inſecutus eſt, comitante,
eum Sereniſſ. Principis, poſtea Regis Joan-
nis Caſimiri, cohorte. Nam his ipſis ſedi-
tionibus, res quoq; Palatini adeò acciſæ e-
rant, ut itineris ſui ſecuritati, functioniſve
ſulceptæ dignitati ſuis opibus conſulere,
non ſufficeret.

Cæterùm amoto hoc primo & Rem-
publ. omnium maximè urgente velut lâpi-
de, tantò

*Kiſielus
mittitur
ad Coſa-
cos.*

de, tantò tranquillioribus animis, in alia, quæ in istiusmodi conventu agi consueverit, itum est. Et post multas plurium dierum concertationes, quæ à tantâ sentiendi dissentientiq; libertate abesse vix solent, vel possunt, in hæc tandem capita, quæ propter curiosiores apponere libet, conventum est.

Confœderatio à quo & Confœderationis nomen huic Con-
Ordinũ. *ventui inditum, omnia Regni, ex tot diversis Nationibus coaliti, membra & ordines omnes, in commune concordie ac pacis mutue fœdus novo & sanctissimo nexu conspiciunt, abdicatâ ultrò & quodammodo ejuratâ copiâ à reliquo corpore secedendi, seorsimvè ullis stimulationibus vel modis, publicæ Electionis libertati damnosis, quenquam, non expectato unanimi omnium Ordinum consensu, Regem nominandi, vel deniq; ante jurium, privilegiorum, immunitatum confirmationem sacramento factam, pro Rege recipiendi audiendivè. Qui secus faxit, pro hoste patriæ habendum. Ac cum ab orbitâ legum juriumq; non parum discessum sit, spondent sibi mutuò, non accessuros se ad Electionis suffragia, aut cum Candidatis pacta, nisi sanatis primùm Reipubl. ac libertatis vulneribus, & exorbitationibus, quas ullæ*
Regni

Regni provinciae publicè privatimvè factas ostenderint, correctis & sublatiſ.

Inprimis Religionis diverſitatem nemini Sacrorum fraudi fore, ſtipulantur, fidem, honorem & cavetur conſcientias inter ſe obteſtati. Decreta etiam libertati. Tribunalitia, vim legis, & adverſum quid iſti libertati ſpirantia, mandata item Regia, pacem Religionis luxare aut convellere viſa, abrogant; & ne poſt-hac fiant, cavere pollicentur. In quibuscunq; urbibus Regiis publicus & ſolennis ſacrorum uſus diſſidentibus in Religione antehac uſitatus fuerit, eundem pariter deinceps licitum eſſe; ubi is exulaverit hucusq; tumultibus, amoliendis, poſthac etiam exeſſe volunt: ita tamen ut privatim ſacris ſuis operari peregrè advenientibus fas ſit. In violatores verò ſecuritatis diſſidentium, cum antehac anno 1631. acris lex lata fuerit, eam iſtius inſuper conventus auctoritate firmant, denunciataq; promptiori in peccantes inpoſterum animadverſione ſtabiliunt, ordine ſacro quantumvis obnitente.

Eccleſie Ruſſicae, Religionis ſuae, in qua Eccleſia illa gens olim cum Regno Poloniae coaluerit, Graecae jura & privilegia antiqua firmantur, addito jura. inſuper, ſi quae ſub Rege deſuncto labefaſciata, vel imminuta ſint, ut futuro Electionis Conventu in integrum reſtituantur, & citra contradictionem aut etiam diſquiſitionem, futuro

turo Regi tuenda exequendaq; commendentur.

Judicia Postea justitiæ administrandæ curam in-
constitu- tendunt, mutuò sibi ingeminantes, ut in Re-
untur. gnis nunquam, ita multò minùs in Interre-
gnis, quibus ferè, ut criticis diebus, corpora
Regnorum debilia maximè, mutationiq; op-
portuna sint, legum auctoritatem hebescere
debere. Sententiæ itaq; ante publicationem
mortis Regiæ ab Archiepiscopo factam, quo-
cunq; in judicio legitimo latæ, pro ratis ha-
bentur: contractus, testamēta, protestatio-
nes, relationes etiam post publicationem
mortis Regiæ, apertis de consensu Palatina-
tûs vel territorii cujusq; libris publicis inser-
tæ, pro legitimis promulgantur.

Judicia sub interregno instituta, (quæ à
velo magni luctûs indice Capturalia dici so-
lent) sanctiones, & consilia omnia, ad de-
fensionem patriæ, conflationem aeris in dele-
ctûs militares, juris deniq; tuitionem institu-
ta approbantur firmanturq; ; additâ tamen
conditione, ne vel publico vel privatorum
etiam aut spiritualium, ararii deniq; publici
juri quicquam derogent.

Lithvanica porrò, si quâ à cæteris abeunt,
aut extra fines antehac usitatos extendun-
tur, ne in exemplum posthac trahantur, aut
juri communi noxam, solvendæ vè uniti cor-
poris compagi occasionem afferant. (Eleva-

Electiōni Regis sextam Octobris diem, Electiōni locum propè Varsaviam à Mareschalcis ag-tempus gere subitaneo circumducendum, assignant, adsigna- id caventes, quod lege anno 1587. latâ cau- tur. tum sit, ne quisquam peregrinis hominibus, Electio- vel machinis bellicis instructus veniat. Cate- nis leges, ra ut ad modum & institutum majorum, An- ni inprimis 1573. revocentur, & si quæ dubia, vel sequius facta, ea ut sub ipsa Electio- nis auspicia primis congressibus emendentur componanturvé.

Cavetur pariter, ne ab euntibus ad Ele- ctionem vel jam presentibus vis aut injuria cuiquam inferatur; illata ut cognoscatur à Judicibus in id primo statim conventûs die delectis ac juratis, inter quos Regni & Mag. Ducat: Lithvania Mareschalli futuri sunt.

Thesauro Regni Cracoviae asservato, tum & Lithvanico, lustratores, viri ex Senatu & Nobilitate primarii designantur.

Pacta cum Principibus & Regnis vicinis antiqua renovari, incerta stabiliri, missis in id, sumptu publico, sed modesto, legatis, im- perantur, inprimis verò repetundarum à Tartaris cura commendatur illi, qui ad Tur- cam iturus esset.

Militia autem præfecti coram Belli arbi- Militia tris seu Commisfariis adigi jubentur in tale præfectis sacramentum: Ego N. juratus spondeo, me dantur exercitui leges.

exercitui mihi tradito fideliter praefuturum, & operâ illius ad reprimendas hostium invasiones usurum, Regni fines tutos, dignitatem & securitatem Reipubl. pro viribus indemnem inviolatamq; praestitutum: si, quod Deus avertat, Regnum seditio invaserit, nulli parti adhaesurum, damna incolis Russiae, Poloniae, Voliniae &c. nulla illaturum, & ne à militibus inferantur, omni ratione provisurum. Pensiones verò tam ab Ecclesiasticis, quàm aliis personis quibusvis, nullas omnino exacturum, & ne milites exigant, curaturum. Sic me Deus adjuvet, & hæc sancta Crux.

Idem Praefecti militiae, exercitum Reipubl. in viscera Regni seu totum, seu partitè, sub tempus præcipuè Electionis, & in locum huic destinatum admoveere prohibentur: si secus faxint, pro hostibus patriæ declarantur.

Ut belli res consilio maturiore procedant, praefectis militiae pro Consiliariis seu Provisoriis, nomine Commissariorum, triginta sex ex primoribus Senatûs & Nunciis terrestribus adduntur: quibus extra ordinem adscriptus est Christophorus Arciszevius, ille, qui annis superioribus, rebus in Brasiliâ gestis apud Batavos florentissimus, in patriam rei tormentariae curam gerebat. Lithuania Ducibus bellicis quinq; millium exercitum

citum conficere, coërcendæ Cosacorum, illi Lithva-
 quog, provinciæ imminentium rebellionem, nica mi-
 permisum: sed simul, ut is sub recte disci- litia
 plinæ fræno habeatur, severè injunctum. præfecti.
 Ubi exercitu postea opus non fuerit, nume-
 rato stipendio dimittendum; aut ad feren-
 dam Poloniæ laboranti opem, suis à Ducibus,
 & integrâ eorum potestate mansurâ, ducen-
 dum. Arcis præterea Smolenscensis cura &
 reparatio imperatur iis, quorum id mune-
 ris sit. Adhæc quia turbatissimæ nunc Rei Smolen-
 publ. negotia præsentissimis consiliis & ma- scum.
 gnis adiutoribus egeant, Archiepiscopo Gnes-
 nensi, cui ut primati suprema autoritas re-
 linquitur, adduntur ex Senatu & Ordine
 Equestri Consilarii, viri dignitate, & pru-
 dentiâ pollentissimi; quorum cura commit-
 titur, Legatos externos recipere, ad subita
 necessitatum Reipubl. excubare, reservatâ in
 gravioribus, ad Electionis conventum, deci-
 sione.

Corpori etiam defuncti Regis, ut honos Cadave-
 suus à memore meritorum Republ. constet, ris Regii
 ei adesse & quæ decus Regium postulet, admi- honori
 nistrare primariæ dignitatis viri, præcipuè cavetur.
 ex Aula continuis Mareschalci & Cancellâ-
 rii jubentur.

Quod si hostis potentia adeò ingravesce- Expedi-
 ret, ut præsentis Reipublicæ exercitus ei co- tio Gene-
 I hibenda ralis.

hibenda non sufficiant, expeditio publica jam nunc indicitur, quò ad eam omnes parati sint: & ubi Archiepiscopus cum Consiliario Senatu tempus definierit, ut ritu majorum sine divisione belli, loco, qui nominatus fuerit, adsint sine morâ.

Descriptio militum tam à Republ. quàm particulatim per Palatinatus autoratorum in castris institui jubetur; simul & Palatinatibus stipendiorum suo militi tempestivè numerandorum cura mandatur, eum verò miges prælitum non nisi, cum Comitibus Coronationis Reipubl. non necessarium judicaverint, extorare permittitur.

Exercitus ab Electionis conventu procul esse, ubiq; verò ab injuriis abstinere, & bonis Nobilium, Ecclesiasticorum, Regiis præcipuè Oeconomis, innoxii agere jubentur, præsentissimâ in delinquentes pœnâ sancitâ.

Thesaurariis interdicitur, tributa Regni sine scitu Archiepiscopi & ejus assesorum, aut aliò, quàm in stipendia militum publicorum erogare.

Regina vidua redditus mense Regie destinati, usitati item salinarum & vectigalium proventus relinquuntur, usq; ad exequiarum Regiarum tempus. Omnium tamen ratio à Thesaurariis poscitur, in Comitibus Coronationis reddenda. Salinarum simul Cracoviensium

coviensium ruinis remedia festinari jussa, commisso eas lustrandi negotio, tribus eximie dignitatis & virtutis viris: Hieronymo Milonscio Castellano Rossirensi, Stephano Coricinscio Osvecimensi Præfecto, Joanni Schlichtingio Judici Wschovensii.

Palatinis insuper & præfectis arcium limitanearum, ut intra loca ista, hostium conatibus proximè patentia, maneat, edicitur.

Arci Cracoviensi trecentorum militum præsidium, inde toto hoc Interregni tempore non abstrahendum assignatur; simul ut pyrii pulveris & aliorum belli apparatus sufficiens copia eò inferatur, Christophoro Arcisevio, cujus paulò ante mentio facta est, imperatum.

Turbarum Cosacicarum compositio de Cosacica mandatur Adamo Kisielo Palatino tum Braclaviensi, postea Kioviensi, cui collega adjunguntur Franciscus Dubravius, Alexander Sielscius Posnaniensis tum Dapifer, Theodorus Obuchovicius, viri omnes facundiâ & missa-meritis in Republ. insignes.

Quia incertum habeatur, quantum ex caso Reipubl. exercitu, quem Quartanum, vulgò vocant, supersit; numerum superstium inire jubetur scriba Castrensis, adjunctis, qui curam socient, quinq; Equitibus.

Legiones jussu Archiepiscopi à Tribunis nonnullis, inprimis Christophoro Przyjemscio, claro natalibus, & Germanicâ Gallicâq; militiâ ad patriæ usum apprimè exercito, coacta approbantur.

Urbium Quia urbes nonnullæ juxta quarum-cum aliis Regni civibus, eligendi habere gloriâ jus videntur, iis ad suffragiorum libertatem ad Electionem. um, quod prætendant, liquidum fecerint.

Palatinatibus singulis certi dies conventuum, quibus hætenus acta, relictis domiciis, seu, ut se mutuò appellant, fratribus referenda essent, definiti.

Lithvanie Magnus verò Ducatus Lithvania, qui ante, cum de expeditione publicâ ageretur, amplius inter suos domi deliberandum censuegenerat, in tributum ultrò consensit, aliis Palatinatum quaternas agrarias, aliis ternas binasve promittentibus. Civitatibus bonisq; aliis Regiis & Ecclesiasticis quaterna agrarie, totidem Judeis, sed in singula capita, exactiones imperantur.

Tributa Tributa deniq; omnia, tam ea, quæ in ærarium Reipubl. illata, quàm quæ singulorum Palatinatum administrationi hucusq; relictæ essent, in delectus militares, ad arbitrium militiæ Præfeclorum erogari jubentur.

Hæc

Hæc autem omnia, antequam universo *De libera*
 conventui allubescerent, magnis sanè ani-*tate Re-*
 morum motibus & laterum contentioni-*ligionis*
 bus agitata sunt. Inprimis Religionis ne-*contro-*
 gotium multas dabat turbas : disidentium *versia.*
 quovis libertati suorum sacrorum, quò ju-
 stius timere videbatur, eò fulcra sollicitiùs
 quærente. Ac satis quidem omnium secu-
 ritati superiorum Interregnum confœ-
 derationibus cautum videbatur ; adeò eti-
 am, ut Episcopi, & quotquot flagrantiore
 in Ecclesiam Romano-Catholicam studio
 agerentur, nimium cæteris indultum pu-
 tarent. Hi verò factam à decesforibus con-
 cordiæ ac pacis conteslerationem urge-
 bant : tolliq; exceptiones volebant, qui-
 bus obrogari confœderationi illi, & cum
 injuriâ partium infirmiorum contraveniri
 querebantur ; fidemq; adeò promissam,
 & legis, quâ pax religionum niteretur, as-
 sertionem declarationemq; minus paten-
 tem effugiis postulabant.

Sed magno quoq; æstu, in hoc conven- *Extra-*
 tu, provinciarum internuncii in extraneos *neos re-*
 efferbuerant, quibus præcipua munerum, *motos*
 in Aulâ, multis ab annis, dari indignaban- *volunt*
 tur. Et parum abfuit, quin aliqui istorum *quidam,*
 exauctorarentur, ægrè à magnis Senatori-
 bus, Episcopis præcipuè, protecti. Nec an-

*Prusforū
querela.*

te quievit oppugnantium strepitus, quàm promitteret Archiepiscopus, illos ~~saltem~~ extraneorum, qui alibi larem fixissent, à negotiis Regni in posterum prohibitum iri. Non parum denique cum Prusicis internunciis negotii fuit, idque duplici nomine. Primum quidem, cum de Sanctionum omnium sub Interregno hoc per provincias factarum approbatione ageretur, nunciorum unus, Ignatius Bonkovius, vir facundia & rerum usu spectatus, ob insignes dotes posthac Palatinus Pomeraniae creatus, approbationi illi haud ante subscripturum se pertendit, quàm addita foret cautio, juribus Prusiae, quae haec terra ad Regnum peculiarioria attulerit, & adhuc servet, nihil illa sanctione decedendum. Et quamvis huic postulato à plurimis intercederetur, evicit is tamen, ut lex ista ad solius Poloniae provincias restringeretur. Alterum de quo sub finem conventus cum iisdem Prusis disceptatum est, portorium Pruthenicum fuit, quod ex mercium exoticarum provenitu, partim Regi, partim urbibus, in quibus colligitur, cedere solitum, cum delectibus faciendis ab Archiepiscopo ejusque collegis destinaretur, negabant internuncii, tempore Interregni, ab urbibus illis in aerarium Reipubl. debere inferri. Cumque lis illa fini-

niri

niri aliter non posset, quicquid etiam pro
 ærario dicerent magnæ autoritatis viri, re-
 ciendum fuit Archiepiscopo, se scriptis
 literis Elbinganos & Gedanenses monitu-
 rum, ut tam necessario Reipubl. tempore,
 istud exhausto ærario subsidium ne denega-
 rent.

Antequam Varſaviâ in Rusſiæ extrema, *Lithva-*
 hoc est à finito Convocationis Conventu *nia à Co-*
 ad Cosacos redeam, par erat divertere ali- *faciis*
 quantum in Lithvaniam, cujus res quan- *turbis*
 quam haud dubiè suum seorsim, ut meruè, *non libe-*
 re, scriptorem aut habent, aut habebunt, à *ra.*
 Polonicis minimè divellendæ sunt. Ea-
 enim regio, æquis legibus & pari per o-
 mnia libertate Poloniæ innexa, magnam
 Rusſiæ Polonicæ partem olim sibi bello im-
 perioq; subjectam tenuit. Quæ hodieq;
 Rusſia Alba appellatur. Incolas verò Du-
 catus penè totus earundem cum Rusſis cæ-
 teris consuetudinum, ejusdemq; in sacris
 ritus habet, Eò facilius nunc quoq; sedi-
 tionum hæc contagies, inter vicinos, & ge-
 nii morumq; similes, transmissa diffusaq;
 est. Ac primum ultra Boryſthenem, cum
 Viſniovecius Dux prævalidæ seditionum
 multitudini se & quotquot sibi fidos perfidi-
 disq; invisos videret, inde subduxisset, pe-
 stis illa sine impedimento omnes illas oras

Lithvaniæ finitimas pervasit, idq; tantò effrænatiùs, cum bina militum signa à Mirscio excubiis Lithvaniæ præfecto, ad occupandum Berezynæ fluvii trajectum missa, subitò furibundæ multitudinis accursu circumventa atq; obtrita essent. Inde sumpto impetu hostis in viscera Lithvaniæ progredi tentabat, haud ignarus, omne istic vulgus, simili religionis æstro agitari. Et magis mox erupturum, ubi ex Ukrainâ propinquarent, qui plebem istic armaverant, Eâ spe, Bichovum, vetus Chodkeviciorum hæredium, situm ad Borysthenis ripam, & præaltis aggeribus munitum decem millia Colacorum, ductore Orcussâ, promptos sibi oppidanorum animos polliciti, accesserant; sed hi destituere illorum conatus, seu suopte ingenio fidei supra cæteros retinentes, seu quòd à validissimo præsidio custoditi, promere perfidiam non auderent.

*Cosaci
ad Bi-
chovum,*

Defendi- Etenim Leo Casimirus Sapieha Lithvaniæ
tur Lith- Procancellarius loci illius possessor, ultra
vania. mille quingentos præfidiarios istic ære proprio jam dudum alebat. Qui & suggredientes hostiles catervas ita fortiter excepere; ut majore earum parte cæsâ, quod reliquum esset, ægrè sibi fugâ consuleret. Inprimis verò Janusius Radzivillius tum Campiductor Lithvaniæ periculum Regno universo

verso imminens opposito Lithvanico exercitu amoliri, suarum partium esse duxerat. Kiska enim Palatinus Polocensis, summo belli in Lithvaniâ regimini præfectus, per corporis debilitatem dignitatis tantum nomen gerebat, omni armorum curâ in Radziyillium, sorore ipsius genitum, Ducem annis animisq; virentem, depositâ. Sed hic nec multum è publico æris, nec exercitum, quantum discrimina Reipubl. requirerent, dari sibi querebatur, aliis periculi magnitudinem nondum æstimantibus satis, aliis alia causantibus, & in Duce ipso requirentibus non parum. Nihilominus is collectâ vetere suorum, tum & recens, autoratâ manu ita rem agebat, ut & pro nam ubiq; in perfidiæ scelus plebem, ostentato comin9 periculo, compesceret, & hoste omnia latè inundaturum refrænaret. Quem etiam tandem auctis in modicam molem copiis, post velitationes haud paucas, ad Lojoviam memorabili in omnem posteritatem prælio debellavit; triginta isthic millium exercitu partim profligato, partim cæso, castris occupatis, capto ipso exercitus illius ductore Cryzevio, & mox ex vulneribus mortuo. Sed ista omnia in tempore memorabimus uberius,

LIBER III.

Nunc tandem ad Chmelnicum, quem ad Fanum Album (Bialacierkev vulgò) reliquimus, series temporis reverti jubet. Is interim exercitum suum ex illo tractu, in quo literæ Palatini ipsum stitêre, non moverat, speciosâ satis patientiâ & fide, promissorum conatumq; Kisielanorum eventum opperiens. Krzyvonossum separatæ colluviei ductorem, immanemq; tum Rusiæ calamitatem, nec juvabat apertè, nec inhibebat. Hic Krzyvonosius duplicis cladis ignominiam insigni aliquo facinore elueret, Barum aggressus est, urbem mole & operibus sic satis firmam. Et in eâ machinas, aliosq; apparatus militares depositos servari non ignorabat. Coniecit Barum polscius Regni Vexillifer, ne loco tanti momenti deesset, legionum suarum unam, ductore Bronievio immiserat. Sed hic suspectam civium fidem habens, converso aliò itinere, locum Germanis peditibus tuendum tradit, quos in auxilium laborantis Rusiæ Carolus Poloniæ Princeps miserat. Horum pars arcem, Potocio rectore, insedit, pars

dit, pars ad portas civitatis iussa est excubare. Krzyvonosius magno exercitu urbem circumvenit. Dum speculatur, quâ faciendus esset assultus, oppidani seu metu, seu pridem meditatâ fraude portas hosti aperiunt. Illicò in excubitores Germanos fit impetus, & ad unum omnes trucidantur. Inde dilapsa per urbem hostilis turba quicquid usquam Germani vel Poloni militis lateret, summa ima ædium perreptando venantur occiduntq; . Non templorum, non altarium sanctitas quenquam servare potuit. Neq; mortuis furor barbarus pepercit. Judæorum magnus in eâ urbe numerus antiquitus agit, cui tum ingens advenarum ejusdem sanguinis multitudo accesserat. Cùm mortem alibi effugissent, hîc non effugerunt, miserrimis modis unâ cùm hospitibus suis interempti. Periisse ejus gentis quindecim millia capita istic feruntur. Arcem ducentorum peditum manus, ducente Potocio, per quinque dies fortiter defendit: neq; pauci istic oppugnantium occubere. Adcò ut tandem hostes per cadaverum suorum strues niterentur in vallum. Repulsi diu sunt, tandem tamen eâ parte, quâ stagno objecta arx hostem minus metuebat, minusq; munita erat, sgressi, quicquid reperiret præsidarii militis,

militis, quicquid hominum non sui generis, ferro demesfuere, uno servato Potocio juvene. Barum occupatum animos Krzyvonossio ad majora tentanda addidit. Et

Krzyvonossius Cameneciam ipsam aggredi ausus est: operam ei sociantibus, qui in illis Moldaviæ finibus, vitam latrocinio tolerant. Sed obfidionis istius opus irritum & supra vires suas expertus, ad Chmelnicium seu sponte seu jussus rediit. Ille, quod hominem collectis ex prædâ opibus prægravem sentiret, fortè & Polonorum, quibus cum pacis tentamenta aliqua ipsi intercedebant, gratiæ

Capitur à Chmelnicio. aliquid daturus, comprehendi eum jussit, & machinis bellicis adstringi. Sed ubi non exiguam vim aurî argentiq; & omnis generis spoliis ab ipso expressisset, facile deinde adduci se passus est; ut eum desiderio plebis, turboni illi nimis quàm faventis, redderet. Visniovecius Dux, apud Zbara-

Sed dimittitur. sium, oppidum sibi gentilitium, aliquandiu moratus, & cum Potocio Palatino Podoliæ, Coniecpolscio Vexillifero, Calinovio juniore, Czolovanfcio, Dziko alijsq; habito consilio, ubi Barum expugnatum intellexerat, reversus est ad exercitum, qui circa Camienum Czolhansciorum dictum, & Lachovecias, Sieniutarum hæredia, tum agebat; paucitatē copiarū, quibus Krzyvonossii

nosſi molimina & graſſationes coërcere
 non poſſet, tum cunctationes lentius veni-
 entium auxiliorum, & deniq; compoſitio-
 nis tardè procedentis moras ægerrimè fe-
 rens. Chmelnitio verò, uti præ aliis ſem-
 per formidatus iſte Dux, ita tum pro pacis
 remorâ habitus, imò pro turbatore ſermo-
 nibus literisq; traductus eſt. Kiſielus autem
 Palatinus, quanquam patriæ iuvandæ ſtu-
 dio æſtuans, primùm tamen publicis deli-
 berationibus Varſaviæ, dein itineris longi-
 tudine, & deniq; viarum, quibus ad Chmel-
 niciũ per medias hoſtium catervas eun-
 dum fuerat, difficultate præpeditus, alicubi
 etiam cum globis oppida paſſim populan-
 tibus conflictari coactus; ſuſcepti negotii
 maturatione, vota nec ſua, multò minus
 aliorum adæquate poterat. Unde & mul-
 torum non ſuſſurris tantum, ſed & publicè
 vocibus minùs ſecundis & literis deniq;
 Belli Commiſſariorum perſtringebatur.
 Quibus ille, ita ut æquum erat, motus, in-
 nocentem ſe multis excuſationibus proba-
 bat. Et ut re magis probaret, miſſis aliis
 atq; aliis nunciis Chmelniciũ ſubinde ur-
 gebat, ut locum & tempus cæptando nego-
 tio designaret: qui tandem Conſtantino-
 vum nominavit. Quò cum Palatinus cum
 collegis tenderet, mittebat iterum iterumq;
 nuncios

*Kiſielus
 tardè ad
 Chmel-
 niciũ
 pervenit.*

*Quo no-
 mine
 carpitur
 à multis.*

nuncios de adventu suo Chmelnicium præmonituros: sed ii partim diu detenti, partim etiam, dum quidam de exercitu nostro factâ ad Ostrogiam excursionem hostem offendiſſent, interempti, aut certê inclementer habiti sunt: ut ex epistolâ Palatini mox subjiaciendâ colligere licebit. Alibi quoq; ad Luceoriam nobilitas disjicitur, & oppida plurima effrâni agrestium licentiâ pervasantur. Hinc exstimulatus Palatinus literas facundi doloris plenas ad Chmelnicium scribit; in hunc modum: cum San-

*Risielus
Chmel-
nici-
um
acri epi-
istolâ ad-
monet
officii.*

ctissimæ Dei matris, nationis verò Ruthenicæ protectricis adscensione sit sacer dies, quo tristes has & forsan extremas ad te exaro: primò omnium eandem Dei sacratissimam genitricem veneror, ut interpositis apud Filium suum precibus animum tuum mitiorem reddat, & ad hæc, quæ jam aguntur aut ingruunt, rectè introspicenda advertat. Non filio paternum, non servo herile negotium tam flagranti curæ esse potest, atq; mihi fuit id, quod Tibi & Cosacis cum Republ. est. Dies noctesq; ita me DEUS amet, omni animi & corporis contentione incumbo in hanc causam, ex quo mihi curam ejus imponi passus sum. Judicia & vocula sinistra, quas eo nomine subii, nō per Poloniâ tantū, sed extra eam quoq; jam percrebuere. Perluſtatus ta-
men

meū omnia fide constantiāq; quicquid tū &
 exercitus Cosacorum à Republ petere magis,
 quàm sperare ausi estis, impetratum fere-
 bam, felix orator & jam meriti apud Deum
 fiduciā, ob inhibitum sanguinis Christiani
 diluvium, propè superbiens, certè exultans.
 Properabam ad vos, diffidentiam omnium,
 atq; etiam vestram reipsā confutaturus;
 nihil ipse quoq; dubitans, omnia me eo loco,
 quo reliqueram abiens, reperturum. Sed
 ô quàm contra accidit! quot oppida, quot
 arces, quot ditiones Reipubl. devastatas &
 ignem ferrumq; expertas; quàm miserè in-
 digneq; habitam etiam Huisciam meam, & Huischia
 quicquid in eā pretiosissimarum rerum ha- expila-
 bebam, ablatum reperi! Hec scilicet gratia tur.
 fidei, labori & optimæ voluntati meæ relata
 erat. Neg; sanè mirum cuiquam videri po-
 tuisset, si tum missis adversum homines, da-
 ta mihi fidei oblitus, suspiriis, negotium hoc
 omne excussissem cervicibus meis. Ego ta-
 men injurius alienis à proposito meo non ab-
 sterritus, à te usq; persuaderi mihi passus
 sum, omnia illa infanda, te invito & inscio,
 perpetrata esse, & literis tuis extremis Con-
 stantinoviam invitatus, eò cum collegis meis
 magnā fiduciā pergebam. Ac vix diei u-
 nius atque alterius iter jam supererat, cum
 Barum à Vestris invaditur; & paulò post,
 me propè

Barum me propè adspèctante, Ostrogia: mox & ali-
invadi- *bi sacra profana proculcantur; plebejig, pa-*
tur. *riter ac nobiles bonis vitaq, ipsâ exuuntur:*
vix deniq, quibus eundum erat, copiis ob-
viam misis, mihi intercluduntur. Vici &
tunc animum, pacis sequestrum me cogitans,
& injuriâ istâ, planè equidem hostili, ad col-
loquium tuum reservatâ, Tribunos misis
nunciis monui, darent viam non arma sed
pacem ferenti, & euntem comitarentur præ-
irentve. Consensere illi hâc conditione, ut

Obsides *denos mutuò obsides daremus; ego nobiles,*
violan- *illi succenturiones. Fidem habui amicitiam*
tur. *præferentibus, decemq, nobiles viros ex pa-*
cto misi, nihil sinistri scilicet metuentes. At
ô quàm iterum spes me fefellit! quàm inau-
dito, quàm inexpectato facinore conatus no-
stri interversi sunt! septem ex obsidibus illis
irucidârunt, tres tristi terrore detinent,
simili fortè crudelitate mactandos, nisi jam
mactati sunt. Si milites Visnioveciani ex-
cursione factâ Ostrogiam tentârunt, id non
luere isti, non ego debui, expers, Deum testor,
atq, inscius planè ejus consilii. Cujus si fuis-
sem particeps, an quaso tot nobiles viros,
cives & fratres meos, ultionis vestræ libidini,
præsentissimog, adeò periculo objecissem!
Quid superest jam, quod dissidentiam & re-
sumptæ inter nos hostilitatis cursum refræ-
nare

nare possit? Ipse rem considera; etiam atq;
 etiam cogitans, esse in cælis Deum, qui &
 possit facile vel validissimos exercitus obtine-
 re, & vindictam fidei ac sanguinis, præter
 fas effusi, non soleat tramittere. Altaria Belli
 tam Græcis quàm Latinis ceremoniis conse- mala
 crata, sexus imbellis, & ætas innocens crude-
 liter habita, omnesq; illæ injuriæ, quas Chri-
 stiani Christianis, civibus hujus Reipubl. He-
 ris suis subditi, gravissimas, & à Turcis
 Tartarisq; vix expectandas intulere, divi-
 nam Nemesein invocant. Ego igitur, acerbis
 lacrymis inanes labores meos prosecutus, ex
 viâ ad vos susceptâ, sed nunciorum meorum
 cadaveribus jam obseptâ, revertor ad exerci-
 tum Reipubl., cui propior factus, cum Collegis
 copiisq; meis extracæstra subsistam, ultimos
 à vobis nuncios præstolaturus. Tu fac, cælo
 atq; orbi innotescat, sine scitu tuo factum,
 quicquid à perfidis istis perpetratum est. Pi-
 ent illi noxio cruore tot hominum innoxio-
 rum sanguinem, & tot domuum, pagorum,
 oppidorum, templorum deniq; immani sacri-
 legio expilatorum ruinas. Ipse autem in fa-
 ciem tuam coram Majestate, omnia nostra,
 etiam cogitata, pervidente, supplex procum-
 be, & veniam commissorum roga. Quid pa-
 tria in te commisit, mater, nutricia & alu-
 mina tua? quid Dei, cui vitam & omnia
 debes,

debes, fana & altaria commeruere? quid nos, tibi & exercitui Zaporobiano, nullis injuriis, aliqui verò multis benevolentia pignoribus cogniti? Nemo usquam vivit mortalium, qui non conscientia tangatur sensu, qui ad Deum creatorem suum non suspiret. Te Christianis sacris imbutum quæ non moveant vulnerentque intimè ea, quæ facta sunt, quæque fiunt: quæ futura etiam non habeant sollicitum? reputantem scilicet, quò iste tantæ multitudinis, & nil nisi sanguinem spirans concursus, quò tanti tumultus evasuri sint? Deus Opt. Max. & sanctissima Virgo, cui hunc diem Ecclesia esse sacrum voluit, meliorem tibi mentem dent; adeoque te emolliant, ut emendandis, atque in melius flectendis rebus animum intendas. Sex enī dies præfinio tibi: quibus sententiam tuam ultimamque destinationem, non procul ab exercitu nostro, cum Collegis meis opperiar. Tunc amplius expectationem nostram morare, sed effice, ut propensa in melius voluntas tua, stricto in perfidas istos ultore gladio, nobis & Reipubl. clarè pateat. Sin obduruī mens, sciat age saltem hac à subditis suis adeò præter meritum afflictæ Mater, num merè factorum arbitrio rem committere, vindicemque Dei manum expectare debeat. Quod abominatus ego semper, & usque abominans, Deum

Deum oro, ut sacram hanc noxam, & quâ nullam deterio- rem pestem scimus, bellum domesticum, à nobis averruncet. Penetravit Chmelnicii animum epistola, à viro magnæ autoritatis profecta, & ad eam, remis- Chmel-
so, quem inter alios Palatinus allegaverat, nicias
Copistinio, sic satis reverenter respondit: respon-
Illa quæ ad Ostrogiam contigissent, non sibi, det Ki-
sed Polonis (Visniovecianos autem expertê suelo.
nominabat) potius imputanda. Quibus fræ-
num injici optat, se vicissim quicquid suorum
militum Ostrogiam insedisset, revocaturum
ad castra, atq; in id Semenium Tribunum,
Canioviensem jam misisse. Deniq; ut pateat
inducias & pacis tractatus continuare se pa-
ratum, conciliatores Constantinorum denuò
invitat, eò se quoq; voluntatis suæ & Cosaco-
rum internuncios misurum. Scriptæ hæ li-
teræ erant 28. Augusti. Quibus acceptis si-
ne morâ Palatinus, cum Collegis, versus lo-
cum destinatum tendunt, præmisso, qui in-
dici- um faceret propinquantium, Glembo-
vio. At interim nescio quo infausto fidere
invaditur denuò à Polonis excursoribus O-
strogia, nullo bono profectu (nec enim ur-
bem obtinuere,) potius verò immenso Rei-
publ. malo. Nam ad hunc sanè scopulum
illisum pacis tractandæ universum nego-
tium in nihilum cecidit. Chmelnicius

*Ostrogia
invadi-
tur à Po-
lonis.*

enim his irritatus, Glembovium, & quos deinceps nuncios misit Palatinus, machinis castrensis alligatos retinuit, sacerdotem etiam Ruthenum ultimò misum non remisit, ad bellum nempe se jam parans, cui instaurando prægrandem habebat exercitum, & Tartaros ad omnia paratos advocare constituerat. Polonicæ copiæ, quæ hætenus ad Lachovecias, Camienum, Jam-polum, Zaloscias, se utcunq, continuerant, belli quidem ab inani compositionis conatu suspensi moras, nec non habenas Ducum, inconsultos exercitûs impetus cohibentium, parum æquis animis tolerare visæ, expectabant tamen reliquum ex Poloniâ militem. Qui ex singulis Palatinatibus collectus magnâ splendoris ostentatione, sed sparsim & lento admodum gradu, insuper verò itinera sua ubiq; rapinis signans, coibat. Neq; ad eadem castra, cum omnibus imperatum esset, Glinianos uti tenderent, confluebant omnes, conjunctionem morante æmulatione, & discordiâ Ducum; dubitantibusq; adeò multis, cui illorum sese adjungerent. Quidam etiam sine dubitatione, posthabitis, qui Varşaviæ constituti erant, militiæ Rectoribus, rectâ ad Vsniovecium ibant. In quem inde tantò major cæterorum invidia & indignatio concitata

Exercitus Polonicus tractatum moras agere fert.

Æmulatione inter Duces.

concitata est. Ut Commisfariis seu mavis
 Confiliariis belli, quorum plures in Convo-
 cationis Comitiiis, Ducibus adjunctos dixi-
 mus, primo omnium laborandum fuerit in
 fopendis inimicitiiis, quæ inter Domini-
 cum & Visniovecium Duces; illum tum
 summum belli moderatorem creatum, hunc
 multis militiæ decoribus, etiam recentibus,
 insignem Reipubl. propugnatorem, dudum
 glifcebant. Etenim rem fortunamq; Polo-
 norum omnem turbaturæ illæ videbanrur.
 Et primus quidem conciliationis conatus à
 nonnullis magnæ etiam autoritatis viris
 fufceptus, prorfus fuit inanis. Alter demum
 labor Stanislai Witovvfcii Castellani Sen-
 domiriensis, rem confecit; cui Sigifmun-
 dus Dönhofius Præfectus Sokalensis gna-
 vus hîc adjutor exftitit. Ubi autem effe-
 ctum tandem erat, ut hæc primaria Reipu-
 blicæ capita privatas fimultates publicis u-
 tilitatibus remitterent: primus Visniove-
 cius vicit animum, ut castra altera ingrede-
 retur; cui ad æquum viæ fpatium Domini-
 cus cum Nicolao Oſtrorogio, Regni Pocil-
 latore, altero belli hujus moderatore, pro-
 cesſit. Ita poſt mutuos amplexus, ad con-
 ſultandum primum de re communi, deinde
 ad epulas, raptim, & velut ſtringendo tan-
 tum arctius amicitiae nodo, verſi ſunt. Fa-

*Discor-
dia com-
ponitur.*

*Duces
amicè
tandem
conveni-
unt.*

et sic animorum armorumq; conjunctione, speculatores emissi, qui quid hostis agerent, explorarent. Is verò interim, cum exercitum Polonorum à Glinanensibus campis in Podoliam progressum; magis magisque; grandescere intelligeret, satagebat, rerum suarum, nec contentus multitudinem illam ingentem ad bellum compone-

Chmel- re, Chanum quoque; Tartaricum, nunciato
nicius periculo, quod sibi & Tartaris à Poloniâ,
Chanum in bellum jam totâ effusâ, instaret, denuò
evocat. ad se invitat. Qui fœderis conscientiam, sed

multo magis amore prædæ, tum verò insuper literis à Portâ Ottomannicâ allatis, quibus ad continuationem belli Polonici excitabatur, stimulatus, indictâ in singula capita expeditione, omnibus potentiam suam viribus premere Poloniam minabatur. Sed antequam ille adveniret, aut suppetias etiam

Poloni am mitteret Chmelnicio, Poloni Tartarorum
propius adventum animo præcipientes, propius
admo- accersere ad Kisieli Palatini copias,
vent co- quæ duum millium circiter, in viciniam ho-
pias ad stis, pacifica ab hoc responsa expectantes
Chmel- stabant. Factâq; conjunctione, quantum-
nicium. vis inter languida aut minus audita diver-

forum imperia, discordia & confusio glisceret, res tamen identidem non infeliciter adhuc gerebatur. Ac ad primam venien-

tium

tium famam Constantinovū 19. Septembr. *Constan-*
 receptum est, Ostaphone tribuno rebellium, *tinovum*
 istic vim venientium expectare non auso. *deditur*
 Inde ad ipsas Pilavecias (arx est nobilis viri *Poloniz.*
 Czermienscii, ab amne præterfluente ita
 dicta*) ubi Chmelnicius cum centum circi-
 ter millibus armatorum stabulabatur, pro-
 cessit exercitus: non æquo sanè omnium
 consensu, & ut res postea docuit, magno
 cunctorum malo. Multis, atq; inter eos
 Visniovecio utilius visum erat, ad Constan-
 tinovum morari, dum novus iste exercitus
 rectius componeretur, militiaq; melius ad-
 suesceret. Sed Ducibus plerisq; adventum *Pilaucos*
 Tartarorum, qui in procinctu esse diceban- *progre-*
 tur, prævertere svadentibus, properatum, *ditur*
 deventumq; est in loca confragosa, mul- *malo*
 tisq; collibus & stagnis intersecta; adeò ut *consilio.*
 castra istic solito aggerum circumductu ritè
 muniri non possent. Interim verò hostem,
 etsi numero validiorem, & utriusq;, ad illas
 paludes, ripæ potentem, audax hæc Polo-
 nici exercitus acceleratio non parum con-
 sternavit. Eumq; suo, pariter tum malè ad- *Hostis*
 huc coalito robori fidere non ausum, de re- *trepidat.*
 trocesu jam cogitasse ferunt, quò postea
 integras suas vires auxiliis Tartaricis ad-
 jungere posset. Etiam hoc accepi, pluri-
 mos è gregariâ agrestium multitudine de-

ditionem sui agitare capisse; metu scilicet Dominorū appropinquantium percellente animos serviles. Nutantes ita, magis mox etiam belli præludia, Polonis quàm Cosacis feliciora turbaverè. Agger, sed angustus, & solo humili atq; uliginoso ad gradum pene instabilis, interjectu suo prohibebat, ne rectà iri posset in Chmelnicum. Et hic suâ ex parte aggeris aditum binis propugnaculis infestum Polonis reddiderat. Illinc proturbare hostem, ardui operis, sed egregium ad famam & ominosum ad cætera fore videbatur. Itaq; alæ aliquot, Carolo Corecio Duce & Samuele Lasczio præeuntibus, stagni caput circumgressæ, aliæ, quæcunq; capax vestigii vadum erat, properato transitu, in exercitum hostilem irrupère. Cumq; non cogitantibus supervenissent, antequam arma consternati hostes arripere possent, orta ibi confusio est. Et mox ubi plures nostrorum, quâ data via, accurrissent, munitiones hosti ademptæ, custodiæq; earum dein Prætorianæ cohorti, quæ strenuam hîc operam navaverat, commissa fuit. Sed non diu ea nostris seu fortuna seu alacritas mansit. Postero enim die nullâ certâ ex causâ, aliâ longè facies, alius animorum habitus, quàm qui hesternam victoriam deceret, in castris fuit. Spar-

sus ne-

*Munitiones
duæ occupantur à Polonis.*

us nescio quo autore rumor erat, Chmel-
 nicium, hesternis belli præludiis irritatum,
 cunctis viribus in Polonos ire velle. Inde *In exercitu Po-*
 toto die in armis stetit miles, Cosacos, & *lono mu-*
 cum iis prælium assidue prospectans. Da- *tatio a-*
 tum tum documentum est, *majoribus solere* *nimorū,*
animis invadi, quàm expectari hostem : Et
militēs, qui impetu valuisent, morā inter-
dum flaccescere. Hic interea etiam voces,
 debile aut dissonum exercitus regimen in-
 cusantium, crebescabant. Et quidam o-
 mnia pessima sibi & universis auguraban-
 tur. Neq; deerant, qui malè rem cedere,
 optarent, ut major inde Ducibus, in quos
 obliqui erant, infamia nasceretur. Adeò
 non veretur *invidia publico etiam damno*
iras privatas satiare. Sed hic jam insuper
 nebula acceserat, quæ ut diem, ita pectora
 quodammodò fuscabat. Alter alterum,
 vix nisi de proximo cernere & agnoscere
 poterat. Noctem esse crederes, immisam,
 ut pavorem, tenebras comitari solitum, vel
 afferret vel portenderet. Atq; uti fieri solet,
 cum oculorum usus eripitur, ad quemlibet
 motum vel sonum arrigebantur corda, &
 ne quà à latere, beneficio tenebrarum, sibi
 hostis, talibus furtis assuetus arreperet, me-
 tus erat. Sed ille eo die pariter suos in ca-
 stris continuit, impetum expectans potiùs,

K f. quam

quam inferre cogitans. Pauci aliqui excursores utrinq; commeabant, speculaturi, rum quæ pugnae prætentamenta apparerent. Sub vesperam repentinus, in castris hostilibus, tubarum tympanorumq; clangor, mox & tormentorum fragor exsonuit. Qui auditus incertiores animi Polonos faciebat, quia, quid is sibi vellet, ignorabatur. Plerisq; tamen creditum, advenisse Tartaros, illosq; his latitiæ signis à Chmelnicio excipi. Exploratores, seu segnitie sua, seu vitio agrestium, hosti quàm Polonis amiciorū, nihil quod dubitationes solveret, afferebant. Eò magis jam nonnulli numerum pugnacitatemq;, Scytharum in majus secum augere: & quâdam specie prudentiæ in sequiora omnia labi animo & sermone. Dubitare in primis, an tam ingenti hostium multitudini par esse possit exercitus. Sed ii tamen aliorum adhuc præsentiore animo, fiduciâq; meliore coerciti, non audébant nimis apertè, vel pertinaciter tueri metus suos. Duces interim edici jubent militi, ne abeat stationibus, majorq; ad eò pars exercitus in excubiis tum mansit. At hostem, quid in castris Polonicis ageretur, non latebat. Et quia Tartarorum inani umbrâ consilia animiq; multorum ad eò turbati erant, augendam fraude

fraude formidinem ratus, die postero, qui *Terro-*
erat 28. Septembr. suos educit, præmissis *rem dolo*
quatuor millibus Tartarorum, quos dudum *auget*
jam secum habuerat. Adjuncti eis non *hostis.*
pauci agrestium, ita vestiti armatiq; , ut
Tartari esse crederentur. Hi confertis
agminibus & solitâ Tartaris vociferatione
(Alla alla) ingeminantes, in ereptas hester-
no die munitiones impetum faciunt. Quas
Palatini Sendomiriensis, summi tum mili-
tiæ Ducis, prætoriani pedites, ductore Su-
chodolscio, infederant: Excubantibus si-
mul circa aggeris exitum turmis equestri-
tus, Sendomiriensis præcipuè Palatinatûs,
Volinensis præterea, & Brestensis. In o-
mnes istos, quia proximi erant, vehemen-
tissimo impetu vis hostilis primò incubuit.
Neq; suppetiæ iis maturè mitti poterant, *Laborat*
ob viæ, quâ eundum illuc erat, uliginosam *exercitg.*
angustiam. Sed nec, cum poterant, culpâ
mali regiminis, misæ sunt. Interim pedi-
tes illi multitudine oppressi pereunt, & e-
ques numero impar, tum in loco tam ini-
quo, armis suis, hastis præcipuè, uti impo-
tens, multùm similiter laborabat. Multi
ante aggerem cadebant, non pauci & in
ipso aggere, partim ab hoste urgente, par-
tim mutuâ, atq; horum quoq; , qui in au-
xilium veniebant, trusione obterebantur;
aliqui

aliqui in ipso amne Pilavvkâ, vicinâq; ei
Castella- ulvâ peribant. Ipse Sendomiriensium Ca-
nus Sen- stellanus & tum ductor Stanislaus Witovv-
demiri- ski, cum equus, cui infidebat, ex vulnere
ensis pe- procumberet, vix demum alio à famulis
reclita- suppeditato, summo discrimini ereptus est.
tur & Etiam Christophorum Balduinum Osfolin-
B. Osfo- scium Præfectum Stobnicensem in uligino-
linfcius. sâ ripâ hærentem, ægrè servavit gregarius

miles, nihil moratus periculum, dum He-
rum in cœno illo sidentem, & jam prote-
rentium calces experientem sublevat, atq;
à loricâ, salutis ante tegumento, nunc re-
morâ, discisis cultro vinculis, expedit. La-
De re- bente in vesperam die, Proceres raptim sub
tro-cesu dio, & quidam, ut ex pugnâ adhuc calebant,
consul- de summâ rerum consultabant, ac aliis alia
tatio. afferentibus, potioribus tamen placuit, quia
jam meliore ex loco & viribus longè majori-
bus hostis pugnaret, adversum dissonos
& suâ quasi mole ruituros, ut sub structæ
carraginis tegumento Constantinovum re-
diret exercitus. Atq; eâ mente singuli ad
suum militem redibant, cæperantq; jam
currus in carraginem connecti. Sed paulò
post nonnullis, nescio quâ fatali cæcitate
aut desperatione correptis, nimis lentus es-
se ille protegendæ privatæ & publicæ inco-
lunitatis visus est modus. Quare seorsim
denuò

denuò capita conferentes, & quò etiam su- *Consiliu*
os fallerent, murmure secreto suum & simul *subitum*
Reipubl. quæ in isto civium flore periclita- *de fugâ.*
retur, discrimen sibi mutuò ostentant.
Mox & licentiam invicem dant sumuntq;
quà quisq; posset, sibi consulendi. Vellem
hæc quæ memoro, & continuò hinc memo-
randa habeo, potiùs silentio transire posse,
quàm in lucem protrahendo mihi & Operi
huic invidiam consciscere. Sed agendum
est liberè, fidem veritatis professo, & fru-
stra siluero, quæ in ore famæ posita sunt,
ac forsan alicubi in majus corrumpuntur.
Cur verò etiam dissimulemus dedecora,
quorum nulla expers natio fuit, quando
justum Caput non habuit. *Uti corpora vel ma-*
xima labascere ac dissilire necesse est, qua
vel nulla vel discors anima gubernat, ita
exercitus, cui aut Rector, aut ex ipsâ mul-
titudine regentium, regimen deest. Hic
utiq; novus paucissimisq; veteranorum
fultus exercitus & auspiciis & ductu caruit,
cum nec Regem haberet Regnum, & legi-
timi Duces Scythicis Tauricæ vinculis atti-
nerentur. Qui substituti interim erant, non
audiebantur. Carrago itaq; ut rem dolen-
dam, postquam cæpta est, pertexam, omit-
ti illico, & quæ connexa jam erat, dissolvi
cæpit. Primi omnium, qui nescio an su-
bito,

Subito
tumultu
exerci-
tus dila-
bitur.

bito, & in hâc arenâ nato, occulto certè consilio in fugam inter se consenserant, sese proripiunt. Inde mox terror in proximòs quosq; , hinc in reliquos, porroq; ita in totum diffunditur exercitum. Alii, quæ ista consternatio sit, inquirere, alii nihil quærentes, sequi tantum cæteros: omnes fere, & in iis strenuissimi quiq; , veræ rei ignorantia, falsa omnia fingere sibi, ipsâ etiam inprimis nocte omnia incertiora reddente. Ita ruitur undiquaq; è castris, & non secus atq; victor hostis tergo instaret, properatur, non curribus tantum omnibus, quorum ingens numerus, sed & pretiosissimis quibusq; rebus derelictui habitis. Fuere quidam ex veteribus militiæ, qui voce manuq; obsisterent, gloriam majorum, fugæ dedecus, sed inprimis etiam, placitum earaginis consiliû objicientes. Sed nemo rectè monentiû audiebatur. Dilapsis ita partim suâ, partim alienâ trepidatione omnibus, soli supererant, qui aut longius à castris per excubias dispositi steterant, aut è statione pugnâve eo die reversi, quieti se dederant, inscii omnium, quæ cæteri agerent, sed tandem strepitu ipso admoniti, cum discesu reliquorum desolatos se intellexissent, triste exemplum, abominantes, & necessitate coacti excusatiq; , sequebantur.

tur. Visniovecio Duci jam à paucis aliquot *Visnio-*
 deferebatur belli regimen; sed is, quod re *vecio*
 integrâ sibi negatum esset, conclamatâ, re-*frustra*
 cipere abnuebat. Alicubi tamen restitans, *regimen*
 inclamabat fugientes, ut sisterent gradum: *jam de-*
 esse adhuc, qui manentibus præesse possit. *fertur.*
 Sed nemini vacabat jam auscultare aut se-
 qui Ducem. Quidam peditum cum ex sta- *Castra*
 tionibus reduces, deserta castra, & relictam *expilan-*
 in curribus tantam rerum pretiosarum co-
 tur,
 piamprehendissent, vestigiis cæterorum,
 quantum possent, sibi quoq; insistendum
 rati, manus tamen à prostante prædâ non
 abstinuere. Rem optabilem fecissent, si
 igne tot illis curribus subjecto, hosti tantas
 opes præripuissent. Sed id vel insperatâ re-
 rum facie attonitis, non venit in mentem,
 vel festinantibus arduum factu visum est.
 Atq; ita non tantum ille adeò splendidus
 & tot millium exercitus, novâ insolitâq;,
 sed haud dubiè, ad excutiendum veternum,
 cœlitus permisâ formidine paucas intra
 horas, dilapsus est: sed & simul tormenta,
 suppellectilis aureæ, argenteæ, sericeæ *Multa*
 curruum, equorum, omnis deniq; generis *opes ho-*
 impedimentorum incredibilis vis, homi-*sti relin-*
 num etiam, qui seu equis destituti, seu mor-*quun-*
 bis vulneribusq; invalidi sequi alios non
 tur.
 potuerant, haud exilis turba in manus ho-
 stis de-

stis devenit. Qui fortunam ipse suam diu nesciens, aut cum de vacuis Polonorum castris nuncii afferrentur, dolū suspectans, diu suos ab invasione castrorum, & à divi-

Hostis te illâ prædâ continuit. Hâc dein potitus,
inde eri- quântum animos ac cristas erexerit, facilitè
git ani- cuivis est conjicere. Quippe vehementer se
num. formidatum videbat exercitui, qui tantas opes hosti relinquere non dubitasset. Sed & se suosq; milites, adeò præter opinionem & laborem, velut fato ipso ducente, ditatos, haud dubiè, ad majora vocari credebatur. Nihil certe tam improbum fingi queat, quod sperare ille non ausus sit, tam inexpectata assecutus. Et patebat equidem ejus libidini omnis propè Polonia, protectore exercitu in diversa prolapso, & terrorem insuper undiquaq; per provincias circumgestante. Multi Procerum Leopoldin tacito pudore prætervecti, alii urbem ingressi, de retrahendo exercitu, eluendâq;

Leopoldi maculâ, consilium inire capere. Visniove-

proceres cius, quicquid illâc militum iret, hortatu,

quidam prensatione, precibus, nummis deniq; ab

delibe- oppidanis in fidem Reipubl. & suam accep-

rant. tis, retinet. Pocillator etiam Regni Ostrogus, missis raptim Varsaviam ad Archiepiscopum literis, rem omnem exponit, consilia sua, inprimis de carragine, non audita

memo-

memorans: simul tamen in rem præsen-
 tem suadens, ut edictis publicis miles, tam tor Ar-
 qui dispersus jam vagaretur, quàm qui len-chiepi-
 tius progressus, ad Pilavicias nondum acces-
 sisset, ad ipsum apud Leopolin properè coire lapsum
 juberetur: peregrinus præterea miles, in-
 primis pedester & exercitatus, undiq; legere-
 tur: deniq; ut publica ediceretur expeditio;
 addito postremùm, videri sibi melius mori,
 quàm Patriam ita pereuntem spectare. Bo-
 num sine dubio consilium erat, sed eà cele-
 ritate, quâ opus erat, in tam præcipiti Rei-
 publ. discrimine, ad effectum deduci non
 potuit. Hostis præmissis Tartarorum alio-
 rumq; velutum alis, & qui quovis Tartaro
 velocior est, terrore omnia optimè cogita-
 ta disjecit. Vix usquàm justa aliqua ma-
 nus militum restitabat, nisi postquam eò
 pervenerat, quò hostem tam citò sequi non
 posse putaret. Oppida etiam pleraq;, arces
 deniq; quæ in Rusiâ sat frequentes, certa-
 tim deserebantur. Ipsum Zbarasium, vetus
 & sat benè munitum illius tractûs propu-
 gnaculum, tum quidem quinquaginta ma-
 chinis bellicis aliisq; apparatus instru-
 ctum, sed præsidiario milite vacuum repe-
 rit Chmelnicius, cum dimissis per diversa
 Nieczajo, Niebaba, Tyssâ, Glovacio aliisq;
 ductoribus, huc primum cum grandiore

*Oppida
 patent
 hosti.*

Dubna exercitu se convertit. Alibi *Dubna*, *Domini*
nō item. *nici Ostrogia* & *Zaslavia* Ducis arx, à præ-
 sidio suo, ductu imprimis *Radlovii*, qui
 ex dispersione illâ publicâ huc se receperat,
 protecta, impetum hostilem exclusit. Sed
 majore vi *Brodana* arx oppugnata est. Con-

Nec Arx
Broda-
na.

Oppidū
Brodi,
desertū
occupa-
vit ho-
stis.

Opifices
oppidi
Brodani
& com-
mercia.

dita illa annis superioribus à *Stanislao Co-*
niecpolscio, Castellano *Cracoviensi*, eo-
 demq; exercituum Duce, & egregiis postea
 operibus munita; *Cosacis* verò nunc præ
 aliis locis invisa erat, ob possessorem ejus
Alexandrum, magni illius Ducis filium, *Re-*
gni vexilliferum, quem *Chmelnicius* inter
 præcipuos persequebatur. Adsitum arci, op-
 pidum non exiguae molis. Quippe cui ex-
 ornando ditandoq; multam curam defun-
 ctus exercituum Dux adhibuerat, vocatis
 illuc *Gedano* & ex ipsâ *Bataviâ* opificibus
 variis, præsertim talibus, qui conficiendis
 rarioris artificii texturis sericeis oppidi fa-
 mam augere idonei essent. Ac ceperat
 idem Dux cum *Batavis* quibusdam modum
 agitare, quo sericum aliæq; *Perficæ* merces
 ex Oriente in *Poloniam* terrâ portarentur:
 ut ita, non sine Ducis, *Regniq;* totius com-
 modo, compendium fieret itineris, quod
 hætenus per tot marium discrimina, ma-
 gnis sumptuum mensuramq; multorum im-
 pendiis, faciendum esset. Sed oppidum hoc
 quia

quãa latiùs diffusum, minusq; adhuc mun-
 nitum erat, quàm ut contra vim magnam
 defendi posset, desertum nunc fuit ab inco-
 lis. Horum quippe major pars cum uxori-
 bus liberisq; in Arcem se receperat: alii
 aliò erant dilapsi. In Arcē centum pedites *Præsidia-*
 à loci hærede fuerant relictī. Quibus toti- *riu Arcis*
 dem ferè de legione Olsinſcianâ, post triste *Bródâ-*
 illud Pilauciarum Poloniæ vulnus accesſe- *nâ.*
 rant. Ex viciniâ triginta circiter nobiles,
 ex oppidi civibus ducenti plus minus ade-
 rant, qui arma tractare posſent. Nec tor-
 menta varil generis, aliiq; apparatus belli-
 ci deerant. Cũ Arcis tutandæ Paulo Gav-
 lovio & Alexandro Casperſcio demandata
 erat. Hostis paulò post Calendas Octobris
 ad oppidũ accesſit: quod cum vacuum
 reperisset, domos & templa prædator ali-
 quandu miles percurſavit, sed idem non
 multò post ad Arcē se admoverẽ cepit. Cũ
 propugnatores strenuè inde jacularentur,
 Chmelnicius animos obsessorum tentatu-
 tus, fortè etiam, ut Auxiliatori suo Scythæ
 gratificaretur, literis ad Præfectos misſis,
 Tartaros, qui istic in vinculis, multis ad-
 hinc annis, detinerentur, liberos dimitti
 petiit. Eâ re impetratâ, oppido Arciq; vim
 se nullam spondebat illaturum. Erant octo-
 ginta numero Tartari, quos belli Dux Co-

Tartari
dimit-
tuntur
ex Arcē
Bródâ-
nâ.

niecpolscius, diversis temporibus captos compedibusq; oneratos ad opus, in Arce novâ & multas manûs adhuc requirente, faciundum damnaverat. Sed eos, tanquam fessos & emeritos dudum dimittere statuerat Regni Vexillifer filius. Tanto itaq; pronius Chmelnicii precibus eosdem dare jam placuit, cum præsertim ita oppidum redimi posse speraretur. Igitur per murum dimissi sunt illi Tartari. Posthæc movit castra Chmelnicius Leopolin, ulterius dein in Poloniae viscera progressurus. Pars tamen exercitûs (viginti ampliùs millia hominum) contra fidem datam, obsidionis operi continuando, sub Danielis Nieczaji & Stempi, Tribunorum Cosacicorum, regimine relicta. Qui ut Arce potirentur, nihil reliquere intentatum. Ac primùm quia viginti tormenta habebant, ea ædibus oppidi lapideis imposita sunt, quo certior tanquam de suggestu in Arcem iactus esset. Uti sanè non parum inde noxæ datum est obsessis. Domos præterea ligneas demoliti, binas inde velut turres fabricabant, quæ magno longoq; labore in eam deniq; altitudinem surrexere, ut Arcis mœnia æquarent. Sed & fossas iisdem domuum fragminibus implere cæperant, atq; sic ad ipsos Arcis muros munire sibi viam. Videntes periculum

*Brodana
arx op-
pugna-
tur va-
riè.*

periculum Præfecti, captato tempore, quo *Opera*
decidens pluvia, etsi levior, Cosacos secu- *obsiden-*
riores reddiderat, peditem ex Arce demit- *tium,*
tunt, qui pilam pyrio pulvere artificiosè *exurun-*
effertam, strui lignæ injecit. Quæ paulò *tur.*
post accensa ignem latè sparsit, & hostile
illud duarum hebdomadum opus eo die in
cineres deposuit. Nam etsi Cosaci flam-
mam magno concursu niterentur extin-
guere, frustra tamen erant, & eorum non
pauci ex arce figebantur globis. Eodem
igne correptum est stabulum, quod præma-
gnificum defunctus Coniecpolscius Arci
olim subjecerat. Nunc verò id obsesfori-
bus tegumentum dabat adversus obsessos.
Octo post diebus altera quoq; strues, eaq;
penè major, incensa est, submissis in eam
rem ex Arce triginta peditibus, quorum
etiam tres in ipso hoc conatu periêre. Irriti
inde Cosaci vindictam explere statue-
runt ignibus oppido injectis, cui hucusq;
pepercerant. Atq; ut tanto plus damni *Oppidū*
inferrent obsessis, placuit ventum expecta- *Brodi*
re, qui ex oppido in Arcem non fumum *incendi-*
modò, sed & flammam sparsurus videretur: *tur.*
quia in Arce quoq; ædes aliquas ligneas,
igni; adeò concipiendo aptas esse nove-
rant. Ubi commodus ipsis ventus adspirare
visus est, missi agminatim Cosaci diversis
L 3 partibus

partibus succendere oppidum cæperunt. Sed cum extrema ejus citius corriperentur, alii qui in foro rem eandem tardius aggressi erant, ignibus subito circumdati ægrè effugère exitium. Alibi etiam combusti sunt. Cum universum jam oppidum flagraret, pro Aquilone Auster flare cæpit, qui incendii vaporem & periculum ab Arce avertit. Frustrati ita toties Cosaci, jamq; etiam oppidi latebris destituti, vi omninò Arcem adoriri ac transcendere decreverunt. Ac proinde continuis aliquot noctibus connisi sunt muris scalas apponere; quas in id præaltas paraverant, sylvis proximis sat uberem ad talia materiem præbentibus. Verùm obsessi tum machinis suis omnibus, quas plerasq; non globis majorib9, sed granis plumbeis implebant, ut latius vulnera & mortem spargerent, tum saxi lateribusq; undiquaq; viritum propulsabant subire auctos. Horumq; adeò magnus subinde numerus peribat. Tandem, ubi vim omnem eludi viderent, ad dolos conversi sunt hostes. Collecto omni exercitu discessum simulant, castrisq; motis versus Berefteciam tendere incipiunt. Sed iidem, ubi ad primum lapidem ventum erat, consistunt, ac deinceps mediâ nocte redeunt tacite, quin-quaginta amplius scalas secum vehentes.

*Cosaci in
muros
Broda-
nos ni-
tuntur.*

*Sed ina-
ni cona-
tu.*

Has

Has subito suggesti, admovent muris, omni ope Arcem ingredi laborantes. Sed extremis quoq; viribus obnisi sunt praefidarii, praeter machinarum jacula, quicquid ad manum esset, quod nocere hosti posset, ingerentes. Ceterum cum ad hunc modum per octo amplius hebdomadas cum hoste, non nunquam & cum suis quibusdam, ad hostem metu tandem inclinantibus, certassent obsessi, mitigatus interim, ut in progressu historiae dicimus, Chmelnicius & relicto Zamoscio in Ukrainam tendens, hunc Brodanæ quoq; Arcis obsesorem exercitum secum reduxit. Atq; ita Arx, quod paucissimis tum locis contigit, evasit, non sine magnâ constantiæ laude, periculum. Eademq; cum oppidum servare non posset, oppidi tamen cives plerosq;, & multos ex viciniâ servavit: quanquam etiam ex ætate & sexu imbelli ingens ibidem multitudo fame & morbis interiit. Verum mihi ad Leopolim, principem Russiae meridionalis Urbem, & ut sequentium annorum historia docebit, immotâ inter tot obsidia, fidei constantiâ præclare de Rege publ. meritam, reflectendus jam stylus est. Hanc Proceres quidam post cladem Pilaucianam, ut dixi, huc digressi, omnibus modis tuendam statuerant. Sed ex dilapso per diversa exercitu nul-

Leopolin citu nullos aut paucos huc milites tulerat defende- impetus. Longè verò paucissimis sistere hîc re statu- impetum libuit. Instabat porrò novi Re- unt Pro- gis electioni destinatū tempus. Quem con- ceres, ventum sine his, quæ Leopoli jam essent,

Varša-
viam ii-
dem ab-
euntes
deserunt
locum.
Leopolis
Arcise-
prio com-
mitti-
tur.

Sed is
abnuat
ibi regi-
men.

Regni Capitibz haberi nefas, nec è Republ. videbatur. Itaq; consilio raptim hîc instituto, summum quidem belli regimen Visnovocio Duci demandatur. Sed simul mox pleriq; , obsidii hîc discrimen opperiri nolentes, Zamoscium primò, inde Varšaviam, locum scilicet Electioni dicatum, contendunt. Urbis cura in Christophorum Arcisevium, quem rei tormentariæ in patriâ præpositum ante diximus, rejecta est. Qui laboribus morbisq; fractus, munus istud, à multis alioquin expetitur, jamdudum invitus sustinebat. Tum verò id administrare penitus detrectabat, nisi servato gentium, apud quas militiâ inclâruerat, more, legionem militum, ad custodiam armorum, accurandumq; commeatum, haberet. Quam non adeptus, sed ex venturis demum è Prussiâ copiis sperare, ac Leopoli interim subsistere jussus, ei defendendæ magis adesse consilio, quàm imperio præesse recepit. Quippe suo milite, ad obsequia remq; bellicam exercitato destitutus, solis civium præsidiis, haud satis feliciter pro-

ter processuram civitatis defensionem arbitrabatur: præsertim ubi plurimos eorum, metu instantis periculi, ab urbe se subduxisse, intellexerat: adeò ut hominum ad arma induenda utcunq; habilium, vix quingenti supra mille superessent. Quibus serò demum una Draganorum cohors sub Andreâ Cikovio, accessit. Cæterùm simul ut urbem ingressus erat Arcisfevius, multa equidem nobilitatis primoribus, qui istic iudiciorum, ut vocant, Capturalium causâ coiverant, multa & civibus suasit muniendæ propugnandæq; urbi necessaria. Ac fidem quoq; Primorum Urbis, virorum sanè insignium, & magnam partem doctrinâ etiam excellentium, nec non civium plerorumq; (nam quosdam ex Russis in hostem propensiores dies & calamitas postea aperuit) integram immotamq;, alacres etiam cunctorum ad consilia operamq; aures, sed lentiores iudicum ante dictorum ad sumptum, faciendum manus, expertus est. Et hæc ex *Defectus* causâ, Arcis, quæ alioquin loco ad defen- *in Urbe* sionem sui, & viciniæ, sita opportuno, par- *& Arce* vâ impensâ in magnam hostis remoram, *Leopoli-* emuniri poterat, omissa cura est. Sic cum *tanâ.* idem Arcisfevius certis vallorum spatiis, stationes, militi excubitori & inprimis civi, aëris injuriarum minus patienti, necessaria

*Tar-
tari ap-
propin-
quant
Urbi,*

saria suffugia strui, sepes item militares, quæ rara & malè admodum hærentes, facillimum cuivis transitum dabant, vibiis transversis firmati, inter alia, postulâset, auditus quidem est, sed auditus tantum; effluente, inter obedientium cum cæteris certamina, agendi opportunitate. Interim magis magisque propinquabat hostis, & adventum ejus ex collucentibus undiq; ignibus latè ardens cælum, tristi præludio, denunciabat. Donec VII. Octobr. Tartaricæ primum turmæ conspici cæpère. A quarum ductore Tohaibejo præmissi quidam, & præbitis amicitiae signis, ad colloquium admissi, à Sieniavio urbis hujus Præfecto, quem post Corsunensem cladem à Tohaibejo, fidejudentibus pro lytro binis belli Ducibus captivis, è vinculis dimissum supra narravimus, summam promissam postulabant; subindicantes, eo impetrato, urbem tutam fore ab hostilitate. Sed, Sieniavio absente, colloquium sine effectu fuit. Interim IX. Octobr. Cosaci quoq; succedere. Et hi oppressis subito impetu civium iis, qui extrema suburbiorum sepimenta tuebantur, primò Domos, fossæ urbis imminentes, occupabant eoq; mox tegumento, ad infestandos cives, in vallis excubantes, utebantur. Unde quod nulla ante ratio potuerat,

potuerat, necessitas persuasit civibus, ut suburbia incendi paterentur. Is ignis bi-
 duo ferè arcuit hostem ab urbis accessu. Po-
 stea arx, trium dierum continuo conatu
 oppugnata est. Quam initio Bratkovius *Arx. oc-*
 Burggravius, postea, cum is in urbem unà *cupatur.*
 cum maiore militum manu noctu recessis-
 set, viginti aliquot pedites, abitus cætero-
 rum aliquandiu ignari, strenuè eandem
 defendere. Sed his ipsis tandem, deficiente
 omni commeatu, reliquos sequi coactis,
 arx in potestatem hostis devenit. Qui eam
 XIV. Octobr. ingressus, quicquid istic re-
 perit, (nihil autem ferè hominum reperit,
 nisi si qui fugâ sibi nequiverant consulere)
 miserrimè trucidavit. Infantum certè, quos
 barbarus persecuerat gladius, reperta sunt
 postea, plus minus ducenta cadavera. Juxta *Urbs do-*
 autem tum Chmelnicius non vi tantum *lo tenta-*
 moenia urbis, sed dolo etiam, & blanditiis *tur.*
 animos civium tentabat; scriptis literis
 obsesos, & præcipuè Russos monens, ut à
 cæteris Lachis (sic genuinos & imprimis
 Romanæ fidei Polonos Russi vocant) sese
 abjungant; universos porro civitatis in-
 colas, ostensâ armorum suorum, quæ ne-
 cessitate subactus induisset, æquitate, simul
 & inopiâ Pecuniæ, quâ ad satisfaciendum
 Tartaris, sociis jam suis, indigeat, ad collo-
 quium,

*Urbs de-
dere se
parat.*

quium & ad compositionis tentamenta invitans. Nulla spes erat sustentandæ diu urbis, quam à milite & annonâ imparatam, exercitus trecentorum circiter millium circumsepsisset. Adeoq; hostem inani obstinatione, ad extrema lacescere nemini etiâ fortissimorum, videbatur consultum. Quòd tamen initio dolus adhuc metueretur, neq; ulla nisi cum ipso Chmelnicio tuta videretur compositio, quæsitæ inter oppidanos, qui Chmelniciū nosset. Et reperti duo sunt Mokrsceius Sacerdos & Armenus quidam. Quorum ille olim in Patrum Jesuitarum collegio bonas literas profectus, inter auditores adolescentem Chmelniciū habuisse se meminerat, nuncq; adeò tantò gratiosorem se apud illum fore rebatur. Prodiit itaq; ille cum Armeno, noscitatum, quis colloqui, & quo animo posceret. Reversi ipsissimum adesse Chmelniciū, & legatos ad se mitti velle, retulere. Ita consulum unus Vaklevicius, cum eodem Sacerdote & binis civibus, Armeno uno, altero Russo, ad colloquium egressus, redimi posse urbem, sed pretio non modico, intellexit. Quippe ducenta aureorum millia postulabat Chmelnicius. Illi regerere, esse iniquum postulatum, & excedere vires civitatis. Quam nunquam adeò nummis abundantē,

*Urbs pa-
ciscitur.*

nunc

nunc in super procures Poloni, antequam abirent, in delectuum novorum stipendium, plusquam nonaginta millibus florenorum, hoc est omni presente pecuniâ nudâssent. Si quid argenti non signati, aut mercium pretiosarum superesset, lubenter daturus obsessos mitteret hostis suos aliquos, rem omnem suismet oculis arbitraturus. Venit Glovacius, unus ex Chmelnicii Tribunis, homo Polonus, sed qui patriæ caritatem & sacra priora novis rebus posthabuerat. Eum comitabatur Scythia, castrorum apud Tartaros metator. His præsentibus ad Chmelnici- *Urbs se* cium mille ducentæ selibræ, vulgò marcæ, *redimit.* argenti solidi, & quod majus, sacris ferè usibus dicati, ad faciendam seriæ compositionis fidem, misæ sunt. Sequentibus diebus cum magis magisq; urgeret hostis, argenti signati ad sedecim millium florenorum non sine magno labore civitas confecit; ad quos viritim postulati Ecclesiastici sexcentos universim florenos contribuêrunt: privatim ferè cunctis inopiam excusantibus; at sacra, si quid superesset supellectilis, communi necessitati omnes Religiosi ordines lubenter obtulêre. Ita hi sacras opes; cæteri cives, præter pecunias ante dictas, sericearum, lanearum, pellicearum mercium haud modicam vim mise-

Annonæ defectus & aquarum Lepoli. runt. Nempe necessitas, durum telum, nihil non extorquebat obsessis, inprimis postquam fames & simul morborum contagio ingrueret. Aquæ præterea, præcisis quorundam hosti benè cupientium perfidiâ ductibus publicis, deficiebant: puteo, qui unus in cœnobio quodam supererat, non sufficiente omnibus, & plebe plerâq; passim de lutosis scrobibus pluviam hauriente. Panis caro veni bat, & ægerrimè jam haberi poterat. Quæ annonæ difficultas, etiam post compositionem aliquandiu mansit, relictis passim ab hoste per oppida, vicos, & villas custodibus Cosacis, qui exercitui suo annonam servantes, nullâ ope oppidanos juvari patiebantur, & egredientes ex urbe inclementer plerumq; excipiebant. Exercitus Chmelnicii 24. Octobr. moveri à Leopoli capit. Ipse gratis civitati actis, cum lectioribus Cosacis postridiè secutus est: ulteriora jamdudum animo agitans, à quibus longâ ad unam urbem morâ abstrahi, & senescere impetûs suos nolebat. Cæterum uti hactenus nihil propè non obvium apertumvé reperit: ita ab Urbe hac discedenti passim jam omnia magis patuère, uno excepto monasterio Sokalensi, ad Bugum amnem sito. Quod superioribus annis Monachorum, & vicinæ nobilitatis solici-

sollicitudo, circumducto ex arte muro &
 propugnaculis firmaverat, Oppidum ipsum
 Sokal à civibus Ruthenis facile deditum est.
 Quippe qui jam pridem Græcæ Ecclesiæ ac *Socalen-*
cisam dignitatem indignè tulerant, eoq; *ses cives,*
 nunc propensiores in Cosacos erant, Cate-
 ri, quos nulli ejusmodi affectus Chmelnicio
 conciliassent, severitatis nuper à Polonis in
 Ruthenos, ut proditoris suspectos, exerci-
 tæ memores, adeoq; talionem metuentes,
 tempestivè se subdlexerant. Et salutare hoc
 fugæ consilium illis fuisse eventus mox do-
 cuit. Etenim atrociter admodum in omne
 id, quod ad profugos, diversæ inprimis re-
 ligionis, compertum est pertinere, sævitum
 fuit. Non sepulchrorum claustra, non tem-
 plorum religio improbos retinuit, quò mi-
 nus in intimis adytis omnia, ac sub humo
 cadavera ipsa excutientes, aurum argen-
 tumvè vestigarent. Parem immanitatem
 Thomasovia experta est: ne alia jam me-
 morem obscurioris famæ oppida, Magiero-
 viam, Lipsciam, Florianoviam, Naroliam
 porro vir nobilis Georgius Laszczus, in-
 certum, an subito incursum deprehensus, an
 suo in fundo occumbere quàm fugere ma-
 lens, sanguine suo conspergit, commorien-
 te illi loci ejusdem Presbytero. Tam im- *Cosaci*
 manib; vestigiis Zamoscium tendens hostis *Zamo-*
sciū ten-
 signabat *dunt.*

signabat iter suum. Hæc verò urbs à Jo-
hanne Zamoscio, æterno illo Poloniæ suæ,
cujus exercituum Dux & Cancellarius fuit,
ornamento, parentum nostrorum memo-
riâ, condita est. Et multiplici decore, in-
primis verò Academiâ & munimentis, su-
pra plerasq; alias Poloniæ urbes, eminet.

*Ad hanc
Urbem
multa
hostem
illiciunt.*

Illam si occupâsset hostis, cor quodammo-
do Sarmatiæ in manu sibi videbatur habi-
turus. Ingentes porrò thesaurós istic reper-
turus sese sperabat : iis scilicet opibus in-
hians ; quas partim domûs Zamoscianæ,
opulentissimæ sanè, curâ repositas, partim
concurso nobilium, qui magno numero il-
lic sua congestissent, accumulatas non
ignorabat. Aberat tum urbis hæres, ma-
gni illius Joannis nepos, Avo cognominis ;
anno circiter ante, ingenii excolendi cau-
sâ, ad externos profectus. Sed ejus in urbe
defendendâ vices multi egregii viri tuen-
das nunc susceperunt. Præ aliis ipse Visni-
ovecius, Zamoscii, ductâ ejus sorore, affi-
nis : qui post dissipationem Pilavicensem,
se & pretiosiora quæq; huc intulerat. Cui

*Zamo-
scianum
presidiū.*

Aulæ Zamoscianæ clientes, multi sanè nu-
mero, tum cives urbis ex Polonis, Germa-
nis, Scotis mixti, strenuam operam ani-
mosq; in omnia promptos, obtulêre. Ac-
cessit Belzensis Palatinatûs nobilitas, quæ
sumpto

sumpto sibi ductore Stanislao Sarbievio
 Praefecto Graboviensi, viro ab ingenio
 usq; rerum multum illustri, in mutuam sui
 & urbis defensionem conjurarat. Ex quâ
 etiam paulò post modica Polonorum ma-
 nus, Duce eodem Sarbievio, speculatum ul-
 tra Sokaliam progressa, hostium turmam
 profligavit, cæsisq; inde plurimis, undecim
 captivos, atq; inter eos Ruthenum Sacerdo-
 tem secum adduxit. Sed bona fortuna aliâ *Auxiliū*
 majore & inopinatâ opē Urbi huic succur- *ā Veibes*
 rit. Ludovicus Veiherus tum Castellanus *rorum*
 Elbingensis, postea Pomeraniæ Palatinus, *copiis.*
 junctâ cum fratre Jacobo, Palatino Mariæ-
 burgenſi operâ, mille quingentos quâ pe-
 dites quâ equites in Prusſiâ conſcripſerat.
 Cum iis in Ruſſiam jam tendebat. Sed eun-
 dem tardiusculè, quippe è longinquo, ve-
 nientem, rei malè geſtæ fama, offendit. ſti-
 titq; apud Zamofcium. Ubi hærentem Viſ-
 novecium adventu ſuo miſericè recreavit.
 Qui illum mox non modò ad ſociandam
 ſecum fortunam invitât, ſed & cum Ele-
 ctionis ergò, Varſaviam ipſe properaret,
 cuſtodiam urbis eidem tradit, adjuncto in
 partem curarum præſigni viro Vladislao
 Miſzkovio Marchione de Mirovv, poſtea
 Palatino Sendomiriënſi. Aucta tam egre-
 giâ bonorum & Ducum & militum acces-
 ſione

sione urbs eò erectioribus jam animis expectabat hostem: cui ne suffugio aut munitamento essent suburbia, quantumvis pulchra & opulenta, igni sine morâ à propugnatoribus data sunt. Tanto densior undiq; turba in urbem se trudebat, suburbanis scilicet receptibus suis ejecta. Plurimi quantum-
scium possent, copiarum & suppellectilis inferre
multi in urbem nitebantur, seu quod perdere nol-
confugi- lent, seu penuriæ in futurum famiq; arcen-
unt. dæ. Magna inde ingredi certantium lucta circa ostium urbis, quod unicum & subterraneum, magnâ nobilium aliquot & centum peditum curâ servabatur: ac miserabilis omninò rerum istic facies erat: cum nec omnes, multò minùs cum impedimentis suis admitterentur, & multi quoq; exire juberentur: qui scilicet ad defensionem inepti, fruges tantùm consumpturi videbantur. Fuère, qui funibus se trans moenia cum alimentis suis trahi peterent, traherenturq;. Multi Urbe exclusi, sub moenibus fatum suum expectabant, curruum præsidio se tuentes adversùm coeli injurias. Quæ tum solito graviores, iis etiam molestæ erant, qui intra urbem ægrè alicubi in angulis, intercolumniis, ædiumvè projecturæ vitam tolerabant. Unde omnia puerorum planctibus, fæminarum lamentis, famelico-

rum argentiumq; gemitibus perstrepebant. Sub hoc tempus legionis Veiharianæ trecenti equites, Samuelis Regovii Subdapi-*Excursio.* feri Chelmenfis ductum secuti, in legionem Niebabæ Tribuni Cosacici, quater mille minimum homines ad Chmelnicium ducentis, incidere. Casu verò cum hoste tam numerofo, non procul Naroliâ commiffi ita pugnârunt, ac fi deliberatò in certamen, & pari numero descendissent. Et primum fat æquam experti fortunam, omnem hanc Cosacorum manû formidine perfuderant. Calina quoq; excubiis apud Cosacos præfectus in manûs tum venit, & Zamoscium abductus est. Cumq; laborantibus hîc Cosacis Keldy Scytharum Ductor, Tohaibegi frater, opitulari vellet, Buimanni strenui Centurionis manu occubuit. Sed & ipse hic interfecto à superveniente mox Scytharum agmine majore occifus est. Interim hostes auxilio isto, tum & rectius cognitâ paucitate noftrorum, animofiores, redintegrant conflictum: & quia cum lassis jam negotium erat, plerosq; Germanos cecidere: pauci abducti sunt vivi. Regovius cum expeditiore equite elapsus est. Interim Tomasfoviâ, quam V. Novembr. ingreffus erat, Zamosciam verfus movebatur Cosacorum Tartarorumq; exercitus;

Duce Chmelnicio subinde auream urbem aggredi se ingeminante, quo animos in prædam inhiantes tantò magis incenderet. Visum illi tamen est, primùm placidi sibi animi circumdare speciem famamq;. Cum enim militem fortè speculandi causâ cum aliis egressum nactus esset, per eum literis blanditis monet oppidanos, ut amicum potius se, quàm hostem experiri malint; mitia omnia Pacem quærentibus promittens. Ad literas antequam responderent propugnatores, intra urbem omnia quàm ordinatissimè componenda sibi duxêre. Portis itaq; omnibus jamdudum ritè obfirmatis; stationes & excubiæ per singula murorum propugnacula dispositæ sunt. Primi propugnaculi cura inter centum viginti Vis-
Disposi- *tio præsi-* *diariorum* *Zamo-* *sciano-* *rum.* *novicii* Ducis pedites Ungaros, & Aulæ Zamoscianæ præfidiarios Germanos, quos Procopius Szornelus ducebat, divisa est, quibus centum equites Jacobi Veiheri Mariæburgensis Palatini, Ulrico Schafgotzio Comite Silesio, cujus Sororem Palatinus thori sociam tum habebat, adjuncti fuêre. Alterum quod è regione palatii Zamosciani est, ducenti quinquaginta pedites Veiheriani tuebantur. Tertium à totidem Veiherianis defendebatur. Quartum Davidi Tidemannò Gedanensi hîc tum Vice-tribuno,

tribuno, manu ducentorum peditum, equitum quinquaginta contigerat tuendum. Quintum, cui pulcherrimo & omnium firmissimo, templum Armenorum imminet, nobilitas Belzensis, quater propè mille equites, propugnandum suscepere: assumptis in partem laboris civibus quinquaginta, quos Jacobus Haz Tribunus regebat. Sexto, quod murus depressior, & stagni alveus aquis suis nudatus, impressioni hostili maximè opportunum facere videbatur, cives variæ nationis, supra mille, ductoribus Jacobo Bernio & Nicolao Hadziejovicio, invigilabant. Spatium quod inter sextum & septimum propugnaculū pari periculo obiacet, septuaginta equites Germanos, quinquaginta pedites Polonos ex civibus defensores habuit. Septimum Academicorum pubisq; literariæ, cui Covalscius Rector datus, sed insuper centum peditum custodiæ commissum est. Ad subita porrò necessitatum, in areâ, quæ patentissimo intervallo arcem à civitate sejungit, centum pedites, sub imperio Martini Comorovii, sed simul nobilium advenarum ingens manus perpetuò excubabat. Cætera plebs ad majora inhabilis, falcibus suis aliove agresti armatu instructa, muros pasim implebat, adscensus hostiles cominus impeditura.

Interim hostis VI. Novembr. Sole ad occasum vergente, propius suggestus, positus ab orientali civitatis parte castris confederat;

Suburbia deustorum. cineribus suburbiorum deustorum spatium inter ipsum & urbem facientibus. Qui & oculis hostium, vento terente, nostrisq; subinde per tormenta strenuè supplodentibus, unà cum fumo ingerebantur. Illi nihilominus, & fumi caligine & postea noctis obscuro usi, homines è flammis sua audentius subducentes, aut ab urbe, ob angustiam loci, metumvé famis, exclusos, sublegebant, quidam & stagnum natando trajicere laborabant, nihil grandine pilarum territi, quæ ex urbe volantes, multos subinde necabant. Eâdem illi audaciâ pecudum & generosissimæ notæ equorum equarumq; magnum numerum, ex horto Zamolsciano olim amœnissimo, tum, ne hosti suffugium daret, succiso, abegêre. Mox & stagnum, quod magnam partem urbis alluens, hostem inde arcebat, perfossis aggeribus, pervium facere sibi conati sunt. Et derivârunt equidem inde aquas, sed earum tamen quantum necessarium esset, oppidani fossâ urbi proximâ exceperunt; factâ ad fossæ ejus os aperiendum singulari excursionem. Tum etiam Chmelnicio responsum tandem datum est, missis per tubicinem (nam miles, qui

qui Chmelnicianas attulerat, nolebat re- *Chmel-*
 dire in manûs, è quibus semel elapsum se *nicii*
 gaudebat.) literis, nullam obsessorum tre- *blandi-*
 pidationem, sed præsentem potius &, ad *menta*
 omnia extrema paratum animum loquen- *rejiciun-*
 tibus. Simul è propugnaculis tormenta *tur,*
 explodebantur, quibus quicquid operum
 accessuumvé strueret hostis, disturbabatur.
 Iterum iterumq; per eundem tibicinem ob-
 sesfos ad pacta hortatur Chmelnicius; sed
 constantes semper expertus est, & cum fortè
 in concione super oppidanorum responso
 & rebus præsentibus deliberaret, parùm ab-
 fuit, quin ei pila tormentaria exitium. affer-
 ret. Unde capiti suo jam cautiùs prospici-
 ens, in pagum Labunie secescit: legionibus
 circa urbem ad exequenda jussa sua relictis,
 ad quas & ipse identidem, sed minus obser-
 vabilis, ventitabat. Cæterùm nihil is hæte-
 nus proficiebat, quippe tormentis suis ad-
 huc destitutus. Unde erectioribus animis
 nostri crebrioribusq; excursib9 infestabant
 obsesores. Ac quia templum, non adeò *Templi*
 dudum S. Catharinæ dedicatum, publicam *S. Catha-*
 nuper suburbiorum conflagrationem eva- *rine*
 ferat, & jam non nisi barbaricæ licentiæ *combu-*
 stabulum, mox & latibulum machinatio- *ritur.*
 num, atq; etiam fortè pro suggestu tormen-
 tario fore videbatur, factâ eruptione illud,

& juxta, quicquid circa id supererat ædium, succendere placuit. Quod ita dextrè administratum est, ut eodem procursu multi simul Cosacorum interficerentur: unus præterea ex iis vivus, inter spolia, in urbem, indicii causâ, adduceretur. Aliâ urbis parte peditum Vîsniovecianorum præfectus, fidei maritalis & animi imperterriti specimen edidit. Conjux ejus in suburbio diutius fortè morata, in manûs hostium inciderat. Cum illam duci videret maritus, amore, & miseratione stimulatus, assumptis sociis, multisq; simul ex plebe agrestium, profuit; & cæsis nonnullis, cæteris fugatis, misellam illam liberat, salvamq; in oppidum exultans, & aliis simul spoliis decòrus, reducit. Unde agrestibus sæpius in hostem procurrendi, aliis verò extra mœnia securius agendi audacia crevit. Octavâ Novembr. tormenta sua & omnem apparatus bellicum, tardius scilicet ob pondus & viarum difficultates insecutum, accepit Chmelnicus. Inviictâ itaq; oppidanorum constantiâ destinatis suis moram injici molestè ferens, postquam oppugnationum instrumentis potitus esset, quaterne urbem caput globis tormentariis. Quorum sedecim, urbis ædificiis editioribus, publicis & privatis, impacti, aliquo murorum, cætera vix notabili

*Maritus
liberat
cum pe-
riculo
uxorem.*

*Oppu-
gnatio-
num ini-
tium.*

notabili damno decidere. Unus ex tot ictibus aurigam quendam abstulit. Porro autem mendacibus etiam minis lassare oppidanos nitebatur hostis, jussis undique simul canere classicis. Quibus oppidani ad flagrantissimas preces & supplicia, curam armorum interim minimè omissem, versi, cum postea astu, vanoque territandi consilio, excitatum tubarum strepitum cognovissent, valido ex ira & religione impetu, in suburbium Janovicense, ubi Glovacius homo Polonus, sed ut diximus, patriæ & fidei suæ oblitus, cum multorum millium exercitu stabulabatur, effudere se, non parvo hostium, nullo suo detrimento. Arctius deinde cingere urbem Chmelnicius cepit, stratisque suggestibus oppugnare validius. Semel circa mediam noctem conclamari, velut ad expugnationem, jusserrat, idque binis ex locis, quod advocatam illuc omni oppidanorum diligentiam, situm in medio spatium, cui maximè insidiabatur, negligeretur, pareretque; deinde assultantium conatibus. Sed sensit hostis, totum urbis ambitum pari propugnatorum vigilantiam ac fortitudine defendi. Et non minus in silentes illos, quos in insidiis positos, lucidi apud alios sclopetorum ignes prodebant, tormentorum & fistularum ictus detonabant. Istic non mo-

*Dolus
hostilis.*

*Oppu-
gnatio
acerri-
ma.*

*Prodi-
gia.*

dica strages edita est; sed eam sublatis, per noctis opacum, cadaveribus obtegere Confaci laborabant. Eâdem nocte cum conticisset undiq; armorum strepitus, oppidanis, nihil de vigilantia remittentibus, prodigia in aëre sereno observata esse refert Profesfor & Canonicus Zamoscianus, Johannes Bytomsky qui in Urbe obsesâ omnium istarum rerum spectator fuit. Cujus adeò fidem hîc sequor. Draco nempe igneus apparuit, cujus cauda tota rubens & quasi sanguine plena Chmelnicii castris impendebat: caput verò pariter cruentum in meridiem tendere visum est. Id signum, postquam diutiusculè hominum multorum oculos tenuisset, tandem capite ad caudam se contrahente crassescens, versumq; in Orientem, in nubes paulatim evanuit. Post horæ dimidium vipera supernè conspecta est, quæ in sagittæ gracilitatem ac longitudinem protensa, locum suum immotum, aliquandiu tenuit, donec pariter flexo in orbem capite disparuit. Ferunt hæc eadem signa hosti observata non parùm conturbasse animos; cum præsertim sagæ, quarum incantamenti multum tribuisse dicitur Chmelnicius, quibus etiam alii hæc ipsa in aëre ostenta accepta ferebant, sinistra pariter prædicerent. Et postero quidem die

is cum

is cum agrestibus suis multum luctæ habuit, *Plebs Co-*
 qui se solos in oppugnationes murorum, *facile*
 prodigi querebantur, Cosacis plerisq; post *obmur-*
 terga ipsorum, in tuto latentibus. Dato *murat.*
 itaq; laborum periculorumq; interstitio,
 plebs illa direptionibus incendiisq; circum-
 jectorum pagorum, delicias sibi facere jus-
 sa est. Postea, quo undiq; urbem circumda-
 ret obsidio, nova legio, ductore Hladkio,
 latus meridionale occupavit, sumptâ in pri-
 mis statione in Aula vel potius Arce subur-
 bana, (nam & hæc muro fossâq; circuibatur)
 quam Thomas Zamoscius, Joannis
 filius, Regni pariter olim Cancellarius, ma-
 gnis impendiis, haud procul à sylvâ, & ibi-
 dem instructo vivario, excipiendis magnis
 hospitibus, tum verò filii quoque sui edu-
 cationi adornaverat; adjecto insuper hor-
 to, cui multæ arbores herbæq; peregrinæ
 decus addebant. Cæterum urbem, ita un-
 diq; circumseptam, credebat hostis facilio-
 rem jam fore ad paciscendum. Itaq; eun-
 dem Mokrsium Canonicum, qui, nuper
 Leopoltanorum fecialis, nunc à civitate
 illâ pactæ summæ reliquum Chmelnicio at-
 tulerat, in urbem immittit. Qui solitâ fa-
 cundiâ & dexteritate hostis potentiam &
 huic minimè suffecturam ullam defenden-
 tium obstinationem, Præfectis ob oculos
 posuit.

*Ad pacta
 iterum
 invitatur Za-
 mosciani.*

posuit. Hi primum in extrema omnia, quàm ad paciscendum proniores adhuc erant. Sed cum Canonicus & cum eo alii, captivorum calamitatem, tum suorum intra moenia famem, & inde pereuntium multitudinem, equorum quotidie cadentium, numerum, & hinc metum contagionis ostenderent, eò deniq; flexêre Ductores, ut audire sustinerent, quid postularet Chmelnicius.

Pacisci incipiunt ob-
sessi. Mox & commeante ultro citroq; feciali illo, effectum, ut ex obsessis duo viri nobiles, Alexander Gruszcus, & Georgius Morochovius de conditionibus acturi, mitterentur. Quibus Chmelnicius scalas ostendit, transcendendis muris apparatus. Arbores erant è sylvâ recentes, quibus rudi manu insertæ fuêre trabes transversæ, eâ crassitie, ut singulis gradibus terna corpora possent insilire. Quælibet scala quinquaginta propè hominum onus futura videbatur. Unde colligi proclive est, quâ agrestium strage earum machinarum ad moenia applicatio constituta fuerit. Revertebantur tum quoq; ad Chmelnicium Tartari Cosacis permixti; immensam captivorum pecudumq; vim ducentes. Tanto major nostris commiseratio mota. Qui simul non sine gemitu atq; admiratione hostis securitatem, inconditamq; & vel modico exercitui

Scala Cosacica.

exercitui domitu facilem multitudinem expendebant. Quippe agmina in immensum *Securi-*
 extensa incubabant campis patentibus, sine *tas hosti-*
 metu & nullis antepositis vigiliis. *Plu-*

rimos iners otium aut crapula in somnum profundissimum deposuerat. Summa quippe rerum omnium istic abundantia erat, cum in solo fecundissimo autumnum uberem, & horrea messibus referta reperissent.

Sed eos nimis avidos copia ipsa corrumpit, & fructuum carniūq; affluentia abutentibus magis, quàm fruentibus, in morborum materiam cibi cessere. Unde orta

contage, multi quotidie interibant. Eò magis properandum duxit Chmelnicius, ut vel expugnationi urbis impenderet gratis moriturum populum, vel, inito cum obsessis pacto, aliò duceret morarum pertæsos. Datis itaq; obsidibus, hinc quidem duobus

Obsides
dantur
utrinq;

illis, quos ante nominavimus, illinc Mozyrâ & tribus aliis Cosacis, Scythis deniq; binis Murzako & Janczarzycio, cum sex dies negotiationi insumpti essent, consensit tandem Chmelnicius in conditiones ab oppidanis propositas, inq; viginti millia florenorum, cum primùm ducenta aureorum millia poposcisset.

Inde præconio publico vulgatâ pace, eousq; fidebant sibi partes, ut sermones & merces

merces commutarent, Cosacis Tabacum, vinum, & destillatione, ex maceratâ filigine elicited liquorẽ avidẽ quærentibus: oppidanis vicissim aurum, argentum, stannum, lintea, boves & alia id genus spolia perexili ementibus. Poterat enim bos florenno uno acquiri, & pari cum bobus pretio venibant captivi, quos passim populabundi Tartari prehenderant. Avaritia tandem & mercium vilitas nimium quoq; sibi viles reddebat plurimos oppidanorum. Quippe disvasu prudentium parum moti, nonnunquam & clam per muros exitu quæsito, partim contagiosis cadaverum exuviis, aliisq; infectis mercibus morbum mortemq; sibi accelerabant, partim à petulantibus, extra suorum conspectum, abducti, vestimentis exuebantur, ludibrium debentes aliis, qui in manibus omnium quæ fierent, arbitri stabant. Cum pecuniam accepisset Chmelnicus, captivi redditi sunt, fide non satis bonâ. Quippe nonnisi sexaginta homines, præter Georgium Belzecium primariæ nobilitatis virum, & tres ejus famulos, Germanumq; quendam, nuper excubiis apud nostros præfectum, rediêre.

*Com-
mercia
post obsi-
dionem.*

*Captivi
malâ fi-
de reddi-
ti.*

Aderat destinata solvendæ obsidioni dies (XIX. Novembr.) cum novi in castris hostilibus motus, oppidanos novâ sollicitudine

dine arrexere. Ibat quippe ad Chmelnici-
um Smarzevius à Joanne Casimiro, tum re-
cens electo Rege internuncius: cui obviæ
hostium turmæ, rem eminùs spectantibus
speciem metumq; dabant hostilitatis. Sed
missi speculatores gratulationibus & con-
viviis intentum reperere hostem. Et totos
sanè tres dies epularum festivitate extrahit
Chmelnicius, tormentis, tubis, tympanisq;
lætitiâ monstrans, quam ex prospera Re-
gis in solium avitum successione cepisset.
Tandem 24. Novembr. præmissis impedi-
mentis discessit: quem paulatim infecutæ,
quæ Mozyræ, Kapustis binis, Hieræ, Wolko
& aliis istiusmodi parebant legiones. Re-
liquæ tertio demum die urbem metu exsol-
vère. Quæ dein in supplicationes, hym-
nosq;, omnibus templis inq; varia pas-
sim læticiæ argumenta cumulatissimè se effudit.
Quanquam intra mœnia, & multò magis
propè urbem omnia summum squalorem
longè lateq; monstrabant. Si quid inte-
grum relictum erat, id jam reduces illi glo-
bi hostiles, qui paulò ante in diversa sparsi,
omnia latè percurrerant, absumpsère. Im-
maniter inprimis Tartari grassabantur.
Quorum ingens numerus, Sultano Galgâ,
Sultano Muratin, & Tohaibego Ducibus,
viscera Poloniæ, penè ad Vistulæ usq;
ripam,

*Terro-
inanis.*

*Festivi-
tas inter
Cosacos
ob electi-
Regem.*

*Tartar-
orum
grassa-
tiones.*

ripam, scrutatus erat. Ut nihil adeò prædonum istorum rapacitatem in propioribus territoriis potuerit effugere. Vix forsan falsi suspicionem evitabo, referam tamen id, quod ex hominibus fidem merentibus accepi, Hominum varii generis hâc tempestate plusquam ducenta millia abducta esse. Sed addam aliud, in quo non minus fortè laborabit fides historiæ: Ex ingente barbarorum numero vix tertia pars, & porro de innumerâ captivorum multitudine, vix quingenti in Tauricam pervenêre. Adeò hos frigidi aëris injuriæ & fames, utrosque verò morbi pestiles attrivêre. In eodem

Tobai- hoc itinere, aut saltem eo vix confecto,
begi periit ex malè sanato, quod ad Zamosciam
Tarta- acceperat, vulnere Tohaibegus, prima &
ri mors. præcipua Poloniæ pestis. Quippe qui ante omnes, datis Chmelnicio suppetiis, tenuissima istius hominis principia, in tantum fastigium evexerat. Sed vindex flagitiorum

Numen noluit hominem tot malorum autorem, scelere suo
 diu frui.



HISTORIÆ POLONÆ PLENIORIS
LIBER IV.

Hoste jam in Rusiæ extre-
ma remisso, nos Varsaviam retinea-
mus. Ubi uno post captum Leopoldi
obsidium die, sexto scil. Octobr. Anni
1648., Electio novi Regis inchoata est. Id
tempus in Convocatione Ordines definie-
rant: & rebus creperis haud aliud præsen-
tius suppetebat remedium, nisi ut quàm pri-
mùm sub unum caput colligerentur Regni
vires. Quo deficiente, nihil nec auspiciatò,
nec ordine gerebatur. Neque unquam pro-
fectò in Rempubl. Rectore suo nixam tan-
tùm hosti licuisset. Qui & ipse mox Regiæ
autoritatis vim agnoscere visus est, cum,
quò propius nominatio Regis immineret,
hoc magis remisit animos. Cæterùm ubi
tempore & loco ad Varsaviam præfinito,
cives omnium ordinum, hoc est, Senatores
quà Ecclesiastici, quà Politici, & porrò E-
quites, quorum omnium in diversâ fortu-
nâ par ad Electionem potestas est, conve-
nissent, Boguslaus Comes de Leszno, nu-
peræ Convocationis moderator, vir summè
facundus ordinem Equettrem, qui in eo-

*Electio-
nis festi-
nandæ
necessi-
tas.*

*Electio-
nis ini-
tium.*

dem quidem campo, sed seorsim tamen à Senatu, congregabatur, ita allocutus est:

Oratio *Quod faustum esse superi velint, campe-*
Boguslai *stre & nomini scilicet genioq; Polono con-*
Comitis *gruentissimum, Cives, intravimus theatrum.*
de Lesz- *Dis simile sanè illi, quod olim tributo gen-*
no. *tium, & certante omnium orbis partium am-*
bitiosâ luxurie exstructum, spectaculorum,
jucunditate novissimos Romanorum ludifica-

Theatri *batur, & tragicarum miseriarum, quas sub*
Romani *dominantibus patiebantur, novâ arte ima-*
compa- *ginem simul, oblivionemq; spectantibus præ-*
ratio cū *stabat. Introducebantur istic maria & certa-*
campo, *mina fluctuum, ut inter illa pugnarum si-*
inquo E- *mulachra, vera ac patriæ scilicet debita &*
lectio fie- *necessaria cura efflueret: amorq; libertatis*
bat. *in facticiis aquarum vorticibus extinguere-*
tur. Committebantur hominum bestiarumq;
paria, ut his oculos pascens Romana juven-
tus, decōros belli labores expavesceret simul
& adspernaretur. Atq; id humanitas voca-
batur, cum pars servitutis esset. Diversum
inquam, ab illo nostrum hoc theatrum est,
quippe quod nativum, & ab omnium rerum
opifice manu, non Regio alicui umbraculo,
sed apertissimo cæli laqueari subiectum, an-
tiquissimam & innocentissimam Terrigena-
rum, at genere animisq; nobilium, præfert
majestatem. Non hîc casibus libertati in-
sidianti

*fidiantibus circumdamur, non caveis à manu
 dominâ cicuramur. Patet undiq; theatrum,
 & ad exemplum genuinorum Poloniae pecto-
 rum nihil celat, nihil abscondit. Et ut Ro-
 manorum aliquis domum sibi optabat, quæ
 undiq; reclusa, quicquid ageret habitator,
 oculis exponeret omnium: ita hoc campestre
 Capitolium, nullis parietibus à conspectu ho-
 minum subductum, Poloniam ingenuitatem
 orbi enunciat: ut quæ per rationem Status,
 quam aliæ gentes jactant, nihil recondit,
 sed propalam, teste cælo & cælitibus, spe-
 ctante orbe Christiano, jura Majestatis exer-
 cet, & quod augustius est, distribuit. Gaude-
 mus hoc super alias omnes nationes privile-
 gio Poloni, quod per nos Reges regnant. Id
 quod actus iste libertatis tutela destinatus,
 hic campus, cunctis scenarum divitiis pretio-
 sior, brevi ostendet. Arduum enim verò est
 quod aggredimur, Cives. Servum commo-
 dum, si parva magnis licet componere, re-
 perire, difficile esse ajunt, quanto difficilius,
 Rectorem. Non malè sapuisse censetur ille, Electio-
 qui facilius sumi principem, quàm quæri ju- nis diffi-
 dicavit. Nobis jam quærere principem in- cultas.
 cumbit, & quod maximum, quærere bonum.
 Ubi autem is quærendus, si verum est, quod
 pronunciavit quidam, bonos Imperatores
 annulo inscribi posse? Inprimis Vladislao
 N 2 nostro*

Vladis- nostro, quem cælum sibi vindicavit, magno
lai IV. profectò labore quarimus successorem, majores
landes. re & forsan nullo, parem inventuri. De cujus laudibus non est, quod dicere hîc ordiar. Orbi notus fuit, & vivit vigetq; immortalis ejus memoria, non fabrefactis inscripta colossis, quales ubi posteritatis judicium in odium vertit, pro sepulchris spernuntur, sed in æternitate temporum, famâ rerum: vivetq; eadem porrò, fide annalium, sempiternâ tradita posterorum venerationi. Ille, ah! ille fuit, qui post beneficium multorum annorum imperium, solâ morte suâ de Republ. malè meritus est.

Savitia, est voluisse mori.

Mala Phœnix fuit noster, cujus cineres cum nobis
Polonia. prob dolor! similem non reliquerint, dare nobis similem perarduum est. Et auget difficultatem temporum sinisteritas, quando jam destitutâ ad pœnam patriâ nostrâ, nescio quæ fatalis periodus summa imis miscet. Stupemus, Cives, ad congeriem malorum nostrorum. Amisimus Principem, amisimus Duces, exercitus, opes, & quod præcipuum, existimationis agrè admodum reparabile damnum fecimus. Jam si dissidentias, simultates, privatas stimulationes, & spe maloq; ambitu obnoxias mentes spectamus, non difficultatis tantum, sed periculi plena redditur Nobis Electio.

Electio. Haud pensi est, quod nobilis ille Romanus notavit, esse privatis cogitationibus progressum, & prout velint, plus minusve sumi ex fortunâ. Imperium cupientibus nihil medium, inter summa & præcipitia. Attamen erigamus animos, Cive s, & ne nimium scopulis, qui se nobis objiciunt, terreri aut dejici nos patiamur. Difficilia quæ pulchra. Et ipsa hæc, si rectè perpenditis, difficultas, gentis nostræ præcipuum & solatium & ornamentum est. Non aliunde quippe *Electio-* illa nascitur, quàm quod apud nos, non una *nis bo-* dominantium domus, ceteri servi; & quod *na-* pro arbitrio legimus principem, non ex cunctis acceptamus. Jactet Electionem suam Romanum, quale hodie est, Imperium. Intra septem Capita illa consistit. Reliquis imponitur, ac si natus esset, Dominus. Ab alienâ voluntate expectare illum coguntur. Sola Polonia insolito aliis omnibus Regnis modo, Principem eligit. Hic quot Equites, tot Electores: quot lingvæ liberæ, tot suffragia. Et hæc non in conclavi, sed in aprico, non schedulis aut tabellis, sed vivis vocibus feruntur. Ea ut dii benè vertant, (gentium verbo, Christiano sensu loquor) divinæ Majestati supplicandum est; precandumq; , ut flexo, non in nos, gratiâ ejus indignos, sed in va-
stitatem Domuum suarum, & ingentem hanc

Sacrorum profanationem oculo, nunc tandem, quos servili subditorum flagello iratus castigat, boni Principis munere clemens exhilaret. Ne patiatur nos, extremo malorum, discordiâ, ad exitium fatigari. Inclamet ipse nobis cœlitus svave illud, Pax vobis. Faxit deniq; ejusdem benignitas, ut hanc patre orbam Virginem bene & felice quâdam animorum concordia elocemus: quod fiet, si non sibi quisq; , sed publicæ rei omnes Principem legerimus.

*Director
Electio-
nis.*

*Leges E-
lectioni
præscri-
ptæ.*

Hæc prolocutus addidit, Conventui huic direttore opus esse, & nihil cunctatus Philippum Casimirum Obuchevicium Tribunum tum Mozerensem, postea Palatinum Smolenscensem nominat, Lithvanum gente, quia inde ordo usitatus jam sumi moderatorem postulabat. In quem tota illicò sine refragatione consensit Equitum corona. Hoc igitur præeunte, primò omnium illata, quæ ad ordinem & securitatem conventûs facerent. Ac præcipuè judices constituti, qui, novendecim numero, secundum leges, jus dicerent, & debitâ in peccantes severitate omnia redderent quietâ. Tum leges quas talibus conventibus Majores præscripsissent firmatæ declaratæq; , quarum aliquas propter externos talium curiosos enumerabo; Principiò vetus sanctio,

ctio, quâ machinæ bellicæ & peregrini procul haberi jubentur, ita explicata est, ne cuiquam intra tertium à Varsaviâ lapidem machinas vel peregrinos adducere liceat. Qui secus faxit, eum electionis jure privandum[!], aut si excludi se non patiatur, pro hoste patriæ habendum. Peregrinis autem non accensendos terrarum ad Poloniam, vel Lithvaniam pertinentiû incolas, quantumvis lingvâ & habitu diversos. Nec stringi hâc lege externos, qui vel singuli, vel aliquot numero, Equiti alicui Polono, familiares in usus, nullo militari obsequio devincti, aut etiam spectandi causâ, pacati in urbe degant. A loco tamen consilii publici ut per Mareschalcos arceantur omnes, qui nullo vinculo Reipubl. illigati tenerentur, sancitum. Tum porrò legati exterorum extra Varsaviam, certis limitibus, quos egredi nefas sit, circumscripti. Adhæc vetitum, ne quisquam bombardâ, arcu aut alio armorum genere minus usitato, (acinales autem, framea, spatha pro usitatis habentur,) instructus locum Electioni dicatum ingrediatur. Qui secus facit, eum ducentis selibris seu marcis & sex hebdomadam carcere multandum. In malleos rostratos & pugiones par multa pecuniaria decreta est. Peditibus quoq; armatis

loco illo Electionis interdictum. Tum jura hospitiorum descripta, quò suum quisq; pacatus occupet teneatvè, violentiæ in aliena abstinens. Atq; ut pariter in omnibus tam publicè, quàm privatim quietè agatur, editum. Eo fine & cum satellitio multo prodire in loca publica, & bombardas oneratas, per aut propter urbem circumferre, gladiumvè stringere, rigidè vetitum: tu multuari verò circa Comitium auso, percussori item, multò magis interfectori hominis, etiàm plebeji, pœna capitis aut si judicium is effugisset, infamiæ, constituta. Adhæc Pons, (nam in hæc nimia multorum licentiâ etiàm minuta legibus circumscribenda videbantur) quem ex scaphis colligatis Vistulæ inferni Præfectus ærarii curaverat, ne violetur, nevè à vectoribus tum, cum Ordines coeunt, vel etiàm digrediuntur, occupetur, deniq; ne in transitu alijs alium de industriâ dejiciat, cautum, capitis etiàm supplicio, si quis tali trusione submersus fuerit, in detrusorem constituto. In locum conventûs, inprimis quâ aggere circumductus is esset, nemini equos vel currus inducere permisum, & ne circa ingressum materia litium suboriatur, alij aditûs Minoris Poloniæ, alij Majoris, alij Lithvaniæ civibus dati. Pueri aliivè levioris

levioris notæ famuli, à conventûs spatiis exesse, & paslim alibi à vociferatione & immodestia omni abstinere, inprimis autem erga legatos externos, eorumq; famulos, reverenter agere, atq; ab omni contumeliæ etiam specie, temperare sibi jussi. Mercatoribus quoq; , institoribus, opificibus & cauponibus ne quicquam vi auferatur, severe cautum; sed iisdem etiam, ut pretio, quod Mareschalci cum reliquis deputatis definierint, merces suas vendant, injunctum, poenâ in delinquentes constitutâ. Cauponibus porrô loco conventûs interdictum, & ad octavam vespertinam vendere sua permisum, non ultra. Duella omnia severissimè vetita. Legum harum executionem Mareschalci quatuor, & quindecim insuper viris, ad id ex Senatu & ordine Equestri electis, fidemq; incorruptam, & integerrimam justitiæ curam solenni juramento pollicitis, demandata est.

Cæterum ista ut antiquitus ferè recepta, facilem pleraq; apud Regni ordines consensum reperere. Ardua magis & difficilioris longè explicatûs super securitate Reipubl. deliberatio erat. Illi ceu corpori saucio, & Capite manibusq; quodammodò trunco, quò propiore periculo incubaret hostis, eò maturius intentiusq; prospicien-

*Inquisitio in-
autores
dissipa-
tionisPi-
laucia-
na.* dum censebatur. Si otium dedissent crepe-
ræ Regni res, ante omnia equidem ratio
actorum à nuperis belli Rectoribus postula-
ta, inq; autores dissipati exercitûs severè
inquisitum fuisset: optimo quoque, tam
inaudito in hac Reipubl. malo dedecoriq;
infremente, nec publicè etiam ab acribus
abstinente censuris. Ac quidam ex Magna-
tibus publicè privatimq; innocentiae suæ
causam, cum curâ, non postulati etiam,

*Causa
ejus dis-
spatiq-
nis.*

dixere: patuitq; equidem, plurimos istic
extra culpam, nec nisi publicæ confusionis
quasi torrente abreptos fuisse. Neq; ulla
liquidior mali tanti, exceptis divinis, cau-
sa apparuit, quàm quod parva Ducum au-
toritas, & in nimium multos divisa fuerit.
Nimirum regimen & ordinem rerum nihil
faciliùs quam regentium multitudo tollit,
perditq; ut plurimum tam eos, qui re-
gunt, quàm qui reguntur. Sed curiosius
in omnia animadverti tum non licuit, re
potius, ne in futurum delinquatur, dispici
postulante, quàm anxie inquiri in delicta.
Ac cum primò omnium novum exercitûs

*Regi-
men e-
xercitu-
um Vis-
niovecio
datur.*

Rectorem constituere placeret, cunctorum
illicò judicia in Jeremiam Michaellem Vis-
niovecium consensere: Ducem civili æque
ac militari ingenio, bello verò jamdudum,
ac rerum, hoc ipso etiam rebellii Cosacici
tempore

tempore gestarum gloriâ clarissimum; ideoq; etiam nuper Leopoli à milite & quotquot illîc fuissent ex nobilibus Proceribusvè, nominatum militiæ Ducem. Quod ab aliquibus, exempli noxam verentibus, sinistrè acceptum est, tanquam sine publico omnium consensu factum. Visniovecio tamen id non obfuit, qui onus illud, extraordinem sibi oblatum, ægrè admodum, nec nisi salvo jure aliorum, qui suffragium suum absentes addere non potuissent, susceperat. Jam igitur illi magno atq; amplissimo totius Regni consensu, belli regimen defertur, ac tantis quidem studiis, ut aliquibus ex Senatu morari aut accidere hanc ejus dignitatem visis, voces asperæ & propè gladiatorum mucrones opponerentur. Vis- *Collega*
niovecio Duci collega adjunctus est An- *Visnove-*
dreas Firlejus, Castellanus Belzensis, vir na- *cio datur*
taliū splendore, prudentiâ, & quod tum *Firlejus*
præcipuè expendebatur, atate in bellis tritâ *Castella-*
venerabilis. *nus Bel-*

Constitutis ducibus de titulo eorum, *zensis.*
disceptatum: plerisq; ex ordine Equestri, *Tituli*
usitata summæ in bello autoritatis nomina *Ducum*
illis dari postulanti- *belli.*
bus. Alii alia potius in-
denda svadebant, quò captis apud Corsu-
num Ducibus honor salvus, & Regi futuro,
liberior mutandi facultas maneret. Et
horum.

horum quidem sententia prævaluit, reliquis blandâ ratione persuasis, ne nominum inanibus tempora Reipubl. pergerent morari, Hinc milites, tam quos Pilavicensis dissipaverat confusio, quàm quorum ad castra iter, dissipati exercitûs fama, diversis in locis, diliterat, literis consensu ordinum scri-

Milites adversus hostem expediuntur. ptis severè moniti sunt, ut intra mensem illi, hi ante proximos dies quindecim ex-âctos, ad Visniovecium & Firlejum confluant, sub horum imperio periclitanti Reipubl. adfuturi. Inprimis Christophorus Przyjemscius Tribunus cum mille ducentis suis, & Sigismundus Dönhofius Præfectus Sokalensis cum quadringentis, cum totidem Corsius, properare versus laborantes

Satellitia magnatum eodem destinantur. terras iussi sunt. Pleriq; etiam procerum, ne patriæ nutanti deessent, satellitia sua, augendo Reipubl. exercitui, mittere destina-verant. Et Archiepiscopus Regni Primas centum quinquaginta pedites, totidem Episcopus Varmiensis Venceslaus Lescini-

us, Nicol. Gnievosius Episcopus Vladislavien-sis pedites quinquaginta, velites quadraginta, Episcopus Posnaniensis centum, Culmen-sis qui idem tum Regni Procancellarius, totidem; & sic alii pro facultatibus suis quisq; offerebant. Osfolinsci9 verò Regni Cancellarius & Leo Casimirus Sapicha

Vice-

Vice-Cancellarius Lithvaniæ, mittere pollicebantur, quicquid haberent circa se hominum, arma gestare habiliū. Habebant autem sat grandem manum, posterior inprimis, utpote opibus præpotens. Et jam istis quasi prætoriiis Magnatum cohortibus Duces dispiciebantur; præq; aliis Paulus Sapieha Palatinus tum Vitebcensis, postea Vilnensis ac Magnus exercituum Lithv. Dux, & Georgius Rzeczicius Præfectus Urzedoviensis, hisq; detrectantibus, alii jam muneri isti destinari cæperant. Sed huic curæ intercescit veniens de Brestia Lithvanorum à Cosacis exusta nuncius. Hoste enim adeò propinquante privatum hunc militem custodiendæ Varsoviæ, ubi cadaver Regium, & de summâ rerum consilia haberentur, servandum esse visum fuit. Quidam quoq; ingruentibus ita periculis, suadere cæperant, ut Principes Vladislai defuncti fratres Varsoviam vocarentur; tametsi id legibus videretur adversum: *has quippe ex necessitate & usu Reipubl. latas, eidem pariter attemperandas esse. Hoc esse illis pulcherrimum demerendæ sibi Reipubl. tempus: & spem magnam superesse, rebelles non minus Regii sanguinis majestatem, quàm in cæteris armorum aciem reverituros.* Sed horum utrorumq; dicta contradicentium,

*Duces
Satelli-
tiorum.*

*Fratres
Regios
quidam
Varso-
viam vo-
candos
censent.*

multitu-

*Securi-
tati va-
riè con-
sulitur.*

*Argenti
confici-
endi ra-
tiones
novæ.*

multitudine irrita fuere. Quia verò ab hoste periculum magis indies gravesceret, de eo propulsando, tuendâq; sic publicâ securitate variè adhuc deliberatum est. Ac quamvis in tributa nova, tum in militum faciendos delectus, & deniq; in expeditionem publicam, Rege electo, mox occæptandam, pleræq; omnes provinciæ consensissent; haud tamen unquam adhuc sibi ipsi satisfaciebant, multò minus profugis ex afflictâ Rusiâ, Lithvaniâq; civibus, qui ut alendæ inopiæ suæ subsidia, ita properam terris suis opem à fratribus suis, & communi matre Republ. quotidianis precibus & quiritationibus efflagitabant. Et proponebantur varii adhuc conficiendi tum militis, tum æris, modi, præcipuo quoq; suæ pro Republ. curæ ac studio, ingenium quoq; facundiamq; addente. Audita etiam nonnullorum, opes privatas cum Republ. partiri volentium haud contemnenda promissa. Inter alios Regni Referendarius Alexander de Otok Zalescius, facundiâ & juris peritiâ eminens patriæ civis, ducentas selibras argenti solidi obtulit, cæteris, inprimis iis, qui plus possent, exemplum futurus. Sed plures approbatores, quàm imitatores habuit. Quidam pretia monetæ augeri, militum stipendia minui, argentum deniq;

deniq; sacrum, ut olim in Hispaniâ contra
 Mauros factitatum sit, redimendæ publicæ
 salutis impendi: alii decimam partem pro-
 ventuum à quovis nobili, atq; ordine etiâ
 Ecclesiastico conferri suadebant. Sed con-
 sensus in istis defuit, neq; tum ultra bina
 per Regni provincias tributa, & certas mi-
 litum suppetias, publicæ deniq; decretum
 expeditionis processum est. Dixeris vigili
 pro Poloniæ rebus providentiâ fati ita sub-
 ductas impendiorum rationes, ne supra vi-
 res decusq; patriæ, vel deniq; necessitatem
 essent. Præsens enim periculum, uti mox
 apparebit, sine omni sumptu, solo mox Ma-
 jestatis Regiæ oppositu, amotum est. Lubet
 tamen Palatinatum aliquot laudata pro
 Republicâ conamina hîc exponere. Posna-
 nienſis cum * Calisſienſi junctus Palatinatus
 ad hoc bellum promiſit milites bis mille &
 ducentos, bina inſuper de ſingulis focis tri-
 buta, & ſi opus foret, generalem ad arma
 evocationem recepit. Totidem tributa
 Cracoviensis; milites verò mille ducentos:
 præter ordinarios, quos tutandæ Regni
 metropoli ſervaret; cui & viritim publicâ
 edictione ſuccurrere ſpondent, extra ſuum
 tamen territorium, cui metuendî maximè
 è vicino hoſtes eſſent, haud proſecturi.
 Sendomiriensis Palatinatus mille milites &
 ducentos

*Palati-
 natuum
 delectus
 & tribu-
 ia ad
 bellum.
 * Poſna-
 niensium
 & Calisſ.
 Cracovi-
 ensium.*

Sendo- ducentos pollicetur, in cæteris Posnaniensium
mirien- ses imitaturus. Minora aliæ terræ, sed si
sum. modū virium spectes, non minus aliis promittebant.

Lithvanorum.

decem tributa (ut vocant) agraria & insuper vectigalia in Comitibus ani 1647. constituta dare recepere: hoc præcauto, ne in alias quàm belli necessitates à Thesaurario illius Ducatus erogentur.

Judeorum.

Regiarū Civitatum.

Judæis præter exactionem nuper in singula capita factam, aliquot iterum millia imperata. Regiis verò civitatibus, viginti quinque florenorum millia, donativi nomine, in stipendium militis supernumerarium indicta, quò is in itinere se tanto gereret continentius.

Leopolitani capitur.

Leopolitanae denique urbis civibus, qui nuper, præsentè summo periculo, nonaginta millia florenorum in novos delectus laudabili promptitudine suggererant, publicâ fide satisdatum, & ut ille, qui summam istam accepisset, in Comitibus Coronationis rationem expensarum reddat, injunctum est.

Hæc non sine magno animorum motu & multis contentionibus perrogabantur. Subinde autem intersonabant voces civium aliorum, qui facto tandem deliberationum compendio, Regis eligendi negotium suscipi flagitabant. Et privatim quidem inter procures jamdudum ea cura, sed studiis

studii multum discordibus, fervebat. Erant *Discor-*
 ex Sigismundi, laudatissimi Regis, filiis, *dia vota*
 defuncti Vladislai fratribus, duo superstites, *in Rege*
 Joannes Casimirus, & Carolus Ferdinan- *eligendo.*
 dus: quorum ille ætate prior, aliquot in
 Poloniâ præfecturas, & post mortem frater-
 nam, Regni Svecici titulum; alter Episco- *Candi-*
 patum Uratislaviensem & simul Plocensem *dati Re-*
 tenebat. Hos inter Principes vacillabat *gni Fra-*
 Electio; cunctibus in factiones civibus, & *tres Re-*
 aliis hæc, aliis aliâ de causâ, pro hoc illo *vægis de-*
 decertantibus. Nam quod de aliis externis *functi.*
 muscitavit fama, intra cogitationes forsan
 aliquorum, sed paucorum tamen, nec diu
 constitit. Cæterum circa Principes fratres
 tantus erat contendentiû ardor, ut metue-
 rent multi, ne, quod unum scilicet laben-
 tibus in exitium Polonorum rebus deesse
 malum videbatur, in partes omninò disce-
 deret Respublica. Nec inter legatos exte-
 rorum Principum eâ in re satis convenie-
 bat. Nam ut quidam apertè pro Joanne
 Casimiro nitebantur, ita alii scissam in-
 contraria studia Poloniam conspicati, diu
 sensum animi recondebant, generatim Ja-
 gellonicum sanguinem Civibus Polonis
 commendasse contenti. Ita utrumq; Prin-
 cipem juvantes, neutrum sibi videbantur
 offendere.

Orato- Pretium autem operæ videtur, ponere
res & nomina Oratorum Legatorumq;, qui tum,
Legati Varſaviæ, Principum quisq; ſuorum partes
exterorū agebant. A Pontifice Romano aderat Tor-
Princi- reſius, tum Adrianopolitanus Archiepiſco-
pum. pus, & ad Poloniæ Regnum Nuncius. A
 Cæſare primū prodromus, mox legatus
 Ferdinandus de Carretto, Granæ Marchio,
 conſiliarius Imperialis. Ex Gallia præter
 Dominum de Breze, Comes Arpajus. Ex
 Sveciâ Laurentius Canterſteinus Reginæ à
 Secretis, literas ab eâdem & certa poſtulata
 ferens. Ab Electore Brandenburgico bini,
 Joannes Höverbequius Conſiliarius Ele-
 ctoris intimus, & Carolus Olsnicius. A
 Principibus Neoburgicis pariter bini, Jo-
 annes Berthranus de Scheid, Sereniſſimæ
 Principis Catharinæ Conſtantinæ, quæ Si-
 gismundi III. filia, Philippo Vilhelmo Pa-
 latino-Neoburgico Duci nupſerat, Mare-
 ſchalcus, & Franciſcus Gize ejusdem Prin-
 cipis Cancellarius. A Duce Curlando Vil-
 mannus conſiliarius, cui eidem Marchio-
 nes Brandeburgo-Anſpacenſes juris ſui,
Legato- quod ad ſucceſſionem Feudi Pruſfici præ-
rum ex- tendunt, negotium commiſerant. Hi o-
terorum mnes benevolentiam Dominorum ſuorum
poſtula- erga Regnum Poloniæ, & dolorem ex mor-
ta. te Vladislai Regis, multipliciq; hâc Regni
 calamita-

calamitate susceptum, prolixè testabantur. Pontificius præterea, ad concordiam animorum curato sermone hortabatur Ordines: Regemq; eligi suadebat Catholica fidei studiosum, atq; inprimis ex Sanguine Jagello-nico, domoq; adeò Sigismundi, qui ipse, præhabitâ quodammodo Regnis suis hereditariis Poloniâ, & multis suis erga hanc beneficiis meruerit, ut, quemadmodum olim Vladislauum successeorem habuerit, nunc in uno superstitem filiorum denuò gratum Polonorum animum experiatur. Cæsareus antequam adveniret, per præcursorem suum generatim pariter Regium sanguinem, sed mox, cum animi in Joannem Casimirum flecterent, Varsoviâ ingressus, hunc eandem Reipubl. commendabat. Gallus à primo profenus adventu summam in Joannem Casimirum propensionem testatus, eandem tum publicè facundâ oratione expresseit; Gallicam prolixè amicitiam promittens commendansq;, quam scilicet tot aliæ gentes, Sveci, Dani, Batavi, Mantuani, Hassi aliq; fidam sibi utilemq; pernovisser. Sveciæ Regina primis literis sanguinem suum, prolem Sigismundi, alteris natu majorem fratrem proponebat; ea insuper amovendæ ab Electione istâ monens, quæ inter Regna ista vel inimicitias excitare, vel perennem

amicitiā remorari possent: tum & Comissarios postulans, pacta induciarum in æterna pacis fœdus producere tentaturos, suos vicissim Lubecam vel Hamburgum mittere pollicens. Elector^{es}, postquam Heri sui absentiam, magnorum Imperii negotiorum objectu excusâssent, Joannem Casimirum, enixè commendant; in Cosacos porrò auxilia pollicentur, simul tamen pacem potius cum iis honestam, quàm bellum svadent; Deniq; ad fœdus cum Specis aternandum, sequestram Electoris sui operam offerunt. Neoburgici, sanguinis Regii rationem haberi desiderabant, reliquum simul dotis, Anna Catharine Constantiæ è Sigismundo genitæ nomine, poscentes. Marchionum Brandeburgo - Anspacensium nomine, ad Prusiæ feudum, ut innui, aditus, si id fortè hodierna stirpis Electoralis interitu vacaret, petebatur. Dux Curlandus feud^{is} continuationem & similem endationem eorum, quæ contra suum jus bonumq; ordinem fiant, rogat.

*Legatis
respon-
detur.*

His omnibus Primas Regni Archiepiscopus & Equestris Ordinis nomine Moderator Obuchevicius, quæ res tum statim exigeret ferretvè, respondère, cæteris, quæ deliberationem postularent, in aliud tempus rejectis. Cæterùm antequam istorum aliqui admitterentur, spatium datum est audiendis

audiendis Poloniae Principum & simul jam
 sceptri Candidatorum legatis, Horum prio- *Regni*
 ribus, qui à Joanne Casimiro mittebantur, *Candi-*
 Georgius Tiskievicius, Samogitiæ Episco- *datorum*
 pus Vir pietate, doctrinâ & singulari animi *Legati.*
 modestiâ præcellens, atq; hinc antea mode-
 ramini *Thoruniensis de Religione Colloquii*
 à Rege defuncto adhibitus; alteris Stanis-
 laus Zarembo, Senatoriâ Insulæ Kioviensis
 dignitate, nec minus virtute majorum &
 suâ insignis, caput erat. Uterq; Candidati
 sui, *eximias laudes & egregium erga Rem-*
publ. proq; eâ opes, sanguinemq; ipsum pro-
fundendi studium cum curâ deprædicabat.
 Auditis Archiepiscopus & Equestri Ordini
 Director reposuere; *reverentiam domûs* *Respon-*
Jagellonica, tot seculorum scilicet meritis *detur*
inclytæ, minimè apud cives Polonos exolevis- *Le-*
se. Etiam dotes Principum, virtute majorum *gatis*
ac fastigio Regio perquàm dignas, nuncq; *Candi-*
etiam eorundem pro Republ. sollicitudinem, *datorû,*
ac promptam huic succurrendi voluntatem,
gratisimâ mente ab omnibus agnosci: ca-
terùm quia sceptrum Polonia, post Deum, à
liberis civium suffragiis dependeat, brevi ex
horum consensu clarum fore, cui id divina
voluntas desponderit. Et post hæc tanto qui-
dem magis à quàm plurimis urgebatur Ele-
ctionis festinatio: sed inte recedebant sub-

inde adhuc alia negotia, & immaturè ad eam accedi videbatur, nisi tum Candidatorum, tum civium pro ipsis inter se certantium animi, optatò aliquo concordia temperamento coaluissent prius, aut saltem ex tanto contentionum æstu resedissent. Adhuc enim acriter tum dissidebatur, utravis parte pervincere eò impensius laborante, quò diuturniore dissensu alterum Candidatum offendisse metuebat. Quamvis verò inter Carolinos plus nummorum splenderet; indies tamen magis magisq; Joannis Casimiri partes evalescebant, nitente pro ipso præter Reginam viduam, & Cancellarium, Lithvaniâ, atq; ejus inprimis Pro-Cancellario Sapiehâ, viro multum potente: tum Prussiæ propè omnis, eodem tendente consensu. Non minùs ex cæterâ quoq; Poloniâ multa magnaq; Capita, & pleraq; nobilitas istuc inclinaverant animos: & alios, qui contradicerent, paulatim vi blandâ rationum demulcebant trahebantq; in suas partes. Inprimis major ætas urgebatur, cui, si alioquin virtutum paritas ambigam fortè faciat deliberationem, jure tamen naturæ debeantur primæ. Sed & alia afferebantur commendando huic principi, simulq; quæ de indole, & diverso sortis vitæq; colore à quibusdam partis adversæ so-

lerent

lerent objici, refellebantur. Jam olim, aiebant, Divos parentes, ingenium Joannis Casimiri tanto imperio non indignum judicasse, quando paulò ante finem vitæ, illum cum Vladislao, quanquam annis & rebus gestis majore compositum, tantum non præposuere. Nec contemnendum ipsius Vladislai judicium, qui supremis tabulis eum ut magis idoneum Reipubl. commendârit. Adesse Casimiro præter naturæ & institutionis bona, experientiam rerum, belli & pacis negotiis, ac cuivis jam fortunæ regundæ parem. Adversitates, quæ obtendebantur, pro ipso magis jam facere: quibus exerceri & meliora sibi fata struere ac mereri, proprium sit Casimirovorum. Opes parandi nullam ei fuisse occasionem; cum quas post Patrem crevisset, fratri Regnoq; impenderit; dum horum dignitatem in Aulâ Cæsaris, filiam hujus Cæciliam Renatam Vladislao adducturus, studuerit tueri. Bellis porro fraternis, imprimis Moschovitico, non sine sumptu & cum laude fortitudinis, interfuisse. Nec peregrinationes, nisi optimâ mente & exemplo fratris Vladislai, susceptas; quarum infelicior eventus si culpetur aliquibus, iis videndum, ne convicium cælo faciant. Innocentiam consiliorum præstare sibi homines posse, non posse fortunam. Sæpè optimè co-

gitata pessimè cadere. Quanquam & reverà
benè cecidisse credi possint, quibus animus
Principis ad laborum, curarum, atq; etiam
frugalitatis patientiam, induruerit. Addu-
ctum talem Regiæ fortune fræna, quâdam
hactenus facilitate imperantis indulgentiâq;
vel etiam nimîâ parentium felicitate, lon-
gius prolapsa. Planè ut in fratre defuncto
Vladislaorum, ita in hoc Casimiro vir-
tutes refulsuras. Porro autem illo Rege crea-
to, multa Reipubl. bona, jam ab ipso posses-
sa, benè meritis civibus cessura; & si in-
super in Regiæ viduæ matrimonium consen-
serit, id quod in celibe & non adverso condi-
tionibus facile sperandum, ingens sumptuum
compendium facturam Rempubl. remisâ al-
terius Regiæ inducenda necessitate. Deniq;
cum Regis Sveciæ titulum gerat, sine illo nul-
lam unquam cum Svecis rectè procesuram
compositionem.

Chmel- Ita isti argumentabantur. Alii insuper,
nec cum Chmelnicio quidem facilem speran-
Joan. dam pacem, nisi Joanne Casimiro Rege ele-
Casimi- cto, diserebant. Fore illi majorem hujus,
rum ma- quàm cujusquam alterius reverentiam;
pule. quippe qui jam in literis ad Zamoscianos
scriptis, cum misso etiam Mokrsicio, non, ob-
scurus prioris ergà hunc affectus dederit
significationes. Valebat aliquantum hæc
ratio,

ratio, non jure aliquo, quod nullum istiusmodi contra Poloniam armatis hominibus ad Electionem competit, sed temporum iniquitate, & quod periculorum ab hoste magis magisq; augescentium increbesceret fama. Sed jam ante ista, alia quoq; argumenta Pocillatorem Regni Oltrorogium, & hujus efficaci facundiâ Visniovecium, quoq; Ducem parti Casimirianæ reddiderant æquiores. Quos sequi & sensim velut satis imperantibus cedere reliqui cæperant: sic ut fortuna Casimiri jam evidenter elucetaretur. Præter cæteros huic non parum momenti addidêre duarum Poloniarum, generales præfecti: Majoris quidem Boguslaus Lesczinius, de quo ante sæpius; Minoris Georgius Lubomirscius, nunc magnus Regni Mareschalcus, & Campi Dux viri ut avitis decoribus, ita civili ingenio & doctâ facundiâ, nemini per Poloniam secundi. Hi jam tandem Joannis Casimiri partes validè amplexi, magnâ contentione eò juxta cum aliis ejus causæ fautoribus collaborabant, ut partis alterius prima capita

*Capita
Caroli-
norum.*

mias Dux Viſnovecius. Sed uterq; autori-
tate ſuâ multos prætereà alios trahebat.,
Dum in his permovendis laboratur, leges,
quæ Regibus Poloniæ præſcribi ſolent (*pa-
cta conventa* vulgò dici ſolent) perlegun-
tur, examinanturq; publicè, quò poteſtas
fieret ordinibus, monendi, ſi quid muta-
tum vellent. Nec remiſſum quicquam de
more antiquo, poteſtatem Regiam arctio-
ribus terminis cludendi, quò ſolutior eſſet
libertas. Cui nunquam facilius, quàm ubi
vacuum Rectore regnum eſt, conſuli poſſe
videtur, mollibus plerumq; ad leges accipi-
endas Candidatis, qui poſtea adultâ ſceptri
autoritate, ſuæ potiùs quàm populi liber-
tati invigilaturi creduntur. Inter alia pro-
ponebantur, quæ in cauſâ Diſſidentium à

*De Reli-
gione
diſcepta-
tio.*

Religione Romano-Catholicâ, à certis de-
legatis, apud Episcopum Cracoviensem, de
conſenſu partis utriusq; conſtituta erant.
In iis autem nimis multum Diſſidentibus
indultum eſſe, quidam contendebant, in-
primis Maſovii, qui adeò ſuis Palatinatibus
caveri poſtulabant additâ clauſulâ: *Salvâ
ratione jurium & decretorum Ducatus Ma-
ſoviae*. Sed hanc diu multumq; fruſtra ta-
men alii oppugnabant; ex Senatoribus in-
primis Sbigneus Goraiſcius Caſtellanus
Chelmenſis. Tandem, poſt aliquot dierum
diſcepta-

disceptationes, in id consensum est, ut dis-
 sidentium libertas tuta maneret eâ lege,
 quæ & anteriorum Regum juramento fir-
 mata esset, & planiorem explicationem in
 superiore Conventu (Convocatione) ac-
 cepisset. Prusii præterea jura sua in inte-*Prusfori*
 grum restitui postulabant; inprimis illud, *postula-*
 quo cautum sibi ferebant, ne bona Regia *ta.*
 aliis, quàm indigenis Prusiæ darentur.
 Nominatim Pucensem Præfecturam nega-
 bant Magno Cancellario dari legitimè po-
 tuisse. Is verò hos propositi tenaces con-
 spicatus, interponentis se Venceslai Comi-
 tis de Leszno, Episcopi & Principis Varmi-
 ensis, (postea Archiepiscopi Gnesnensis,) a-
 deoq; in Senatu Prussico Præsidis, & viri
 alioquin apud omnes gratiosissimi, persua- *Cancel-*
 sioni atq; auctoritati hoc dedit, ut se præfe- *larius se*
 cturâ illâ spontè abdicaret, beneficium sic *abdicat*
 imputans paci publicæ, quam privatæ rei *Pucensi*
 studio nollet turbatam. Tranquillos fore *Præfe-*
 Prussos putabat Archiepiscopus, & jam in *cturâ.*
 genua procumbere cæperat, solenni can-
 tione Sancti Spiritus auxilium, ad concili-
 andam animorum in suffragiis ferendis
 concordiam, imploraturus. Sed iidem illi
 adeò universi constanter intercedebant cæ-
 pto Antistitis, in aliis desideriis suis pariter
 satisfieri sibi ante inchoata suffragia po-
 scentes.

Prusfi scentes: ut denuò surgendum fuerit mitis-
adhuc simo optimoq; leni. Mox cum ab aliis de-
recla- liniti acquiescere viderentur, iterum ad
mant. Numinis adorationem componere se An-
 tistes, iterum obturbare illi, & sua oggerere
 magno clamore. Nec tertius Antistitis co-
 natus cessisset prosperius, nisi is fidem illis
 dedisset, non ante Regem nominatum iri,
 quam factum desiderio eorum fuerit satis.
 Sic tandem (XVII. Novembr.) ruentibus
 simul in genua omnibus, habitæ preces:
 confestimq; in diversa digressi, ad sui Pala-
 tinatûs antesignanos singuli sese aggrega-
 bant. Illi autem Palatinatum Duces in
 suo quisq; cætu suffragia perrogantes, unû
Joannis Casimiri Nomen ab omnibus &
 singulis audiêre. Nempè enim, dum circa
 pactorum formulam disputatum supra fuit,
 plenissimè interim in partes hujus Principis
 etiam ii, qui validissimè alteras antè fovis-
Carolus sent, concesserant. Et ipse Candidatus
Princeps alter, Princeps pius ac mitis, nunc autem
cedit magis à familiaribus quibusdam, quàm
Fratri ambitu insito ad Regni spem impulsus, tan-
natu dem primi natûs juri, & nimis liquidò elu-
majori. centi divino nutui animum & vota sua,
 postquam rebus suis clientumq; suorum,
 certis cautionibus prospexisset, ad eò non
 ægrè submisit, ut & preces ipse suas per lite-
 ras pro

ras pro fratre deniq; interponeret. Ita non tantum omni illo ordinum cœtu suffragatore, sed adversante jam omninò nemine, destinatum addictumq; Joanni Casimiro sceptrum est Polonia. Mox ex utroq; ordine nominati, qui de *pactis*, ut vocant, *conventis*, transigerent cum Principis electi legatis. Qui erant Georgius Tiskievicius *Transsa* Episcopus Samogitiæ, Christophorus Co- *gunt cū* niecpolscius Palatinus Belzensis, Stanislaus *Joan.* Varfcius Palatinus Masoviæ, Stanislaus *Casimiro* Naruszevicius M. D. Lithvaniæ Referenda- *Magna-* rius, Christophorus Gembicius structor seu *tes sele-* incisor generalis Regni, Alexander Lubo- *di.* mierfcus Regni stabulo præfectus, Alexander Coniecpolscius tum Aquilifer Regni, Adamus Sieniavius Præfectus tum Leopoltanus, Albertus Lubienfcus Signifer Sira- diensis, Thomas Sapieha familiaris Regis aulicus. Hi jurejurando obstricti, nomine Regis Electi, in leges jam olim aliis Regibus, & proximè Vladislao IV. propositas condicunt: videlicet:

Regem nec hæredis Polonia nomen usur-
paturum, nec successorem sibi ullo modo vel
arte designaturum; sed leges sanctionesq; su-
per eligendi Regis libertate olim vel recens
factas sanctè servaturum.

Leges
Principi
electo ab
Ordini-
bus præ-
scriptæ.

Pacem

Pacem inter dissidentes in Religione secundū conventa convocationis nuperæ Varsaviensis, tuiturum.

Græci ritūs homines, ad regulam propositorum in Electione olim Vladislai Regis articulorum, perpacaturum.

Apparatum bellicorum diligentem habiturum curam, addito in id, super usitatos ante sumptūs, novo certōq; ex Regiis bonis redditu: assignatisq; omni huic paratui & instrumento militari curando, binis præfectis generalibus.

*Gymnasium militare, exercenda munitio-
num operumve bellicorum arti, tum discipli-
næ tormentariæ, ad lineas & principia à Vla-
dislao defuncto ducta, exstruendum.*

*Pacta & fœdera cum exteris Principibus,
adeoq; pacem cum iis firmaturum.*

*Rempubicam, recuperatis amis, redin-
tegrare, & undiq; quietam reddere conatu-
rum.*

*Compositioni inprimis belli, ex occasione
Regni Svecici olim orti, ex utroq; ordine
Senatorio & Equestri in Comitibus Coronatio-
nis designaturum arbitros, datā iis plenā
potestate tractandi negotium ad formulam,
tum à Rege & Republ. præscribendam.*

*Ad Magnum Moscoviæ Ducem ex iisdem
Comitiis misurum legatos fœdus amicitie
stabilituros.*

Moneta

Moneta curam proventumq₃ dispensationi Reipubl. plenè remisurum.

Sine scitu & consensu Reipubl. nec copias militum externorum in Regnum introducturum, neg₃ bello quenquam lacesiturum, neg₃ militem extra fines ducturum, aut gregatim edaci passurum.

Opera munienda Camenecia à Rege defuncto capta continuaturum sumptibus suis. Tum quatuor propugnacula in finibus Regni ubi inprimis belli Ducibus visum fuerit, exstructurum.

In Prusfiâ insuper Puckum, necessarium Reipubl. propugnaculum, emuniturum.

Peregrinos cujuscunq₃ conditionis nec ad consilia sua, neg₃ ad munia, Dignitates, Praefecturas ullas admisurum.

Comitatum dignitati Regie congruum ex Polonis, Lithvanis, & annexarum provinciarum incolis more & stipendio veteri habiturum: pariter quoq₃ Prætorianum satellitium: cujus Ductor indigena, non Regi tantum, sed & Reipubl. sacramentum dicturus, & juxta cum aliis Curialibus, cumq₃ ipso satellitio, sub jurisdictione Mareschalcorum futurus sit.

Conjugium nonnisi ex legum veterum præscripto cum consilio Senatus initurum, & si externa conjux fuerit, non plures ei famulos comi-

los comitesvé peregrinos adesſe paſſurum, quàm viſum fuerit Senatui.

Sigillo privato non uſurum ad negotia Reipublicæ.

Muneribus Reipubl. Curiaq; ut ſua poteſtas & ordo integer maneat, & ne ea vel à privatis occupentur vel vacua maneant, vel deniq; numero minuantur, curaturum.

Judicia, ſecundum pacta cum Henrico Rege olim inita, ex ſententiâ Senatorum & Magiſtratum Regi aſſiduorum, adminiſtraturum: deliberationibus uti & negotiis à Vladislao Rege nuper in ſuſpenſo relictis, finem impoſiturum.

Oeconomias, præter uſitatas hætenus, menſe Regiæ nullas addiſturum, & uſitatis, ſecundū jura & privilegia earum, fruiturū.

Munera, beneficia, ac dignitates, quas ex Comitiorum Coronationis, veterumq; etiam legum præſcripto, uni ſimul habere nefas eſſe reperietur, non daturum uni.

Officia non ultra ſex ſeptimanarum ſpaciū relicturum vacua.

In Comitiiis verò inter prima negotiorum habiturum horum ipſorum officiorum collationem, & per Cancellarios eam promulgaturum: Collaturum deniq; illa ſecundum leges indigenis, paritate juris gaudentibus, benè meritis, ætate & judicio vigentibus.

Militiam

Militiam equestrem pedestremq; ex consilio Reipubl. meliori ordine compositurum; ne opus sit Reipubl. milite externo, tantisq; in eum impendiis, tum ne subditis adeò gravis miles, sed suo stipendio contentus sit, provisurum.

Cemelia (vulgò Clenodia) à Sigismundo Patre ex thesauro Regni in usum sumpta redditurum; & thesaurum illum minime unquam à Rege imminutum, sed spontaneis potius donationibus auctam iri.

Æs alienum; quod Comitibus Coronationis liquidum pronunciaverint, ex consilio Ordinum exsolvere conaturum.

Classis maritima, in Reipubl. necessitates fruenda; ex consilio Ordinum, initurum rationem.

Cum in hoc Conventu Electionis, ardua negotiorum non permiserint, ea, quæ in Regno & D. M. Lithvanie &c. à juris bonivæ ordinis viâ devient; corrigere, aut curâ de modo iustitiæ distributis; de legibus Interregni, emendatione jurium; compositione statuum, & Academia Gracoviensis, suscipere; omnia sub Decessoribus contra leges admisa; correcturum; omissa executurum, legum calidis interpretationibus aut exemplis tam lege pugnantibus haud indulgendo.

De summâ Neopolitanâ in Comitibus Cōronationis initurum consilium.

Deniq³ in universum jura, libertates, privilegia ac statuta Regni, M.D. Lithvaniae & innexarum his provinciarum civibus, Ecclesiasticis, Politicis, nec non Urbibus justè & legitimè data, ut & omnia Comitiorum Cōronationis Henrici, Stephani, Sigismundi, Vladislai Regum & hujus ipsius conventûs scita, omnia deniq³ in proximis Cōronationis & aliis in posterum Comitibus de consensu Ordinum sciscenda sanciendaq³, in omnibus eorum punctis & clausulis tuiturum, literasq³ cōfirmationis jurium & pactorum daturum, exemplo duorum Decesorum & in primis laudatissima memoria Patris sui vestigiis insiſtendo.

Quod si id, quod Deus avertat, juribus, privilegiis, conditionibus istis vim fecerit, aut obsequi omiserit, cives utriusq³ gentis à fide & obsequii nexu (secundum legem anni 1590) liberòs & solutos fore.

Pactis his, quæ nos hîc compendio, & de Polonico in Latinitatem, qualem talia patiuntur, transfusa dedimus, ubi legati fidem Regiam, jurejurando insuper paulò post firmandam, jurati & ipsi, adstrinxissent, nihil jam restabat, quàm ut præstito, quod Prusis Archiepiscopus promiserat, ad Nominationem accederetur. Quæ

Quæ tandem, Prussis ad Comitia Coronationis desideria sua, quanquam ægerri-
mè, nec sine quiritatione prolata passis,
XX. Novembr. cum bono Deo succedit :
Archiepiscopo non sine religioso quodam
animi ardore in ejusmodi verba prorum-
pente: *Nomino Regem Polonia & Magni Du- Nomi-*
catus Lithvania annexarumq; Provinciarum- natio
Johannem Casimirum Sveciæ Regem heredi- Regis
tarium, cœlestis Numen invocans, ut hunc,
quem jam olim Regno huic destinavit, gra-
tiâ suâ in sustinendo hoc munere juret,
hancq; electionem Reipubl. isti faustam for-
fortunatamq; & imprimis Ecclesiæ Catholicæ
salutarem esse velit.

Postero diè Rex nominatus templum S.
Joanni Baptistæ sacrum ingreditur. Ubi rei
divinæ, perorante Stephano Wydzgâ fa-
cundissimi oris concionatore Aulico, postea
ad Varmiensẽ Insulã, & deniq; ad Prima-
tium Regni evecto, sacra verò peragente Ar-
chiepiscopo, ritè operatus, ad altare majus,
eundem Archiepiscopum & Mareschalcum
Equestrem obvios habet, pacta conventa
gestantes, & ut in ea, ex lege promissi sui
juret, poscentes. Itaq; is genibus innixus,
verba præeunte Ossolinio Cancellario Ma-
gno, ita jurat: *Ego Johannes Casimirus Ele-*

Elus Polonia Rex & Magnus Dux Lithvania, Russia, Prussia, Masovia &c. spondeo & sanctè juro Deo Omnipotenti ad hæc sancta Jesu Christi Evangelia, quòd pacta conventa per Oratores meos cum amplissimis Polonia & Magni Ducatûs Lithvania cæterarumq; Provinciarû Ordinibus in electione nostrâ transacta, & eorundem Oratorum juramento confirmata, in omnibus eorum articulis, punctis, clausulis, conditionibus, ita ut nec specialitas generalitati, nec generalitas specialitati deroget, servabo, manu-tenebo, & adimplebo, atq; ea omnia iteratò etiam in solenni nostrâ coronatione juramento confirmabo, sic me Deus adjuvet, & hæc sacra Christi Evangelia.

Factum hoc præsentibus, Matthiâ Lubieski, Archiepiscopo Gnesnensi, Legato Nato, Primate, & Primo Principe Regni, Petro Gembicki, Episcopo Cracoviensi, Andreâ Szoldrski, Episcopo Posnaniensi, Andreâ Gebicki, Episcopo Luceoriensi. Venceslao de Leszno Leszczynski, Episcopo Varmienfi, Paulo de Piaseczno Piaseccki Episcopo Premysliensi, Andreâ de Leszno Leszczynski Episcopo Culmensi, eodemq; Procancellario Regni, Stanislao de Buzenin Pfrokonski, Episcopo Chelmensi, Christophoro Opalinski, Palatino Posnaniensi, Christophoro Chodkiewicz, Palatino Vilnensi,

nēnsi, Janusio Radziwil, Generali Samogitiæ Capitaneo, Campestri Duce M. D. L., Jeremia Michaële Wilniowecki, Palatino terrarum Rusiæ, Georgio Hlebowicz, Palatino Smolenscensi, Paulo Sapiehâ, Palatino Vitebscensi, Stanislaŏ Warzicki, Palatino Mazoviæ, Alexandro Oginski, Palatino Minscensi, Michaële Stanislaŏ, Comite de Tarnow, Castellano Woynicensi, Theodoro Stetkiewicz, Castellano Novogrodienŏ, Lucâ Opalinski, Supremo Regni Marschalco, Alexandro Ludovico Radziwil, Marschalco Supremo M. D. Lithv. Georgio de Teczyn Osfolinski, Supremo Regni Cancellario, Alberto Stanislaŏ Radziwil, Cancellario M. D. L., Casimiro Leone Sapiehâ, Procancellario M. D. Lith., Adamo in Czasniki Kazanowski, Marschalco Curia Regni, Joanne Antonio Tyfzkiewicz, Marschalco Curia M. D. L. Michaële Gedeone Tryzna, Thesaurario Supremo M. D. L., Alexandro de Otok Zaleski Referendario Regni, Stanislaŏ Narusiewicz, Referendario M. D. L.; Christophoro Gembicki, Incisore Regni, Alexandro Lubomirski, Præfecto Stabuli Regni, Boguslaŏ Radziwil, Præfecto Stab. M. D. Lithv., Alexandro Koniecpolski Vexillifero Regni, Theodato Oginski, Vexilli-

fero M.D. Lithv. Nicolao Ostrorog, Pocillatore Regni, Casimiro Tyſzkiewicz, Pocillatore M.D.L., Vincentio Corvino Gosiowski, Dapifero M.D.L. Georgio Lubomirski, Capitaneo Cracoviensi Gener. Boguslao Lesczynski, Generali Majoris Poloniae, Joanne Wielopolski Biecenſi, & Bochnenſi Capitaneo, Joanne in Zamoſcie Zamoyski Capitaneo Kaluſienſi. Adamo Sieniawski, Capitaneo Leopolienſi, Hyacintho de Michalow Michalowski, Dapifero terræ Roſanenſis. Emerico Młeczko, Capitaneo Mielnicenſi, Hieronymo in Radzieowice Radzjejowski, Inciſore dapum Sereniſſimæ Reginae Poloniae, Daniele Zytkiewicz, Inſtigatore Regni, Georgio Monvid Irzykowicz, Mareſcalco Vilkomiriſi, Ceſlao Caſimiro Miłoſzewski, Secretario S.R.M. &c.

* Regi jurato Cancellarius decretum Electionis in chartâ pergamena deſcriptum & Procerum Equitumq; ſubſcriptionibus firmatum tradit. Cui brevibus verbis Rex, diſertiffimâ autem oratione Boguslaus Lesczynius nomine Regio reſpondit in hunc

nomine modum: ** Prima vox, quam Sereniſſimus Princeps Joannes Caſimirus per ſaventem Numinis agit divini & tot ſuffragiorum liberrimum con-*
Comes de ſenſum, in hâc excelsâ Regni ſpeculâ poſitus,
Lefzno. eloqui-

eloquitur, primum nobis esto futura ejus in nos clementissima dominationis augurium. Orditur quippe is à testificatione agnitæ inclyti hujus populi in se benevolentiae; emicantis scilicet ex illo auribus ipsius suavissimè adhuc inerrante, in animo autem nunquam intermorituro concentu vocum, latisimum istud, *VIVAT REX CASIMIRUS*; ingeminantium. Fuit olim in Romanâ Re- publ. tempus, cum subditis, ad aures principis, quocumq; eventu admisis, omnium sermo- num finis esset, gratias agere. O quanto melius cum hâc, Principi nostro natali terrâ agitur, ubi Rex futurus à gratiis sermonem inchoat, quo cives suos alloquitur. Habet Electio- profectò præ omnibus populis, quo trium- nis bo- phet hæc clarissima Respubl., quod arbitrio na. suo decernit eligiq; cui summam Regni sui majestatem committere velit; non in ortus nataliumq; fortuita, non in cunas, sed illuc liberrimè flectens sententias, quò cœlestem præire sentit suffragationem. Habet quo gloriatur, non se supplicem in Monarcharum clientelam; sed Monarchas venerabundos in sinum ipsius festinare. Latatur meritò, quod alibi votis tantum & suspiriis expetuntur bo- ni Principes, qualescumq; autem tolerantur: hîc votis judicia accedunt, accedunt consilia, in quibus non sine singulari majestate, nobi-

les confident, feruntq; sententias. Latatur, quod non servientium populorum exemplo, gratias agit pro Principe, qualemcumq; è domo regnatrice sors nascendi dederit: sed ipsi potius pro Regni diademate à principibus gratiæ aguntur. Verùm minimè quoq; Rex noster illis Principibus invidet, quibus sceptræ & diademata natales sui afferunt. Mavult is voluntatum subditarum prius, quàm fortune aut sceptri dominantis adire possessionem, ac hereditatem: mavult ante pectora obtinere, quàm coronam. Atq; ò quàm pulchri dominatûs, quàm dulce argumentum, quàm magnificum specimen jam habet, cum servire nescientis populi corda se illi spontè & ultro subjiçunt! Quàm illustre Divinæ benivolentiæ pignus recipit, quando Numen, communicato quasi regimine; soli alioquin sibi proprio, prius mentium imperium Principi, quàm throni mortalis fastigium permittit? Cæterum non nescit quoq; Serenissimus Rex molis, quàm suscipit, gravitatem. Non ignorat, quàm arduum semper, quàmq; fortune subjectum cuncta regendi onus sit, imprimis in eo Regno, ubi jam summa imis miscet fortuna; & sauciâ à servili barbarâq; manu, publica res gravissimè laborat. Intrepidè nihilominus ad clavum hunc admovet dextrâ, fretus Divinæ Maiestatis ope, ut quæ

Difficul-
tates
muneris
Regii.

ut qua soli jam, manifestis singularis gratiae
indiciis, arbitrium dederit in bella nostra,
quaq; manum fumi pulverisq; militaris non
inexpertam ita dirigat, ut ad famam ejus, im- Bona o-
mense perduellium catervae, in cubilium suo- mina &
rum latibula paulò post recessura videan- vota.
tur. Erit brevi, ut templi sua sacerdotibus,
& templis splendor, & arae fortunaeq; afflictis
civibus reddantur. Habebit ultorem nobilis
casorum sanguis, & qui nostro adeò inhiâ-
runt cruori, in suo brevi natabunt. Redibit
deniq; optatissima terris pax, & cum hac de-
liciae generis humani. Porro autem non diffi-
tetur Rex Serenissimus, magnum se de manu
vestrâ recipere thesaurum: dum ingens il-
lud libertatis, boni delicatissimi, depositum
ipsi conceditis. Natq; enim cum sit in gremio
hujus Reipubl., cum domûs suae decora lon-
gâ serie posita hîc intueatur, ignorare non
potest, quid sit libertas Polona. Splendidis-
sime domûs Jagellonica surculus est, sine du-
bio etiam imitator erit. Prælucent illi facem, Spes de
tot grandes avi, præluceat magnus parens Rege elo-
Sigismundus, præluceat inclytus frater & ve- to.
rissimus bellicosorum, simulq; felicium Re-
gum archetypus Vladislaus. Omnes tenerio-
re in libertati subditorum, quàm propria do-
minationi curam soliti impendere. Signato
tot præclaris majorum vestigiis tramiti, haud

dubiè institutus Serenissimus Princeps, fidei suæ pignus jam ad sanctum altare, religiose, nec unquam violando jurejurando dedit. Certare ille cum patriâ nostrâ & suâ conabitur benefactis. Et quemadmodum ab illâ, quod spavissimum habet, accepit; ita vicissim tanquam gratus memorq; beneficio- rum primogenitus, matri suæ omnia optima maxima sua devovet, mite in subditos imperium, impensisissimam pro bono publico curam, promptissimos in omne genus laborum humeros, vitam Reipubl. veditalem & non minus oneri, quàm honori sacratum caput offerens. Gladio, quem lateri adaptat, domabit Regni hujus hostes; scepro negotia Reipubl. componet ordinabitq; aureo honoris prosperitatisq; pomo, togâ sagove id merentes beabit: nihil deniq; à vobis accipiet, ut sibi habeat; sed ut quicquid datur illi, id à manu gestatrice splendidius pretiosiusq; redditum, cum pluribus quàm pulcherrimè communicet.

Exequi- Sequentibus diebus alia in futurum præ-
is Vla- sentemq; Reipubl. usum constituta. Præci-
dislai puè defuncti Regis exequiis decima quarta
Regis Januarii sequentis; inaugurationi autem
tempus electi Regis decima septima, Comitiorum
præfina- auspiciis XIX. ejusdem mensis præfinita est.
tur. Vexilliferis quoq; terrarum & Palatinatu-

um om-

um omnium imperatum, ut dicto exequiarum Regiarum die Cracoviæ adfint, signum quisq; Palatinatûs sui, funeri, ex more, prælaturi. Rex insuper rogatus, ut etiam antequam diadema fusciperet, curam rerum turbatarum, inito cum Primæte, & Senatoribus, Ducibusq; belli consilio, gerat. His actis XXIII. Novembr. solutus est con- *Conven-*
ventus, sine minus composito, quod ple- *tus ra-*
riq; nobilium ab hoste adeò propinquo, *ptim dis-*
suis domi rebus metuentes, abitum præci- *solvitur.*
pitarent; & Prussi insuper sui minus habi-
tam rationem quererentur; aliqui vicissim
auxilium laborantibus cæteris subtrahere
interminati sunt.

Archiepiscopus cum aliis Senatoribus nonnullis Varsoviæ mansit, perficiendis quæ in publicis adhuc agenda restarent. In primis Pontifici Imperatoriq; Romanis per *Responsa*
litteras gratiæ actæ pro impensâ rebus Po- *Principi-*
loniæ sollicitudine, simulq; quod gratis- *bus exte-*
mum auditu fore credebatur, nunciatum *ris data.*
est, Joannem Casimirum maximâ tandem
consensione, & ipsorum etiam adversario-
rum pace, nuncupatum Regem. Mox &
Svecorum Regina datum responsum; *Uti*
Regina
Sveciæ.
jamdudum, sub Rege etiam defuncto, Rem-
publ. honestæ pacis, quàm belli cum Svecis
cupidiorem, Ducis Curlandiæ pacificos cona-
tus pro-

tus probâsse. Similem animi propensionem cum literæ quoq₃ Reginae & missus ab ipsâ Laurentius Cantersteinius Secretarius Statûs testentur, tanto ampliorem spem esse, communibus utriusq₃ gentis votis subscripturum Numen. Quod ad sequestros pacis attineret, eos in pactis nominatos. Ex quibus quia Britanniarum Rex domesticis discordiis attineatur, ejus vicem ut Respubl. Veneta suscipiat, sibi quoq₃ volentibus fore. Nec de loco difficiles esse velle. At Francofurtum ad Oderam situm, multis ex causis opportunissimum suis videri. Eò maturè venturos Delegatos, ubi de tempore à conciliatoribus Respubl. fuerit monita. Caterum sperare se, rem gratam fore Reginae, in Electione istâ, pondus habuisse commendationem ipsius, & pensi fuisse id, quod ad stabiliendum æternæ pacis fœdus facere, aut necessarium esse, visum sit. Testem actorum fore Cantersteinium; & eundem de iis quoq₃, quæ jam non scribantur, relaturum. Cæteris Principibus, quorum legati aderant, Electionis eventus pariter cum multâ studii testificatione nunciatus est: si quæ verò postulata intulerant, ea pleraq₃ in proxima Coronationis Comitia rejecta fuere.

Rex verò Electus non ante sceptro, quàm patriæ gravissimè laboranti manum apposuit.

fuit. Scripserat is jam antè per Georgium Jarmoleviciũ ad Chmelnicium literas, hortatus hominem, *ne Electioni ab exercitu Zaporoviano obstrepi aut impedimentum poni pateretur.* Sed nuncius iste tardius, ob morbi interventum, pervenerat ad Chmelnicium, uti ex responso ejus, cujus autographum mecum habeo, colligere licet. Nunc verò simul ut in se suffragiorum cori- *Rex electus de* sensum ire Princeps intellexerat, illicò *Smazzevium* Secretarium suum ad eundem *Cosacis* Chmelnicium ablegat, Regem se jam Polo- *pacandis* niæ nuncians, monensq; simul, ut missa *cogitat.* hostilitatè reducat copias suas. *Reperit* quandoq; etiam inermis apud armatos Ma- *gestas* jestas venerationem, addente ipso cœlesti Nu- *mine* mine principibus nescio quid non augu- *stum* stum tantum, sed penè divinum, quo ani- *mos* mos hominum, etiam barbarorum, percel- *lant.* Chmelnicium certè brevissimæ Regis *Chmel-* literæ movêre, ut cum pactis Zamoscianis *nicius* ab urbe discedere promississet, ad manda- *Regem* tum istud Regium sine morâ exercitum *electum* omnem retrò in extremam Russiam duxe- *venera-* rit. Sed is etiam, antequam Smazzevius *tur.* adesset, velut propinquum jam sceptro Re- gem odoratus, remittere ceperat animum, missoq; Varsaviam eodem illo, qui ad Leo- polin & Samoscium conciliator pactorum exstiterat.

exstiterat, Mokrfcio Canonico, quicquid
hactenus à se, & Cosacis perpetratum esset,
eodem, quo sæpè antehac, modo excusare
studuerat.

Nempe magnâ se necessitate in ista faci-
Chmel-nora impulsos. Primum enim à non paucis
nicip ex-Proceribus magnis malis mactatos, postea et-
cusat fa-iam cum, superatis Polonorum exercitibus
sta sua. meruissent non contemni, non paucos suo-
rum exquisitis torminibus exagitatos, & de-
niq; in crucem actos. Mox se iterum com-
positionum ostentamentis insopitos esse, sed
hostilia alibi omnia suis nihilominus illata.
Rerum ex eo tempore successus in aperto
esse. Inde tamen minimè sese inflatos, spirare
illicita: quin adhuc potius patratorum
sibi veniam, sed simul Magnatum quoq; illo-
rum justam reprehensionem petere. Spretis
his desideriis suis, manifestum futurum, se
quoq; ipsos, & servitia sua fastidiri.

Rex
Chmel-
nicio
placide
respon-
det.

Quibus ritè expensis Rex tandem ita re-
spondit: Gravam sibi eorum sub antiqui ob-
sequii leges redeundi promptitudinem, &
pro fido resipiscantis animi indicio esse, quod,
relictò Zamoscio, pedem tulerint retrò. Clā-
vam ferream (Bulavam Poloni vocant) &
vexillum, summi à Rege in exercitum Zapo-
robianum imperii, insignia, brevi se misis-
rum Chmelnicio. Facinora, quia eluere ea
tanto,

tanto insignioribus in posterum servitiis polliceantur, condonare se, pœnitentiâ ipsorum contentum. Quod exercitum Zaporobianum in potestate Regis tantum & Reipubl. esse desiderarent, sibi quoq; probari. Neq; factum velle aliter. Nec quæ de unione seu coalitu inter Græcam & Latinam Ecclesiam factò querantur, amplius moratura pacem; & destinatos jam à se arbitros seu Commisfarios, eam litem definituros. Quicquid juri-um privilegiorumq; olim habuissent, quicquid insuper etiam ab illis Delegatis per æquitatem indultum fuerit, in proximis Coronationis Comitiiis firmaturum se, dum ad eadem Comitii ipsi delegatos suos mittant, debitâ modestiâ Majestati supplicaturos. Interim exercitus Polonicos procul ab ipsis habitum iri. Nec Commisfarios amplius quingentis hominibus in comitatu ducturos. Pari numero & ipsum Chmelnicium ad capessenda militaris in Cosacos imperii insignia, & jusjurandum præstandû, totiusq; transactionis istius negotium, adesse debere. Tartaros in Tauricam, agrestem multitudinem ad suam quàm primû mittendam: & populatores ditionum globos, missis edictis publicis, revocandos. Deniq; exercitum in Zaporobianas insulas deducendum.

His

Chmel- His literis acceptis, Chmelnicus tanto
nicius ex promptius reditum ex Poloniae visceribus
Poloniâ maturabat; stimulum insuper adhibente
redit in hyeme. Nani in terrâ à suis passim pervâ-
Ukrai- statâ, graminum quoq; per alienum anni
nam. tempus vacuâ, immenso illi hominum e-
 quorumq; numero defecturum pabulum
 videbat; minutiore verò exereitu, Polo-
 niam, adeò jam non hostili tantum vio-
 lentiâ, sed suâ quoq; ignominiâ irritatam,
 deniq; Capite jam novo animosam, porro
 lacescere non audebat.

Commis- Rex autem Electus cum Senatoribus deli-
sarii de- berat, quos ad arduum istud conciliationis
finati negotium adhibeat. Et tandem in sex vi-
ad Cosa- ros, rerum sanè agendarum gnarissimos,
cos. consensum. Caput omnium iterum esse
 jussus est Adamus Kisielus Palatinus tum
 Braclaviensis, cui collegæ dati; Maximilia-
 nus Brzozovius Castellanus Kioviensis, Al-
 bertus Miascovius finibus terræ Leopoli-
 ensis regendis præfectus, vulgò Succame-
 rarius, Nicolaus Kisielus Signifer Novo-
 grodiensis Palatini frater, Jacobus Ziele-
 nius Pocillator Braclaviensis, Zacharias
 Dux Czetvertinius, additus deniq; Smarze-
 vius Regi à Secretis. Hi lentè admodum
 sumptum ex Regni ærario adepti, vix deci-
 mâ sextâ Januarii Anni 1649. Huiscia, Ki-
 seli

sceli Palatini oppido, in Voliniâ extremâ ad
Hörinum sito, convenêre, Pereaslaviâ
autem, quò ad colloquium ab hoste invita-
bantur, ipsi alioquin Kioviam malentes,
decimâ nonâ Februarii, hyeme gravissimâ,
delati sunt. Hîc quid effecerint, post me-
morabo, ubi quæ tempore antecessêre,
exposuero.



HISTORIÆ POLONÆ PLENIORIS

LIBER V.

REx, ubi pacis conciliato-
rum expeditioni satis datum tempo-
ris esset, Cracoviam ad exsolvenda
fratri defuncto iusta, & diadema exin su-
scipiendum, habendaq; mox Comitia, cir-
ca novi anni auspicia, profectus est. Quem
multi Procerum comitati, alii insecuti, *Rex ele-*
multi etiam prævenêre. Erat Januarii deci- *ctus Cra-*
ma quarta, cum Rex equo insidens, & um- *coviam*
braculo, quod quatuor urbis Consules fe- *ingredia-*
rebant, adopertus, metropolin Regni sui *tur.*
ingrederetur, præcedentibus ipsum Ma-
gnatum Equitumq; longâ & multum ni-
tente pompâ, peditum item cohortibus su-
pra triginta, turmis deniq; viginti quinq;
quarum

Annus
M. DC.
XLIX.

*Cadaver
Vladis-
lai Regis
in Urbem
deduci-
tur.*

quarum utrarumq; major pars ex civibus, reliquum ex Regiis Magnatumq; militibus constabat. Sequens dies exequiis defuncti Regis datus est, recepto hîc more, ut non nisi sepulto decessore. Rex Electus diadema capessat; fortassè ut sic inspectâ mortis pompâ, mortalitatis suæ admoneatur, & eò attentior accedat imperium, cujus rationes post mortem quoq; redditurus sit. Cadaver Regium ex coemiterio templi Mariani in arcem, octo equis, holoserico rubeo tectis, deducebatur: præeunte tum militum, sed arma inversa trahentium, tum juxta Sacerdotum Monachorumq; longissimâ serie. Quorum agmen claudebant tres Episcopi & Cracoviensis Suffraganeus, omnes Pontificali habitu induti. Hos sequebantur Vexilliferi provinciarû, numero vigintiseptem, sui quisq; Palatinatûs signû ferentes. Inter quos eminebat Regni Aquilifer Alex Coniecpolscius. Illis succedebant Canonici Cracovienses & Musici magno numero. Hinc Senatores conspiciebantur: ex quibus Castellanus Lublinensis vellus aureum, Palatinus Smolenscensis Sceptrum Svecicum, Lublinensis Polonicum, pomum aureum Polonicum Castellanus Sendomiriensis, Svecicum Voinicensis, Diadema Polonicum

*Pompa
funer-
bris.*

Ionicum Palatinus Rusfiæ, Svecicum Mazo-
 viensis, Magnus Cancellarius Sigillum,
 Enſifer Regni gladium, Mareſchalci bacu-
 los geſtabant. Senatorum veſtigia excipie-
 bat curruſ cadaver Regium vehens. Quem
 proximè ſequebantur Dux Boguſlaus Rad-
 zivillius, & Joannes Zamoſcius; tandemq;
 Rex, Nuncio Apoſtolico & Palatino Bre-
 ſtenſi comitatus. Inde māgiſtratus Craco-
 vienſis, & mox turba promiſcua. In Arcis
 templo excipiebant Regem Archiepiſcopus
 Gneſnenſis, Cracoviienſi & Cujaviienſi Epi-
 ſcopis ſtipatus. Ubi ſacro ritè peracto, Ma-
 nibus porrò deſuncti Regis ab Epiſcopo
 Poſnaniienſi Andreâ Szoldrſcio honorâ o-
 ratione parentabatur. Poſthæc Mareſchal-
 ci ante altare baculos ſuos, Cancellarii ſi-
 gilla gypſea, Jacobus Michalovius Tribu-
 nus Lublinenſis clypeum, Sborſcius haſtam
 confringebant. Signum, quod cuſpidi lan-
 cee affixum hærebat, à Rege ipſo attolle-
 batur. Hiſ actis, cadaver è pegmate, hono-
 ri ejus ſtructo, ad tumulum paternum, qui
 ponè templum eſt, deferēbatur: Rege ipſo
 deniq;, cum demittendum eſſet cadaver,
 funi manum admovente: teſtandæ ſcilicet
 erga fratrem mortuum ultimæ pietati. *Po-
 ſtero die ſidem alio ſolenni religioſoq; offi-

*Tumuli-
 latur
 Vladiſ-
 lai Regis
 cadaver.*

Q 21

* Rex in Scalkam tendit magnâ religioſitate.

cio defunctus est. Urbis Cracoviæ eâ parte, quæ Casimiria appellatur, sacellum est per-
vetus (Skalka vulgò vocatur locus) sed
multo auro, picturisq; exquisitissimis splen-
didum. Inprimis autem celebratissimi per
Poloniâ Martyris S. Stanislai memoriæ sa-
crum habetur, sanguine ejus olim, cum al-
tari illi adstans à Boleslao Audace occide-
retur, conspersum. Unde Rex ille diris de-
votus à Pontifice Romano Gregorio VII.;
& porrò succesforibus ejus deinceps impo-
situm est, antequam diadema Regium ca-
pesant, ut adpersam Regno labem pio
supplicio hîc expient. Quod à Regibus ha-
ctenus omnibus factitatum, Hic minimè
omisit. Pedes quippe huc venit, & mox
prono in terram corpore coram altari pro-
volutus, & sacris porrò vespertinis, magno
Procerum comitatu, solenniter operatus
est. His ceremoniis velut lustrabatur ad
Diadema, quod die sequenti XVII. Januar.,

Corona- tali ritu suscepit. E conclavi suo in Ca-
tionis se- thedrale arcis templum, S. Stanislao sa-
lennia. crum, tum verò, præter solitum, magnificis
tapetibus undiq; exornatum, veste & ipse
pretiosâ, ac ad hunc actum dedicatâ con-
spiciuus, à Senatoribus deducebatur. Ubi
cum in sellâ, contra altare positâ, conse-
disset, paulò post à duobus Episcopis ad
altare

altare ipsum deductus, aliis omnibus in genua flexis, projectus & ipse in faciem, manibus protensis humi eousq; decubuit, dum litaniae hymnus decantaretur. Postea erectus, sacramentum solenne praestitit, praecunte in haec verba Archiepiscopo :

Ego JOANNES CASIMIRUS, Juramē-
Electus Rex Poloniae, Magnus Dux Lithva- tum Re-
niae, Russiae, Prussiae, Mazoviae, Samogitiae, gium.
Livoniae, Smolensciae, Czerniechoviag, Sc.
Nec non Suecorum, Gottorum, Vandalor-
umq; hereditarius Rex, per omnes Regni or-
dines, utriusq; gentis, tam Poloniae quam
Lithvaniae, caeterarumq; provinciarum Re-
gno Poloniae Magnog; Ducatui Lithvaniae
annexarum & incorporatarum, communi
consensu liberè electus, spondeo ac sanctò juro
Deo omnipotenti, ad haec sancta Jesu Christi
Evangelia. Quod omnia jura, libertates,
immunitates, privilegia publica & privata,
juri communi utriusq; gentis & libertatibus
nō contraria, leges Ecclesiasticas & seculares,
Ecclesiis Catholicis Romanis, Principibus, Ba-
ronibus, Nobilibus, civibus, incolis, & qui-
buslibet personis cujuscunq; status & condi-
tionis existentibus, per Divos praedecessores
meos Reges, & quoscunq; Principes Regni
Poloniae, & Magni Ducatus Lithvaniae, prae-
sertim verò Casimirum Antiquum, Ludovi-

cum (Lois nuncupatū,) Vladislauum primum Jagiellonem dictum, fratremq; ejus Vitoldum, Jagiellonis filium Casimirum Tertium Jagielloniden, Joannem Albertum, Alexandrum, Sigismundum Primum, Sigismundum Secundum (Augustum,) Henricum, Stephanum, Sigismundum Tertium piæ memorie parentē nostrum, Vladislauū deniq;. Quartum fratrem nostrum, Reges Poloniæ & Magnos Duces Lithvaniæ, justè & legitimè datas, concessas, emanatas & donatas, ab omnibusq; Ordinibus tempore Interregni statutas atq; sancitas, mihi oblatas, tum pacta conventa, per Oratores meos cum Ordinibus Regni & Magni Ducatûs Lithvaniæ inita, manutenebo, observabo, custodiam, & adimplebo, in omnibus conditionibus, articulis & punctis in eisdem expressis: pacem quoq; & tranquillitatem inter dissidentes de Religione Cbristianâ tuebor, manutenebo, nec ullo modo, vel jurisdictione nostrâ, vel officiorum nostrorum, & statuum quorumvis autoritate, quenquam affici opprimi q; causâ Religionis permittam, nec ipse afficiam nec opprimam, ac ea quæ in Electione nostrâ Varsaviensi constituta sunt, & quæ in Conventu Coronationis nostræ constituentur, manutenebo, iisq; satisficiam; omnia illicitè à Regno Magnog; Ducatu Lithvaniæ & dominiis eorundem quocunq; modo alienata;

alienata, vel bello vel quovis alio modo diffracta, ad proprietatem ejusdem Regni Poloniae & Magni Ducatus Lithuaniae aggregabo, terminosq; Regni & Magni Ducatus Lithuaniae non minuam, sed defendam & dilatabo, justitiam omnibus incolis Regni juxta jura publica, in omnibus dominis constituam, abq; omnibus dilationibus & prorogationib; administrabo, nullo quorumvis respectu habito, & si, quod absit, in aliquibus juramentum meum violavero, nullam mihi incolae Regni, omniumq; dominiorum uniuscujusq; gentis obedientiam praestare debebant, imò ipso facto eos ab omni fide, obedientia Regi debitâ liberos facio, absolutionemq; nullam ab hoc meo juramento à quoquam petam, neq; ultrò oblatam suscipiam, sic me Deus adjuvet, & hæc sancta Christi Evangelia.

Dicto sacramento, idem Archiepiscopus *Inungi-*
brachium Regis dextrum, humerum item *tur Rex.*
sinistrum, & frontem deniq; sacro oleo
inungit. Inde in sacellum Zadzicianum à
duobus Episcopis deducto, toga alia, Episcopalem referens, circumjicitur; Senatoribus verò gladius, vaginæ aureæ inclusus, sceptrum, pomum aureum, quæ omnia in eodem sacello deposita tum erant, ferenda dabantur. Illa fercula gestantes, Regem

iidem denuò ad altare ducebant, ubi post
 habita precū solennia, Archiepiscopus cum
 aliis Episcopis, deniq; diadema capiti ejus
 imponit, mox & gladium porrigit, quem
 ille quater, secundū mundi latera se cir-
 cumagens, ita vibrabat, ut crucem toties fi-
 guraret. Gladio dein Ensisfero Regni tradi-
 to, dextrā manu sceptrū, sinistrā pomū au-
 reum ab eodem Archiepiscopo suscipiebat;
 sicq; ornatus, ab illo aliisq; Episcopis &
 Regni Proceribus ad solium Regale (sella
 erat holoserico, multoq; interlucente auro
 insignis, & in altiore suggestu, quasi thea-
 tro, posita) deducitur. In quo cum conse-
 disset, illicò exemplum Antistitum secutus,
 genibus flexis, solennem hymnum, omni
 illo præsentium cætu concinente, decan-
 tat. Inde reversus ad altare, S. Eucharistiæ
 particeps fit; & tandem precibus absolu-
 tis, acceptāq; solenni benedictione, Diade-
 mate, sceptro, & pomo aureo iterū (nam
 inter S. cœnæ solennia deposuerat ista) or-
 natus, claudentib9 latera ejus Nuncio Apo-
 stolico & Archiepiscopo, aliisq; Procerum
 præcuntibus, in palatium Regium reduci-
 tur. Nec multo post in conclavi Senatorio
 publicè pransus est, ministrantibus mensæ,
 præter cæteros, Boguslao Radzivillio Prin-
 cipe & Joanne Zamoscio; assidentibus non
 nisi

*Prandi-
um so-
lenne
post Co-
ronatio-
nem.*

nisi duobus illis Præfulibus, à quibus Regem è templo ductum diximus. Reliqui Senatores Proceresq; eodem in coenaculo, mensis separatis excipiebantur. Ita ille dies convivio extractus est. Sequenti luce Rex ab Arce in Curiam urbis, eques procedebat, præviâ iterum splendidissimâ Senatorum, Nobilium, Militumq; insigniorum pompâ, Thesaurario etiam Curiae Maximiliano Os-
Misilia
 solinscio nummos alicubi misiles spargen-
sparsa
 te. Hi unâ parte coronam *Manipulo*, fami-
 liæ Regiæ insigni, imponentem repræsen-
 tabant. Addita manus manipulum tenens:
 verbaq; circumposita: *Dominus assumpsit*
me. Alterâ parte apparebat manus arma-
 ta, Seram artificiosam, & in hâc nomen Re-
 gis complexa. Adscriptum circa: *Desuper*
compactum est. In Curia à primo Consule
 Urbis, qui tum Ochocius Medicus & Aca-
 demiae profector erat, & Magistratu univer-
 so exceptus Rex; & mox illis recedentibus,
 trabeâ aliisq; Regiis ornamentis indutus,
 ex Curia tandem in theatrum, quæsitissimo
 apparatu in foro exstructum, deductus est.
 Istic sedenti in folio, idem Urbis Magistrat-
 us adstitit, & digitis protensis, genibusq;
 flexis, sacramentum dixit. Mox & Consul
 Ochocius claves deauratas ad Regios pedes
 supplex deponebat; sex simul pocula ar-
 gentea,

Jurat
Cracovi-
ensis Ma-
gistratus

gentea, sed auro obducta offerens. Postea Ensiser Regni gladium denudatum Regi porrigebat. Qui eo apprehenso senos ho-

Equites aurati sunt à Rege. mines, tergum singulorum leviter percutiendo, in numerum Equitum auratorum, quos vocant, cooptabat. His actis in Curiam Rex, & mox ibi depositis ornamentis, in Arcem revertitur. Theatrum autem, &

quo id obductum erat, pannus, more solito in prædam plebis cesfit. Simul verò dispositæ in foro machinæ detonuère; passimq; ignes, solito artificio, in sublime missi, fragore innoxio in aëre decrepabant. His lætitia contestationibus strepebat totâ nocte

Incendium in arce Regiâ Cracovia. propè civitas: sed in arce ignis interim altius haud perinde sanè festus, erupit. Qui nescio quâ Aulæ puerorum incuriâ, propè conclave Regium pabulo inconvenienti il-

lapsus, & mox proximis correptis, eò tandem procrevit, ut in contiguâ coenaculo turri, quicquid uri aptum esset, depasceret, ipso etiam tecto, quod cupreum erat, defluente. Sed major damno terror fuit, aliis insuper curiosioribus magnâ sollicitudine in omen rapientibus casum. Pleriq; periculum Regi Regnové sed brevi flammâ deflagraturum augurabantur. Aliis spes bonas sub Regis primordia pollui indignantes, mera gaudia & ex igne hoc nescio quid

sereni,

fereni, etiam scriptis publicis portendebant. Dies sequens XIX. Januarii Comitiorum auspicio destinatus fuerat. Et paratus erat cum Senatu Rex post peracta in templo sacra, auditamq; concionem, agenda aggredi. Sed quia id absentibus nunciis, quos *Comitio-* vocant, terrestribus fieri ritè non poterat, *rum ini-* his in suo conclavi multas inter se lites *tium* motibus, aliquot dies frustra extracti sunt. XIX. Ja-
 * Ex Palatinatu Rusiæ duplices aderāt nun- *nuarii,* cii: quorum alteros in Electionis Conven- *Anno* tu, nobiles, qui tum ex eâ terrâ adfuere, *M. 15C.* creaverunt Varsoviæ, metuentes, ne in loco *XLIX.* consueti, quippe ab hostibus vel infesto vel * *De Di-* malesecuro, id fieri non posset. Alteros *rectore* reliqui nominaverant Przemysliæ, quan- *nuncio-* quam inter crepera belli & imminente jam *rum dis-* hoste, congregati. Qui jam illos Varso- *fidia.* vienses vitio creatos, nec in Comitibus pro Nunciis habendos esse, pugnabant. Hi vicissim, quod Varsoviæ electi essent, sibi fraudi esse debere negabant, cum Electionis Conventu, rata habita esset ejusmodi nuncupatio, eademq; exemplis, in primis autem istis Reipubl. temporibus, satis excusari posset. Diu agitata res est; tandem tamen datâ secundum plures lites, pervicere qui Premysliæ creati erant, quorum Antesignanus erat Franciscus Dubravius Premysliensis

*Pilauciana dis-
sipatio
culpatur
acriter.*

*Director
fit Franc.
Dubravius Suc-
cam.
Premisl.*

misliensis Succamerarius. Cùm postea de Directore cœtus Equestris ageretur, acerrima denuò orta est inter Nuncios concertatio: intercedente inprimis Succamerario Rozanensi Petricovio, qui rationem prius Pilaucianæ dissipationis exigendam ab iis, qui istic rem administrassent; nequicquam aliis, ne intempestivo rigore tempora publica moraretur, svadentibus. Fore, ajebant, locum & tempus cum curâ in istos inquirendi: sed agendum ex more & lege, diemq; adeò illis prius dicendam. Et paratum jam pridem illos in jus vocare Regni Instigatorem, nisi plerosq; militiæ muneribus adhuc implicitos revocare inde, cum publico damno, vereretur. Alii acrius in has negotiorum moras invehebantur, minati etiam factâ protestatione domum redire. Et Rex ipse mittebat subinde aliquos, qui ne tempora necessariis consultationibus debita, litigando prodigantur, admonerent. Ita denuò perrogatæ sententiæ Franciscum Dubravium, Succamerarium Premisliensem, magnâ consensione Directorem constituere. Qui & tandem XXVI. Januarii (totos enim octo dies disceptationes istæ combusserant) Regi honorâ oratione de sceptro gratulatus est. Cui Andreas Leszcynius Episcopus Culmensis & juxta Procancellarius

rius, postea Cancellarius, & deniq; Archie-
 piscopus Gnesnensis, respondit: Regem li-
 berrimis Polonæ gentis suffragiis, majorum spondet
 suorum solio impositum, in laudatissimis ho-
 rum vestigiis notare, quæ Reipubl. utilia
 noxiavé fuerint hætenus. Et jam thronum Leszuo.
 justitiæ conscendenti, nihil aliud magis in
 votis esse, quam ut se ministro, virtuti benè
 sit, malos pœna sua sequantur. Novo hoc
 Diadematis vinculo non caput tantum exter-
 num, sed & animum arctissime Reipublicæ
 illigatum, perpetuò commodis ejus salutiq;
 invigilaturum; rationesq; cum Senatu ini-
 turum, ut quæ hætenus ipsam exedant tur-
 bentvé, amoveantur. Et jam nunc solici-
 tudinis pro Regni securitate specimen, in cæ-
 ptâ pacis tractatione, magno publicæ spei
 autoramento, effulgere. Cupidius equidem
 Regem, integræ florentiq; Reipubl. manum
 admoturum fuisse. Sed & qualem superi
 tradant, suscipere; vulneribusq; ejus opem,
 quam possit, maximam præsentissimamq;
 polliceri. Vota gratulantium accepta Regi
 esse, & , ut Cælum ea sanciat, optare. Ad
 osculationem deniq; manûs, quam superi bo-
 nis beneficam, malis severam, hostibus terri-
 bilem faxint, patere jam accessum. Ubi fi-
 niera Episcopus, supplex Dubravius ad Re-
 gem accessit, manumq; ejus osculatus est.

Quod

Cancel- Quod & reliqui Nuncii; & postea dele-
larius gati urbis Cracovientis ex jure veteri, nec
proponit non Vilnenses fecêre. Exin Magnus Regni
delibe- Cancellarius prolixè præfatur de Regis affe-
randa. Etu atq; erga publicum studio, tanto incita-
 tiore scilicet, quanto hanc Regni quasi lam-
 padem à morte invictissimi fratris, languidi-
 ùs lucentem susciperet. Et deniq; argumen-
 tum futurarum deliberationum proponit.

Ac primum quia Vezyrus Turcicus, scri-
 ptis ad Archiepiscopum literis, Tartarorum
~~et~~^{cum} Cosacis conspirationem Imperatori suo
 non displicere, significet: Regi consultum
 videri, Legatum ad Turcarum Imperatorem
 mittere, qui pactorum conventorum ipsum
 admoneat.

Ad minas Orientis Tartarorumq; violen-
 tiam retundendam, Moschorum amicitiam
 armorumq; societatem utilem fore. Cujus
 cum jacta jam sint superiori legatione fun-
 damenta, mittendos, qui rem benè captam
 absolvant firmentq;.

Cum Regno Specie æternæ pacis translatio-
 nem utilem necessariamq; videri: quam ad
 rem, cum Rex viam quodammodò munierit,
 Et certi Principes sequestram operam polli-
 ceantur; hanc quoq; curam non inter po-
 ssemas esse debere.

Has ad Legationes cum sumptus non exigui requirantur, ii unde haberi possint, incundam rationem.

Finium custodia intendendam curam, imprimis Rusſiæ laborantis & Cracoviensis provinciæ protectioni.

Ante omnia de belli apparatu cogitandum. Delegatis pacem cum Chmelnicio tractaturis sumptus procurandos, & qui jam ab Ærarij curatoribus dati sint ex publicis proventibus, à Republ. ratos habendos. Meditandum inſuper, quale reſponſum Coſacorum nunciis, qui expectentur, dari expediat: & deniq; quomodo in poſterum exercitus Coſacorum diſponendus.

Cum Palatino Cracoviensi, de ſalis-fodinis ejus agendum, tentandumq; an illæ per commutationis contractum Reipubl. addici queant.

Reginæ & Principis Caroli, ut habeatur ratio, Regem percupere.

Deniq; monere, ut probè ſubductâ temporum ratione, animisq; in ſolida rerum ſeriò converſis, debitas utilibus negotiis horas, manibus nolint contere. Hæc Cancellarius. Dubravius verò nomine Collegij Nobileſtris à Rege diſtributionem vacantium bilitatis Reipubl. bonorum, atq; iis ut exules in pri-deſideria ſis ſubleventur, petit; tum Legi de bonis proponi.

muneribusq; publicis, quæ ab uno teneri veritum sit, satisfieri poscit. Porro rationem Senatusconsultorum & deniq; accuratam, rerum ad Pilavicias gestarum, à Ducibus, aliisque benè peritis relationem postulat, quò judicare liceat, quâ culpâ exercitus ille dissipatus, & tanta Reipubl. labe inusta sit. Cancellarius respondit: Regem in hac Reipubl. natum enutritumq; jura illius nota habere, iisq; etiam in distribuendis bonis honoribusq; publicis omninò satisfacturum; sed post audita Senatorum suffragia. Senatusconsultorum rationem, in publicis tabularii actis, patere cuivis poscenti. Pilavicense ulcus quando refricare lubeat, optandam esse Principis Dominici Palatini Sendomiriensis præsentiam: qui nunt fratris sui morte domi attineatur, promitti tamen ejus adventum; hunc proinde operiendum. Postero die cum loqui Archiepiscopus ordiretur, unus ex nunciis Equestribus Twardovius, vir disertus, interpellavit sermonem, & vacantium Reipubl. bonorum distributionem, consultationibus omnibus præmittendam urisit, legem anni 1607. allegans. Eam et si non satis liquidam alii dicerent; Rex tamen, ne mora cæteris negotiis fieret, per Cancellarios publicè, quid cuiq; bonorum vacantium dedisset, recitari jussit. Sed

Prutenicorum nulla facta est mentio, quæ multum dein turbarum his ipsis Comitibus concivere. Nunciorum porro Equestrium Director, Senatoribus solitas deliberationes aggressuris Trubecense negotium & Cameneciae ultimi adversus Orientem propugnaculi curam, deniq; disciplinæ militaris, in præfidiarios, extremæ Rusiæ graves, asseverationem commendabat. Hinc tandem orsus Archi-Episcopus, quicquid sub Interregno Ipse, cum Senatu Consiliario, publicè egisset, latè enumerat. Nempe *Archie-* mortem à se Regiam, & mox duplicem *piscopus* Exercitus cladem, simul ut sibi innotuisset, acta *In-* ritè publicatâ, civesq; admonitos, ut provide- *terregni* rent, ne quid amplius detrimenti Respubl. recenset. *pateretur.* Inde, indiclis conventibus, ad ferendam publico opem Palatinatus singulos concurrisse. Se verò Varsaviâ, pratoria- nam defuncti Regis legionem, trium mensi- um stipendio instruatam, ductore Osinscio, laboranti Rusiæ properè submisisse. Eodem fine & Christophoro Przyjemscio & Sigismundo Dönhofio Præfecto Sokalensi, facien- dorum delectuum datum negotium. Inde *Convo-* Varsaviam convocatos Regni Ordines, de sa- *catio.* lute publicâ consultâsse. Ubi nihil salubrius Reipubl. repertum, quàm amicâ compositio- ne hostiles impetûs inhibere: & commissam

Cosacici, spe voluntatumq₃ inclinatione dimissos tum
Legati. è conventu nuncios Cosacorum: cum eo-
 rum aliqui, etiam ante Conventum, ad suos
 relegati, amicæ ejusmodi ad literas ipsorum
 responſionis promissum deportâſſent. Inte-
 rim habitis per singulas provincias delectibus,
 conflatum quidem exercitum, sed ei Ducem
 defuisse. Tribus itaq₃, qui promptam Reipubl.
Duces operam obtulissent, probassentq₃ ante
militiæ. non semel, summam rei commissam. Nam
 Vinovectium Principem, serò ex ultimis Rus-
 siæ recessibus emerſisse; haud sanè alioquin
 postponendum ulli reliquorum. Quippe, an-
 tequam alii militiæ regimen suscepissent,
 aut conduxissent militem, data ab hoc egre-
 gia virtutis & pro Republ. vigilantia speci-
 mina. Ab eo enim & Palatino Kiovia Janus-
 sio Tyskievicio, qui comes ipsi adfuerit, diu
 feliciter coercita perduellium agmina. Inde
 animos crevisse ceteris civium; Et cum po-
 stea non modica ex omnibus Poloniæ ditioni-
 bus confluxissent copiae, iis consilium inces-
 Pilaucisſe hostem aggrediendi. Deventum ad Pi-
 ana malavectias; ibi castra, sed, ut ferunt rerum
 cula, gnari, loco perimportuno, posita. Falsis dein
 rumoribus territam exercitum: & scilicet
 sexaginta millia Tartarorum immensæ jam
 ante multitudini Cosacorum accessisse, spar-
 sum cre-

sum creditumq₃ esse. Neg₃ Ducibus inter se,
 nec militi cum Ducibus satis convenisse. Pla-
 nè autem omnibus Divinam incubuisse iram,
 ob injurias, quas in itinere passim patriæ suæ
 incolis intulissent. Et hinc præcipuè factum,
 ut paulò post egregius ille exercitus, hoste vix
 viso, difflexerit. Cæterum ab initio sibi vi-
 sum esse optimum, afflictæ Reipubl. remedi-
 um, si sub unum caput quàm citissimè recol-
 ligeretur: sed Rusiæ aliarumq₃ provincia-
 rum non paucos cives intercessisse consilio, &
 si ipsis invitis Electio institueretur, divortia
 facto, alium circumspicere Regem minatos.
 Ita comperendinatâ Electione, haud fuisse,
 qui dispersum profugumq₃ exercitum colli-
 geret. Nam ad Pocillatorem vix paucos, nec
 multos ad Palatinum Rusiæ Visniovecium,
 quanquam de virtute & curâ erga Rempu-
 blicam suâ nihil remittentem, revertisse.
 Tandem fortunam Polonos diu destitutos cle-
 mentiore paulò vultu respicere cepisse apud
 Zamoscium. Cui urbi præter alios Ludovi-
 cum Veiberum cum legione Prusicâ, & tre-
 centis fratris sui Palatini Mariæburgensis
 Dragonis, bono Reipubl. fato succurrisse,
 dignum profectò utrumq₃ gloriâ immortalî
 & insigni Regis graciâ. Hærente illic fortunâ
 Chmelnicii, conventum interim Varsaviæ. su-
 per eligendo Rege habitum, quem & ipsum se

Zamo-
 scianorū
 Virtus.

**Electio-
nis pro-
perata
benefi-
cia.**

in compendium redactum voluisse, ut tantò citius caput haberet Respubl., sine quo illa vivens vidensq; periret. Et id unicè salutare consilium ab eventu, quanquam seriùs, approbatum; cum, simul atq; Rex renunciatus esset, sine morà hostis ad mitiora conversus, copias reduxerit. Id felix Regis auspiciis, omnia prosperrima in posterum portendere, si ex pietatis normâ res suas agere, si justitiam animo incorrupto, exercere; (quod omnes omninò sperent) perrexerit. Ac quia pacis tractationi, cui jam incumbatur, non ita fidendum sit, quin exercitûs reficiendi simul calere debeat cura, scire Regem oportere, quas copias nunc unâ cum sceptro accipi-

**Exerci-
tuum re-
liquia.**

at. Superesse primùm eas, quæ per Palatinatus collectæ, vel ad castra Pilauciana non pervenerint, vel eadem castra, fatali illâ correptæ fideratione, deseruerint. Superesse deinde milites, qui postea Leopoli fuerint conscripti. Aliquos etiam ex primis cladibus superstites, ad stipendia rediisse. Non paucos denig; post illas clades, ex ordinario tributo conflatos restare. Primas illas per territoria collectas, in affligendâ paupere plebe, nullum adhuc sibi modum ponere: adeò ut vix sperandum sit, cælum propitium habituras, cujus iram in ipsas tot inopum lachrymæ provocarent. Meliorem hâc in re hostem,

hostem, qui injuriis ejusmodi coercitis, agricolas quietos, & inde omnia annonæ copias referta habeat. Legationem ad Turcarum Imperatorem necessariam sibi videri. Minime enim ferendum contemptum, quem in literis suis Vezyrus ostendat. Ad Moscos quoque firmandæ amicitiae causâ mittendum. Cum Specis ordiendum de pace colloquium. Reginae viduæ æquum esse prospicere, ne habeat quod queratur. Principem quoque Carolum profusus in auxilium laborantis Reipubl. sumptibus, gratitudinem meruisse. Reliqua post se dicturis committere, unum tamen adhuc rogare, ut Palatini Mariæburgensis Jacobi Veiberi, missis nuper Zamoscium trecentis Draganis, optime de publico meriti, ratio habeatur.

Legationes expedienda.

Archiepiscopum excipiebat Petrus Gembicius Episcopus Cracovientis Dux Severiæ. Is verò Regi Regnum, Regem gratulans, Legationes à Cancellario propositas, ab Archiepiscopo approbatas, sibi quoque aiebat probari. Et ne sumptus desint, ex bonis vacantibus reliqua istuc destinanda. Urbium limitaneorum defensionem tantò plus, quàm hætenus, impendendam curæ; quantò magis jam pateat, male esse Reipubl. sine urbium munitarum receptu. Tractationis cum Cosacis finem, his Comitiis, haud esse expectandum. Nominandos

Episcopi Cracoviensis Quæratio.

Urbes utiles & necessaria re-gno.

nandos itaq³ ex Senatu & ordine equestri qui nomine Reipubl. citra Comitia etiam incepto operi imponere possint supremam manum. Proventuum mensæ Regiæ destinatarum attentio-rem in posterum habendam curam, quò Regiæ necessitati dignitatiq³ rectius, quàm factum hætenus, consulatur. Regina, & Principi Carolo gratum à Reipubl. affectum omninò deberi. Militem dedecus Pilavicense, maturato saltem in unum regressu, & modestiâ expiare debuisse. Et quia id hætenus non factum, pœnam mereri. In posterum verò præsidarium Reipubl. exercitum ita constituendum, ne à finibus Regni unquam abscedat. Eò aliquas ex limitaneis præfe-

Belli sumptus. Eturas addicendas. Conficiendis belli sumptibus servitutam rei monetariæ procuratio-nem, & inprimis peregrinæ taxationem monetæ. Agrarium insuper tributum indicendum, non tam rusticis, quàm heris ipsorum.

Miles ju-geralis. Esse porrò ordinariam militum manum, quæ ex certa agrorum modo Reipubl. mereri debeat; eam desuetudine quodammodò obsoletam, in usum & ordinem revocandam. Captis belli ducibus lytrum, ex præfecturis vacantibus procurandum. Aerarii præfectum Danielovicium fideli opum publicarum custodiâ ac erogatione gratias à Reipubl., Ducem verò Vîsniovecium, multis pro Regni salute

salute laboribus susceptis, præmium mereri. Ubi is Regi Regnoq; omnia prospera à Deo precatus finierat; Archiepiscopus de-
nuò orsus queri cæpit de traductâ suâ à non- *Querela*
nullis innocentia, qui summum in exercitûs *Archie-*
imperium centum millibus florenorum ab *piscopi.*
ipso venditum jactarent: Regem obsecrans,
ut calumnias istiusmodi, quibus suum pro
Republ. studium malè pensatum irent male-
voli, compesceret; facturam istuc eorum,
qua publicè sub interregno à se acta essent,
approbationem. Sequenti die Nicolaus *Episcopi*
Gnievosius Episcopus Vladislaviensis & *Cujavi-*
Pomeraniæ, ortum Regno post nubila Phœ-
bum gratulabatur, & Regias virtutes facun-
dè edisferens, ex iis omnia porro faustissima *ratio li-*
publicæ rei ominabatur. Quam equidem
multarum gravissimarum egritudinum con-
fluge laborantem, ab ipso, ajebat, suscipi.
Primò enim dissolutam & fræni expertem, *Militia.*
esse militiam. Et ob hanc disciplinæ labem
exercitus priores fusos cæsosq; ; alterum au-
tem ad Pilaucos inexplabili maculâ adpersû
dispersumq; Secutos impium militem gemitus
pauperum; & contra ipsum pro hostibus ste-
tisse. Primò omnium itaq; adducendas esse
laxatas jam nimis disciplinæ castrensis habe-
nas; & ad antiquam severitatem exercen-
dam juventutem; quæ longâ pacis desidia

in mollitiem discincta, vigorem animi propè amiserit. Etiam Ducibus, ut res ipsa loquatur, carere jam Rempubl. cui deliquio belli non ut remedium fiat, non perpetuos esse debere debent summos hos belli magistratûs. Nullâ re animorum generositatem magis ali incendivè, esse per- quam spe honorum. Ac plures profectò ad petûi, militare decus & intentius adspiraturas, ubi summa præmia non à morte alterius demum expectanda esse viderint. Deinde non cuivis bello quemq; idoneum. Zolkievios, Chotkievicos, Coniecpolscios, Viros omnium iudicio fortissimos, non omni tamen cum hoste æquè feliciter dimicâsse. Nempe diversa populis militiæ genera; & singulis unum hominem rarissimè esse parem. Melius itaq; supremum belli clavum in manu Regis fore; qui arbitria suo idoneis viris, cum opus fuerit, committere eum possit; post finitam expeditionem in publica Comitiorum theatro, reddendum ejus in manûs qui dedisset. Ita animos fortes acrioribus stimulis ad eximia decora excitatum iri. Magistrum Equitum seu Campiductorem posse esse perpetuum, continuando velut capto laborum penso, & ne disciplina militaris interstitio illo resolvatur. Interim hunc quoq; officii sui diligentorem fore, cum Regi integrum esse noverit, alium, quando velit, ipsi præficere. Verum enimvero ner-

rō nervum quoque belli deesse Reipublicæ. Nervus
 Cui rei resarciendæ utile fore, ærarii curæ belli.
 præfectos rationem publicorum proventuum
 publicè reddere. Et quia donationibus Re-
 gis elanguerit ærarium, has sub trutinam,
 constitutis in id arbitris, vocandas esse. Et
 sumptus privato Regis ærario mensaq; desti-
 natos restrictiùs in posterum administrandos.
 Deniq; Ordine nunc carere Rempubl. Eum Ordo
 à justitiæ dicasteriis expectandum. Ut scilicet discipli-
 cet cuiq; suum citra prolationum fastidia, na re-
 citraq; corruptionum interventum reddatur stauran-
 jus: ut benefactis merces, flagitiis pœnæ re- da-
 spondeant: Utrobq; enim modi migratio-
 nem noxiam, & scilicet nimis etiam præmiis
 virtuti officii; cum uni dantur, quæ in mul-
 tos dividi poterant. Huc multum utiles fore Consilia-
 Regi consiliarios perspicaces, probos, Patriæ rii Prin-
 amantes, dignitatis Regiæ studiosos. Tales cipis.
 itaq; Principi quærendos, atq; etiam domesti-
 cis pietatis & omnigenæ virtutis exemplis fa-
 ciendos. Facile in principis mores abire au-
 lam. Cæterum tantis, quos expresserit defe- Onera
 ctibus mancam Rempubl. multis insuper gra- & peri-
 visimis malis atq; oneribus jam præcipuè cula Rei
 subditorum rebellium perfidiâ. Cui infrin- publ.
 gendæ precibus advocandam Dei dexteram,
 & simul prudens Regiæ Majestatis regimen
 adhibendum. Pœnam meruisse perduelles,

Cosaci sed difficulter ad pœnam trahi, qui causam placidè suam armis peragant. Potiùs itaq; videri tractan- justitiæ rigorem ita clementiâ temperandum, di- ut nec impunitate crescant facinora, nec se-

veritate nimîâ irritentur facinorosi. Præterea terram magnis depopulationibus deformem Regiam offerri. Quippe non ab hoste tantum, sed à suis stipendiariis indignissimè ha-

Provin- bitam. Illis præcipuè, quos singulæ provin- cialis ciæ seorsim coegerint. A quibus & Regalia, Miles & Ecclesiastica, & Nobilium bona miserrimè vulgò Po- exhausta sint. Et quod pessimum, culpâ wiatowy ipsarum provinciarum, quæ inconsultis de- Zolni- cretis suis, ostium militari licentiæ aperuer- erz re- rint. Ac Regalium quidem vindicias Regi prehen- curæ fore. Sed nec Ecclesiasticorum injurias ditur. impunè abituras. Gaudere istorum bona,

pari cum hereditariis Nobilium facultati- bus, immunitate : & in jure patrio, eam mul- Ecclesia- tis legibus ratam esse; (simul verò è legum- stici de- volumine legi jubebat, quæ super eâ re san- fendun- cita essent.) Nec Reges quidem unquam- tur. permisisse sibi, quod provinciarum statuto, nunc militibus licuerit : ut scilicet & Præbenda, & pecunias insuper à subditis Ecclesiasticis exigent. Aëgris dudum oculis à nobilitate bona Clericorum adspici. Cum plurimi equitum, apud istos victum, levi ministerio mereant. Et multæ nobiles familie sacris

sacris istis opibꝫ exsurgant firmenturqꝫ. Jam
 & lingvarum licentiâ, sacrorum ministros à
 multis perstringi, haud pensi scilicet habenti-
 bus, in Deum redundare istiusmodi injurias.
 Tempore belli Chotimensis quendam, non
 obscuri nominis, de pecuniâ in belli sumptus
 acquirendâ rationibus consultum, Judæis &
 similibus purgamentis per contemptum sa-
 crificulos annumerâsse. Sed illum vindicem
 Numinis iram expertum, unâ cum familiâ
 & stirpe suâ interiisse. Inter onera deniqꝫ
 Reipubl. suspectam vicinorum Amicitiam ju-
 re reputari. Quare fœdera cum iis gentibus,
 quæ jam toties nominatæ sint, pacisqꝫ nego-
 tiationes haud derelictui habendas. Turcioi
 imprimis Imperatoris quarendam benevolen-
 tiam, & de Tartarorum injuriis apud eum
 expostulandum. Hos verò ipsos armis im-
 petendos. Aliud olim sibi visum, & impro-
 bata à se Regis Vladislai in eo negotio con-
 silia. Sed nunc, magistro rerum eventu, do-
 ctiores se, sententiam mutare. Admini-
 strandi ejus belli rationem secretò, si requi-
 ratur, explicare malle. Armamentariorū ve-
 rò & apparatusū bellicorum minimè seponen-
 dam curam. Quod ad reliqua attineret, in
 his ea, quæ ante ab aliis dicta essent, sese
 comprobare. Præcipuè Reginæ omninò libe-
 ralius prospiciendum esse. Haud illi suam in

Legatio-
 nes de-
 cernen-
 da.

Tartari
 impu-
 gnandi.

commu-

Reginæ communicatis Regi marito opibꝫ propriis facilitatem fraudi esse debere. Famæ defuncti consulendum. Regis consulendū, animamqꝫ ejusdem, quantum fieri possit, exonerandam. Etiam Principi Carolo, pro effusis in Reipubl. necessitates sumptibus, gratiam luculentam referendam: adeoqꝫ, si quæ vacarent, conferendas ei Abbatis. Aliorum deniqꝫ, qui de Republ. benè me-

Benemeriti essent, habendam rationē. Inprimis Dunitis præcis Visniovecii, Andree Firleji Castellani Belmia dantensis, Stanislai Lanckoronscii Camenecensis da.

Castellani, Ludovici Veiberi Palatini Pomerania, Nicolai Ostrorogii Pocillatoris Regni. A quibus & edita multa jam opera verè egregia; & majora expectanda, si justis administrandis erigantur. Exules tandem beneficiis regis adjuvandos, iis inprimis, quæ in natali, aut habitatâ cuiqꝫ Provinciâ vacent. Neg, enim convenire, ut Rutheno apud Cameneciam, vel nobili Prusso apud Dantiscum dentur possessiones. Deniqꝫ petere se, non tam suo, quàm Palatinatûs sui nomine, qui id & internunciis suis demandaverit, ut Episcopi Vladislaviensis proximâ ab Archiepiscopo sedes, nullis controversiis amplius aut protestationibus sollicitetur. Quod restet, Regi quàm florentissimum regimen precari se, & ut quietius serò olim successorî tradere Imperium possit, quàm ipse nunc accipiat, Deum orare.

In can-

In eandem sententiam sed brevius paulò, quòd omnis materia occupata & exhausta videbatur, reliqui etiam qui aderant, Episcopi ; præcipuè Culmenfis, Andreas Lescinius, qui Vice Cancellarius juxta erat ; & post hos Palatini ; Brestensis inprimis, Smolenscensis & Mazoviensis, hisq; finientibus Castellani complures, interq; eos principe loco Stanislaus Witowscius Sendomiriensis, & deniq; Mareschalci perorabant.

Post hæc de Legationibus ad externos Principes expediendis Magnus Regni Cancellarius Osolinscius disseruit, nominando simul quos mittendos judicaret. In Moscoviam destinabat Leonem Sapieham M. D. Lithvaniæ Vicecancellarium. Ad paciscendum cum Svecis designabat Joannem Leszcynium Comitem in Leszno Castellantum Gnesnensem, Zbygneum Goraiscium Castellantum Chelmensem, Boguslaum * Sapieham Comitem de Leszno, majoris Poloniæ generallem, Sigismundum Guldensternium L. Baronem, Præfectum Stumensem, tum L. Baronem, Præfectum Mariæburgensem Oeconomum : quibus Lithvani ex suis quem lubuisset, adderent.

* Idem Leoni Sapiehæ, quem modò nominavimus, publicè gratias agebat pro summo

Legationes decreta.

Sapieha Vicecancellario Lithvaniæ gratia aguntur publicè.

in pa-

in patriam studio, quod is, ter mille militibus suo are conscriptis & ad restringendum commune incendium misis, raro & in omnem posteritatem celebrando exemplo, ostendisset. Cum Cosacis consilio potius, & benignè quàm vi agendum suadebat, Regis Hispaniarum fortunam allegans; cui prima in Hollandos severitas tot provinciarum dispendio constiterit.

Orationibus Senatorum auditis, ad iudicia Rex convertebatur, & jam causæ diversæ proponi agiq; coeperant. Sed proferri mox res istas omnes oportuit, quod Ordinis Equestris nuncii dari sibi Senatum postularent. Quod ubi fieret, ante alia Archiepiscopo Gnesnensi, ut Regni Primati, pro ritè administratâ tempore interregni Republicâ, ab Episcopo Cracoviensi Gem-bicio, præsentibus nunciis, gratiæ actæ sunt. *Archie-*
piscopo
gratia
aguntur
à nobili-
tate. Inde orsus nunciorum Director Dubravius, eadem, quæ ante, ordinis equestris nomine, Regem orabat: simul bona muniaq; publica, quæ in quoq; Palatinatu vacarent, de *Vacan-*
ria bona, scripto recitans. Inter ea Pinscenscium oppidū numerabatur, quod manifestâ cum Cosacis conspiratione possessionum suarum jure excidisset. Respondit Cancellarius nomine Regis, *memorem fuisse ipsum de vacantibus istis bonis. Et jam nunc quid de iis*

de iis constituisset, significatum Nunciis voluisse. Simul quid cuiq; ex Regni possessionibus vel dignitatibus obvenisset, recensabat. De Prusicis ampliare Regem, ut cum nunciis ejus Terræ agere ante super iis controversiis posset. Illa tamen, quæ filius suus nuper defunctus in Prusciâ tenuisset, sibi in solatium orbitatis & doloris à Rege data. In cæteris, quæ postularent, jam nunc cum curâ dispicere Regem, ut ipsis satisfaciat. De Pinscen-Pinscenium civitate respondebat Sapieha sum pro-Vicecancellarius Lithvaniæ; non posse scripticam, antequam criminis convicta esset, capite diminui, multarivè fortunis. Et porro si quid inde obventurum sit, id Regi deberi; inter cujus bona illud oppidum censeatur. Postea Palatinus Sendomiriensis peroravit. Palatinus Qui in proximo Electionis Conventu non Sendo-auditum se, & sinistris tamen judiciis nota-miriæ tum, atq; adhuc ubiq; notari, querebatur. purgat Cum tamen non ipsi macule Pilavicensis cul-se de Pi-pa, sed iis potio, qui nescio quâ paris potesta-laucia-tis opinione imperium ipsius dedignati, idem nâ dissi-apud alios etiâ vile reddidissent, imputanda patione. sit: quemadmodû ex relatione quam dudum Archiepiscopo reddiderit, appariturum sit. Ea tum publicè legi iussa, non exilem mox animorum exacerbationem concivit: adeo ut Præfectus Lomzensis, quod se inter alios perstrin-

perstringi intelligeret, falsi accusaret relationem. Alter per, quicquid coelo terrarum haberet, dejerabat, vera esse, quae istic scripsisset. Alter quæsitores postulabat, rem omnem propius cognituros. Incaluerant animi, & magis magisque verbis exasperabantur. Donec Rex jurgio tali, & inprimis Præfecti verbis offensum se non dissimulans, per Adamum Cazanovium, Marechalcum Aulæ, honoris, qui Majestati Regiæ & Senatui deberetur, acri sermone omnes admonuit.

Postero die nuncii terrarum Prusiæ, horâ præfixatâ, in interius Aulæ conclave admissi sunt: facto ante per Sigismundum Gûldensternium L. B. Præfectum Stûmentem, intimæ apud Principem admissionis familiarem, de negotiis tractandis, prætentamento. Postea verò, omnibus amotis, *Cum*, Prusis Cancellarius præsentis jam Regis voluntatem nunciis eloquebatur: *Regem nempe de eo- jura terrarum Prusiæ, quibus munera & rum bona illius provincie Indigenis addicantur, grava- secundum antiqua instituta & leges etiam minibus. Anno 1647. firmatas, sarta tectaq; habitu- rum.*

Ærarium ejus terræ pariter prisco & hucusq; semper observato more administratum velle.

Præsi-

Præsidium Pucense nonnisi indigenæ commisurum, ceteraq; circa illud præsidium, mota, ubi in Prusiam venerit, adhibitis in curâ partem Consiliariis Prusiae, compositurum.

In vectigalibus Regiis quòd difficultates moveantur Prusis, Regi ingratum esse: sed quia res nondum ipsi explorata sit, cum Cancellariis & Thesaurariis Regni eâ super re conferendum fore. Optimum verò factu videri, ut majores Prusiae civitates vectigalia conducant, juri suo sic tantò faciliùs consulturæ. Appellationes à judicio Assessorum Prusiae ad Regium Relationis forum in causis rei judicatæ, aut ubi partes sponte se jure appellationis abdicant, non permitti equidem, & jure non permitti, etsi aliis in causis eas Rex haud prohibeat. Stata tempora causarum Prutenicarum cognitioni præfiniri non posse: & nec Electorali Prusiae præfinita ulla esse. Tamen certos in hebdomadâ dies iis assignaturum, & porrò nè frustraneis itineribus sumptibusvè fatigentur, judicia ipsis maturè significaturum. De privilegiis Janicovianorum falsitate aliunde jam inaudisse Regem. Quia verò institutis antehac eam in rem inquisitionibus, partibus non sit satisfactum, perscrutando penitiùs negotio cognitores misurum, cum

*Consiliariis Prusiae rem omnem excusuros Regi^q relatu-
ros. Interim decreta, quae non-
nisi in illis privilegiis fundamentum habe-
rent, in suspenso habitum, neq³ publicis tabu-
lariis insertum iri.*

Janico- Verum privilegia illa, qualia sint, verbo
viana indicandum est. Nomen ea accepere à Ja-
privile- nicovio quodam, nobili homine, qui his
gia. proximis annis multa exoletæ vetustatis di-
plomata in ruderibus arcis cujusdam Po-
meranae reperisse se jactitans, caro ea ven-
ditabat, dubia passim in Prusiam possessio-
num jura redditurus, nisi alii proceres, &
cum iis Dantiscani, præeunte inprimis A-
driano de Lindâ Præconsule, tum ad Con-
ventus Prusicos subinde misso, suspectam
hominis negotiationem reddidissent, &
tandem ipse impostor lite cum alio nobili
viro susceptâ, vi oppressus, periisset.

*In Electionis Conventu (ut ad rem insti-
tutam redeam) si quâ in re læsi sint Ordines
Prusiae, Regi id minimè imputandum.*

*In causâ limitum inter bona Regalia, ut
vocant, terrestria non difficilem fore Regem;
dummodo juri Majestatis, & bonorum Rega-
lium nihil decedat.*

*Tidenhofiana possessio, an ad æconomiam
Mariæburgensem pertineat, non disquisitum
Regi, & cum à Sigismundi patris temporibus
à Condu-*

à conductoribus habitam illam meminerit, eam à se quoq; jam elocatam. Contractum istum sub hac imperii sui primordia factum, irritum fieri, grave Regi, nec Ordinibus decorum; elapso contractus tempore, aliam rationem de fundo isto & magis ad votum Ordinum, initurum Regem.

Quod ad bona attineret, quæ tempore belli Svecici desolata, & in spem reparationis, certis privilegiis atq; à tributo publico immunitatibus essent prædita, (Emphyteutica hinc dicta) ea privilegia & immunitates ad præfinitum usq; tempus rata habiturum Regem: nec iis decreta, in Interregno facta, quicquam derogatura.

In posterum tamen, nulla amplius ejusmodi privilegia postulanda esse. Et quia eorum prætextu fraus fiat arario; per instigatorem Regni diem dicendum iis, qui dicta privilegia eò protendant, ubi illis locus non sit. Præfecturam Mariæburgensem non solis tantum Prussis, sed aliis etiam Regni incolis conferri posse, Regi omninò persuasum fuisse, eod; Joanni Comiti de Leszno Castellano Gnesnensi viro optimè de Republ. merenti, collatam. Si tamen id juri suo adversum esse nuncii Prussici in consensu Ordinis equestris ostenderint, effecturum Regem, ut Castellanus dictâ præfecturâ cedat,

De Præfecturâ Brodnicensi pariter Regem Ordinibus gratificaturum post fata hodierni possessoris (is erat ipse, qui loquebatur, Cancellarius) ne postea ulli, nisi indigena detur.

*Deniq; Regem, in universum, Ordinibus Prusiae paternum affectum & jure pro juri-
bus ipsorum non conservandis tantum, sed
& augendis studium spondere.*

Cum finisset Cancellarius, digrediebatur Rex: Nuncii verò inter se capita conferebant, quid jam factu porro opus esset, deliberantes. Ac res ejus momenti erat, ut super eâ meritò Consilarii etiam Prusiae *Delegati* consulendi viderentur. Sed hi tum nulli *Prusica-* aderant, præter duarum Prusiae insignio-
*rum Ur-*rum Civitatum delegatos. Elbingenses
bium. Matthiam Richterum miserant, Consulem & Syndicum suæ civitatis, eundemq; Regium Juris-Consultum. Dantisco tres aderant. Quorum caput erat Adrianus von der Linde Præconsul, postea Mirachoviensi præfecturâ à Rege donatus, alter Georgius Bömelius Consul, postea pariter Præ-Consul, tertius Vincentius Fabricius Syndicus. Cum his, etsi die postero de publicis Prusiae negotiis, consilium inire Nuncii decreverant, haud successit tamen deliberatio, quod primariis Prusiae Consiliariis absenti-
tibus,

tibus, nihil in tam arduis scisci posse videretur. Interim Nuncii responso Cancellarii haud contenti, magis magisq; ad agendam jurium suorum curam, sponte suâ, mutuoq; hortatu, incendebantur. Adeò ut exinde aliquot diebus in confesfu ordinis Equestris acerrimè causam suam urserint; in patris conventis, proximâ Electione sui non habitam rationem, multisq; in rebus juri Prusico usq; contraveniri vehementissimè querentes, nec quicquam aliud permittentes agi, antequam suis postulatis satisfaceret. Alii his cætera &, ut ipsis videbantur, graviora posthaberi indignantes, longis disputationibus Prusos à proposito dimovere laborabant: ipsi tamen etiam inter se dissoni, & quid primò, quid secundo deliberandum esset, statuere impares. Erant, qui arcendi hostis, Regniq; defendendi curam omnibus præmittendam ducerent. Quò cum militiæ regimen pertineret, in eo ut

*Prusici
nondum
contenti.*

*Dissentientes
circa
agenda.*

Dux Visniovecius à Rege confirmaretur, petendum aiebant. Alii de corrigendis erratis, quibus à legum pactorumvè normâ deviatum esset, deliberandum svadebant: quo in numero quidam erant à Religione Romanâ dissidentes. Alii ab ærarii Præfectis acceptorum expensarumq; rationes postulabant. Dum de his fluctuaretur,

*Beneme-
riti ci-
ves.*

*Principis
Crojana
postula-
ta.*

tur, militum etiam ex Corsunenſi clade ſuperſtitum nuncii intervenēre: Ducum ſuorum, nec non commilitonum quorundam redemptionem, ſtipendia debita, tum & gratam omnium remunerationem & mutilorum alimoniam poſtulantes. Quorum cauſam apud Regem agere, Director nomine nunciorum ſponſedit. Erant alii quoq; qui Lanckoronſcii Caſtellani Camenecenſis, copiarumq; quæ cum ipſo feliciter in Podoliâ rem geſſiſſent, rationem habendâ dicerent. Nonnulli Firlei Caſtellani Belzenſis, quidam & Oſtrorogii Pocillatoris & deniq; Corniakti Aulici Regii rem agebant. Allatæ quoq; literæ Fromundi à Ludinghaufen, nominati Wolffii, Tribuni, Regii, dein poſt Chriſtophorum Grodzicium defunctum, rei armamentarii præfecti Generalis, qui curam Prætorię legionis, optimè hætenus, ductu Oſſincii Tribuni, de Republ. meritæ, Ordini Equeſtri commendabat. Sed & Epistoſarum à Principibus præſectarū lectio aliis negotiis interpoſita eſt. Nam & Anna, Princeps Crojana, Boguslai ultimi Pomeraniæ Ducis ſoror, æs olim Sigismundo Auguſto mutuò datum, reſpoſcebat: Et Jacobus Curlandiæ ~~ſui~~ ſemigalliæ Dux miſerat Legatum, qui territorii Piſſtenſis ad Ducatum Curlandiæ, ſecundum pacta.

pacta & auctoramenta vetera, redactionem, *Curlan-*
 tum restitutionem quinquaginta millium *die Du-*
 pro liberatione præfecturæ Grobinensis : *cis desi-*
 item ablatorum à Svecis proventuum com- *deria.*
 pensationem, in compositione Stumdorf-
 anà promissam; adhæc juris Ducalis in præ-
 diis feudalibus vindicationem, & deniq; ,
 quia Dux tum conciliationi Svecorum cum
 Polonis non sine sumptu incumberet, præ-
 standi per Legatum homagii copiam pete-
 ret. Literæ itaq; , quibus fides aditusq; Le-
 gato, negotiis verò toties hætenus prola-
 tis, felicior celeriorq; expeditio quæreba-
 tur, lectæ sunt publicè. Effectus literarum
 Legatiq; postea apparebit. Cæterum Nun-
 cii Equestres, haud quidem usq; inter se
 unanimes, magis magisq; tamen ad con-
 cordiam videbantur componi. Prusii cer-
 tè, postquam formulæ, ad quam suas injuri-
 as refartas vellent, concipiendæ accepissent
 potestatem, conquieverant aliquantùm.
 Porro ut compendium fieret consultatio-
 num, placuit, audiendis ærarii rationibus,
 atq; insuper publicæ securitatis curæ ex Se-
 natu ordineq; equestri aliquos assignari.
 Lithvani Trubecense negotium hoc est *Trube-*
 compensationem damnorum, quæ multi ob *censum*
 redditum Moscis, ex pacto, Trubecense ter- *postula-*
 ritorium passi essent, urgebant: porroq; *t. l.*

caveri sibi volebant, decretis in suo Tribu-
nali latis autoritate Comitiali non obro-
gatum iri, & deniq; , *summarios*, quos vo-
cant, *judiciorum processus* in nobiles exer-

Judicis cere, fas non fore. Sed maximè tum animos
Samogi- curasq; Judicis cujusdam Samogitiæ causa
tia nego- in se adverterat. Qui cum Episcopo Smo-
tium lenscensi, certas ob injurias, jure expertus;
cum Epi- foro cum excluſerat civili. Ille adversario
scopo majus fulmen opposuit, & advocatâ Ro-
Smolen- mani Pontificis autoritate, sacrorum com-
scensi munione eum multaverat; soluto simul
obsequii nexu, quod ei subditi deberent.
Quos ideò is tum vitare cogeſatur. Res gra-
vis & exemplo formidanda videbatur nobi-
litati. Unde mox factum Episcopi multi præ-
properè damnabant; Judicis illius filiû, qui
agenda patris causæ aderat, studiis impensè
juvantes. Effectumq; , ut extemplò tres Nun-
cii mitterentur ad Regem, oraturi, ne foro
omni civili exclusos, seu, ut vulgò vocan-
tûr, bannitos, locum in Senatu habere pa-
teretur. Rex negabat sibi de quoquam tali
constare, *cæterum super eâ re inquisiturum*
se, cumq; Cancellariis collaturum amplius;
re benè cognitâ, voto Equestris Ordinis sa-
tisfacere se conaturum. Interim Prussi for-
mulam, quâ jurium suorum damnis mederi
speraverant, paratam attulerunt, jam porrò
eam.

eam publicè legi desiderantes. Sed alii præ-Pilauci-
mittendam clamabant legem in discesio-ana dis-
nis Pilavicensis autores latam. Quæ ut hor-cessio ad-
rendi carminis, haud adhuc tamen omnes *buc exa-*
habere numeros videbatur, aliis hoc, aliis *gitatur.*
aliud mutandum addendumvé, ad asperan-
dam tanti facinoris invidiam ac pœnam,
pertendentib9. Dum hi de asseverandâ lege
soliciti sunt, Director confelsus mitiora
suadere cœpit Nunciis: cùm *Cosacorum,*
inquiens, *complicibus, subditis suis veniam*
largiti sint, non esse adeò jus acuendum in
fratres suos, quorum consiliis eventus qui-
dem felix, non item voluntas benè rem agen-
di defuerit. Ei suffragabatur Sarbievius
Præfectus Graboviensis: potiusq; ad publi-
cæ securitatis custodiam, audiendaq; ea, quæ
istâ in re Deputati constituisent, animos
converti suadebat. Idem alii succlamabant.
Sed subinde Wanglicovius Ensiser Cul-
menfis intercedebat, suam, quam attulis-
set, formulam perlegi postulans. Hæc ita
agebantur eo die, quo Comititia ex præstitu-
to finienda erant. Res ipsa itaq; postulare
videbatur, ut terminus Comititiis positus
prorogaretur. Idq; jam pridem aliqui sua-Comitio-
ferant, & nunc idem cum cura agebant *rum,*
nonnulli; inprimis Stephanus Korycin-proroga-
fcus, Præfectus Oswiecimensis, postea Can-
tio peti-

cellarius Regni: qui libertatis, omnisq; publicæ salutis cardinem eâ in re verti dis-
Sed diu serebat. Sed irrita erat Viri facundia inter
frustrâ, dissonos, & vicit pars illa, quæ prorogati-
 onem Comitiorum respuebat, an sumptu-
 um paritate, (nam publica calamitas mul-
 tos exhauserat) an domum revisendi, & re-
 rum fortunarumq; suarum quasi tabulas ex
 naufragio recolligendi desiderio, haud di-
 xerim. Jus certè; quo prolongatio veta-
 retur, omnes isti obtendebant. Dies inte-
 rim defluxerat, nec restare aliud videbatur,
 quàm ut exequiæ irentur Comitibus. Ante-
 quam tamen discederent, Iudex quidam ex
 Podoliâ acri oratione Nuncios, ut periculi
 communis incurios, & inanibus potius,
 quàm rerum momentis tempus insumentes
 perstrinxit: addito, cum à fratribus dese-
 rantur, ad Regem sibi confugiendum. Sub-
 jecit Sarbiewius, *ituros se ad Regem, ut ea*
Comitia *saltem referrent, quæ de securitate publicâ*
animam *statuissent.* Consensu in id facto, surrexê-
agunt. re omnes, & Directore raptim, pro com-
 misso munere, cujus insigne, baculum, pro-
 jectabat, gratias agente, ad Regem itum-
 est. Qui eo tempore, post auditos Lithva-
 nici Exercitus Nuncios, cognitioni litis
 inter Lavrossævium Propalatinum & Pala-
 tinum Vilnensem, magnâ utrinq; conten-
 tione,

tione, studiorumq; certamine agitata, in-
 tentus agebat. Nunciorum autem Terre-
 strium adventu interpellat, in Senatorium
 conclave concessit. Ubi Director Regem *Director*
 alloqui orsus, miserabilem Reipubl. sortem *Ordinis*
 declarabat; *similem illam naufragio demon-* Eque-
strans, qui post quasdam sidentemq; vi tem- stris Re-
pestatis ratem, tabula insidens, in medio ma- gem im-
ri inter depræliantium ventorum iras jacta- plorat.
retur. Tali sanè homini spem nullam salu-
tis expediendæ, quàm in Dei clementiâ, re-
stare. Pariter nunc destitutam omni ope
Rempubl. haud habere quò confugiat, quàm
ad divinæ miserationis aram, & post hanc,
ad prudentiæ Regiæ asylum. Illicò Archie-
piscopus & Cracoviensis Culmensisq; Epi-
scopi orâre nuncios, ne positam in tam du-
bio statu Rempubl. destituant: largiendum Comitio-
Patriæ unum saltem diem; quo negato, sa- rum pro-
lus publica constare non possit, nec aliud, rogatio-
quàm extrema Regni perniciēs expectari de- nem po-
beat. Et defuturam miseris excusationem, stulant
qui parvâ morâ summum patriæ periculum Senato-
redimere noluerint. Tandem & Regni Can- res.
cellarius Osfolinscius magnæ eloquentiæ
Vir abiturientes alloquitur: calent adhuc, Et Rex
inquit, Regiæ Majestatis aures secundisimis per Ma-
vestris pro felice ejus regimine votis: & so- gnū Can-
nare usq; videntur omina acclamationibusq; cellariū.
quibus

quibus nuper prosperrima omnia Reipubl. nostræ à Regiâ felicitate promittebatis. Ac grata habet Regia Majestas tam vota, quàm omina vestra, eademq; quantum in se est, rata facere ex animo optat. Sed idem eo magis nunc vosmetipsos vota vestra, spesq; morari, & felicitati publicæ intercedere, miratur doletq;. Per amorem itaq; patriæ communis, per omnia sacra, per cara pignora, per fidem & reverentiam Regi debitam, per suam, in extrema omnia, pro patriâ, eundi promptitudinem, vos obtestatur, ne Patriam Pericula deseratis. Fundamenta jurium & liberta- ex Comi- tum vestrarum vertuntur in conclusione Co- tiorum, mitiorum. Salus Patriæ à legationibus, & dissolu- pacis cum vicinis suspectisvè populis negotia- tione ex- tione dependet. At hîc jam constitui oport- pectan- tet; quomodo illis consuli velitis: simul & da. sumptus in tam ardua rerum procurandus. Videte enimverò, in quo præcipitio relinqua- tis Rempublicam. Hostem domi & intra vi- scera vestra habetis. Opprimit is fratres ve- stros: multis etiam vestrûm, redditum ad ca- ra pignora intercludit. Nonne subit tot sub cultro relictarum & vobis meritò carissimarum provinciarum miseratio? Nonne afficit vos Cosacorum cum Tartaris jurata in jugu- los vestros societas? nonne ambigui de alio- rum populorum in nos consiliis rumores per- cellunt?

cellunt? Excubuit sanè haftenus pro nobis Divina providentia. Sed lassabitur tandem negligentia nostra, si sic porro nobis ipsi deerimus. Quare iterum iterumq; Rex Vester, Pater vester, Dominus vester, vos recenti obsequii fide sibi innexos, unum jam diem possit, imò (nam ita me loqui voluit) orat.

Dubravimus potestatem Directoris depositam, re sic ferente, recapesens, sententias Nunciorum, super Regio postulato, perrogat. Quorum aliqui nullam prorogationem, alii unius diei, alii plurium aut trium septimanarum volebant: pleriq; tamen sub conditione, ut prorogatione hâc impetrarent, quod suus cuiq; Nuncio Palatinatus exigendum dedissent. Cancellarius nomine Regio prorogationem cum gratiis acceptans, curâ fore Regi pollicetur, ut non securitati publicæ tantum, quam omnes ferè postularent, sed & plerisq; singulorum desideriiis satisfiat. Postero die cum Prusorum Nuncii primi omnium sua postulata in arenam producere niterentur, à Cancellario & aliis Senatoribus comiter retenti sunt. Cracoviensis item Nuncius, Chrzaštovius Subjudex, vir acer & facundus, trium septimanarum prorogationem & simul exorbitationum publicarum emendationem poscere orsus; ægrè tulit alia præverti: hoc
quod

Prorogatio Comitiorum, impetratur.

quod ipse peteret, pactorum conventorum caput esse, inquit, & juramenti Regii membrum præcipuum. Cancellarius tamen, habitam inter designatos Nuncios de securitate deliberationem primò omnium & latè exponit: cujus præcipua momenta effectusq; non refero, ut qui in ipsis Comitiorum istorum conclusionibus paulò post memorandis apparebunt. Cum finiisset Cancellarius, denuò Cracoviensis Subjuxta id, quod de exorbitationibus corrigendis orsus erat, pertendere cœpit: nominatim Dissidentium rationem, ut in Electione promissum sit, haberi postulans. Sed & Prussi, quæ in Electione negata sibi fuerint, nunc præstari flagitabant. Cùm his utrisq; alii obloquerentur, Cancellarius negotiorum obicem amoliri tandem cupiens, Prussorum haud nova vel iniqua postulata esse agebat, & rem Dissidentium in Electionis Comitibus compositam, nunc supremâ tantum manu indigere. Eidem Obuchovicius, Tribunus, Mozerentis, vir Romano-Catholicus suffragabatur. Sed magno fremitu contradicebant alii. Tandem Cancellarius liti magis magisq; inardescenti auctoritatem Regiam interponit; velle, inquit, Regem, dissidentium postulata ad proxima Comiticia rejici, datâ ipsis obtinenda

isthis

*isthic satisfactionis cautione, & in fidei auto- Causa
rumentum majus, ipsius Sacrae Regiae Maje- dissiden-
statis scripto. Interponere se item pro Bo- tium dis-
lestrassicio, ut ei, ob Religionem capite dimi- fertur
nuto, honor pristinus restituatur. Juriam cum cau-
porrò emphiteuticorum Prussia examen & tione Re-
declarationem postulare Regem, quia ea res giā.
ad Aerarii curam, & sic porrò ad securitatis
publicae tutelam, quæ sine arario constare ne-
queat, pertineat. Jus deniq; indigenatus
Prussici sartum tectumq; in posterum haberi
velle.*

His ita compositis ad instaurandæ mili-
tiæ & stipendiorum curam tandem acces-
sum est; & tanto quidem impensiore stu-
dio, quod literæ tum fortè allatæ essent, de
aliquot millibus rebellium rusticorum, qui
à Chmelnicio segreges, Voliniam pervoli-
tarent, quotidianoq; aliorum accursu auge-
scerent in majus. Et porrò de Chmelnicii
ipsius arrogantib⁹ responsis minisq; ea nun-
ciabantur, quæ cæptæ Commissionis mini-
mè secundum exitum portenderent. Cæ-
terùm, cùm de militiæ instituendæ ratione
deliberari captum esset, prima omnium de
Duce disceptatio fuit. Cujus delectum Rex,
jure suo, quo omnia honorum genera pro
arbitrio suo dispensare solet, sibi reserva-
bat. Et is equidem Vîsniovecio communi-
bus ferè

De Duce bus ferè nobilitatis suffragiis eam dignita-
militia tem destinari, non ignorabat. Non æquè
delibera- tamen ille consensus Duci proderat, quàm
tiones. oberant dissvasiones æmulorum. Quibus
Visnove- Dux ætatis, & spiritûs adeò fervidi, non
cii virtu- æquè sopiendo quàm fovendo, bello vide-
tes & de- batur idoneus futurus: tantis inter illum
fectus. & Chmelniciû flagrantibus odiis; ut, eo

electo Duce, conatus pacificationis, nunc
 publicæ Saluti unicè necessariæ, vanus fore
 æstimaretur, Chmelnicio, huic tali & tan-
 tâ potestate armato hosti suo, nunquã habi-
 turo fidem. Hæc aliquomodo vera erant, at
 in majus à nonnullis exaggerabantur. Rex
 deliberationem tandem minore civium
 offensâ, finire cupiens, potestatem, quæ Vi-
 sniovecio negaretur, nulli dedit, sed penes
 se retinuit: ipsum se, si opus futurum sit,
 belli hujus Duocm fore pollicitus. Secun-
 dam à se belli potestatem inter tres parti-
 tus est: quorum primus erat Andreas Fir-
 lejus Belzensis, alter Stanislaus Lanckoron-
 scius Camenecensis Castellani, tertius Ni-
 colaus Ostrorogus Regni pocillator. Hæc
 in consilio Regio agitata, etsi nonnulli pri-
 vatim refragarentur, rata tamen mansere.
 Juxta tum publicè super exercitu & stipen-
 diis singulorum Palatinatum auditæ sunt
 sententiæ. Et cùm alii alia, quidam ex-

Duces
militia
tres con-
stituti.

peditio-

peditionem universalem, ubi opus esset, indicendam, nonnulli provincialem militem, qualis ante lectus esset, retinendum censerent, huic quidem Militi provinciali ordo inprimis Ecclesiasticus vehementer reclamavit. *Eum procul remotum, aiebant, à loco periculi, longoque adeò agmine tractum, bonis Regiis & Ecclesiasticis gravem incedere: & diverso armorum militiæ genere informem reddere exercitum: porro effrenem, plerumque & inexercitatum: & quia prædationibus nimis inhiet, multis inde pauperum subditorum lachrymis comitatu, Dei favore destitui.* Cùm sic iterum tam de milite, quàm stipendiorum ratione variarent judicia, tandem in Subjudicis Se domiriensis Stanislai Szczucii itum sententiam est, qui dispositionem ordinandi exercitus Regi committendam censebat. *Illi, militem pecuniamque destinatum, prout Belli necessarium Reipubl. ipse cum ordinariis Regni Consiliariis judicaverit, colligere ac dispendiare, fas esse debere.* Cancellarius, cui Sub-Judicis sententia vehementer placebat, pro oblato Regiæ Majestati, tutelæ publicæ regimine gratias agit, simul & quo pacto is instituere res belli velit, breviter explicat. Postea tandè, quicquid his Comitibus definitum ordines voluerant, in certam

*Miles
provin-
cialis
impro-
batur.*

formulam colligi ac Nunciorum iudicio subijci cœpit: & licet subinde adhuc intervenire contraria studia, in certa tamen capita deniq; conventum est: quæ in publicarum legum codice latius exposita, nos hîc strictim attingemus.

Leges in Primò omnium acta Interregni, decreta Comitiis item iudiciorum Capturalium (paucis exceptis) tum & edicta provinciarum sub interventionis regno promulgata pro ratis habentur. *scripta.* Commisarii designantur, in exercitûs numerum & stipendiorum emeritorum rationes cum curâ inquisituri.

Exercitus ordinarius (Quartanus dictus) ut eodem numero & genere militiæ mereatur, atq; in locum Cosacicarum copiarum, quæ per rebellionem ab exercitu abscesserint, aliæ Polonicae ut substituuntur, deniq; ut universo exercitui stipendia numerentur, decernitur.

Quia ordinarius exercitus præsentibus Reipubl. necessitatibus non sufficiat; aliæ insuper copiae ex binis tributis in singulos focos constitutis, & in nullos alios usus convertendis, confici jubentur.

Disciplinam militarem, quam nimis obtusam tota Respubl. queratur, secundum priſinarum constitutionum rigorem, acuere Rex pollicetur, quò luxus militum coërceatur,

tur, circuitus eorum nunc usitati prohibeantur; contrà ad confinia Regni, ubi praesidio militari opus est, modo legibus concesso, miles alatur, ne bonis nobilium, nec Ecclesiasticis, vel Regiis gravis sit.

Nobilitatem tumultu publico ad militiam evocandi potestas Regi ad futura usq; Comitia relinquitur, cautione additâ, ne isto exemplo veteribus juribus usitatisve circa evocationem consuetudinibus quicquam decedat. Et Palatinatui Podlachiae, terrae item Lucoviensi, nec non Prussiae seorsim, antiquis isto in negotio moribus utendi copia datur.

Pacta & fœdera cum externis, praesertim finitimis, ex consilio Senatorum tum praesentium, renovare Rex pollicetur.

Ad compositionem cum Suecis tentandam, Recuperatores seu Commissarios designare Rex promittit; qui ut legitime instruantur, ad conscribenda instructionis capita, certi Senatores Regni & M. D. Lithv., tum ex ordine equestri duodecim idonei viri deliguntur nominanturq;.

Quia militiae Cosacicae refrœnatio ac compositio moram non ferat, Regi verò ne cum Senatoribus quidem & Consiliariis suis, in negotiis, quae ad Comitia pertineant, sciscere quicquam fas sit, designantur magno numero ex utroq; ordine, Senatorio & eque-

stri viri, isto in negotio Regi præter ordinarios Senatores adfuturi.

Isti confesui ut in quibusdam autoritas comitalis conceditur, ita in aliis eadem circumscribitur, additurq; conditio, ut omnium, quæ acta fuerint, publicè in proximè futuris Comitibus relatio fiat.

Cum multi militiae ductores, ex pacto, & pro pecunia ex publico accepta numero, militem ad superiorem expeditionem non stiterint, citari ad Tribunal & causam dicere; porro, cum publica exercitus recensio hætenus non facta sit, jubentur iidem Ductores numerum suorum militum inire, & scripto Judicibus tradere jurati.

Quoniam Albertus Nicolaus Gnievosius Episcopus Cujaviensis, item Georgius Ossolinus, Regni, deniq; Albertus Stanislaus Dux Radziwillius Magni Duc. Lithvania Cancellarius, votorum exolvendorum causâ, iter extra Regnum suscipere destinaverint, & in id missionem à Rege & Republ. postulent, ea illis autoritate Comitiali datur.

Samueli Bolestraszcycio equiti, infamiâ olim notato, honos pristinus, aliis nonnullis ex eodem ordine equestri litera securitatis, & si illi antè futura proximè comitia novis meritis debite priora dedecora eluerint, spes honoris in integrum restituendi datur.

Quia

Quia in Comitibus istis, ob gravissimas causas, publica in primis pericula, ad angustiores solito terminos redactis, multis Palatinatum postulatis satisfieri non potuerit; ea omnia in futura Comitibus rejiciuntur, spe factâ amplissimâ, omnium tum Ordinum vota, in Religionis etiam negotio, & sarcinendis exorbitationibus, omni ope ac studio expletum iri.

Postremò quantum pecuniæ ad colligendum militem, quantum etiam militum suorum publicæ Reipubl. necessitati offerant Palatinatus, ex singulorum tum Palatinatum provinciarumq; Regni & M. D. Lithvaniæ nunciis auditum, atq; in codicem Constitutionum relatum est.

— — — — —

HISTORIÆ POLONÆ PLENIORIS

LIBER VI.

Suprà in ingressu Comitio- *Pereas-*
rum istorum faciebamus mentionem *flaviensis*
Delegatorum, quibus de pace cum *Negotia-*
Chmelnicio agendi potestatem dederit *Res-* *tio pacis*
publica. Illi quid effecerint, jam expo- *cum,*
nendum est: miraturo haud dubiè lectore, *Chmel-*
ut partis unius immanem barbariem, ita *nicio.*

T 3

alterius

alterius eximiam, & nisi tempore Reipublicæ ac necessitate, tum loci etiam, ubi res acta est, iniquitate excusaretur, propè immodicam facilitatem tolerantiamq;. Alicubi & mihi ipsi vix persuaderem, vera esse, quæ de re istâ memorabo: nisi ex uno Delegatorum, viro magnæ autoritatis, omnia hæc, quæ scribere hæc de re paro, hausissem.

Prima autem omnium Commissariis, antequam iter ingrederentur, cum Chmelnicio de loco conventûs disceptatio fuit. Illi Kioviâ elegerant. Chmelnicius urbem hanc non ita, ut rebus suis opus esse putaret, à Poloniâ remotam ratus, Pereaslaviâ mavult, oppidum Regium quidem, & Conjecpolscii Vexilliferi Regni jurisdictioni subiectum, sed à Cosacis, omnis istius tractûs undiquaq; potentibus, insessum. Hoc itaq; loco se tutum futurum homo ex conscientia facinorum timidus putabat: aliò ad tractandum pacis negotium non nisi cum exercitu iturus: à quo haud dubiè nova calamitas Poloniæ terris succrevisset. Utilitate igitur Regni adduci se passi sunt Commissarii, ut in locum consentirent, quem homo contumax & jam, factorum permisso, in noxam Reipublicæ nimium invalidus, elegerat. Ubi autem illi superatis multis difficultatibus, Pereaslaviæ oppido rigidissimâ

*De loco
pacifica-
tionis
dubita-
tiones.*

disfima hyeme appropinquaverant, obvis
illis ad stadium circiter unum fit Chmelni- *Pereas-*
cius, multis comitatus Tribunis, Centurio- *laviam,*
nibus, & intercinente simul militaris mu- *veniunt*
sicæ strepitu. Inredientes urbem viginti *Delega-*
primùm machinarum explosarum boatus, *ti.*

& mox domi suæ Chmelnicus convivio
excepit; in quo etsi frontem explicare vi-
debantur Cosaci, haud temperârunt tamen,
quin sub ipsa statim hæc initia, atq; adeò
primi convivii quasi hilaria, sinistra aliqua
in Visniovecium, Coniecpolscium, aliosq;
Polonos jácerent. Postero die, qui erat
20. Februarii, Kisielus Palatin⁹ Commisio-
nis princeps, clavam Cyanis gemmis fulgi-
dam, simulq; frater Palatini, Nicolaus ve-
xillum rubeum, aquilâ albâ & nomine Jo-
annis Casimiri Regis insignitum, Chmelni-
cio publicè reddidère. Ille sic satis reveren-
ter oblata accepit, gratiasq; egit, sed mili-
tariter & perfunctoriè. Invitatus iterum

Chmel-
nicio
clava, &
vexillum
nomine
Regis of-
fertur.

cum Collegis ad convivium Palatinus, an-
tequam dapes inferrentur, egregio sermo-
ne beneficia Regia, quæ, se internuncio, ac-
ciperet, eidem Chmelnicio edisferebat:

memoriam tot facinorum deletam, antiquam Benefi-
Gracæ Religionis libertatem, exercitûs Za-
poroviani augendi potestatem, veterum ju-
rgia in-
rium & privilegiorum restitutionem, & de-
Chmel-

nig, totius illius exercitûs regimen. Mereri ista mutui à Chmelnicio affectûs & fidelis obsequii non vulgares nec fucatas significationes. Primas & optimas fore, si inhibitis sanguinis profusionibus, & agrestium turbâ sub legitimum hororum regimen remissâ, ad aquas pacis conditiones accedat.

Chmel- Ille, pro oblato exercitûs Zaporobiani re-
nicius gimine, simul & pro datâ commissorum ve-
gratias niâ, gratias se agere, respondet. Caterùm
 agit, sed compositionis negotium non inchoari jam,
 simul nedum consummari posse: milite Zapor-
mulea viano per stationes latè disperso, absenti-
aspera busq; adeò, sine quibus agere tam ardua, ca-
 adjicit. pitale sibi futurum sit. Neg, verò sibi pa-
 cem cordi esse, quam diu Visniovecio & Cza-
 plinscio (hos enim simul, & alterum ne Du-
 cis quidem titulo addito, iratus nomina-
Minatur bat) impunè sit, Cosacos adeò inclementer
Visno- habuisse. Illum omninò puniendum; hunc
vecio, & dedendum sibi, præcipuos scilicet malorum
aliis. omnium autores. Nec Potocium quidem
 summum Ducem exsortem culpæ, qui Cosa-
 cum intra Borysthenis paludes salutis suæ con-
 sulentem, pervicaciter insecutus sit. Sed hunc
 suæ sibi fortunæ fabrum, sat acres jam malè
 consultorum pœnas in Tauricâ pendere. Ve-
 xilliferum quoq; Regni ibidem numerandû,
 qui Patrimonio ipsum exuerit; & agros inter
 Laszczo-

Laszczovianos milites distribuerit, qui deinde Cosacos de Republ. benè meritos mancipiorum loco habuerint, nullo in illos avaritia, crudelitatis, contumeliæq; genere omisso. Sed huic tamen non æquè à se imputari mala, quæ contigerint, quàm duobus illis ante nominatis. In his eudendam fabam: id nisi fiat, aut sibi cum exercitu Zaporobiano, aut Lachis cum Senatu, Ducibus, Regulis, nobilitate omni, pereundum. Jure autem arbitrari se, parsimoniam sanguinis Christiani & amicitiae ostentamenta falsò jam præferri. Nihil quippe amicum fidumvè spirare nuperum facinus Lithvanorum, qui Mozirum & Turoviam immaniter exceperint, & à Radzivillio istuc unum Cosacorum palo trajici jussum. Ceterùm monitum jam à se illum: qui si unum hominem habuerit, in quem iram sic crudeliter effunderet, esse sibi quadringentos Polonos, quos vindictæ immolare possit. Hæc promulsæ acuebatur palatus Delegatorum ad prandii delicias. Nec placidiùs agebant cæteri. Lentovio Monacho Carmelitani Ordinis, qui loco Mokrsicii (nam hunc præmatura mors abripuerat) apud Cosacos agebat, cùm fortè diceret, nonnisi incertos de Baro, oppidisq; Lithvaniæ direptis rumores, nec tantà Chmelnicii & Cosacorum bile dignos

T s esse,

esse, unus ex Tribunis Cosacicis multa inclementer dixit, & tantum non vim intulit.

Magnâ constantiâ pertulêre Delegati furibundos, Chmelnicius quoq; delenificis verbis tranquillû reddere Palatinus, quam *Legatus* quam frustra, nitebatur. Aderat tum eodem in oppido *Legatus Moscoviticus*, qui cum sermonem sociare Delegatis votum erat, sed congregi prohibebantur à Chmielnicio. Die quidem Dominico in idem templum illum & binos Delegatorum casus deduxerat, sed in publico, intra vulgarium salutationum solennia consistere oportuit; nullâ se dante commoditate ad secretius colloquium. Eodem die cum, tempus fallere iidem illi Delegati quærerent, arcem oppido appositam, lustrârunt. Sed jam nonnisi cadaver *Arcis* conspiciebatur: adeò & penitus pervastata erat hâc ipsâ rebellii tempestate. Eadem facies *Gymnasi* *Templi*q; *Patrum Jesuitarum* ibidem erat. Nulla imago, ara nulla supererat; hiabant sepulchra, & cadavera sepulchris ejecta jacebant. Inter alia conditorium *Lucæ Zolkiewii* Palatini olim *Braclaviensis*, simul verò tum huic oppido præfecti, reclusum spectabatur, é quo nefaria rebellium rapacitas res corpori superstites, insignia bellica, & annulum Adamante fulgidum abstulerat.

Pereaslaviensis vastitas.

Sepulchrum Zolkiewianum.

tulerat. Invitatus postea Chmielnicius à
 Palatino, & comiter habitus est. Sed non-
 dum illa humanitas aut suadæ vis impetra- *Chmel-*
 re ab homine potuit, quin subinde invehe- *nicius*
 retur in Polonos, perniciem illis, sibi & *adhuc*
 Russis latissimum imperium portendens. *minaci-*
 Diriora etiam postero die, cum ex crapulâ *ter agit.*
 hesternâ parum sibi adhuc constantem Ki-
 sielus signifer & Zacharias Czetwertinius
 reperissent, despumavit. Et jam nihil bo-
 ni hujc compositionis conatui ominari de-
 legati; potiusq; de securitate reditûs, quàm
 de ullo Legationis prospero eventu cogita-
 re cæperant. Sequentæ tamen die, denuò
 hominem Palatinus aggreditur, lacrymas
 intermiscens sermoni. *Vide, inquit, mi*
Chmielnici, quid agas: qui non Polonorum *Kisielus*
tantum Lithvanorumq; terram, sed & Reli- *Chmel-*
gionem Græcam, & templa sanctissima, sine *nicius*
causâ, Paganorum subicere paras libidini. Si *mitiga-*
latus es, si peccavit in te Czaplinskius aliquis: *re cona-*
sarcietur tibi injuria. Si exercitus Zapo- *tur.*
robianus nimium aut parvus numero, aut ar-
ctis finibus inclusus videtur, promisit Rex au-
thionem. Cogita nec Poloniae Regnum sine
milite Zaporoviano, sed nec hunc sine Polo-
norum Lithvanorumq; auxilio sufficere po-
tentia Pagana. Facessat à te turba hæc
agrestium, non armis ferendis, sed sive tra-
ctanda

*Etande natorum. Arent isti & repastinent
 rura sua: militent Cosaci, nec misceatur
 gens decorum plena, cum ignavâ glebæ ad-
 scriptorum colluvie. Licebit, si voles, pace
 Regiâ, exercitum tuum ad duodecim aut
 quindecim millia militum extendere. Hunc
 in Paganos ducere, hoc patriæ limites profer-
 re, gloriosum tibi, Christianis omnibus utile
 erit. Non mitescebat dictis ejusmodi Co-
 sacus, sed magis magisq; efferabatur. Cla-
 mabatq; , frustra jam profundi verba: tum
 fuisse opportunum secum tractandi tempus,
 cum Potocii cis & ultra Borysthenem ipsum
 persequerentur, fuisse adhuc, cum primis
 conflictibus victus esset Polonorum exercitus,
 fuisse item ad Constantinovum, ad Zamo-
 scium, fuisse deniq; toto sex septimanarum,
 quas Kioviam revertendo detrivisset, spatio.
 Nunc pacis negotiationi non esse locum.
 Vindicandam sibi gentem Ruthenorum uni-
 versam à servitute Lachorum: & mora nu-
 per, privatae injuriæ stimulatione, arma, jam
 pro religione gerenda. Pronos in id juxta
 secum omnes circumquaq; agrestes, etiam
 longè habitantes. Hos adeò minimè unquam
 deserturum se; quippe quorum in salute,
 Cosacorum vertatur incolumitas. In prom-
 ptu sibi fore ducentorum & amplius millium
 exercitum, & præter hunc Tartaros. Quo-
 rum*

*Chmel-
 nicius
 nihilo
 mitior.*

*Mina-
 tur.*

rum primarios Duces, carissima sibi capita,
 in aeternae amicitiae fœdus secum conspirasse.
 In hos adeò, uti & in Turcas, ullumve alium
 externum hostem, frustrà sibi bellum imponi
 aut suaderi. Sufficere sibi Ukrainam, Podo-
 liam, Voliniam, Russiam. Nihil defuturum
 sibi, ad Leopolin, Chelmam, Haliciam usq₃,
 omnia possidenti. Stantem ad Vistulae ri-
 pam se Transvistulanos inclamaturum esse,
 ut silentes pace suâ fruantur. Inquietis nec
 Vistulam contra vim Rusforum fore praesidio.
 Duces inprimis Regulosq₃ omnes ubiq₃ se per-
 secuturum: in Ukrainâ verò nec nobili qui-
 dem ulli futurum deinceps locum; nisi &
 Exercitui Zaporoviano honorem debitum,
 & Regi reverentius obsequium præstet. Fe-
 rociter ita loquenti succlamabant Tribuni
 horrendis vocibus, & multum contemptum
 eorum, quorum sub imperio hætenus fue-
 rant, spirantibus. Quorum vociferationi-
 bus Chmelnicius tandem subiciebat; Non
 inauspicatò jam se hoc bellum moliri, sed fau-
 stis Patriarchæ precibus ominibusq₃ ad id con-
 secratum, & datâ peccatorum omnium veniâ,
 Lachos ad internecionem usq₃ persequi jus-
 sum. Nefas fore tam sanctum, tam venera-
 bilem hospitem non audire. Inde adeò man-
 dâsse jam copiis omnibus suis, paratæ ut sine
 ad movenda stativa, sed sine impedimentis,
 que

Patriar-
 chæ Gra-
 eco nimis
 auscul-
 tat
 Chmel-
 nicius.

quæ apud Polonos affatim reperturus quisq; sit. Nec se nisi perone aliquo instructum pro-
cessurum. Hæc incomposito vultu, stridens dentibus, pedibusq; humum pulsans, ejaculabatur; Delegatis inhorrentibus, & quod unum in hostili inconditorum hominum solo poterant, mitigate nitentibus ferentem. Cæterum quod in sermone suo, de Patriarchâ subinde jaciebat Chmelnici-

Quis ille us, id ita habet. Non Constantinopolita-
Patriar- nus is erat, cui alioquin Rutheni omnia
cha. venerantium officia, ut primo Ecclesiæ suæ Capiti, deferunt, sed Hierosolymitanum se Patriarcham ferebat. Corinthi Archiepiscopum olim fuisse, alii postea sparsere. Profugus verò nunc erat, atq; ob facinora à muneris & sacrorum communione proscriptus. Hinc evitatâ Constantinopoli, per Muldaviâ, citatis itinerib⁹; Kioviam venerat, cumq; Chmelnicium Victorem redire cognôset, mille equitibus, & Metropolitâ ejus loci comitatus, obviam ei ad primû la-

Ejus a- pidem processerat; honorifica oratione &
dulatio- illustrissimi principis titulo ipsam veneran-
nes in tus: aliis pariter undiquaq; effundentibus
Chmel- se in occursum & *Mosen Servatorem, Libe-*
nicium. ratorem populi, & magno omine, *Bohda-*
num hoc est à Deo datum certatim appel-
 lantibus. Pompæ augendæ serviebat tum
 natalis

natalis Servatoris, dies ut ubiq; inter Christianos, sic in Ecclesiâ Gracâ magnis solennitatibus celebrari solitus. Ad eum sanctè habendum non more consueto, sed multis splendidisq; epulationibus præparabant lepiiisti. In pervigilio ipso largiter se omnes invitavêre : tam in potu, quàm veneratione triumphatoris, ut appellabant, Chmelnicii, modû omnem supergressi. Die porrò festo, Patriarcha ille, si Diis placet, sacrû celebrans, ad communionem S. Coenæ Chmelnicium nequicquam cunctantem (quia parûm paratum se sentiebat) invitat ; & accedenti veniam præteritorum, præsentium & futurorum facinorum largitur. Mox & conjugium ejusdem cum Czaplinscii, primi adversarii sui uxore (quanquam tum absente) solenni benedictione ratum esse jubet. Deniq; bello adversum Lachos, (ita Polonos Rusi vocant) secundis ominat

Chmelnicii assentationibus ipsum inaugurat. Quæ cum fierent, intonabant machinarum bellicarum boatus ; clangebantq; voces, *Salvatorem & Magnum Ducem* ingeminantes. His tam fædis assentationibus non adedò mirum est Chmelnicii ingenium, insolens scilicet talium, cessisse, re tot seculorum innumeris exemplis compertâ, benè etiam *preparatas mentes faciliùs à blandiente fortunâ, quàm à*

adversâ

*Chmel-
nicii as-
sentatio-
nibus cor-
rumpi-
tur.*

„ adversâ vinci. Nam quos asperæ res mor-
 „ destos atq; industrios reddunt, eos felici-
 „ tas dulcibus venenis in honesti omnis, &
 „ sui denique oblivionem soporat. Præci-
 puè verò Græci istius Præfulis vel potius Im-
 postoris adulatio hominem dementabat,
 altiùs scilicet pectori illabente pestiferâ
 fraude, quia Religionis specie tegebatur.

Patriar- Equos sejuges & mille florenos in præmium
cha re- imposturæ à Chmelnicio cùm accepisset
munera- pseudopatriarcha, in Moscoviam abiit,
tur à istic, ut fama est, fraudum suarum larvâ non
Chmel- ita feliciter protectus; quin ex suis virtu-
nicio. tibus ornaretur. Rem verò ita compara-
 tam advertentes Delegati, tantò intentiùs
 redeundi ad suos circumspectabant vias;
 cùm præsertim inaudivissent, disceptari
 inter Cosacos, dimittine ipsos, an spoliatos
 in Codacanâ arcem projici melius esset.

Captivos Captivorum quoq; cura coquebat Delega-
liberari tos; quos destituere & sub cultro quasi re-
cupiunt linquere nefas ducebant. Eos saltem si li-
delegati. berarent, fore quaecunq; itineris & labo-
 rum suorum pretium. Inprimis illos, quos
 deditâ arce Codacanâ in fidem accepisset

Codaca- hostis, salvo jure divino humanové, retine-
na arcis ri ab ipso non posse videbatur. Ea arx,
deditio. olim de consilio Stanislai Coniecpolscii,
 exercituû Ducis, frænandis Cosacis Tartâ-
 risq;

risq; in camporum desertorum, extremis, ad ripam Borysthenis, posita erat, validum-
 què impositum præsidium. Sed postremo hoc bello, cùm post fusos exercitus, nullo modo se sustinendæ hostis potentiæ pares esse viderent præsidarii, inter alias honestissimas conditiones, liberum sibi ad suos reditum pacti fuerunt; jurante ipsis, per quicquid cœlo terrâq; sacrum verendumvè est, Nesterenio, Sumekio, Volczynko, Cosacorum Tribunis; se ab omni vi intactos tutosquè, quò & quam diu duci vellent, deducturos. Ita egressi ex arce bellatores præsignes, Christophorus Grodzicius Arcis Gubernator, postea Armamentarii præfectus generalis, Josephus Lanczynius excubilis præfectus, Martinus Czarnecius, Adamus Sobiescius, Stanislaus Coniecpolscius, (qui postea jussu Chmelnicii obtruncatus est) aliiq; multis stipendiis egregii viri, cum milite gregario; arma quisq; sua & impedimenta, prout pacti erant, efferentes. At cum per longa viarum discrimina ad exercitum Zaporovianum pertigerant; istic tandem, Chmelnicii jussu, attinebantur. Qui liberos dimittere aliquoties pollicitus, na contentiùs fidem exsolvebat, interdum bello tra captos, adeoq; suis nutibus obnoxios esse, etum desponsans. Regerebant Delegati, milites tinen-

U

benè tur.

*Id ex-
probra-
tur
Chmel-
nicio.*

*Ille ad-
huc mi-
natur.*

benè meritos & servos Regis ac Reipubl. hos esse. Tandem etiam Delegatorum unus, Albertus Miascovijs, addidit, *vel à paganis reddi solere captivos, & id illis solenne esse, dare hoc integranda amicitie pignus. Se ipsum olim à Rege Constantinopolin missum, ab Ibraimo Soltano Ottomanico aliquot centenos captivos impetrasse. Quanto equius Chmelnicium, Regi subiectum, clavâ imperatoriâ recens à Principe suo donatum, subditos ejus & milites non armis, non praelio victos, sed pactis legibusq; certis in fidem acceptos, Delegatis Regiis potius reddere, quàm captivitatis & servitutis squalore conficere. Si hâc in re adeò iniquum se præbuerit, nil profectò de fide, obsequio, bonovè affectu ejus sperandū fore. Nihilo magis his, quàm antè tot aliis sermonib⁹ movebatur homo obstinat⁹ & fortunæbri⁹. Restitutū iri illos, agebat, sed nō ante, quàm à Lithvanis Polonisq; omnib⁹ vellicari Cosaci desinerent. Andrea Potocio (nam & is inter captivos erat) expectandum in vinculis fratrem Præfectum Camenecensem, quem fama sit Baro, nobili Podoliae suae (ita vocabat) civitati gravem esse, Jussas à se in illum ire Legiones, & vivum ipsum adduci.*

Cū postea tyrannidem, quam Kioviae ingentem Neczajus Braclaviensis Cosaco-
rum

rum Tribunus exercent in omnem sexum
 etatem, ordinem, jussu, ut fama erat,
 Chmelnicii, objectarent Delegati, respon-
 dere ille, *neminem innocentem à se violari*
jussu, sed eos tantum, qui partes Cosaco-
rum amplecti nollent. Liberum sibi Kiovia
agere, quicquid vellet: se Dominum & Pa-
latinum jam ejus Urbis, Dei & gladii sui
beneficia, esse.

Sub hæc Legatum Moscoviticum dimi-
 sit Chmelnicius, cum pridie nuncius quoq;
 Principis Transylvani egregiè donatus ab-
 iisset. Uterq; insalutatis Polonis profectus *Legatur*
est; utcunq; Legatus Moscoviticus impense Moscovi.
Kiseli Palatini colloquium expeteret. Ejus tunc a-
postulata in occulto habebantur; nisi quod bit à
fama ferebat, illum Magni Ducis sui no-
Chmel-
mine quælivisse, an Religionis causâ bellum nicio.
hoc gereret; id si esset, quadraginta milli-
um exercitum auxilio misurum Ducem, hâc
lege, ut pars Ukraine Moscis cederet. Ex Le-
Illius a-
gati verò domesticis cognitū est, Duci haud pud.
volenti esse Chmielnicii istos in Rempubl. Chmel-
ausus, ac proinde eum admonitum, impe-
picium
tus uti suos sufflaminet, contineatq; à san-
Legatio-
guine Christiano, & subditorum Domini sui nis finis.
injuriis, Regi Polonia fratrem se esse & futu-
rum, quiq; ei iniquè adversentur, iis se o-
mni vi suâ contrarium fore. Sed Gracâ

fide hæc dicta, & potius occulta in futurum fundamenta belli jacta hîc esse, eventus postea docuit. Cæterum profectis illis, tantò magis Delegati, bonâ similiter pace, dimitti postulabant. Et annuebat Chmelnicius, si epistolâ unâ contenti, re nullâ præterea effectâ, abire vellent. Tandem tamen mul-

*Conditio-
nes Pa-
cis ali-
qua scri-
buntur.* tis magnisq; Kisieli laboribus obtentum est, ut certas conditiones chartæ injici permitteret, subscribere iis, si placuissent, pollicitus. In quibus difficultatis plurimum movit, quod Delegati Polonis exercitibus integrum esse volebant, durantibus his induciis, ad Szlucum amnem, & aliâ parte Barum, Vinniciam, & Braclaviam usque progredi. Arctiores enim Regiis Chmelnicius, sibi patentiores figi limites poscebat.

*De capti-
vis ite-
rum dis-
cepta-
tur.* Cum circa hoc diu frustra decertatû esset, in captivos conversa Delegatorum cura est: quos ut liberarent, nihil inexpertum reliquere. Nec jam verbis tantum sed & nummis emollire ferreum nitebantur hostis animum. Neque Chmelnicium duntaxat, sed & alios, qui apud eum aliquid posse credebantur, sollicitabant; aurum ingerentes, & ubi, quos vellent, libertati redditos viderint, stipulantes majora. Nihil omnibus istis conatibus effectum est, quàm ut denique excubiæ intenderentur, ne ullus, invit-
tis aut

is aut infciii Cosacis, elabi posset. Postre-
 mâ ante abitum nocte, nonnulli ex ipso et-
 iam Delegatorum famulitio submersi sunt.
 Adeo inter istos jus gentium pēsi habetur.
 Tandem XXIV, Februarii seriò jam disces-
 sum molientes Delegati, denunciari Chmel-
 nicio jussêre, *vale se ipsi dicere, simulq;
 ultimas preces pro captivis interponere velle.*
 Cum is ad Delegatos venire promitteret,
 prâvenêre tamen hi; & quantumvis æger
 admodum, perq; arthritidos paroxysmum,
 manibus pedibusq; captus, nihilominus *Chmel-*
 trahâ vehi se cum Collegis ad Chmelnicii *nicio va-*
 ædes jussit Kisielus. In quarum atrio (de- *ledicunt*
 scendere enim moveriq; de trahâ in do- *Delega-*
 mum, molestum fuisset ægro) congressus *ti.*
 cum Delegatis Chmelnicius, puncta manu
 suâ subsignata Palatino tradebat; nec non
 literas binas, quarum alteræ ad Regem, al-
 teræ ad Magnum Cancellarium scriptæ e-
 rant. Simul cantherium & in sacculo cen- *Dono*
 tum plus minus aureos Kisielo donat, quos *Chmel-*
 ille protenus inter captivos distribuit. Pro *nicii.*
 his verò jam undiq; iterum accuratissimæ
 fiebant deprecationes, illis simul ipsis, quo-
 rum res agebatur, tantum non sanguinem
 lacrymantibus, &, si non pacta, non preces,
 non pretium apud immitem valerent, sal-
 tem Tartaris tradi poscentibus: quippe à

*Pericu-
lum &
captivis
& Dele-
gatis im-
minet.*

quibus aurō utiq; impetrabilis esset liber-
tas. Surdo adhuc narrabatur fabula. An-
dreæ insuper Potocio captivorum prima-
rio, si patruelis frater ejus, quod fama nar-
raret, Barum invasisset, dira denunciaban-
tur. Quin binis jam noctibus sonuerant
apud plebem Cosacorum voces, omniā ex-
trema iplis quoq; Delegatis minantes. In
extremo dexterarum complexu, Inducia-
rum fidem ad Pentecosten usq; diligenter
tuendam, Palatinus Chmelnicio amicē
commendabat: hic vicissim ambiguum
quid de futurā compositione musitans,
sistere tamen ad eum conventum captivos
& machinas aliquot bellicas pollicebatur.
Ita discessum est: Cosacorum Tribunis De-
legatos extra Urbem comitantibus. Sed
longiūs eosdem comitabatur metus, uti in-
ter malē fidos infestosq;.

Afflictos undiq; proditioes etiam tur-
babant. Inventi quippe ex famulitio De-
legatorum nonnulli, etiam secretorum non
ignari, qui ad hostem seu sponte, seu pro-
missis empti, profugēre. Contrā & ab hoste
clam elapsi circiter centum homines diver-
sæ sortis, Delegatos assectabantur. Quod
idem Kioviæ fiebat, cum bini ex Delegatis
eò divertissent. Cæterum ut appareat, quid
hæc legatione effectum sit, operæ pretium
est con-

est conditiones, quarum ante iacta mentio,
hîc subjicere.

1. *Clavam & Vexillum à Regiâ Majestate Condi-
& Reipubl. missa, Dux & exercitus Zapo- tiones
rovianus recipiunt, in fideli obsequio manere Pacifica-
pollicentes, quemadmodum ex peculiari in tionis
id scriptâ epistolâ appareat. Perea-*

2. *Quia ob inopiam pabuli exercitus Co- slavien-
sacorum jam congregari nequeat, id quod sis.
tamen ad conficiendum exercitûs futuri al-
bum seu matriculam & discriminandam à
stipendiariis plebem necessario fieri oporteat,
ideo pacificatio hæc seu, ut vocant, Commis-
sio, ad proximum ver, & nominatim ad Gra-
ci ritûs Pentecosten profertur. Ad quod tem-
pus, Zaporobianum Sacra Regiâ Majest. ex-
ercitû Ductor ejus ordinet, ac secundum an-
tiquas consuetudines & privilegia Zaporo-
bianæ militiæ componat, provisurus, ut exer-
citus ille ad Borysthenem & solennes Tarta-
rorum irrumpentium vias, in Palatinatu
Kioviensi, ritè dispositus reperiatur. Ad eun-
dem diem duo Viri à Regiâ Majestate perfici-
enda tractationi mittantur.*

3. *Quia Commissionis negotium confici
nunc nequiverit; Poloni interim Lithva-
niq; & pariter ex alterâ parte Zaporobia-
ni exercitus pacificè & intra limites agunto.
Ita ut dicti exercitus neutrubi Pripetum &*

Horinum fluvios, & in Podolia Bracławieq;
 terris Cameneciam ne transgrediantur, nec
 se irruptionibus, suggestionibusve mutuis in-
 festanto. Et si illi exercitus eorumq; aliqua
 partes jam alicubi dictos terminos migrave-
 rint, recedunto. Quâ de re diplomata jam
 mox utrinq; dimittuntor; post quorum pu-
 blicationem, si quis fines dictos transgredi
 sustinuerit, pro contumace habetor & pu-
 nitor.

4. Ne interturbationibus ansa detur,
 Domini & heredes possessionum ultra nomi-
 natos limites sitarum, ab earum ingressu &
 inhabitatione, omniq; jure postliminii ad
 definitum tempus abstinento. Qui inter Ho-
 rinum & Slucum sua tenent, integri porro
 indemnesq;, dum limites modò fixos ne egre-
 diantur, tenento.

5. Ad contestandum fidele suum erga Re-
 giam Majestatem obsequium, Ductor militia
 Zaporohiana captivos omnes in futuro Com-
 missionis conventu, Regi reddere salvos atq;
 incolumes, Deo volente, promittit: petens vi-
 cissim ut Czaplinskius tum sibi dedatur, qui
 injectâ pradio & vite Chmelnicii manu, hu-
 ius incendii prima fax, & jam prioris quoq;
 belli autor fuerit, aliis potentioribus ad se-
 quius consilium dolo ejus inductis.

6. Istas

6. Ista conditiones sub fide & conscientia bonâ, integrè immotèq; servare & exequi Palatinus Braclaviensis & Collegæ ejus nomine Regiæ Majestatis totiusq; Reipubl. Polonæ, nomine verò universi exercitûs Zaporobia- ni Ductor ejus promittit spondetq;, manu utrinq; & sigillo apposito. Actum Pereaslavia 24. Februarii Anno Domini 1649. Literæ ad Regem supplices in hunc sensum conce-
ptæ erant. Cum acerrimis injuriarum stimu-
lis ad excutiendum servitutis jugum incitati
compulsiq;, alios propè jam Dominos circum-
spicere capissemus: Illustris Palatini Braclae-
viensis autoritate à proposito revocati, in ob-
sequio Regiæ Majestatis manemus, ac manere
parati sumus: ubi Sacra Regia Majestas
compotes nos votarum fecerit, quæ ista sunt:

1. Servitus, quam Turcicâ haud mitio-
rem gens nostra Ruthena in antiquâ suâ
Gracâ Religione propter Unionem patitur,
petimus, ut solvatur. Ita ut, more antiquo,
unius ritûs atq; eorundem Sacrorum gens
Ruthena, & Episcopatus Ecclesiæq;, totâ Rus-
siâ, Poloniâ, Lithvaniâq;, sint. Nomen Unio-
nis ut deleatur: ita ut duo tantum ritus, qui
in primò Russiæ cum Poloniâ coalitu viguê-
re, servantur. Quicumq; Episcoporum, ritum
Latinum sequi maluerint, id iis integrum
esto, dum Græca templa & veteres fundatio-

nes reddituum Ruthenis restituant; quibus Ecclesia Græca magis probatur, in eâ manere citra noxam possint. In summâ, ut dentur Romana Græcâq; Ecclesiæ ea, quæ antiquitus ad quamq; pertinuerint, & nemo usquam fratrum nostrorum novo unionis iugo gravetur. Eo remoto, æquior faciliorq; concordia erit.

2. Cum Czaplinskius prioris belli præcipuus incentor fuerit, post ablatum mihi Chmelnicio prædium, vitam quoq; meam adortus; eum ut malorum primum autorem nobis dedi petimus.

3. Alterius & majoris belli cum Dux Visniovecius fax & origo exstiterit; utpote pacis commissionisq; inchoatæ violator, cum eo, si Dux exercituum creatus fuerit, nec pacificè nos agere, nec omninò illum in Ukrainam admittere velle, & ad bellum omninò redeundum fore, denunciamus.

4. Palatinus Kioviensis ut sit gentis nostræ, ritûs verò Græci; ne in templa Græcæ Religionis injurius sit, quemadmodum hodiernus est, qui in arce templa nostra demolitus, alia strui vetuit. Ei alium altiorem in Senatu locum; nobis verò Palatinum eorundem nobiscum sacrorum optamus. Itidem Metropolitam ut in Senatu sedem habeat. Ita ut tres omninò Senatores, inter Ecclesiasticos

nicos Metropolita, inter Politicos Palatinus & Castellanus Kiovienses nostræ Religionis addicti ejusq; proinde, uti & juris Ruthenorum Patroni & Vindices in posterum habeantur.

5. Kiovia quæ sunt templa, & monasteria maneat inviolata; sed Jesuitæ exesse jubentur, quos ut agrè faceret Ruthenis, introduxit Palatinus; inde intolerabili confusione data ansa est.


Quia autem in pactis istis Unionis & Unionis Unitorum non rara fit mentio, breviter, & unito- quid iis nominibus significetur, indicandum est. Orientalem Ecclesiam, quæ & go ac Græca appellatur, non tam gravi aliquo progressu sententiarum divortio ab Ecclesiâ Romanâ, quàm ab ejus capite Papâ, dedignatione obsequii, disfidere, adeoq; Schismaticos appellari, constat apud rerû gnaros. Quotquot igitur ejus ritûs in Rusiâ olim erant, omnes Constantinopolitani Patriarchæ antistitio subjecti, ex alieni & Turcici quidem imperii metropoli, leges, atq; instituta sacra petebant. Quæ res, quia Christiano populo nec decora satis nec tuta videretur: Regum Procerumq; Polonorum, præsertim verò Antistitû, cura eò jam dudû incubuit, ut hæc, quæ Turcicæ potentia, tum vicinitate, tum (quia sub Turcâ multi Græcæ fidei) ipso hoc Religionis nexu quodammodo

dammodo obnoxia esset provincia, sub
idem cum reliquâ Poloniâ sacrorum Caput
redigeretur. Vi ad eam rem adigere ve-
tabant leges Regni; & cum nemini, tum
minimè istis eripienda videbatur religionis
libertas, quam in primo ad Rempubl; acces-
su secum attulissent. Numerosissimam por-
rò gentem violentia ejusmodi ad extrema
omnia efferatura videbatur prudentibus &
moderatis, qui, populum de servitutis oneri-
bus jamdudum querulum, cum pro reliquâ
libertate arma jam induere non auderet,
pro sacrorum suorum integritate lubenter
arrepturum agebant. Non una jam ejus rei
specimina edita, sed timere adhuc animos, &
si gravius premantur, haud dubiè iterum
atroci impetu erupturos. Verùm Proceres
Rutheni, Scholis & necessitudine Polono-
rum, aliis item invitamentis paulatim ferè
omnes inducti sunt, ut prisca instituta, &
in iis sacra sua cum Polonis Romanisq;
spontè mutarent. Plebs ut rudis, sic ve-
tustatis pertinax, quò magis novum sacro-
rum regimen in terrâ suâ invalescere videret,
eò acriùs querelis apertisq; inductæ
mutationis execrationibus, minis deniq;
contra nisa est; Cosacorum, qui omnes
ejus ritûs essent, arma plerunq; circumspi-
ciens, & occultè identidem ciens. Sed in-
condita

Proceres
Rutheni
Religio-
nem mu-
tant.

conditæ multitudinis vis ingenio potenti-
q; aliorum diu retardata, aut suppressa est.
Tandem verò nonnulli ex ipsis Præsulibus
Ruthenis, sententiarum suarum cum Oc-
cidentalis Ecclesiæ dogmatibus vicini-
tate animadversâ, divino impulsu flecti
se passi sunt, ut Ecclesiæ Romanæ æquis
conditionibus innecti velle testarentur.
Et horum curâ missi deniq; sunt
anno 1595. ad Clementem VIII, Rom: Pon-
tificem duo Legati; Hyppatius Pociey,
Vlodimirienſis Brestensisq;, alter Cyrillus
Terlecki, Luceorienſis Antistes. Qui Ro-
mæ cõmiter accepti, cum, post habita ultrò
citroq; de rei difficultatibus colloquia,
quosdam Ecclesiæ suæ ritus Romanis apta-
te promississent, potestatem cæteros reti-
nendi impetravêre. Unde in partes mox
discescit Ecclesia Ruthena, aliis, *Unitorum*
homine, Romanæ Ecclesiæ regimen ample-
ctentibus, aliis prisca schismatis eò retinen-
tiorib9, quò plurium desertione ad sequen-
dum sollicitabantur: illo concordia & pa-
cis consilio, ut sæpè fit, in sævisſimum dis-
cordiæ incitamentum degenerante. Ni-
mirum ut inter accolæ nationes, ita inter
vicinas Religiones acriora, nisi in tertiam
aliquam conspirare communis utilitas aut
necessitas impellat, odia sunt. Quia quò
pronior

Prior in illâ propinquitatē transitus est ex unâ in aliam, eò intentiore studio illum obstruere fervidi partium Duces nuntuntur. Hincq; adeò cum curâ sapè conquiruntur omnia, quæ ad distrahendos magis animos faciunt. Multa etiam, pacis alioquin studio tolerata, odiosis interpretationibus asperantur. Hinc sanè in gravissimas dissensiones factionesq;, Russi ivère, & nulli penè congressus, nullâ etiam posthac Comitum quiritationibus Ruthenorum, Unionem quàm maximè incusantium, caruere. Donec tandem, strepentibus Chmelnicii armis, causa, quæ Comitum autoritate transigi non potuit, gladiis acta est, & utramq; litigantium partem gravissimis calamitatibus, Podoliam verò & Ukrainam Turcico heu jugo deniq; subjecit.



INDEX RERUM insigniorum.

A.

C hristoph. Arcisevius, 128. ei demanda-	
tur cura Leopoleos	168. seq.
Arma Tartarorum	60
Arpajus Comes Legatus Gall.	210
Asiatici Tartari	47
Astracan	46

B.

Baito multis populis formidabilis	42
Barum occupatur	138. seq.
Basilius primus Czari nomen assumpsit	46
Georg. Bömelius	276
Ignatius Bonkovius	134
Borysthenes	15
Dn. de Breze Legat. Gall.	219
Brodana Arx strenuè se defendit	163, 164
seqq. liberatur obsidione	167
Maximil. Brzozovius	249
Budziacii Tartari	59

C.

Cassa vetus Urbs	52
Campi deserti	12
Cangius s. Gingis Chan.	42

Laurent.

INDEX.

<i>Laurent. Cantersteinius Legatus Spec.</i>	210
<i>Ferdin. de Carretto Legat. Casareus</i>	210
<i>Casimirus M. Judeis favet</i>	114
<i>Cataractæ vulgò Porohi</i>	15
<i>Chmelnicius 27. ejus offensa 31. nuncii</i>	
<i>Varsaviam veniunt 112. capit Krzywo-</i>	
<i>nossum, sed mox dimittit 140. ei clava</i>	
<i>& vexillum nomine Regis offertur.</i>	295
<i>Christoph. Chotkiewicz</i>	228
<i>Chortiza Insula</i>	18
<i>Circasii Tartari</i>	45
<i>Codak 16. præsidarii ejus contra</i>	
<i>pactum detinentur</i>	305
<i>Andr. Coniecpolscius</i>	77
<i>Alex. Coniecpolscius</i>	95. 221
<i>Commisarii ad Cosacos</i>	240
<i>Confederatio Ordinum Polonia 124. 125 seq.</i>	
<i>Christoph. Coniecpolscius</i>	221
<i>Stanisl. Coniecpolscius jussu Chmelnicii ob-</i>	
<i>truncatur</i>	305
<i>Convocatio post mortem Vladisl. Regis 95. 120</i>	
<i>Andr. & Demetr. Coributhus</i>	45
<i>Corsunensis clades</i>	80
<i>Steph. Coriscinicius</i>	131
<i>Cosacorum origo & nomen 13. ij duplices 14</i>	
<i>eorum præcipuum latibulum</i>	19
<i>Cosaci ex agrestibus conflati 21. Tartari</i>	
<i>insidiantur. ibid. & Turcis infesti. ibid.</i>	
<i>eorum navicula 22. irruptiones in Tur-</i>	
<i>ciam</i>	

INDEX.

<i>etiam ibid. victus</i>	23.	<i>arma ibid. religio</i>	25
<i>eorum cum Tartaris lucta</i>			70
<i>cum Tartaris se jungunt</i>		<i>ibid.</i>	
<i>Crimum</i>		52. seq.	
<i>Crivonosius Dux Cōsacorū agrestiam</i>	101. seq.		
<i>profligatur</i>	103. 107. 109. seqq.		
<i>Cracoviensis Magistratus jurat</i>		249	
<i>Czaplinski</i>		31. 312.	
<i>Steph. Czarnecius</i>		72	
<i>Francisc. Czarnkovius</i>		97	
<i>Martin. Czarnecius</i>		305	
<i>Zachar. Czetvertinius Dux</i>		240	

D.

<i>Demetrius Dux Visnovecius</i>		18	
<i>Dithmarus Episcopus Mersburgensis</i>		11	
<i>Henr. Dönhofius</i>		77	
<i>Sigism. Dönhofius</i>	149. 204		
<i>Dominico Zaslavia & Ostrogia Dux</i>	77. 92. 95		
<i>Franc. Dubravius</i>	131. Director ordinis		
<i>Equestris sit</i>		252	

E.

<i>Electiois bona</i>		197	
<i>Electioni Leges prescriptæ</i>		198	
<i>Equi Tartarici</i>		60	
<i>Equina caro Tartarorum cibis</i>	61. seq.		
<i>Eresymum</i>		61	
<i>Esther Casimiri M. pellex</i>		114	

F.

<i>Vincent. Fabricius Syndicus Gedan.</i>		276	
---	--	-----	--

X

Carol.

INDEX.

<i>Carol. Ferdinandus Candid. Regni</i>	209
<i>Andr. Firlejus</i>	203. 288
<i>Flumina trajiciendi modus Tartaricus</i>	65

G.

<i>Andr. Gembicius</i>	120. 228
<i>Christoph. Gembicius</i>	221. 229
<i>Petrus Gembicki</i>	228
<i>Gierejorum familia</i>	56
<i>Franc. Gize Legatus Neoburg.</i>	210
<i>Nicol. Gnievosius</i>	204. 263
<i>Vincent. Corv. Gonsiewski</i>	230
<i>Sbign. Goraiscius</i>	86. 120
<i>Græca religionis Cosaci</i>	25
<i>Christoph. Grodzicius</i>	76. 305
<i>Andr. Carol. Grudzinus</i>	97
<i>Sigism. Guldensternius L. B.</i>	86. 269

H.

<i>Nicol. Hadziejovicius</i>	181
<i>Joan. Höverbequius Legat. Brand.</i>	210
<i>Georg. Hlebowicz</i>	229
<i>Hocot</i>	42

I.

<i>Janicoviana privilegia</i>	274
<i>Jeremias Dux Visnovecius</i>	95. 96. 102
<i>ei regimen exercituum datur</i>	202. 203
<i>Johan. Basilides. Mosc. M. Dux.</i>	46
<i>Invidia non veretur publico etiam damno</i>	
<i>iras privatas satiare</i>	153

Joannes

INDEX.

<i>Joannes Casimirus Candid. Regni Pol.</i>	209
<i>ejus partes prevalere incipiunt</i>	214. 215
<i>seqq. Rex eligitur</i>	221. <i>seqq. Rex nominatur</i>
	227. <i>coronatur</i>
	244. 245. <i>seqq.</i>
<i>Georg. Monvid. Irzykowicz</i>	230
<i>Judeorum descriptio</i>	113. 114. <i>seq. sub Casimiro M. florent</i>
	114
<i>Iwan Magnus</i>	46

K.

<i>Adam. in Czaſniki Kazanowski</i>	229
<i>Adamus Kisielus</i>	38. 123. 240. <i>ejus epistola ad Chmelnicium</i>
	88. <i>seqq. 142. seqq.</i>
<i>Nicol. Kisielus</i>	240
<i>Joh. Kochanovius</i>	120
<i>Alex. Koniecpolski</i>	229
<i>Steph. Korycinskius</i>	281
<i>Stanisl. Krzyczewius liberat Chmelnicium</i>	34
<i>Krzywonosius Dux Cosacorum agrestium</i>	101
<i>seq. profligatur. 103. 107. 109. seqq. capitur à Chmelnicio, sed mox dimittitur</i>	140

L.

<i>Stanisl. Lanckoronski</i>	282
<i>Joseph. Lanczynius</i>	305
<i>Georg. Laszczius</i>	175
<i>Joan. Comes de Leszno</i>	86. 269
<i>Legati exterorum Principum</i>	210
<i>Leges in Comitibus Coronationis scripte</i>	290
<i>Bogusl. Comes de Leszno Convocationis moderator</i>	121. <i>ejus oratio</i>
	194. 195. <i>seqq.</i>

INDEX.

<i>Vencesl. Leszcinius</i>	204. 228
<i>Andr. de Leszno Leszczynski</i>	228. 252. seqq.
<i>Leopolis se redimitâ Chmelnicio</i>	172. 173
<i>Lithvania â Cosacicis turbis nō libera</i>	135. seq.
<i>Adr. de Linda</i>	274. 276
<i>Stanisl. Lubomirscius</i>	38
<i>Georg. Lubomirscius</i>	217. 230
<i>Alex. Lubomirscius</i>	221. 229
<i>Albert. Lubienescius</i>	221
<i>Matthias Lubienescius</i>	93. 228

M.

<i>Mahmet-Gieray</i>	56
<i>Spitco Melstinius</i>	45
<i>Hyacinth. de Michalow Michalowski</i>	230
<i>Alb. Miascovijs</i>	240. 306
<i>Jacob. Michalovius</i>	243
<i>Ceslaus Casim. Miloszewki</i>	230
<i>Hieron. Milonscius</i>	131
<i>Miles, qui impetu valet, morâ interdum flaccescit</i>	153
<i>Vlad. Miszkovius Marchio de Mirow.</i>	177
<i>Emer. Mleczo</i>	230
<i>Mogul Magnus</i>	42. 48
<i>Moscovia</i>	10

N.

<i>Stanisl. Naraszevicius</i>	221. 229
<i>Niemirovia occupata</i>	101
<i>Niemirovianorum perfidia</i>	102
<i>Theod.</i>	

INDEX.

O.

<i>Theod. Obuchovicius</i>	131
<i>Phil. Casim. Obuchovicius</i>	198
<i>Alex. Oginski</i>	229
<i>Theodat. Oginski</i>	229
<i>Carol. Olsnicius Leg. Brandeb.</i>	210
<i>Lucas Opalinskius</i>	112. 229
<i>Christoph. Opalinski</i>	228
<i>Ordines Poloniae scribunt ad Cosacos</i>	121
<i>eorum Confederatio</i>	124. seq.
<i>Oratores & Legati exterarum Principum</i>	210
<i>Georg. Ofsolinius</i>	86. 93. 229
<i>Nicol. de Ostrorog. Comes</i>	95. 230. 288
<i>Maximil. Ofsolinski</i>	249

P.

<i>Palatinatum delectus & tributa ad bellum</i>	
<i>Cosac.</i>	207. seq.
<i>Patriarcha fectus remuneratur à Chmelnicia</i>	
<i>304. quis ille</i>	302.
<i>Perecopia</i>	50. seq.
<i>Pereaslaviensis pacificationis conditio-</i>	
<i>nes</i>	311. seq.
<i>Pilaucianae dissipationis causa</i>	202
<i>Paul. de Piaseczno Piaseecki</i>	228
<i>Polonna capitur</i>	104. seq.
<i>Hyppatius Pociey</i>	317
<i>Steph. Potocius</i>	72
<i>Prædandi modus apud Tartaros</i>	68
<i>Christoph. Przyemscius</i>	132. 204
<i>Prodigia</i>	

INDEX.

<i>Prodigia Zamoscii visa</i>	186
<i>Stanisl. de Buzenin Pstrokonski</i>	228

Q.

<i>Quarciani milites unde dicti</i>	71
-------------------------------------	----

R.

<i>Janusf. Radziwillius</i>	83. 229
<i>Alex. Ludov. Radziwill</i>	229
<i>Hieron. Radziejowski</i>	230
<i>Samuel Regovius</i>	179
<i>Regis nominatio</i>	227
<i>Regentium multitudo tollit regimen & ordinem rerum</i>	202
<i>Jacob. Rozrazewius</i>	97
<i>Hyacynth. Rozrazewius</i>	ibid.
<i>Russia divisio</i>	10

S.

<i>Joan. Sapieha</i>	72
<i>Leo Casim. Sapieha ViceCancell. M. Duc. Lithuania</i>	83. 136. 204. 229
<i>Paul. Sapieha</i>	229
<i>Stanisl. Sarbievius</i>	177
<i>Hyacynth. Schembergius</i>	72
<i>Joan. Schlichtingius</i>	131
<i>Ulr. Schafgotzius Comes</i>	180
<i>Joan. Berthranus de Scheid. Legatus Neoburg.</i>	210
<i>Alex. Sielscius</i>	131
<i>Adam. Sieniavius</i>	221. 230
<i>In Socalenses immanitas</i>	175
<i>Adam.</i>	

INDEX.

<i>Adam, Sobiescius</i>	305
<i>Smolenscum</i>	129
<i>Theod. Stetkievicz</i>	229
<i>Strzelci Insula</i>	16
<i>Andr. Szoldrski</i>	228. 243

T.

<i>Tamerlanes</i>	44
<i>Raph. Tarnovius</i>	45
<i>Mich. Stanisl. de Tarnow Comes</i>	229
<i>Tartarorum trajetūs 17. nomen</i>	39. 40
<i>Tartari Zavolhenses 43. novem saccos auriculis replent ibid. unde illi in Lithvaniā</i>	44
<i>qui Moscis subiecti 47. Asiatici 47. Dobrucenses 49. Circassi</i>	54
<i>Tartarorum regimen 56. corporum habitus 57. religio 58. educatio & vestitus 59 arma, equi 60. alimenta eorum 61. 62. prædandi modus 68. cum Cosacis se jungunt</i>	70
<i>Tavola</i>	17
<i>Tavolzani Insula</i>	ibid.
<i>Taurica Chersonesi descriptio</i>	50
<i>Cyrill. Terlecki Luceoriensis Antist.</i>	317
<i>Thoruniense Colloquium</i>	86
<i>David Tidemannus</i>	180
<i>Tobaibegus se jungit Chmelnicio 70. seq. ejus mors</i>	192

Toma-

INDEX:

<i>Tomahowka Insula</i>	19
<i>Torresius Nuntius Apostolicus</i>	219
<i>Trapezuntium</i>	22
<i>Mich. Gedeon Tryzna</i>	229
<i>Tulcinum expugnatur</i>	99. 109
<i>Joan. Ant. Tyszkiewitz</i>	229
<i>Casim. Tyszkiewitz</i>	239
<i>Georg. Tyskiewitz</i>	86. 213
<i>Janus Tyskewitz</i>	103
U.	
<i>Stanisl. Varscius Castell. Crac.</i>	221. 229
<i>Ludov. Veiberus</i>	98. 177
<i>Victus Cosacorum</i>	23
<i>Vitoldi victoria 44. clades</i>	45
<i>Wielky Ostrow</i>	18
<i>Joan. Wielopolski</i>	239
<i>Dux Visnovecius Jeremias</i>	95. 96. 102
<i>ei regimen exercituum datur</i>	202. 229
<i>Stanisl. Witrowscius</i>	149. 156
<i>Ukraina</i>	II
<i>Vladislai IV Regis mors & elogium</i>	82. 83
<i>seqq. 196. ejus pompa Funebri.</i>	242. seqq.
<i>Unionis & Unitorum origo & progressus</i>	315
<i>Steph. Wydzga nunc Primas Regni</i>	227
Z.	
<i>Alex. Zalescius</i>	206. 229
<i>Zamaseii descriptio 176. illuc multi confu-</i>	
<i>giunt 178. praesidiariorum dispositio</i>	180
<i>Id strenue se defendit</i>	183. seqq.
	Joh.

INDEX.

Joh. Zamoscius	176
Stanisl. Zarembo	213
Zawolhenses Tartari	43
Zbarasium	162
Jacob. Zielenius	240
Zolkienianum sepulcrum	298
Daniel Zytkiewicz	230





ERRATA.

Pag. 3. lineâ 14. lege *perstringentem*. Pag. 4. lin. penult. lege *aguntur* & lin. ult. lege *famâ*. Pag. 15. lin. 5. lege *Zaporoviani*. Pag. 19. lin. 28. lege *languidior*. Pag. 20. lin. 3. lege *obruuntur*. Pag. 21. lin. 22. lege *Pontum*. Pag. 22. lin. 19. lege *Cosacorum*. Pag. 23. lin. 14. lege *lanceo*. & lin. 22. lege *qui*. Pag. 25. lin. 10. lege *incertam*. & lin. 16. lege *se querebantur*. Pag. 26. lin. 15. lege *Pereaslaviam*. Pag. 29. lin. 18. lege *inter quas* & lin. 16. lege *famem*. Pag. 31. lin. 12. lege *cœperit* & lin. 24. lege *subesse* & lin. 27. lege *Subpræfectum*. Pag. 32. lin. 6. lege *inde*. Pag. 33. lin. 14. lege *in compensationem* & lin. 16. lege *infectos* & lin. 20. lege *suum*. Pag. 34. lin. 2. lege *in quem* & lin. 8. lege *incertum* & lin. 14. lege *carcerem*. Pag. 35. lin. 1. lege *Varsavia*. & lin. 7. lege *gestabat* & lin. 25. lege *ingruente*. *ibid.* lege *comitatus*. Pag. 36. lin. 19. lege *inhospitas*. Pag. 37. lin. 1. lege *accurrisse*. & lin. 21. lege *Zaporovianis*. Pag. 39. lin. 8. lege *gratisima*. Pag. 41. lin. 10. lege *aperuere*. Pag. 42. lin. 10. dele &. & lin. 18. lege *Polovcos*. Pag. 43. lin. 18. post *paludem* deleatur. & lin. 27. lege *sunt*. Pag. 44. lin. 6. lege *Samarcanda*. lin. 7. lege *metropoli*.

ERRATA.

ropoli. Pag. 46. lin. 2. lege *paulatim.* Pag.
 48. lin. 9. lege *Asiatici.* & lin. 13. loco & po-
 ne ex. lin. 13. lege *Situm.* Pag. 49. lin. 3. lege
Scytas. & lin. 9. lege *Dobrucenses.* lin. 10.
 deleatur *alios.* lin. 22. lege *nominatum.* Pag.
 50. lin. 8. lege *ferociæ.* & lin. 15. lege *Batto.*
 Pag. 52. lin. 11. lege *commisso.* lin. 25. lege
internæ. & lin. 26. lege *libidini.* Pag. 53. lin.
 6. lege *Cirum metopo.* lin. 17. lege 17. lege
propinquo. Pag. 54. lin. 6. lege *terram.* l. 26.
 in marg. lege *Tartari.* & lin. 27. lege *Peti-*
borienses. Pag. 55. lin. 2. lege *Arrianus.* lin. 5.
 lege *Circasios.* lin. 9. lege *Cl.* Pag. 56. l. 12.
 lege *conspicua.*.. ibid. *Mahmet-Gierei.* Pag.
 57. lin. 8. lege *Principes.* lin. 15. lege *redegit.*
 Pap. 60. lin. 22. lege *partem.* Pag. 61. lin. 25.
 lege *inufitata.* Pag. 62. l. 13. lege *fortissimè.*
 & lin. 25. lege *Beauplanins.* Pag. 63. lin. 12.
 pro inter pone in. Pag. 64. lin. 10. lege ex
poliis. Pag. 66. lin. 15. lege *mox asferes.*
 Pag. 70. lin. 10. lege *Cosaci.* & lin. 16. lege
potius. Pag. 71. lin. 21. lege *quanquam.* Pag.
 72. lin. 16. in marg. lege *comite.* Pag. 73. l. 5.
 lege *vivum.* Pag. 74. lin. 9. lege *signum.* &
 lin. 15. lege *circumventus.* lin. 17. lege *polli-*
ceretur. Pag. 75. lin. 8. lege *permisſu.* Pag.
 76. lin. 16. lege *transmittit.* Pag. 78. lin. 25.
 lege *in gentem.* Pag. 79. lin. 9. lege *experi-*
mentis. & lin. 14. lege *nihil.* Pag. 85. lin. 2.
 lege

ERRATA.


lege *liberavit*. Pag. 90. lin. 23. lege *idcirco*.
Pag. 91. lin. 25. lege *Monachus*. Pag. 94. lin.
23. lege *Vezirum*. in marg. lin. 24. lege *ad*.
Pag. 96. lin. 3. in marg. lege *non*. Pag. 96.
lin. 22. lege *sinistra*. Pag. 103. lin. 4. lege *ad*
ferendam. & lin. 18. lege *navat*. & lin. 27.
in marg. lege *corumpitur*. Pag. 106. lin. 16.
lege *cum*. Pag. 113. lin. 13. dividantur verba
amplecti maluerunt. Pag. 118. lin. 1. lege *ab*
legandos. Pag. 121. lin. 12. in marg. lege *exa*
minantur. Pag. 125. lin. 14. lege *bucusq;*. lin.
16. lege *peregrè*. Pag. 132. lin. 12. lege *civi*
bus. Pag. 134. lin. 2. lege *saltem*. Pag. 137.
lin. 12. lege *magnitudinem*. Pag. 139. lin. 23.
lege *defendit*. Pag. 144. lin. 5. lege *missis*.
Pag. 156. lin. 25. lege *carraginem*. Pag. 157.
lin. 22. lege *carnit*. & lin. 25. lege *attineren*
tur. Pag. 160. lin. 15. lege *equidem*. & lin. 23.
lege *iret*. Pag. 161. lin. 12. lege *celeritate*.
Pag. 162. lin. 26. lege *compendium*. Pag. 165.
lin. 5. lege *strui*. Pag. 166. lin. 4. lege *effugè*
re. Pag. 167. lin. 15. in marg. lege *Brodana*.
lin. 24. lege *fidei*. Pag. 187. lin. 28. lege *suf*
fecturam. Pag. 193. lin. 8. lege *Convocatione*.
Pag. 206. lin. 13. lege *fratribus*. Pag. 212.
lin. 5. lege *Electorales*. & lin. 20. lege *fendi*
sui. Pag. 213. lin. penult. lege *urgebatur*. Pag.
220. lin. 17. lege *singulis*. Pag. 221. lin. 16. le-
ge *Aquilifer*. & lin. 23. in marg. lege *Prin*
cipi.


ERRATA.


tipi. Pag. 222. lin. 24. lege *Equeſtri.* Pag. 227.
 lin. 5. lege *Archiepiſcopo.* Pag. 229. lin. 12.
 lege *Alexandro.* & lin. 22. lege *Alexandro.*
 Pag. 231. lin. 13. lege *noſtro.* Pag. 236. lin. 25.
 lege *intulerant.* Pag. 238. lin. 7. lege *malis.*
 lin. 14. lege *tempore.* & lin. 20. lege *faſtidi-*
ri. & lin. 26. lege *ferream.* Pag. 247. lin. 26.
 lege *inclusus.* Pag. 251. lin. 20. lege *Nunciis.*
 Pag. 253. lin. 6. lege *noxiave.* Pag. 254. lin. 12.
 lege *cùm.* Pag. 255. lin. 11. lege *Meditandum.*
 Pag. 257. lin. 11. lege *Senatu.* Pag. 258. lin. 13.
 lege *Ruſſiæ.* Pag. 259. lin. 7. lege *sibi.* & lin. 27.
 lege *gratia.* Pag. 261. lin. ult. lege *expectan-*
dum. Pag. 268. lin. 24. lege *Vladislaviensis.*
 Pag. 271. lin. 11. lege *Pinſcenſium.* Pag. 278.
 lin. 27. lege *& Semigalliæ.* & lin. ult. lege
Piltensis. Pag. 282. lin. 12. lege *nec.* Pag. 283.
 lin. 8. lege *tempeſtatis.* Pag. 286. lin. 21. lege
tantum. & lin. 28. lege *diſſidentium.* Pag. 287.
 lin. 25. lege *captum.* Pag. 289. lin. 15. lege *va-*
riarent. Pag. 309. lin. 6. lege *contenti.* Pag.
 311. lin. 7. lege *ſcripta.* Pag. 314. lin. 1. lege
redituum. Pag. 317. lin. ult. lege *necesſitas.*
 In Indice ſub Lit. C. Pag. alterâ lin. 20.
 lege *obtruncatur.* & lin. 21. lege 96. 120.

& lin. 24. lege *Coricin-*
ſcius,









Biblioteka Jagiellońska



stdr0013684

